





E 1, 30

S

D

JO

Ca

Pr

Ve



DIURNALE  
SACERDOT-  
TUM,


*Seu Modus*

Quo  
*DIES NATURALIS*

*à Sacerdote dignè ac meritorie  
absolvi possit.*

Studio & Opera  
*JO. MAURITII KEISER,*

DANTISCANI,  
Canonici Camenensis, Parochi Czluchovien-  
sis, olim SS. D.N. Alumni Brunsber-  
gensis.



*Promittitur famulo. su Wygren / Sylula*  
*1692*  
**DANTISCI**

Venduntur apud SIMONEM BECKENSTEIN.

---

*Anno Summi Sacerdotis DEI-HOMINIS*  
M DC LXXXI.

PE

F R


ST

R:

M

FA

JC



PERILLVSTRIBVS, ILLVSTRIBVS,  
[REVERENDISSIMO ET ADMODUM  
REVERENDIS DOMINIS.

*Per Illustri ac Reverendissimo Domino*  
FERDINANDO LUPINI, Prapósito  
Insulato, & Canonico Gnesn.

*Per Illustri ac Admodum Reverendo Domino*  
STANISLAO TREBNIC, Archidia-  
cono & Officiali, Prapósito Tucholiensi, Pro-  
tonotario Apostolico, J. U. D.

*Per Illustri ac Admodum Reverendo Domino*  
REMIGIO JEZIELSKI, Decano &  
Prapósito Choinceński.

*Per Illustri ac Admodum Reverendo Domino*  
MATTHIÆ DULCIO, Custodi &  
Decano Czluchowiński &c.

*Illustri ac Adm. Reverendo Domino*  
FAUSTINO POSTAWSKI, Decano  
Czarkowiński &c.

*Illustri ac Adm. Reverendo Domino*  
JOANNI MALACHOWSKI.

*Illustri ac Adm. Reverendo Domino*  
ALBERTO PENSKI,



*Illustri ac Adm. Reverendo Domino*  
**ADAMO LUTOWIENSI**, Proto-  
 notario Apostolico.

*Illustri ac Adm. Reverendo Domino*  
**JOANNI GORCZINSKI**, Decano  
 Zlotoviensi &c.

*Illustri ac Adm. Reverendo Domino*  
**IGNATIO JUROWICZ**, Decano  
 Kaldensi &c.

*Illustri ac Adm. Reverendo Domino*  
**MATTHIÆ GRABOWSKI**,  
 Decano Hamersteinensi &c.

**PRÆLATIS ET CANONICIS**  
**INSIGNIS ECCLESIAE COLLE-**  
**GIATÆ CAMENENSIS,**

*Dominis ac Confratribus observandisimis.*



**N**on semper quæ mini-  
 ma, eo ipso non maxima dici  
 possunt : cum & minima maxima  
 foveant, ex minimis quoque maxi-  
 ma prodire constet : imò Christia-  
 num minimè dixero, qui maxima  
 in

*Dedicatio.*

in minimis latere neget. Ipsa enim Veritas Divina in minimo syriacis grano, immensum cœlorum proponit regnum. Et Natura oculis nostris quotidie subjicit in minimo fructus grano altissimas latere arbores. Unde quidam non vanè gloriatus, altissimæ nubes tangentem Cedrum, cujus etiam quinquaginta robusti vix cingerent crassitiem, se unico totam testurum digiti articulo, maximumque se fluvium, non tantum levi pede transilire, vel etiam unica absconsurum manu cunctis mirantibus, impossibileque censentibus, unico dicto solvit paradoxum: *Ite ad principium & intelligetis mysterium.* Nec altissima Cedrus, nec immensus fluvius, aliud quàm minimum unde oriantur, prædicant principium, adeoque maxima in minimis latere, nemo sanus negare potest. *Nusquam magis mirabilis natura quàm in minimis,* ait Plinius. Quis nesciat in minimo grano pulveris nitrici tantum ignem, tantam vim delitescere; ut arces integras, & urbes quantumvis munitas evertat? Certè in minimo vis maxima. Horrenda tonitrua, trifulca fulmina, levissimæ exhalatio: totas urbes ac regiones, terræ motu, levis aër terræ visceribus eluctans suecutiet, gravissimas maris tempestates, exiguus concitabit ventus, in minimo vis maxima. Comparet in conspectu Vestro. & manibus sese offert uniuscujusque Vestrum Per Illustres, Reverendissime, Illustres, ac Admodum Reverendi Domini, libellus hic, sub titulo DIURNALE SACERDOTUM in publicum editus. Minimum quid illum dixero, quia DIURNALE, unius scilicet diei exercitium, quomodo ergo non Minimum? cum illo diademate insignitus Vates, mille annos unico comparat diei hesternæ. *Quoniam mille anni ante oculos tuos tanquam dies hesternæ quæ præterit, Ps. 89.* Si mille anni ut dies, quæ jam non est, quid dies una,



*Dedicatio.*

quid diurnale unum? Latet tamen in hoc minimo maximum. Secure afferere licet, hoc diurnale esse illum agrum, in quo ingens absconditus latet thesaurus, cui comparavit Incarnata Sapientia Regnum cœlorum. Esse laterem illum, sub quo trina Cruce insignito, nullo labore, Tiberius immensas invenit divitias. Minimum, sed simul maximum. Comprehendit enim hoc minimum, infinitæ misericordiæ Divinæ thesauros, Sacramenta, illud infiniti valoris incruentum sacrificium corporis & sanguinis Christi, imo ipsissima incomprehensibilis Sanctissima Trinitas cum Cœlitibus omnibus hoc unico clauditur **DIURNALI**; immensam demum felicissimam & optatissimam complectitur **Æternitatem**. Cui sese potius hic in minimo infinitus thesaurus præsentet? quàm Per Illustribus, Reverendissimæ, Illustribus ac Admodum Reverendis Dominationibus Vestris. Non peccarem, si Vobis adscriberem Emblema, Gallinam in vili fimeto granum aut lapillum sedulo quærentem, cum Epigraphæ: **NEC MINIMA SPERNIT**. Scilicet, ut mensis reddatur digna Potentis. Vobis hanc conformem sibi naturam indidit Deus: Nec minima spernere, *Divinum enim minima magna facere, ut ait D. Chrysost. Hom. 9. ad pop. Omnia Deus facit & satagit, ut ex minimis te coronet. Et Hom. 22. ad pop. Vilissima sine qua fiant, innotificationis mercedem non amittimus.* Minima itaque non spernenda optimè nostis, cui haud maxima perdere in votis est. Vobis quibus unaquæque dies, non tantum dies, sed & quælibet hora cordi est, utpote observantibus salutare illud monitum Salvatoris: *Vigilate, quia nescitis diem neque horam, Matth. 25.* Quorum uniuscujusque vigilantia in aver-tenda hæresi, zelus in reducendis fraude dæmonum

redu-



*Dedicatio.*

reductis animabus. Labor continuus sine tædio, in promovendo cultu Divino omnibus notus, ab ipsis etiam laudatus adversariis. Vobis itaque debetur hoc Diurnale, ut sub patrocinio PerIllustrium, Reverendisimæ, Illustrum ac Adm. Reverendarum Dominationum Vestrarum, non tantum proxima, sed & disita ac remota illuminentur Spatia, plurimique invitentur incitenturque ad laudandum, amandum, serviendum, hoc minimo vitæ curriculo, Optimo, omni amore dignissimo DEO, cui sit laus, amor, & honor ab omni creatura in æternum, & ultra.

PerIllustrium, Reverendisimæ,  
Illustrum ac Adm. Reverendarum  
Dominationum Vestrarum

*Confrater*

Joannes Mauricius Keiser.

**L**ibrum cui Titulus DIURNALE SACER-  
DOTUM &c. ab Illustri & Admodum Reverendo  
Dn. Joanne Mauritio Keiser Dantiscano, Canonico  
Camenensi, Parocho Czluchoviensi conscriptum (ex  
Commissione Per Illustris & Reverendissimi Domini  
Joachimi ab Hirtenberg Pastorii, Canonici Varmien-  
sis, Decani, Parochi ad B. M. V. & Officialis Gedanen-  
sis ac per Pomeraniam Generalis, Præpositi ad S.  
Adalbertum S. R. M. Secretarii) legi, in quo nihil aut  
Ecclesiæ Romano-Catholicæ, aut bonis moribus re-  
pugnans, continetur. Quin imo Opus hoc utilissi-  
mum Sacerdotali statui fore, censeo: utpote quod mel-  
lissimum mihi Alveare repræsentare videtur; in quod  
Autor operis tanquam Apis argumentosa melleum  
nectar & ambrosiam, quæ ex hybleis piorum Asceta-  
rum, corundemque librorum flosculis, quæ è suo in  
proprium agrum à superno Pneumate cœlitus illa-  
pso, ac derivato rore operosè collegit. Dignum pro-  
fecto ex quo omnes, quotquot sunt in Ecclesiâ ortho-  
doxâ Regali Sacerdotio ornati, cœlestem omni ter-  
renâ dulcedine sapidiorem ad animarum suarum de-  
licias sugant suavitatem, qua repleti tam ore, quam  
corde in diurnali hoc totâ die laudem dicant Magno  
Domino & laudabili nimis, gustentque indies majori  
ac majori sapore quàm suavis est Dominus his qui  
recto sunt corde. Meretur propterea, ut diem videat,  
atque in lucem publicam typis vulgatum prodeat.  
Dabam Dantisci in Residentia Parochiali B. M. Vir-  
ginis 8. Septembris A. D. 1680.

Joannes Franciscus Hackius,  
Societatis Jesu.


Appro-

*Approbatio Ordinarii.*

IMPRIMATUR.

Joachimus ab Hirtenberg Pastorius  
 Canon. Varmienf. Decanus, Patechus ad  
 B. M. V. & Officialis Gedanensis, ac per  
 Pomeraniam Generalis, Praepositus ad  
 S. Adalbertum, S. R. M. Secretarius.





## AD LECTOREM.

**B**enevole Lector; Forsitan te animus avocet ab hoc Opusculo, dum titulum præfixum habet: **DIURNALE SACERDOTUM**, quasi pro solis Sacerdotibus sit conscriptum. Verùm si revocaveris tibi in mentem verba Christi Domini ad Discipulos suos, consequenter ad Sacerdotes prolata; Vos **ESTIS LUX MUNDI**, alio imbuèris Spiritu. Si enim Sacerdotes sunt **LUX MUNDI**, ergo non solum se, sed indifferenter omnes tam spirituales quàm sæculares, tam divites quàm pauperes (suâ scilicet bonâ vitâ) illuminabunt. In hoc autem Opusculo bona vita Sacerdotis accuratè delineata, quâ pro suâ ædificatione tam spiritualis quàm secularis frui potest pro libitu; adeò ut hic libellus de se dicere possit quod *S. Paulus: Omnibus omnia factus sum.* Inveniet hic peccator Contritionem, Pœnitens modum confitendi, Comedens modum comedendi, Itinerans modum itinerandi, Communicans modum communicandi, Avarus spiritualis modum lucrandi, Moribundus seculorum comitatum in via periculosissima mortis, Ecclesiastes materiam concionandi &c. &c. &c. Præter ea quæ copiosissimè *Regale Sacerdotium* pro se inveniet.

Protestor equidem, me hoc Opusculum edendo, nolle Magistrum egere, neque enim mihi tantum attribuo, sed secundùm illud commune Theologorum

Axioma

*ad Lectorem.*

Axioma; *Omne bonum sit communicativum sui*, quid-  
quid legi, vidi, audivi, aut ultrâ ex gratiâ Divinâ occur-  
rit boni, in hoc opus contuli pro statu nostro Sacerdota-  
li qui eximius est, quia vices agit Filii Dei, qui nobis dans  
exemplam Perfectissimus & Sanctissimus fuit in mun-  
do, cui similes esse in hac vocatione secundum statum  
viæ ex officio pro posse tenemur. De nobis enim di-  
ctum; *Ego dixi; dii estis*. Dei utique est peccatori-  
bus cœlum aperire, hoc nos Sacerdotes facimus bapti-  
zando. Dei est dimittere peccata; Hoc idem facimus  
in Sacramento Pœnitentiæ. Dei est substantias  
immutare: hoc idem facimus in tremendo sacrificio.  
Quanta igitur à nobis requiritur sanctitas? *Quo non  
oportet igitur esse puriorem tali fruente sacrificio?  
quo solaris radio non splendidiorem manum carnem hanc  
dividentem? Os quod igni spirituali repletur, linguam  
qua tremendo nimis sanguine rubescit?* ait aureo ore  
D. Chrysof. hom. 60. ad Pop. Antioch. Quæcunque  
itaque promeo privato usu in Unum congefferam (uti-  
nam verò ad praxin deducam!) tanquam Bonum sui  
communicativum omnibus Confratribus Sacerdoti-  
bus, cæterisque pietati deditis Animabus sine invidiâ  
communico, ut insimul perfectè prout oportet, ut  
Theologi loquuntur, amemus, laudemus, glorificemus.  
Deum nostrum, hic in terra, & tandem Eo fruamur  
pariter beatificè in cœlo ad maiorem Magni DEI  
gloriam, Amen, Amen. Fiat, Fiat.



# DIURNALE SACERDOTUM,

*Seu*

## DIES NATURALIS

Quomodo à Sacerdotibus dignè & meritoriè possit absolvi.

**D**ogma universale est sacrae Theologiae Romanae Catholicae de necessitate mediū esse: Credere DEUM esse TRINUM & Unum: UNUM in Essentia, TRINUM in Personis. Huic veritati infallibili me conformans diem naturalem in tres dividam partes, ut sit unus dies, quia UNUS DEUS: tres partes, quia tres Personae, PATER & FILIUS & SPIRITUS SANCTUS. Haec tres partes mihi suggerit Regius Psalter: *Vespere & mane & meridie annuntiabo laudem tuam. Ps. 54.* Mane, repraesentando DEUM PATREM, tanquam principium TRINITATIS. Meridie, FILIUM DEI, tanquam mediatorem DEI & hominum. Vespere, SPIRITUM SANCTUM, clausulam quasi Divinarum Relationum, Amoremque Patris & Filii invicem. Antequam aggrediar ipsas partes diei, praecedat ut naturaliter solet, diem Aurora. Diem praecedens Aurora est quasi dispositio aliqua seu praebulum cursus Solis. Habet & haec dies spiritualis sive DIURNALE SACERDOTUM suam quoque auroram: utpote dispositionem ad S. SACERDOTIUM. Ex aurora judicatur dies, ex dispositione, cursus seu vita ulterior SACERDOTIS. Quare eandem tanquam auroram initio hujus diei praepono. Sit itaque.

PRÆ-



## PRÆAMBULUM.

**S**ultè certè ageret, qui magnum cogitaret extruere ædificium, non posito solido fundamento. Si quod magnum ædificium certè Sacerdotium, in quo tot extant mansiones, quot munia exercet Sacerdos, baptizataut absolvit Pœnitentem: En mansionem Sanctissimæ Trinitati consecrat. Ipse DEO Incarnato Hospitium sub speciebus Panis & Vini determinat, & sic de aliis. Nonne itaque solido fundamento opus. Unde tot (heu!) scandala ex Sacerdotibus? Unde tot animarum æternus interitus? Unde tot animarum neglectus? nisi quia ædificium corruiat ex defectu solidi fundamenti. Qui itaque cupit Bonus Sacerdos, Verus Vicarius Christi, fructuosus Lucrator animarum esse: Hæc quæ sequuntur, observet.

### Præparatio Remota ad Sacerdotium.

**C**Ave ne eligas statum Sacerdotii ob proventus pingues, vel spe dignitatum & honorum futurorum: non enim hic est finis Sacerdotii.

2. Sæpe tibi proponas dignitatem Sacerdotii; quæ in hoc consistit; ut sis Vicarius Christi, ut sis Cooperarius Filii Dei, in quærendis animabus & illis lucrandis, & inde nascetur sitis lucrandi animas exemplo Christi Jesu, hicque est finis Sacerdotii.

3. Aliquot mensibus in hunc finem semel saltem quâli-

quâlibet hebdomadâ absolvas communionem: sic fecit S. P. Ignatius de Lojola, Societatis JESU Fundator.

4. Cùm statui sacerdotali annexum sit votum Castitatis, probet seipsum homo, an possit servare illud accuratè, ne postea doleat, dum resilire non licet; sin fecus, alium eligat statum secundum illud tritum: Lepiey bydz prostem chlopem, a nizelizlym Popem.

5. Cùm autem quilibet homo ex carne & spiritu constet, consequenter impugnetur non tantum ab externis, sed etiam ab hoste domestico, carne: tam per Characterem Sacerdotii, quàm per præviam dispositionem proximam, datur à Deo gratia, non tantum evadendi insidias carnis, sed etiam aliorum hostium spiritualium, ut mox videbimus ex privilegiis quæ conceduntur bene sese disponentibus ad Sacerdotium. Quæ accuratissimè, ut etiam dispositionem proximam R. P. Nicolaus Lancicius in Opusculo suo de officiis Sacerdotis lib. I. c. I. de Sacerdotio præscribit, quæ hic fideliter ponam.

### Dispositio proxima ad Sacerdotium.

**S**Uscipturus itaque PRESBYTERATUM, primo per exercitia spiritualia piarum meditationum, & confessionis non pauciorum quàm decem dierum se disponat, illaque cum fervore & assidua quantum fieri poterit, actuum intensissimorum frequentatione peragat, ut lucretur Indulgentiam plenariam à Paulo V. concessam iis, qui per decem dies ad exercitia secefferint, saltem duabus horis, quovis die vacando rerum Divinarum considerationi, tum ut ita cum majori puritate accedat ad Sacerdotalem Characterem suscipiendum, & primam Deo Hostiam in sacro altari offerendam,

tum

tum maximè , ut plures ac majores ac efficaciores gratias sacramentales Sacramenti Ordinis mereatur à Domino consequi, & eas suis operibus obtinere ad munia Sacerdotalia cum magno fructu obeunda ad propriam & aliorum utilitatem.

Actus verò tempore Exercitiorum supernaturales intensissimi exercendi, Contritionis, Humilitatis, Patientiæ, Dilectionis inimicorum, seu adversariorum, Resignationis, Obedientiæ, Amoris erga Deum, Devotionisque qui sint intensissimi & frequentissimi, & summo animi conatu, applicatione, ac fervore quodammodo Seraphico; purè propter majorem Dei gustum & consolationem peragantur. Præter hos actus purget quoque animam exactissima Confessione seu generali, si eam antea non fecit, live alia æquivalenti modo quo illam faceret, si ei jamjam moriendum esset, ita ut nihil prorsus relinquat in conscientia quamvis tenuissimum, & quod minimam umbram aut peccati speciem redolet, quod accuratissima & sincerissima confessione non expiet, ut hac ratione instar nitidissimi & purissimi adamantis corpus & animam exhibeat Divinæ Majestati ad suscipiendum tam mirum ac sanctæ Ecclesiæ aded accessorium ac utilem sacerdotalem Characterem. Insuper tempore Exercitiorum per pias Meditationes quæ solent fieri, conetur excitare se ad vitam deinceps melius & sanctius instituendam, & usq; ad mortem continuandam, ut planè mutetur in alium & prorsus divinus homo evadat, & ex Exercitiis discedat plenus Deo. Vide fusiùs hæc in Tomo secundo Patris Lancicii loco supra citato. Porro gratiæ sacramentales cum magna præparatione & fervore spiritus susipientibus Sacramentum Ordinis, præsertim Sacerdotium, hæc à Deo solent concedi ordinariè plus vel minus pro quantitate dispositionis præmissæ susceptioni,

ptioni, ut ait *Lugo d. 4. de Sacramento, lib. 3. num. 19.*  
 1. Magna D. votio etiam sensibilis in recitandis horis  
 Canonicis & sacrificio Missæ offerendo. 2. Magnum  
 & practicum lumen ad discernenda peccata in audien-  
 dis aliorum confessionibus. 3. Accursus pœnitentium  
 conscientias vel sacrilegis confessionibus, vel male-  
 factis vel aliis peccatis intricatas habentium ad peten-  
 dum auxilium in confessione illudque ea iterata inven-  
 tum. 4. Gr̃a extrahendi pœnitescentes è misero pec-  
 cati statu. 5. Notabilis provectus in virtutibus confi-  
 tentium talibus sacerdotibus vel conversantium cum  
 illis. 6. Agnitio peccatorum multorum antea non  
 dictorum in confessione vel ex oblivione aut ignoran-  
 tia, vel ex inconsiderantia & negligentia. Unde moven-  
 tur ad confessiones bonas coram talibus Sacerdotibus  
 faciendas. 7. Quies conscientie antea non habita,  
 collata confidentibus coram talibus Sacerdotibus.

Solet enim Divina benignitas extraordinarias gra-  
 tias intuitu Sacramenti ordinis extraordinaria prapa-  
 ratione & fervore suscepti conferre, iis, qui eo, ut di-  
 ctum est, modo Sacerdotium susceperunt, ut sunt: Per  
 insperata nec expetita, sed repentina lumina in oratio-  
 ne, vel horas dicendo, vel Missam celebrando, vel utro-  
 bique cognoscunt res occultas, futuras, & alias ad se vel  
 ad alios eis confidentes spectantes necessarias & utiles.  
 Eodem quoque modo clarè cognoscere solent vel pec-  
 cata occulta suorum pœnitentium, ab illis nunquam  
 dicta in confessione, vel alias res eorum secretissimas  
 nulli hominum notas, quæ ab illis factæ sunt. Itidem  
 semper ferventissimè dicunt Missam & horas Canonicas  
 quovis tempore, etiam post somnum immediatè, & post  
 occupationes valde distractivas, dum tunc coguntur  
 facere ob defectum temporis. Bona enim Theolo-  
 gia docet, quod Deus non permittat se vinci ab homi-  
 nibus



nibus ejus gratiæ cooperantibus, sed eas sua libertate vincit. Sic sanctus Chrysostomus hom. 20. ad pop. *Petitiones nostras semper multo excessu superat.* Plura vide apud Patrem Lancicium, ubi supr.

## PARS I.

**D**IXI DEUM Patrem esse Principium Trinitatis, aptissimè igitur illi offertur principium diei, sicut enim à prima persona proveniunt aliæ duæ, sic à principio diei proveniunt aliæ duæ partes, Meridies scil. & Vesper cum Nocte.

### CAPUT I.

#### *Modus surgendi ex virtute humilitatis.*

**N**OTUM omnibus; Humilitatem esse fundamentum omnium Virtutum, omnis devotionis, & sanctitatis. Itaque ut humilitatem quasi fundamentum totius diei ponas, persuade tibi, sic te à somno in vigiliam expergisci, sicut quando ex nihilo tui esse in rerum naturam per Dei creatricem potentiam emerfisti.

Ita igitur plenè ac omnimodè te in manus & potentiam seu voluntatem Dei pone, & in eum te statum tui redige quolibet primo evigilationis tuæ momento vel tempore, quam plenè ac omnimodè subjacuisti Dei potentiæ, & in quo statu respectu Dei fuisti in primo existentie tuæ instanti. Cogita in quovis primo puncto evigilationis ac surrectionis tuæ sic te tibi

tibi à Deo cum omnibus tibi adjunctis requisitisque veluti de novo dari & donari, quomodo idem tibi tu ab eodem Deo cum omnibus adesse, & vivere, & operari requisitis datus & donatus es, in prima tui Conditione atque creatione; perinde enim hoc, imò quovis vitæ tuæ momento, nihil ad tuum esse de tuo confers, sed totum à Deo accipere indiges, atque in primo existentiae tuæ puncto indignisti, concessitque tibi, & quidem ad hoc, ut Deum ames ex toto corde laudes & illi fideliter servias. Tota igitur Mendicantis nihilique tui abyssò mendica supplex à Deo totum te, usum tui, usum omnium potentiarum, usum omnium creaturarum, tibi in sequenti vita necessarium, ad amandum, laudandumque Deum tuum, & ad promptiùs ei serviendum. Porrige hunc usum omnem ad purum, putum gustum, maximamque gloriam Dei & dulcissimam voluntatem ejus.

*Alius modus p.m. Reverendi Patris Gasparis  
Druzbecki Poloni, Societ. IESV.*

*ex M. S.*

**M**ANè evigilans, & à lecto ad signum Campanæ aut horologii tanquam ad vocem Domini tui [ex virtute obedientiæ] profiliens, salutabis pronus Angelum tutelarem tuum, & Angelum tutelarem contubernalis tui, omnesque Angelos Custodes personarum, & totius domus, in qua cubasti. Humiles eorum charitati gratias agens, quòd te naturâ inferiorem vermiculum nocte abeunte custodierint, & à visibilibus invisibilibusque malis clementer defenderint. Dices: *Angele Dei qui custos es mei &c.* Salutabis & Angelos præsides totius in qua habitas Civitatis, & Tute-

Tutelares omnium personarum illius tum custodes totius Regni, Christianitatis totius universi præsertim eos qui sunt motores Solis, Lunæ, syderum, omniumque cælorum tibi & fratribus tuis hominibus servientium, cæterosque omnes Deo in altissimis præsentés, & voce incessabili concinentes, quasi Aulicos Altissimi, antequam te ad ejus conspectum sis, & petes ab eis, ut tuæ parvitatís memores esse dignentur, & in hora mortis pauperem tuam animam ab incurfu maligni & omni adversitate tueantur.

Salutabis deinde omnes Sanctos, quorum penes te habes reliquias, supplici & reverenti mentis prostratione, ad eorum in gloria Thronos tanquam rogator miser & egens accumbes.

Tum Sanctos quos peculiariter colendos in Patronos Patronasque assumpsisti. Deinde Sanctorum quorum eo die in Martyrologio memoriam habet Ecclesia. Demum omnes alios felices Hierusalem Cives & indigenas, petens humiliter ut tibi exuli gratiam, in eaque perseverentiam apud Patrem Misericordiarum impetrare dignentur, quâ adjutus eadem cum illis aliquando donari Civitate merearis. Et in diebus peregrinationis tuæ tibi in omnibus animæ corporisque necessitatibus misericorditer adesse velint, præsertim verò in hora mortis & adventus magni Dei. Tandem ante pedes Magnæ Cæli terrarumque Reginæ Matris DEI MARIÆ provolutus, omniumque servorum illius obsequiis eam venerari & salutare desiderans, cum eo si possibile esset affectu, quem Filius ipse CHRISTUS JESUS in illam habuit, supplex mente obsecrabis, per illa potissimum gaudia, quæ de manè lactans, pannis involvens, suavissimeque deosculans, DEUM hominem & velut pretiosissimum sui pectoris monile in ulnis gestans sentiebat, Ut Domina



hæc Pientissima tui indignissimi mancipii, & Creaturæ DEI, memor esse dignetur ac profectum quam maximum in spiritu, passionibusque extinguendis, in similitudine JESU CHRISTI, in gratia Dei incrementum, ad laudem, gloriam & gustum Altissimi suæque Majestatis misericorditer impetret, te toto sequenti die ab universis Nequissimi impressionibus, impuris phantasmatis, & obscenis suggestionibus clementer protegat, & in hora mortis contra aëreas potestates miseræ animæ tuæ opituletur, ut per totam æternitatem magnificare magnaia ejus quæ tibi ingratisimo mortalium contulit, coram tota curia cœlesti possis. Demum omnes SS. Angelos, omnes Beatorum mentes ipsamque cœli Matrem familias, & Dominam tuam clementissimam MARIAM rogabis enixè, ut te Sacratissimæ Trinitati, Patri & Filio & Spiritui S. Domino DEO Sabaoth terribili & forti, justo & misericordi, admirabili, laudabili, amabili, qui solus sufficientissimus habitat æternitatem antiquam & lucem inaccessibilem præsentare velint.

Quos Ductores secutus ad ostium cœlestis Jerusalem animo provolutus, supplex Regem & Deum tuum, tres Personas, unam & indivisam Essentiam, humillimè, & cum eo quo poteris ardentissimo pientissimoque affectu adorabis, humillimas pro universis Divinæ Majestatis ejus beneficiis persolvens gratias, & omni qua poteris ratione supereminentissimam Divinitatem, Sapientiam, Potentiam, Bonitatem & omnia divina attributa illius magnificans, adorans, appretians, amans, eandem ipsam Divinisissimam TRIADEM, ut se pro dignitate magnificet, appretiet, amet, humiliter ardentemque deprecando. Tum mancipium te esse Majestatis illius, & quidem omnino  
volun-

voluntarium recognoscas, ac sanctissimæ, æquisimæque ejus voluntati ultroneè despondebis: protestans omnium rugientium affectu præcordiorum, quod si per impossibile tuus, & à te esses, illi te plenissimè donares, submitteres, devoveres: imò si certò scires te per manum consilii tui parem Christo gloriam & bonitatem obtinere, & super omnia creata Dominium consequi posse, (malles æternæ damnationis periculo exponi, quàm cum intuitu tantummodo actus, qui tanquam tuus, salutem tibi æternam conciliaret absque Divina gratia, statim esse beatus) Per subjectionem verò ad voluntatem Omnipotentis, salutem tuam dubiam (ut nunc viatorum est) futuram, imò propè (ut obduratorum) desperatam, nihilominus præcligeres cum aliquali ex te gloria Majestatis Domini Dei, illi totaliter subjici, & ex ejus clementissimo nutu pendere, quodque vel ad momentum servus illius fueris in æternum gloriari, quàm à te, pro te, & in te, cœlo ejusque omnibus deliciis & dominatu infallibiliter potiri (si in aliqua creatura aliquid bonitatis ab ipsa, & non à Deo profectæ invenires, ut eidem auferres & Deo universorum Domino attribueres) Postea actum ferventissimæ charitatis elicere conaberis, appetiando cordialiter summum & superexcedens omne possibile bonum, Bonum Divini esse, collectionem ac congregationem completissimæ & perfectissimæ bonitatis, supra omne aliud bonum, quod ipsa non est. Et inflammantissimo eligendo desiderio, purè propter illam ipsam, omnium præteritorum, præsentium, futurorum, possibilemque bonorum, imo & tui ipsius omnem jacturam facere, ita ut si, & cœlo privari, & infinitis aucta inferorum tormenta, infinitis ipse in existentia replicatus subire, & per æternitatem sustinere, ac nescio quibus tormentorum generibus

cruciari, necari, annihilari deberes : hæc libenter males, quam à tanta bonitate, quanta DEUS est, vel ad momentum separari, idque non propter aliquod tuum interesse, non propter cælum, aut aliquod extra illud, sed purè propter illum ipsum, quatenus in se talis, tam bonus, quia ipsa summa & infinita bonitas est. Adeo ut si per impossibile nullum unquam Bonitatis suæ particulam à te indignissimo participari sivisset, nec te redamare, nec sibi in te complacere dignaretur, sed velut canem mortuum (uti revera es) velut apostema purulentum, & generis humani opprobrium detestaretur, nihilominus ardentissime concupisceres ita illum amare, ita omni alteri bono (esto in te munificentissimum tuique amantissimum esset) præponere: ita toto ex corde, ex tota mente, ex omnibus præcordiis tuis diligere, sicut illum amant, diligunt, omni bono præponunt, sicut amare, diligere, & præponere debent, sicut amabunt, diligunt, appetiabant, per totam æternitatem, omnes sancti Angeli, omnes sancti Cœlites, omnes prædestinati, sicut omnes possibiles creaturæ si essent, amarent, appetiarent, diligerent. Sicut ipsa Virgo Sacratissima & Christus Jesus Dominus meus amat, appetiat, præponit. Demum sicut se ipsissima Divinissima Trinitas amat, appetiat, præponit. Et cum huc pertingere nequeas, roga amabilissimum Dominum tuum, ut sui purissimo & dignissimo amore suppleat defectum amoris tui, qui eum minùs diligis quàm debeas, quàm possis, quàm velis, quàm ipse dignus sit. Roga & universas ab omni concretionc & contrarietate depuratas Angelorum Sanctorumque mentes. Dolebis hic unicè quod peccatores, præciti, condemnati, non diligant & diligere nolint, summam illam Bonitatem ardentè concupiscens, ut tuus suppleat minutus amor,  
odia



odia & defectus illorum, omnibusque peccatoribus hujusque potissimum quam inhabitas civitatis, omnibus Ethnicis, Hæreticis, Schismaticis, Judæis veram resipiscenciam, & Seraphicam tanti boni dilectionem obtineat. Desiderabis insuper, ut parvula dilectio tua suppleat eum amoris defectum, quo Deum suum universæ irrationales creaturæ, quæ sunt, eumque possunt & deberent diligere. Sed à natura impeditæ non possunt, ut vel sic compleatur aliquantulum, saltem extensiva dilectio ab omni creatura, dilectissimo Domino tuo debita, præsertim cum plurimæ ex irrationalibus creaturæ, jussu illius tibi famulentur, æquum pariter est, ut ipsum, loco illarum, ames & laudes, nunc & per totam æternitatem. Sequatur amara præteritorum detestatio peccatorum, quæ diviserunt inter te & Deum, Dominum, summum bonum, quibus summam illam bonitatem, Diabolicus Carnifex in temetipso crucifixisti. Et efficax emendationis propositum, in quo protestaberis, quòd si nulli unquam omnino creaturæ tuum innotesceret peccatum, sed soli tantum Deo Domino tuo, cujus inimicum te constitueret. Et si cum peccato dotis loco omnis possibilis seculi hujus, major Salomonica, & nescio quæ imaginabilis felicitas in hac tibi vita offerretur, in hora etiam mortis tanta certissimè promitteretur pœnitentia, per quem locum inter Seraphinos merereris, nolles omninò peccare, ejurare Diabolum, & vel ad momentum mancipatum illius, propter solum Divinæ bonitatis amorem, quàm in se bona, imò libenti præligeres voluntate infernum & omnium Dæmonum ac Damnatorum etiam possibilem cruciatus cum Deo tuo & gratia illius, quàm cælum cum omni sua amœnitate, jucunditate, deliciis, divitiisque sine illo & ejus divinissima Amicitia. Elicies præterea actum Humilitatis & Annihilationis tui recognoscens coram

infinita Majestate Creatoris tui, quòd sine illo miser, pauper, cæcus, nudus, imbellis, nihil sis. Quòd ex natura abyssus nihili & tenebrosa sis, terra misera sis genitus, per immunditiam, vivens in miseria, moriturus in angustia, cujus dies sicut umbra prætereunt, cujus vita sicut umbra lunatica evanescit, sicut flos in arbore crescit, statim marcescit, nunc floret & statim marcet. Quòd propter peccata & bestiales quibus manciparis appetitus facilius sis vas aptum in contumeliam, vas sterquilini, concha putredinis, plenus foetore & horrore, & iterum in illiesque nihil, toties scilicet, quoties ab illo per quem omnia facta sunt, qui omne esse & omne bonum est, te per peccatum impiissimè separasti; Et tamen super hujusmodi terræ propudium, dignatur illa Majestas aperire oculos suos, gratiis dilatare, ornare talentis, alere, curare, rem velut pretiosissimam & carissimam, idque posthabitis tot Ethnicis, Judæis, Hæreticis, Schismaticis, aliisque propè infinitis qui per voluntariam & magis gratam, diligentemque cooperationem cum iisdem quibus tu non cares adjumentis facti mundiora vasa in contumeliam. Gratias igitur agas pro tanta dignatione munificentissimo Domino tuo. Petes ardentè, medullitusque concupisces, ut tam locupletes gratias quas in te liberalissimè erogavit, vacuas esse, & velut talentum servi illius negligentis in animo sepeliri tuo non patiarur. Et profitearis resolute quòd libentissimè omnibus donis à Divina Majestate tibi misericorditer collatis, spoliari, nudarique præligeres. esto cum ignominia, confusione, & omni abjectione vilitatis tuæ, quæ eis vel ad minimam optimi Dei tui offensam aliquando uti, si tamen his usurum te ad honorem ipse, qui omnia videt, prævidet, & gloriam nominis sui benedicti. Ora suppliciter per merita S. N. ut non deficiat misericordia ejus, & te in id quod ipse vult & sanctissima Mater Eccle-

sia

sia expectat instrumentum per te licet & ex te ineptissimo aptare dignetur. Declarabis etiam desiderium tuum honorabilissimæ Majestatis Domini tui, omni modo, viâ, & ratione honorandæ, propter cujus gloriam & honorem & colliquari, & guttatim interire, & omnes tyrannicas AntiChristi Diabolorumque perlecutiones cum gratia illius subire velles, si voluntas gratiaque ipsius suffragaretur. Et propter cujus amplificandam notitiam amoremque ad Turcas, Tartaros, Indos, & nescio quo nudus pedesque alacriter ires, si te eo ire mittereque dignaretur, suamque tibi voluntatem declararet. Et ut saltem ubi & quomodo poteris melius Domino Deo tuo servire, ejusque Ecclesiæ, ad eam te intentionem omnem studiorum præcipuè tuorum laborem ferventer, diligenterque subiturum profiteberis. Per intentionem quoque, velut Evangelica mulier, duo minuta, aut ille pauper pugillum aquæ turbidæ offeres Domino Deo tuo, omnes omninò actiones, quas toto die consequenti & tota deinceps vita, ac per totam æternitatem, sive compositus, sive divisus in sepulchro, & ubi Deus volet exerciturus es, sive illæ supernaturales, sive necessariæ, sive liberæ, sive naturales vegetantis & sensitivæ animæ, sive spirituales & rationalis portionis fuerint, protestans quòd hisce omnibus nihil omnino præter Deum Dominum tuum quærere, laudare, & magnificare velis, velleque velis & dignificans universas in pretioso sanguine unigeniti Filii Dei Salvatoris tui, conjungensque ipsas velut guttam salis & impuræ aquæ, cum omnibus omnium Sanctorum Deo in antiqua placitis æternitate actionibus, sive quas jam exercitas in odorem suavitatis admisit, sive quas ex hoc præter æternitatem exercendas admittere dignabitur, humiliter obsecrans, ut vel sic inter gemmas pretiososque uniones Christi Domini tui, sacratissimæ Virginis Ma-



tris Tuæ, & omnium S. Patriarcharum, Prophetarum, Apostolorum, Martyrum, Confessorum, Virginum tuum saltem eo modo coloratum lutum admittatur, & impetres satisfaciasque pro iis, quæ pro tempore impetranda, & pro quibus satisfaciendum videbitur. Extendes autem hanc intentionem tuam offerendo ex parte tua omnes omnium absolutè hominum, imo & Diabolorum damnatorumque in quantum sunt Entia, actiones, quas ipsi vel ex inadvertentia, vel ex ignorantia, vel ex negligentia, vel ex malitia, non offerunt, præsertim verò eorum, qui tecum in aliqua sunt communitate, ac proinde in quorum actiones & merita jus aliquale, tanquam compars ipsorum habes, ex tota mente concupiscens, ut in omnibus Divina Majestas & Bonitas saltem universaliter ad eas concurrens laudetur, magnificetur, superextollatur & superbenedicatur. Hac eadem ratione animabis omnes omnium Creaturarum irrationalium, sive tantùm vegetentur, sive etiam sentiant, motus: sive tantùm (ut corpora inanimata) quiescant, sive violenter moveantur &c. Cum iis verò, qui suas actiones Deo Domino suo, melius, ferventius, diligentius, quàm tu miser peccator, consecrant & devovent: Pete humiliter, ut partem habere merearis, & vel propter earum charitatem tepor tuus non rejiciatur, credens firmiter, & animo confitens Communionem Sanctorum & dicens cum Psalm. 118. *Particeps ego sum omnium timentium te Domine, Deus meus.* Intentionem excipiat iterata sanctissimæ Matris, Dominiæque tuæ clementissimæ (cui sanguinem dilectissimi Filii ipsius tibi cum Characterè Baptismali misericorditer applicatum. Suppellex ostendes, orans, ut vel tam pretioso liquore characterisati mancipii clementer misereri dignetur) Sancti Joseph sanctissimi Sponti illius, Sanctorum Joachim & Annæ DD. Zachariæ & Elisabethæ,  
 Paren-

Parentum, primi illius adhuc materno in utero clientuli  
S. Joannis Baptistæ, S. Angeli tutelariorum, omnium sanctis-  
simorum Patronorum Patronarumque tuarum, ac cæ-  
terorum omnium Cœlitum Principes, cum sua Impera-  
trice Augustissima tibi sanctis precibus nunc & in ho-  
ra mortis adesse & opitulari dignentur, illudque quod  
hac die impetrare à Deo bonorum omnium optimo  
largitore intendis, suis intercessionibus consequantur.  
Tandem prosternens te ante Thronum Sanctissimæ  
Trinitatis in præsentia Serenissimæ Reginæ & Matris  
tuæ Mariæ, in conspectu omnium Angelorum Sancto-  
rumque univerforum, simultaneas deposcens preces,  
per eam quam super te Dominus signavit signaturam  
vultus sui, per illos purpureos, quibus te Salvator tuus  
propriis in manibus descripsit Characteres; per illum  
pretiosum unigeniti Filii Dei sanguinem; qui pecca-  
trici animæ tuæ in Baptismo misericorditer applicatus  
est, quo toties in sanctissima EUCHARISTIA potus ci-  
batusque liberaliter es: Viscera Divinæ obtestabere  
misericordiæ, ut te opus manuum suarum, licet per pro-  
pria scelera immundissimum & ingratisimum, nunc  
potius in hoc ipso momento, in profundissimum Luci-  
peri, aut Judæ locum æternum ustulandum ignibus de-  
turbet: Nunc potius quidquid furoris & pœnarum  
Divina illius novit & potest Justitia, in te experiatur,  
quàm aliquando ob præterita crimina contaminatissi-  
mam animam tuam vel tenuissimo aut levissimo volun-  
tariè perpetrato obstringi scelere, & à se Patre semper  
optimo ad filios Diaboli proditoriè transire permittat,  
dicens & clamans rugientium affectu præcordiorum:  
Malo Domine interitum & omne possibile malum  
meum, quàm vel minimam Tuæ semper optimæ boni-  
tatis offensam. Tum paternam benedictionem à Deo  
Patre Ingenito, Deo Filio Unigenito, Deo Spiritu  
Sancto

Sancto Paracleto, semper sancta & individua Trinitate humillimè postulabis, quo & sequentem diem & totum consequentis vitæ tempus, sine ulla prorsus offensa, Divinæ illius bonitatis possis decurrere, & quàm plurima ad gustum & palatum sanctissimæ illius voluntatis operari, & constanter humiliterque in bono perseverando, quàm maximum gratiæ illius augmentum obtinere, Amen.

*Alius modus.*

**Q**Uam primum evigilaveris, erumpe in hæc dulcia verba, JESUS MARIA JOSEPH, mei dulcissimi amores. Percute pectus tuum tanquam peccator cum Publicano, contrito corde dic: DEUS, propitius esto mihi peccatori, volo surgere ad majorem tui gloriam, **O** Deus meus, ex virtute Obedientiæ ad sonitum hujus horæ vel signi, vel &c. sine ulla turpi denudatione quantum possibile est. Mox te prorumpe ex lecto, profunde cum humilitate summa & amore intenso, versus VENERABILE SACRAMENTUM te prosterne in terram, dicens: LAUDETUR SANCTISSIMUM SACRAMENTUM. Adde: Sancti Angeli Custodes nostri defendite nos (id est, me & oviculas meas omnesque habitantes mecum, tam in domo quàm civitate, aut pago) in prælio ne pereamus in tremendo judicio, & hodierna die ab omni peccato, à periculis animæ & corporis custodite. Perge ad aquam benedictam, (quam semper habeas in cubiculo tuo) & per modum sanctæ Crucis asperge cubiculum tuum, dicendo: BENEDICTIO PATRIS † & FILII † & SPIRITUS SANCTI † sit & maneat nobiscum Amen. Si habes imagines & reliquias Sanctorum in cubiculo tuo, (quod consulum) adde. Omnes Sancti & Sanctæ DEI, quorum reliquæ & imagines hic sunt in hoc cubiculo, orate pro nobis, & adjuvate nos, ne hodierna die offendamus DEUM nostrum.



strum. Inter induendū, ut te provoces ad amorem Dei, revoca tibi, quot hac nocte forte meliores te ex iusto decreto Divino mortui sunt, & ad infernum perrexerunt; Te verò Deus adhuc conservavit & concessit hanc diem, in qua de peccatis tuis poenitere possis, & quàm plurima mereri. (Non enim datur ullum momentum, in quo non plurimùm mereri possis cum gratia Divina, dummodo velis.)

Dum tunicam Clericalem aut Religiosam induis ad exemplum Joannis Berchmans Soc. Jesu, osculare illam, hoc agno approbando te consentire vocationi Divinæ, quæ te ad hunc statum vocavit, gratias age, & pete tibi virtutes necessarias, ac perseverantiam. Sic vel simili modo; Benedictus sit Deus Pater, qui me ad hunc statum vocavit. Benedictus sit Dei Filius, qui me hac veste vestivit. Benedictus sit Spiritus sanctus, qui mihi hunc statum inspiravit. Benedicta sit dulcissima Mater, quæ mihi hunc statum impetravit, impetra mihi ô misericordissima Mater Perseverantiam & virtutes statui meo competentes. O dulcissime Deus, qui omnia vestis ad contentandum gustum tuum divinum, orna me meritis ac virtutibus pretiosissimæ Parentis & Sanctorum ac Electorum tuorum.

Ad majus meritum potes etiam disponere diei opera. S. Michaël Archangele. S. Angele custos, vobis destino omnes actus amoris Dei, ut offeratis cum Amore vestro, quo vos Deum amatis ad majorem Dei gloriam. O S. Gabriel, tibi destino omnes salutationes Angelicas, à me hodie dicendas, ut offeras SS. Trinitati, ad majorem Dei gloriam & honorem beatissimæ Virginis, cum salutatione tua, quàm primo fecisti in Incarnatione. Tibi S. Jacobe, destino omnem genuflexionem hodiernam, ut offeras Domino Deo, cum genuflexionibus tuis quas fecisti. S. Gregori, tibi destino omnes

Elee;

Eleemosynas hodie faciendas, ut offeras illas Domino Deo ad maiorem gloriam, cum Eleemosynis à te aliquando factis. SS. Doctores, vobis destino omnia studia mea, ut offeratis illa Domino Deo, ad maiorem ejus gloriam, in unione studiorum vestrorum. SS. Patroni agonis mei, vos invito ad agonem meum, ut feliciter vestro patrocinio evadam.

Indutus jam flecte genua ante imaginē Crucifixi, vel alterius Sancti effigiem, dic: Mi Deus, pro peccatis meis, & in gratiarum actionem, quod me hac nocte custodieris à subitanea & improvisa morte, offero tibi omnes anhelitus meos, omnia suspiria mea, omnes actiones, passionēs, & devotiones meas hujus diei, omnes persecutiones, oblocutiones, diffamationes meas, quas sciens vel ignorans hodie patiar, offero pro peccatis meis, omnes honores meos, omnem laudem mihi dandam, sive scienti sive ignoranti, offero tibi ad maiorem Tui gloriam, in recompensationem illius honoris, quem tibi per peccata mea derogavi. Conjungo hanc oblationem cum oblationibus omnium Sanctorum tuorum, quicunque manent ad Orientem, (osculare terram versus Orientem in honorem illorum Sanctorum) ad Meridiē, (osculare terram versus Meridiem.) Ad Occidentem, (osculare terram versus Occidentem.) Ad Septentrionē, (osculare terram versus Septentrionem.) Tibi, Jesu mi trado hanc oblationem, ut illam offeras per manus tuas, per vulnera tua, per sanguinem, cum sanguine, in sanguine tuo, dulcissimo Patri Tuo, & Sanctissimæ Trinitati, ad maximam ipsius gloriam & honorem. Si est dies Jejunii, potes addere: Hodiernum Jejunium servare volo, tanquam Filius obediens Ecclesiæ sanctæ Romanæ, ad ipsius intentionem, ad maximam tuam gloriam, & optimum gustum tuum.

Ut autem promptius surgas, cogita hunc diem tibi datum,

datum, ultimum fortè, ut disponas de anima tua, & illi quàm copiosissimè provideas. Itaque non diu stertendum, sed quantocius promptissimè surgendum, quod procul dubio faceres, si haberes revelationem te hac die debere mori.

Alium adhuc modum vide in bona die ac bona nocte à me edita.

## CAPUT II.

### *Modus visitandi venerabile Sacramentum.*

#### *Manè.*

**A**Mans amatum prima luce visitare solet. Quis noster amor & amatus? nisi ille, qui totus amor factus in Venerabili pro nobis, ad illum itaque festinandum, vel maximè, cum in illo habeamus omnia quibuscunque indigemus. Pauper divitias, Afflictus solatium, Desolatus subsidium, Peccator veniam, Justus augmentum gratiæ &c. Meritò ad tam inexhaustum thesaurum festinandum. Quomodo autem? Sic;

#### *§. I.*

### *Oblatio Gressuum ad visitandum.*

**C**Um itaque te præparas ad visitandum Amorem tuum in Venerabili existentem, sic offer iter & gressus tuos: O Virgo Dulcissima, dignare hos gressus meos offerre Dulcissimo Filio tuo, ut offerat Dulcissimo Patri tuo, in unione gressuum suorum, quos fecit ad montem Oliveti, dum Patrem suum oraret pro nobis miseris peccatoribus. O Jesu dulcissime, dignare hos gressus meos offerre dulcissimo PATRI TUO, in unione illorum gressuum, quos fecisti ad montem Oliveti, dum Patrem tuum orares pro nobis. O Pater amantissime, dignare hos gressus meos suscipere, in Unione illorum gressuum, quos Jesus dulcissimus Filius

Tuus



Tuus tibi obtulit, dum pergeret ad montem Oliveti, dum Te Patrem oraret pro nobis miseris peccatoribus; offero tibi hos gressus meos, per sanguinem, cum sanguine, in sanguine, Dilectissimi Filii. In amore, per amorem, cum amore Spiritus sancti, millies, millies, multiplicatis gressibus & actibus, ad meliorem, optimum, purissimum gustum tuum. Omnes SS. Angeli Custodes omnium Sanctorum, quorumcunque reliquæ sunt apud me, & omnium Domesticorum meorum, & omnium qui sunt domi meæ, omniumque quicumque mihi obviam venturi. Venite mecum & laudate Dominum mecum in Venerabili SACRAMENTO existentem, ut me & N. N. propitius visitet in ultimo agone vitæ meæ.

## §. II.

*Ipsū iter.*

**I**N ipso itinere cogites amorem tuum JESUM sponsum animæ tuæ, te expectare in VENERABILI SACRAMENTO, ut tibi impertiat benedictionem suam, & te amanter amplectatur, quare cum summo æstu amoris & anhelatione hoc iter absolve, cupiens amplecti amorem Tuum JESUM, & amorem tuum erga ipsum monstrare.

## §. III.

*Ipsa visitatio.*

**C**UM perveneris ad Templum, pronus in terram Cante VENERABILE procumbas, lambens quasi pedes Amoris, & Benefactoris, atque DEI tui, dicens cum summa devotione quinquies: Laudetur Sanctissimum Sacramentum, ut lucreris indulgentias. CUM vero ibi sit secundum partes primigenias caro & sanguis Beatissimæ Virginis, SS. Parentis, eidem te quoq; offer, cultu hyperdulæ eam honorans in ter-

ram, illâ vulgari fodalitatum oblatione: *Sanctissima Virgo Dei Mater ego NN. eligo te hodie coram Angelo meo Custode &c. &c.* Mox adde ad D. JESUM. Hac genuflexione adoratoria, laudo, benedico, adoro te, omni possibili affectu quo omnes creaturæ te laudant, benedicunt, & adorant, quo te laudare benedicere & adorare deberent, & laudabunt benedicent ac adorabunt in omnem æternitatem. O Pater amantissime, offero tibi & volo tibi omnes actus, quos dilectissimus Filius Tuus, Tibi in hoc Sanctissimo Sacramento offert gratissimos. Totum Tibi Domine cor meum offero, ut illud purifices, renoves, sanctifices, ut illud emollias quasi ceram, & in eo amorem tuum sculpas, & in eo ponas te quasi signaculum, ut nulla cogitatio indecens ad illud ingredi possit. Benedic Domine omnibus cogitationibus, verbis, actionibus meis, & unire digneris cum omnibus cogitationibus, verbis, actionibus, quas Tibi Benedictus Filius Tuus obtulit, ut sint in odorem suavitatis.

### *Festinatio.*

**E**Xpectantem te, & tædio præ tui absentia affectum JESUM anima mea cogites: quare anhele cor de ad eum accurras dicens: Ecce venio Dulcissime Amor mi JESU, ecce venio, & ad te anhelosissimo affectu accuro, sicut molaris ad centrum, sicut oculus ad lucem, sicut infans ad matrem, sicut amans ad amantem, ô non sit tibi tædiosa mora mea absentiaque mea quam propter te feci hætenus. En jam adsum, & omnes affectus creaturarum omnium assumo, eosq; tibi exhibeo & me illis erga te afficio, hancque affectionem in æternum continuo, festina & tu dulcissime Amor mi JESU in auxilium & amplexum meum semper.

### *Salutatio.*

**S**alve Dulcissime JESU, Amor mi in hoc Sacratissimo

Sacramento quod tu propter me inhabitare dignaris. — Assumo omnes omnium creaturarum affectus & Salutationes, iisque te nunc pro semper, hic, verè realiter, substantialiterque præsentem, saluto. Doce me Doctissime JESU ea omnia, quæcunque Tibi placita sunt, ut sciam, & fac me Tibi docilem obsequentemque discipulum, ediffere mihi beneplacentem voluntatem Tuam, & edoce me quid agere, quid fugere, quomodo debeam maxime in hoc, vel illo negotio N. N. Paululum hie animus morabitur, vel tanquam vocem & Magisterium Christi audiendo, affectu discipuli. Vel considerando coram Divinæ Majestatis oculis, quid hic & nunc facto opus sit, quidque Deus fieri velit. Multum hanc praxim prodesse experientia docebit.

*Adoratio.*

**A** Doro te Dulcissime JESU Amor mi in hoc Tuo ASS. Sacramento quod propter me inhabitare dignaris. Assumo omnes omnium creaturarum affectus, iisque Te nunc hic præsentem & latentem adoro; colo, venerorque, hancque adorationem in æternum continuo. Offero tibi sincerissimo quo possum Amoris & Reverentiæ affectu, omnes actiones passionisque meas internas, deliberatas & indeliberatas, Tuumque adjutorium mihi semper adesse postulo.

*Benedictio.*

**B**enedico Te Dulcissime Amor mi JESU in hoc tuo Admirabili Sacramento quod propter me inhabitas, & assumo, induoque omnium rerum affectus, quibus Te nunc & in perpetuum hic verè existentem benedico; Benedic & tu Dulcissime JESU omne quodcunque, quandocunque ago & agam, ut ad gloriam Tuam, salutem vero meam & proximorum cedant.

*Opstupescitio.*

**H**ic anima paululum consideret quis sit in Sacramento,



mento, & propter quem, quanta scilicet Majestas, propter quantam vilitatem, tantoperè se demittat, ut non dedignetur morari sub minutis speciebus panis, quare obstupefacta dicet: O prædulcissime Amator & Amor mi JESU. Ecquid tandem facis hic immorans in sanctissimo Sacramento propter me? Hoc scilicet optimum est ô Amor mi Deus meus oblivisci Tui, & abjicere Te, ut mihi vilissimæ creaturæ Tuæ gratificeris? O quantum Tibi pro hac tali dignatione obstringor! An tibi displicent cœli & glorificationes, quæ Tibi semper à Tuis beatis impenduntur? An ego Te omnibus illis melius tracto & æstimo? An si tanti Tibi sum, difficile Tibi est accipere me ad te, ut potius malis descendere ad me, & nescio quid vile affectionis meæ expectare ac emendicare à me? O cur non obstupeasco omnibus stuporibus? En Domine impleo desiderium tuum prout possum pauperculus ego, & præsentiam meam ita Tibi desideratam ad hoc breve tempus indulgeo, eo affectu, quo Tu Tibi eam vis exhiberi à me. Fruere ergo dulcissime Amor me præsentem, & Tuas delicias in me facito.

*Gratiarum actio.*

GRATIAS Tibi ago Dulcissime Domine JESU Amor mi, quia in hoc tuo sanctissimo Sacramento propter me habitare dignaris. Assumo & imperfondo mihi omnes omnium creaturarum affectus, iisque Tibi tum pro hoc beneficio, tum pro omnibus aliis absque te mihi quocunque modo præstitis, & præstandis, gratias ago, hasque gratiarum actiones in æternum continuo. Quod si quæ tua beneficia neglexi, aut illis abusus sum, id nunc defleo

defleo & ea omnia humillimo, gratissimoque affectu excipio, in meumque bonum converto.

*Munuscula.*

**A**Ttuli Tibi dulcissime Amor mi JESU qui in hoc Sacramento propter me habitare dignaris, munuscula de paupertate mea & de gratia Tua deprompta. En illa, accipe illa, & posside in æternum. Accipe animam, corpus, accipe totum me, in toto affectu meo. En opera, actiones, passionisque meas hodiernas, Tibi illas consecravi, nunc afferro & offero, accipe illas, parvæ sunt scio, & non satis mundæ ac dignæ, quæ tibi offerantur, dignus tamen Tu cui offerantur, & quia vis eas Tibi offerri, jam voluntate tua dignæ sunt redditæ. Accipe ergo mi JESU munuscula hæc, quæ Tibi offero, affectu omni omnium creaturarum, imo omnium à quibuscunque Tibi aliquid offertur vel datur, includendo etiam affectum quo Tibi Pater æternus, totum suum tuumque esse communicat, quem affectum in æternum continuo. Suscipe Domine universam meam libertatem, accipe memoriam, Intellectum, atque Voluntatem omnem: quidquid habeo vel possideo, mihi largitus es, id Tibi totum restituo, ac Tuæ prorsus voluntati trado gubernandum, amorem Tui solum cum gratia Tua mihi dones, & dives sum satis, nec aliud quidquid ultra posco: Oblatione hac suo usus est S. P. Ignatius, prout legitur in ejus Exercit. 4. hebdomadæ.

*Accusatio sui*

**O**Dulcissime Amor mi JESU, qui in hoc Sanctissimo Sacramento moraris propter me, & expectas me, erubescio comparere coram Te, quia multa peccavi & deliqui contra Te, partim malè agendo, partim malè bona perficiendo, partim bona emittendo. Hoc mi Deus juste Judex meus commisi & illud (enumerabis hic defectus quorum anima tua erit conscia, cum tui confu-

sione

sione, veniæ postulatione, emendationis proposito)  
 O Domine misericordissime parce malitiæ, fragilitati &  
 negligentia meæ, Tuaque sanctâ ita me roborâ ac con-  
 firma gratiâ, ut amplius non peccem. Accuso me & do-  
 leo, pro his quæ commisi, omni illo affectu, quo quæ-  
 cunque creaturæ dolere super suis defectibus & mise-  
 riis solent ac possunt, eumque affectum in omni mo-  
 mento continuo & per omnes respiraciones renovo.

*Commiseratio.*

O Dulcissime Amor mi JESU, ita né solus hic & dere-  
 lictus es in Sacratissimo Sacramento? O ingratas  
 creaturas quæ huc ad Te non convolarunt quæ Tui hic  
 oblita sunt! O suppleat hæc qualis præsentia mea defe-  
 ctum istum: Assumo & mihi insubstantio omnem af-  
 fectum, omnium creaturarum, quo Te illo amare, Tibi  
 adesse, Tecumque morari possunt & debent, eoque to-  
 to Te nuncamo, Tibi adsum, Tecum moror, atque il-  
 lum in æternum continuo.

*Increpatio sui.*

ETiamne Dulcissime JESU Amor mi hucusquæ mo-  
 raris in hoc Sacratissimo Sacramento propter me &  
 expectas me, donec compaream coram Te? O me in-  
 gratum & inurbanum quæ tantam charitatem tanta te-  
 piditate regrator! O quam Tu Domine fidelis in ver-  
 bis tuis, quibus promisisti futurum Te nobiscum usque  
 ad consummationem seculi! Ego autem quàm morosus,  
 qui nec unum quadrantem tecum morari soleo aut su-  
 stineo, compenso dulcissime mi Amor hunc defectum,  
 omnium creaturarum affectu, quo illæ Tibi Deo & Do-  
 mino suo in cœlis & in terris reverenter adsunt, & adeste  
 gaudent, contendunt, desiderant, eumque in æternum  
 per omnia atomice tempora, renovo atque continuo.

*Communio spiritualis.*

Non est semper licitum communicare sacramenta-  
 liter,



liter, sed semper licitum spiritualiter. Et licet communio sacramentalis sine spiritali damnosa est, hæc tamen sine illa utilis est, & Deo grata, dicigitur: Agnosco Te dulcissime Amor mi JESU in hoc tuo sacratissimo Sacramento, verè, realiter substantialiterque præsentem, cum Divinitate, anima, corpore, ac sanguine, & præsentem propter me. Doleo in conspectu tuo de omnibus peccatis meis, quibus Te summum, excedens, & supereminens bonum Deum Dominum meum quocunque modo offendi & ea deinceps vitare confiterique volo, O quis mihi tribuat ut esurientem, sitientem & deficientem mendicum tuum, influxu hic præsentis Divinitatis Humanitatisque Tuæ pascas, illaque inenarrabili Tuæ Divinæ charitatis flagrantia mea fundum animæ adimpleas, quæ in me puras & sempiternas erga Te suscitet concupiscentias, desiderat Te Amabilissime amor mi JESU, cor & tota anima mea sacramentaliter suscipere, desiderat Tuam majestatem suæ vilitati incorporare, suorumque præcordiorum medullas, Tibi Deo suo inviscerare, & desiderat omnibus omnis omnipossibilis creaturæ affectibus, quos in æternum & ultra continuat. O quis illi tribuat acquiescere in Te, & castis puri cordis ulnis amplexari Te, quis donet ut descendas sub miserum tectum ejus, & totam occupes omnitudinem potentiarum ejus, quis det ut te Deum suum sanctæ pelagus dilectionis atque dulcedinis recipiat intra se & plenis de te desideriis, totoque affectu exlugat amoris copiam, ut jugiter aspiret ad Te, suaviter respiret, & finaliter expiret in Te, sed quoniam non est digna intra se recipere Te, Tu supereffluens bonitatis abyssus, assume & immerge eam in te, Tu totam affectionem ejus ita accipe, abripe, Tibique applica, ut tuæ Charitatis desiderabili absorpta diluvio, ad cætera omnia sit prorsus examinis. O utinam prædulcis & super suavis Amator hoc consequi ergo misericulus valeam aliquando peccator, Amen.

Bene-

Benedic Deum illa benedictione, quam docuit Beatissima Virgo S. Brigittam l. 1. *Rm. c. 8.* Benedictus sis tu Deus creator omnium, qui in utero Mariæ Virginis descendere dignatus es. Benedictus sis tu Deus, qui cum Maria Virgine esse sine gravamine voluisti, & de ea immaculatam carnem sine peccato sumere dignatus es. Benedictus sis tu Deus, qui ad MARIAM cum gaudio animæ ejus & omnium membrorum venisti, & cum gaudio omnium membrorum ejus, sine peccato de ea processisti. Benedictus sis tu DEUS, qui MARIAM Virginem, Matrem tuam, post ascensionem tuam, crebris consolationibus lætificasti. & per te ipsum eam consolando visitasti. Benedictus sis tu Deus, qui corpus & animam MARIÆ Virginis, Matris tuæ, in cælum assumpsisti, & supra omnes Angelos juxta Deitatem tuam honorifice collocasti, misere mei propter preces ejus. Saluta & Beatissimam Virginem, ibidem salutatione revelata S. Gertrudi, cum hoc privilegio, qui eam devotè diceret, eidem B. V. promisit se apparituram in exitu animæ, lib. 3. c. 19. p. 248. *in fin. divin. pitl.* Est autem hæc: *Ave candidissimum lilium, fulgidæ semperq; tranquille Trinitatis, rosæq; præfulgidæ calice amœnitatis, de qua nasci, & de cujus lacte pasci, Rex cælorum voluit, divinis influxionibus animas nostras pascere.* Similes sunt illæ tres orationes S. Mechthild lib. 1 c. 55. à B. V. revelatæ, cui promisit, se in hora mortis adfuturam servanti hunc modum, ante quamlibet unum dicendum Ave 1. O Domina mea Sancta Maria, sicut Deus Pater per omnipotentiam suam te potentissimam effecit, ita mihi quasò adfui, nunc & in hora mortis meæ, expellendo à me omnem contrariam potestatem. 2. O Domina mea Sancta Maria, sicut Filius Dei tanta te cognitione & charitate dignatus est, ut totum cælum illumines, ita nunc & in hora mortis meæ animam meam cognitione præci sic illustres & excolores ut nullo errore aut ignorantia pervertatur. 3. O Domina mea S. Maria, sicut Spiritus S. suum amorem mihi plenè infudit, ita tu nunc & in morte meæ dulcedinē Amoris Divini mihi infill, ex quo omnis amaritudo mihi reddatur suavissima.

Sanctorum Deum tuum laudantium ne obliviscaris, sed in auxilium tuum illos invoca. Omnes Sancti quos felici morte defunctos hodie felice æternitate donavit Deus, orate pro me. Omnes Sancti mei nominis & meæ Patriæ ac Patroni mei menstrui omnes orate pro me. Omnes Sancti, quibus sacra est illa, quæ mihi nascenti prima fuit dies, orate pro me. Omnes Sancti, quibus sacra est illa, quæ mihi morienti ultima erit dies, orate pro me; Omnes Sancti & Sanctæ Dei tuque O Mater Agonizantium, orate pro me & omnibus hodie nascentibus & hodie Agonizantibus. Impetrate mihi à crucifixo JESU felicem mortem & beatam æternitatem, Amen,

Memento & S. Angeli Custodis tui coram Venerabili sic: Amantissime, dulcissime, solertissime mi Angèle Custos, Dux, Protector, Magister, Amice verè fidelis, verè thesaurus immortalitatis meæ, Gratias ago Tibi, quòd me sanctè protexeris, perge, usque dum me sis Deo ibi, unde ad me custodiendum es missus. Doleo quòd non semper fuerim ad omnem nutum tuum, quòd te contristaverim, suggere cordi meo, quæ Deus vult, & tardi cordis mei duritiem ac surditatem vince, sensus meos omnes & cor meum guberna, MARIAM Reginam nostram & sanctos omnes ac sanctas Dei præcipuè Patronos & Patronas meas Tibi pro auxilio adjuuge, totum me Sanctissimæ Trinitati, per Jesu sanguinem & Mariæ manus ex toto dedica in holocaustum æternum, omnes omninò, etiam quas indifferentes dicimus actiones meas, ad majorem Dei gloriam, offer ad Thronum gratiæ ejus & gloriæ, nunc & in hora mortis, ita mihi cum sociis Angelis & Sanctis ope tua assiste, ut omnia & singula momenta vitæ ac mortis meæ sint mihi, tibiq; æterno solatio, Jesu & Mariæ æterno honori & amorì in felici beatorum Angelorum æternitate.

Pre-



Precor quoque si fieri potest, notum fac finem meum, diemque obitus mei, & cum de corpore ductus fuero ne permittas me à maligno spiritu terreri, neque in foveam desperationis deduci. Non dimittas me. Angelice spiritus, donec ad visionem ipsius conditoris perducas ut illū tecum in omnē æternitatē laudem & glorificem, Amen.

Benedic iterum Filium Dei pro te incarnatum per mysteria gaudiosa S. Rosarii sic: Sis millicies benedictus mi Jesu, quod propter me volueris concipi in utero matris tuæ dulcissimæ. Sis millicies benedictus, quod pro me vilissimo peccatore volueris portari in utero Matris sanctissimæ, dum visitaret S. Elisabeth & sic per cætera gaudiosa mysteria. Mox per eadem mysteria saluta & Beatissimam Virginem: Salve Mater dulcissima, Virgo MARIA, quæ Filium Dei immaculatè concepisti. Salve dulcissima Virgo, quæ Filium Dei visitando Elisabeth in utero portasti &c. & sic per cætera mysteria in fine adde: Salve Virgo ante partum, salve Virgo in partu, salve Virgo post partum immaculatè concepta ora pro me. Ad quodlibet Salve flecte genua. Cum autē sanctissima Trinitas in omnibus 4. partibus mundi patiatur offensas & disgustus à peccatoribus. Tu conare e contra gustum Deo tuo Sanctissimæ Trinitati vel maximè, manè Deo Patri, in meridie Deo Filio, vesperi Spiritui S. provocare per præana S. apost. 1. *Tim.* 1. regi sæculorū immortalī & invisibili soli Deo honor & gloria in sæcula sæculorum Amen. Sic: Siquidem in 4. partibus mundi sentiat Amor tuus disgustum & offendatur tu ad 4. partes mundi in honorem Sanctissimæ Trinitatis ter cum trina genuflexione profer verba S. Pauli. Ex. G. Ad Orientem cum trina genuflexione profer ter Regi sæculorum &c. Ad meridiem similiter & sic consequenter protestando, quòd hic Deus & Amor tuus sit omni amore & honore dignus, quē vilipendunt & contemnunt Ethnici, Hæretici & mali Catholici. His subjunge coronulas parvas.

## §. IV.

*Modus dicendi coronulas parvas.*

**M**agnus Asceta, R. P. Nicolaus Lancicius in opusculo suo II. tradit modum pulchrum absolvendi hanc coronulam parvam. Ponam hic ejus formalia. Accepta in manu corona seu rosario precario & facto signo S. Crucis percurrere singulos globulos cum pio mentis affectu, fervore & attentione dicendo infra scriptos versiculos. Ad majores verò globulos quos tangendo dum dicimus coronam ordinariam DEIPARÆ solemus dicere Orationem Dominicam, in hac parva corona dicenda sunt hæc quatuor: Adscribo, commendo, offero, resigno intelligendo ea hoc sensu.

Adscribo tibi omnia bona, quæ habeo tanquam à te sine meis meritis data. Commendo tibi omnes meas & aliorum necessitates tam vivorum & mortuorum. Offero tibi me & omnia mea in obsequium tuum ex amore tui, & sanguinem ac merita omnia Christi Domini nostri pro peccatis nostris & pro beneficiis tuis, & pro necessitatibus nostris, ad laudem & gloriam tuam.

Resigno me tibi & omnia mea ad voluntatem tuam & superiorum meorum. Hæc P. Lancicius. Antequam itaque incipias has coronulas dicere, sic illas prius offeras. Mi Deus, hoc propositum absolvendi has coronulas, primo conceptum in purissimo corde dilectissimi Filii tui, & mihi miserrimo peccatori inspiratum, volo absolvere millicies millicies majore proportionem fervoris, millicies millicies majore fervore intensiori, millicies millicies multiplicatis actibus supra actus, & primam quidem coronulam dicam ex Virtute gratitudinis, pro beneficiis præteritis mihi concessis.

## §. V.

## §. V.

*Coronula parva manè* <sup>mandæ</sup> *Coro-*

**S**ntigitur manè coram Venerabili re<sup>cl</sup>giatias. 2. O-  
mnia Deo. 3. Dignare Domine die isto sin<sup>re</sup>de, Do-  
custodire. 4. Deus in adiutorium meum i<sup>in</sup> Domine  
mine ad adiuvandum me festina. 5. Da pac<sup>ri</sup>erimo &  
in diebus nostris. 6. Credo. 7. Gloria Pat<sup>dicat</sup> vingu  
Spiritu sancto. 8. Nos cum prole pia bene<sup>in</sup>. 10. 1<sup>a</sup>  
Maria, 9. Laudetur sanctissimum Sacramentu  
manus tuas Domine commendo spiritum meum.

Intelligendo per spiritum duo. 1. Statum spiritualement  
animæ, ut sit bonus & sanctimoniam plenus, per quam red-  
daris verè homo spiritualis & Deo valde charus. 2. In-  
telligendo animam & hoc versiculo commendando  
Deo felicem ejus egressum futurum tempore mortis.

## §. VI.

*Recessus à Venerabili.*

**A**bsolutis his devotiunculis coram Venerabili qua-  
tuor facies. Deprecaberis Amorem tuum Chri-  
stum Dominum, quod ab illo ad tempus recedas, Bene-  
dictionem à Sanctissima Trinitate petes & substitues in  
locum tuum ad laudandum in absentia tui Amorem  
tuum in venerabili Sacramento ex amore tui existen-  
tem, Beatissimam Virginem, omnes Sanctos & sanctos  
Angelos. Tandem offeres gressus tuos per manus san-  
ctissimæ Matris & per manus dulcissimi JESU aman-  
tissimo Patri, & hæc quatuor sic absolvere petes.  
1. O dulcissime Domine JESU, Amor mi, quia in  
hoc tuo sacratissimo Sacramento moraris propter me,  
cogor discedere à te, sed tamen relinquo te pro-  
pter te. Maneant interea tecum omnes Angeli &  
Sancti tui. Maneat sanctissima Mater tua & Domina

mca.



mea. Omnes omniumque Creaturarum Tibi debiti affectus teque pro me adorent, ament, revereantur, donec ego revertar ad te. Vel potius ego peccator assumo & proprio mihi omnes omnium etiam omnipossibiles affectus, illisque omnibus absens per sanctum Angelum Tutelarem meum, te hic presentem, amare, adorare, venerari volo, imò amo, adoro, veneror. Du dulcissime Amor mi ne quæso discesseris à me, sed tua me gratia semper præveniat & sequatur, mecum sit, mecum laboret, usque ad extremam mortis horam. 2) Dignare Domine JESU cum Patre & Spiritu S. mihi dare tuam sanctam benedictionem, uberemque gratiam te perfecte semper amandi, tuumque beneplacitum amplectendi & exequendi, atque ita juxta gratiam vocationis vivendi, ut te pane Angelorum digne fruar in vita, devotè in meta, beatè in Patria, Amen. 3) Sanctissima Virgo MARIA vosque omnes sancti & Angeli, manete hic quæso cum dulcissimo Amore in eo JESU, in hoc sacratissimo Sacramento cominorante, eumque pro me adorete, laudate & æstimate, & super omnia æstimate, mihi gratiam ejus implorate, donec ego quoque revertar ad ipsum, ipseque per me Amori meo Amorem meum & desideria mea protefter. 4) O dulcissima Virgo dignare hos gressus meos offerre dulcissimo Filio tuo, ut offerat dilectissimo Patri suo in unione suorum gressuum, quos fecit tota vita suâ præcipuè ante mortem, ad tot Tribunalia. O JESU dilectissime, dignare hos gressus meos offerre dilectissimo Patri tuo, in unione gressuum tuorum, quos fecisti, totâ vitâ præcipue ante mortem ad tot Tribunalia. O Pater amantissime, dignare hos gressus meos suscipere in unione gressum dilectissimi Filii tui, quos fecit tota vitâ sua præcipue ante mortem ad tot Tribunalia. Domine Deus meus, offero tibi hos gressus meos, per sanguinem, cum sanguine, in sanguine

Do-

Domini mei Jesu Christi Salvatoris mei & dilectissimi Filii tui, millies millies majore fervore intentionis, millies millies majore proportionem fervoris, millies millies multiplicatis gressibus, super gressus, ad purum putum gustum tuum, ad nullum primum meum, atomice, sacrificative, primitiialiter, heroice, Seraphice, Mariane, Christiformiter, omnipossibiliter, digne Te, dignissime Trinitate, ut tibi placeam, ut mihi placeas, amplius & amplius. Accepta itaque divina benedictione perge ad meditationem quam absolves ut sequitur.

## CAPUT III.

*Meditatio.*

**S**I quid Sacerdoti necessarium certe meditatio est. Sacerdotis enim est erga Deum & proximum amore flagrare, unde autem hic ignis habetur, nisi ex meditatione? fatetur id S. Psalmista: *In meditatione mea exardescet ignis*; excita itaque eundem in meditatione, & adverte aliud esse cogitationem, aliud contemplationem, aliud Meditationem. Cogitatio est improvisa ac momentanea Dei, aut rerum ad Deum pertinentium consideratio, ad pium aliquem affectum excitandum ordinata. Contemplatio verò est sincera Dei & rerum Divinarum inspectio, discursibus carens, Dei ardentissimum amorem & ineffabilem mentis exultationem inducens. Meditatio est attenta ac sollicita mentis consideratio, cunctanter procedens, & uniuscujusque re naturam, proprietates, & actiones utiliter inquirens, ut Deo cultum exhibeat, affectus moveat, orationes puras ferventesque depromat, ut vitæ emendationem, ac salubrem reformationem, & mutationem afferat. Cum autem tendere debeant omnia ad certum finem, non minus meditatio, quæ triplicem habet finem. Immediatum, mediatum, & Ultimatum. Immediatus finis meditationis quoad intellectum, est clarior cognitio sui ipsius, Christi-

Christi, & veritatum huc spectantium, quoad voluntatem verò, affectus & actus interni, conformes triplici cognitioni; Contritionis, Imitationis Amoris, cum desiderijs & propositis practicis inter meditandum formatis. Medius finis sunt actus interni & externi virtutū, extra meditationem exercendi juxta desideria & proposita in meditatione concepta, seu executio propositorum practicorum. Ultimatus finis est incrementum puritatis animæ, solidarum virtutum, Charitatis & Unitatis cum Deo, & consequenter gratiæ in hac vita, & gloriæ in altera, atque ex his omnibus emergens major Dei cultus, gloria, beneplacitum.

## §. I.

*Praxis Meditationis.*

**H**ujus Orationis mentalis sit fundamentum Humilitas. Nihil ex te habes infinitis ergo cares & simul vges: Manus Dei plena est omnibus benedictionibus; ad implendum eis omnem creaturam. Ad hanc ergo manum porrige & extende mendicitatis tuæ os, & orationis manum, ut percipias ab illa benedictionem, eaque implearis. Ora sicut mendici clamantes, sicut cicadæ strepentes, sicut pulli corvorum pipientes. Ora sicut piscis sine aqua, sicut terra sitiens, sicut herba arescens, sicut cervus ad fontem desiderans, sicut scintilla deficiens, sicut æger moriens.

Primò itaq; habeas certum Patronum meditationis, qui te dirigat & juvet agnoscere agnoscenda, practicare practica: potest is esse S. Josephus nutritius Christi Domini, quem plurimi experti sunt adjutorio esse in oratione mentali. Secundò Puncta meditationis prædilectæ antequam cubitum eas bene disponere, imbibere, ut mane dum erigilas, tibi eadem occurrant primo, antequam præveniaris ab alijs cogitationibus. Sic dispositus perge ad locum ubi absolvenda erit Meditatio. Spiritum interrim in cælum eleva, & considera Salvatorem tuum Jesum Christi.



Christum, qui aspicit quid facere intendis, proinde accede cum attentione & humilitate profunda, situm corporis & loci talem elige, ut quietus esse possis. Incipe ergo meditationē ab oratione præparatoria. e.g. O Beata Trinitas unus Deus, miserator & misericors, longanimis & multum misericors, in cujus conspectu sum prostratus, loquar ad te Dominum meum & audiam quid in me loquaris, cum sim pulvis & cinis, & terra, sine aqua tibi, indignus conspectu tuo ob innumera peccata mea, de quibus doleo. Sed ecce Domine, nihil possum sine te, omnia in te. In manibus tuis sum, fac mecum in hac hora & in æternum quidquid vis, modo gratiā & amore nō destituar tuum solum beneplacitū intendo, non meum solatium. Rege memoriam meam, illumina intellectum, accende voluntatē, & trade me totum ad te cognoscendum, amandum, glorificandum & post te citrendum in odorem unguentorum tuorum. Attendē & devotē orare jubes Deus meus, da quod jubes, & jube quod vis, idque non pro me solum, sed pro omnibus mecum oraturis suppliciter peto, per merita Domini nostri Jesu Christi, Beatissimæ Virginis matris ejus, Patronorū & omnium Sanctorum. O gloriosa Mater Dei & Virgo, sancte Angele Custos, S. Joseph, Patroni mei, Sanctique omnes, orate pro me & benedicite, laudate & superexaltate Dominum meum, nunc, semper, æternum. Vel Pater & Ave. Vel veni S. Spiritus. Vel per pia intetna suspiria, petas à Deo Patre, ceu fonte omnium bonarum cogitationum memoriam tuam tranquillari & piis conceptibus compleri. A Filio, ceu primo principio omnium veritatum, intellectum illuminari & in discurrendo dirigi. A Spiritu Sancto ceu prima origine omnium ferventium affectuum, voluntatem inflammari & in eliciendis piis desideriis adjuvari. Hæc enim tres potentia necessaria ad meditationem. Memoria enim res & veritates, in punctis contentas, necesse ut bene  
 appre-

apprehendat, planeque penetret. Intellectus inde per varios discursus conclusiones practicas deducat. Voluntas omnes affectus, seu motus pios, prædictis discursibus & conclusionibus congruentes excitet. Practica his conformia proposita formet, ac tandem per colloquium gratiam necessariam petat. Petita gratia præludia accommodata formet, & quidem pro modico temporis intervallo.

Præludia verò solent adhiberi in materia Historica tria. Rememoratio Historiæ, Imaginatio loci, Petitio gratiæ affectus præfixos eliciendi. In aliis materiis ut plurimum duo. Imaginatio rei accommodata & petitio gratiæ. Præludia breviter expediat. Imaginatio verò prudenter, non violenter adhibenda, naturæ accommodata, cui vaga Phantasia utcunque alligetur, si illa minus feliciter succedat ejus vicem vivæ fidei actus suppleat. E. G. In meditationibus de Virtutibus, actione ordinaria, vita sancti, constituat se vel per imaginationem, vel saltem per vivam fidem, coram throno Dei & Agno, coram quo procumbant Sancti, maximè illi qui in vita, tali virtute claruere, aut tali actione, magnam gloriam promeruere, voce magna dicentes *salus Deo nostro, qui sedet super thronum & Agno, benedictio & claritas. Apoc. 7.* Tertium demum præludium absolvat paucis suspiriis, postulando efficacem gratiam necessariam ad præsignatos affectus eliciendos per merita B. V. & omnium Sanctorum.

## §. II.

*Meditatio de beneficiis Divinis.*

Puncta hujus meditationis possunt per tria tempora distingui. E. G. In beneficio dilectionis. Primum punctum: Quomodo nos Deus huc usque amaverit, ex amore conservarit, protexerit, justificaverit. Secundum punctum quomodo nunc amet, ex amore conservet, protegat, in justitia contineat. Tertium punctum: Quomodo deinceps amaturus &c.

§. III.

## §. III.

*Meditatio de Sanctis.*

**P**Rimo considerandum, quomodo Deus sanctum N. elegerit, vocarit, iustificarit, & ad illum sanctitatis gradum produxerit. 2. Quomodo Sanctus Divinæ gratiæ sit cooperatus serîo, studio perfectionis maximè harum vel illarum virtutum. 3. Quomodo Deus eum remunerarit & glorificarit in hac vita, donis & miraculis, in morte solatio, in altera vita, coronâ gloriæ, aureolis insuper, vel Martyrum, vel Virginum, vel Doctorum.

## §. IV.

*Meditatio de virtute aut vitio.*

**P**Rimò considerandum quænam natura istius Virtutis aut vitii, quæ proprietates, qui actus, quæ auxilia gratiæ necessaria à Deo offeruntur, quæ lumina, stimuli, occasiones, virtutem hanc exercendi, vitium istud evitandi & exterminandi. 2. Quomodo Christus Dominus, Beatissima Virgo, aut alii Sancti, hos vel illos virtutis actus exercuerint, hos vel illos vitii actus fugerint & detestati sint, quomodo nos eos in hoc imitati simus, ac deinceps imitari velimus. 3. Incitamenta ejusmodi sunt, commoda ex virtute & damna ex vitio provenire solita, in hac vita quoad nos & proximos, sub horam mortis, in altera vita, aut similia.

## §. V.

*Meditatio de actione ordinaria aliqua.*

**P**Rimò quis finis & modus talis actionis perfectè obcundæ, quæ auxilia gratiæ nobis offerantur, qui stimuli addantur, ad strenuè cooperandum. 2. Quàm perfectè Sancti hanc actionem exercuerint, quàm verò tu imperfectè. 3. Incitamenta ut supra.

D

§. VI.



*Obstacula devotionis in meditatione &  
quomodo amovenda.*

**S**ANCTUS Bernardus sermone 23. in Cant. ponit obstacula quatuor, *culpa mordens, cura pungens, sensus egenus, Phantasia distrahens*. Si vis itaque absolvere bene meditationem, hæc amovete debetis. *Culpa mordens* amovenda erit, per frequentem mentis compunctionem, crebram conscientie discussionem, accuratam errorum confessionem, & seriam occasionum relabendi declinationem. *Cura pungens* oriri solet, ex nimia conscientie scrupulositate, vel ex inordinata de futuris contingentibus sollicitudine, &c. Hæc præcavenda, aut si jam adsit abigenda erit, cum filiali fiducia se Divinæ providentiæ per Exercitium Resignationis committendo, rectam intentionem in omnibus ad Deum dirigendo, respectus humanos contemnendo, Deo non hominibus placere studendo.

Sensuum verò ut & Phantasiæ portæ seu occasiones evagationum præcludendæ erunt, per vigilem eorum custodiam, per assiduam mortificationem, per seriam ad res salutares à recta ratione imperatas percipiendas applicationem. Instante itaq; Meditationis hora omnes animæ nervos intendas ad Divinæ gratiæ influxum excipiendum, atque in primis Intellectum ad supernaturales veritates penetrandas, & S. Spiritus inspirationes capiendas disponere satagas, ac proinde, quam potes maximam pro metisura gratiæ procures & à Deo petas; conscientie pacem, atque intellectus & Phantasiæ tranquillitatem, culpam mordentem per actum Contritionis, curam pungentem per recursum ad sinu Divinæ providentiæ, sensum & Phantasiam distrahentem arcta custodia, seria collectione & ad præsentis meditationis applicationem compescendo.

Voluntatem ad  
devo-

devotionis flammam Divinam; Spiritus impulsus facilius excipiendo disponere coneris, per pia suspiria, idque primo renovando desiderium bene meditandi. 2. Intentionem optimam præfigendo. 3. Gratiam Spiritus S. & intercessionem Beatissimæ Virginis, S. Josephi & Sanctorum implorando, vel nominando affectus in oratione præparatoria comprehensos quales sunt. 1. Vivæ fidei & reverentiæ erga Deum præsentem. 2. Intimæ humilitatis & cordialis contritionis. 3. Insignis diffidentiae sui & confidentiae in Deum. 4. Omnimodæ resignationis in manus Dei cum pura intentione solius gloriæ ac beneplaciti Divini. 5. Ferventis desiderii præsentem horam & vitam reliquam universam Divino obsequio perfectè impediendi.

## §. VII.

*Distractio in meditationibus unde?*

**T**RES præcipuæ sunt causæ; Naturæ infirmitas, culpa & negligentia nostra, & Dæmonis Astutia juxta P. Alphonsum Roderiquez de perfectione p. 1. T. 5. c. 21. Prima Infirmitas, sed propter hanc non desperandum aut cessandum à meditatione, sed confidenter cum S. Augustino in 85. Psal. *Latifica animam servi tui, quoniam ad te animam meam levavi. Quomodo levavi? quomodo potui? quomodo Tu vires dedisti? quia tu suavis ac mitis es Domine, mitis es tolerans me, quia quotiescunque ante te steti, tanta vana & superflua cogitavi, & vix unquam fixam & stabilem orationem feci. Hactenus toleras quia mitis es & suavis & multum misericors.* Experientia enim constat mentem humanam diu in alto stare non posse, sed pondere suo ad ima deprimi. Utenim avicula libera sæpe quiescit, cavæ autem inclusa vix unquam, sic dum mens humana cavæ orationis includitur, diu consistere nescit. II. causa Negligentia nostra, de qua admonet Sapiens Eccl. 18. *Ante orationem præpara animam tuam, & noli esse quasi homo qui tentat Deum,* in quæ verba S. Thomas:

*Imparatum accedere ad Orationem est verè tentare Deum, quòd id sit velle aliquid assequi absque applicatione mediæ ordinariæ. Huc etiam spectant obstacula in §. præterito ex S. Bernardo adducta. Constat quoque experientia ex immortificatione passionum, ex negligentia cavendi defectus magis deliberatos, otio, scurrilitate, nimia effusione ad res externas, &c. oriri solere molestas animi evagationes. Quare serio admonet S. Basil. Constit. Mon. c. 2. Si in oratione aliud agens, animo minus attento sis, cum possis omnem expellere distractionem, vide ne prædentior ausis consistere coram Deo, ne oratio tua fiat tibi in peccatum. Quid non in peccatum, cum videatur illudere Deum, dum animo orandi convenit Deum, & postmodum eo derelicto, dum auscultare incipit, cum creaturis misere nugari prælegit, Deoque advocato illudit, magna enim perverfitas, imo magna insania est, quando cum Domino Majestatis loqui in oratione præsumimus, & insensati aurem avertimus, & ad nescio quas ineptias convertimus cor. Magna quoque insania & graviter vindicanda, cum vilissimus pulvis, loquentem ad se audire dedignatur creatorem universitatis ait S. Bern. in medit. c. 8. Pergit idem S. Pater magnam injuriam Deo facio, cum illum precor ut meam precem exaudiat, quam ego fundendo non audio, DEUM precor ut mihi intendat, ego vero nec mihi, nec illi intendò, sed quod deterius est, immunda & in utilia in corde versando, factorem horribilem ejus aspectibus ingero. 3. Causa Dæmonis Tentatio, qui orantes maximè infestare solet. S. Joan. Climacus grad. 18. ait sicut ad sonum aris campani Monachi precatum confluunt ad Ecclesiam, ita Dæmones invisibiliter convenire ad præcidendam orationem. Causam rogatus S. Ægidius, dixit: Si quis alicui lucem intendat coram Judice, omnibus modis agit, ne contra se feratur sententia.*

Idem.

Idem molitur Dæmon, dum orantes impedit & infestat. Hinc Abbas Isaac Coll. apud Cass. 9. c. 35. & 38. suadet, modeste orandum, ne à Dæmone intentio nostræ petitionis agnoscat, quia nobis insidiatur, & frequenter & breviter orandum, ne insidiator inimicus cordi nostro aliquid possit inferere, atque ob eandem causam teste D. Thoma & Abulen. præmittitur omnibus horis Versiculus, *Deus in adiutorium meum intende &c.*

## §. VIII.

*Remedia Distractionum.*

**H**æc triplicia sunt tam remota quàm proxima in ipsa meditatione adhibenda. Remota sunt hæc tria præcipuè 1. Crebra & fervens postulatio doni attentè meditandi & orandi, conjuncta cum profunda humilitate & perfecta resignatione sui, ad omne beneplacitum Dei. 2. Serium stuium extirpandi amorem sui & rerum caducarum, & proficiendi in amore Dei & rerum æternarum. *Anima enim magis ibi est ubi amat, quam ubi animat.* 3. Assiduum studium exercitii resignationis & perfectæ voluntatis propriæ cum Divina conformationis, quo spectat, ut quis non nimium de rebus ad suum officium & salutem pertinentibus angatur, sed ubi moraliter fecerit quod in se est, Divinæ providentiæ & bonitati confidere & penitus acquiescere consuescat juxta Franc. Ariam. de Oratione Mentali. p. 3. c. 9. 10. Proxima sunt itidem hæc tria immediate meditationi præmittenda. 1. Manè quàm primum quis expergiscitur, debet revocare in memoriam materiam meditationis, altissimeque amabilem JESU CHR STI memoriam cordi insculpere, aliisque sanctis cogitationibus & desideris sic se munire, ad excludendas suggestiones malas Dæmonis, Præcursoris ideo dicti, juxta S. Climacum gr. 21. quod ejus munus sit mane expergisectos invadere, spurcas cogitationes obtrudendo totiusque diei possessionem



fessionem ab iis expetendo. 2. Firmum concipe propositum non admittendi spontè distractiones occurrentes, fervensque desiderium perfectè meditationem instantem, tanquam prima & ultima foret peragendi, cum renovatione puræ intentionis & petitione gratiæ. 3. Constituire se sub initium meditationis in conspectu Dei. Aurea sunt verba S. Bern. Serm. de 4. orâdi modis: *Quid aliud cogitare debet frater intrans ad Orationem quam Prophetis illud: ingrediar in locum tabernaculi admirabilis usque ad Domum Dei, Ps. 41.* omninò siquidè oportet nos Orationis tempore curiâ intrare coelestem, illam utique curiam, in qua *Rex regum stellato sedet solio*, circumdante eum innumerabili & ineffabili beatorum spirituum exercitu, quanta ergo reverentia, quanto timore, quanta illuc humilitate accedere debet, à palude sua procedens & repens ranuncula vilis, quam tremendus, quam denique humilis & sollicitus & toto intentus animo Majestati gloriæ, in præsentia Angelorû, in concilio iustorum & congregatione assistere poteris miser homuncio? In cunctis igitur actionibus nostris, multa opus est vigilantia, præcipuè in oratione. Licet enim semper videamur, sed nunc etiâ præsentamus & ostendimus nos quasi facie ad faciem cum Deo loquentes. Sic igitur oret, qui orat, tanquam assumptus & præsentatus ei, qui sedet super excelsum thronum cum Angelis, qui non ceciderunt, & elevatum in hominibus, quos suffcitavit de pulvere inopes. **REMEDIA** in ipso meditationis decursu abigendî distractiones sunt hæc generatim: 1. Ordinatè discurrere circa singula materiæ propositæ puncta. 2. Surda quasi aure præterire ingerentes sese alienas cogitationes, animum ab iis avertendo, non autè discutièdo quales sint, nec contra singulas depugnando instar viatoris prudentis molossi catellos latrantes trans-eun-  
 tis, neq; ea sine interruptione meditationis filû constantè pertexendo, ad quod juvabit continuare vivam  
 Dei

Dei memoriam. 3. Quamprimum quis adverterit se distractum, vel ab ipsa distractione sumat occasionem redeundi in viam & prosequendi cœptam meditationē cum dolore & proposito emendationis. vel nulla alia adhibita cogitatione, redeat ad propositam materiam, aut novam ejus circumstantiam expendendā non autem examinet causas distractionis, nec retexat totum discursum, donec veniatur ad principium evagationis, ubi filum meditationis fuerat abruptum. Hoc enim post meditationem faciendum est. §. IX.

*Causa Ariditatum.*

**T**Riplices sunt, 1. Est naturæ infirmitas & corporalis indispositio secundū Sap. 9. *Corpus quod corrumpitur aggravat animam*, &c. 2. Est culpa nostra. S. Bern. in superbiam refert ariditatem & subtractionem gratiæ & consolationis Divinæ. 3. Est dispensatio Divina, quæ insinuat Job. 7. *Visitas eum diluculo & subno probas illum*. ubi indicatur vicissitudo illa consolationum & desolationum quam pii experiuntur. Hinc Gerson c. 23. de monte contempl. quoad hanc alternationem devotionis, Tyrones comparat hyemi, Proficientes veri, perfectos æstati, quod incipientes plerumque patiantur tenebras & nubes desolationum, nonnunquam tamen consolationum radiis recreantur. Proficientes alternatis cœlum nunc serenum, nunc nubilum experiantur, sæpius autem sole justitiæ irradiantur. Perfecti verò cœlum serè semper habent serenum & æstuosum, sæpe nihilominus patiantur tempestates, tonitrua, & grandines terribilium desolationum, vide Ludovicum de Ponte ducem spiritual. p. 1. c. 2. De hac vicissitudine ait S. Diodochus de perfectione spirituali, §. 4. cap. 69. Gratiam solere initio magna voluptate animam illuminare & processu certaminis non item ad inanem gloriam vitandam S. Bonau 15. *itidem causas assignat.*

1. Est animæ humiliatio. 2. Purgatio. 3. Eruditio. 4. Indiscreti ejus conatus punitio & redargutio. 5. Occasio majoris meriti.

## §. X.

*Remedia Ariditatum.*

**R**emedia Ariditates præcavendi, aut superandi, aut patienter ferendi sunt itidem duplicia. Remota & proxima. REMOTA 1. Crebrum & fervens desiderium veræ devotionis & divinæ visitationis excitare, suspirando cum sponsa: *Revertere, similis esto dilecte mi caprea hinnuloque cervorum*, Cantic. 2. Et cum Divo Bernh. *Quoties elabetur, repetetur à me, nec cessabo clamare ut redeat, ut reddat mihi letitiam salutaris sui*. 2. Fugere & detestari consolationes terrenas, cum Psalmista: *Renuit consolari anima mea, memor fui Dei & delectatus sum*, Pl. 76. 3. Grato & humili animo gratiam devotionis præstolari; suscipere, conservare, Deo non sibi eam adscribendo, non ideò se exaltando, sed potius timendo.

PROXIMA. 1. Immediatè ante meditationem ruminando materiam propositam, excitare & renovare tene-rum erga Deum, vel Christum affectum; quod fiet, re-vocando in memoriam Divina attributa aliqua accom-modata, maximè quæ æternum ejus amorem erga nos clari9 ob oculos ponunt, beneficia tam generalia quàm specialia, viscera plus quam paterna & materna quæ indicantur. *In manibus meis descripsi te*, Esa. 49. *In charitate perpetua dilexi te*, Jerem. 31. Ideo has & similes S. Scripturæ sententias, infinitæ Dei bonitatis, misericordiæ, charitatis indices expedit complures in recenti memoria habere. 2. Est profundè se humiliare & intimè agnoscere se suis viribus & meritis non posse devo-tionis gratiam impetrare, nec eà se dignum esse, ob tot peccata & negligentias, simulque spem excitare, eam à Patre luminum liberalissime, per infinita merita dile-ctis-

Etissimi Filii & B. Virginis obtinēdi, ingeminando illud: *Dormitavit anima mea præ te dño, confirma me in verbis tuis*, Ps. 118. *Viam mandatorum tuorum cucurri, cum dilatastis cor meum. Et expandi manus meas ad te. Anima mea sicut terra sine aqua tibi, velociter exaudi me*, Ps. 124. 3. Constituire se in conspectu Dei, ut misericordissimi Prædestinatoris, Creatoris, Redemptoris, Sanctificatoris, Glorificatoris, qui sibi hanc meditationis horam, tanquam efficax medium prædestinationis & majoris gloriæ ex æterna dilectione præordinavit ab æterno, in tempore providit, ob merita Filii, qui eandē olim promeruit omnibus & singulis suis actibus meritoriis, tam laboriosis, ad finem adeo sublimem æternæ beatitudinis obtinendum.

Remedia in ipsa meditatione tempore ariditatis adhibenda communiora sunt. 1) Conari dicere desideria & affectus, uti gratitudinis, amoris, contritionis, compassionis, imitationis &c. corde quantumvis arido, resolutio saltem voluntatis decreto, nec enim plus à nobis tunc requirit Deus, qui *tanquam Pater misereatur Filiorum, quoniam ipse cognovit figmentum nostrum*. 2) Optare & desiderare optimo modo ferventes affectus & virtutum actus exercere. Hoc enim desiderium gratius esse quàm si anima amare liquefacta cœlesti sponso suavissimè uniretur, revelatum, ait S. Brigittæ Blohus Monil. c. 2. Spual. cum certa fiducia, implendum in se illud: *Dilata ostium & implebo illud*. Et illud S. Aug. in Ps. 105. *Coronat Deus bonam voluntatem quando non invenis facultatem*. 3) Profundissimè se humiliare & indignum omni consolatione reputare, quod fieri potest his modis: 1. Constituendo se in conspectu Dei instar infantis cæci, nudi, famelici, derelicti ab omnibus, exemplo Davidis & cujusdā servi Dei, qui 40. annis meliorem orandi modum non invenisse se testatus est. 2. Dicendo humiliter cum Thaide conversa & instructa à Paphnutio



Abbate & intimo humilitatis & despicientiæ propriæ indignitatis & vilitatis sensu: *Qui plasmasti me misere-  
rere mei.* Indignum scilicet cum illa se reputando, qui spurio ore nomen Dei proferat, quem toties offendit, qua oratione triennio continuata, meruit Thais in cœlo thalamum splendidissimum, quem Paulus S. Antoniꝝ paratum æstimarat. 3. Cum simplici & rusticano S. P. Ignatii & sociorum ejus Barcinonam versus iter agentium olim comite, eorum sarcinulas importunis precibus extortas bajulante, in diversorio deinde cum videret eos singulos seorsim orare, ipse quoque in angulo quodam genua flexit, nihilque aliud precando dixit quam hoc: Domine, hi tui servi sunt. & ego eorum jumentum, quod ipsi faciunt, etiam ipse facere volo, & hoc ipsum tibi offero. Quod ad eò gratum Deo fuit, ut hunc hominem idiotam alioqui & simplicem, sublimi & extraordinario orationis dono ornârit. 4. Dicendo cum eximio quodam Concionatore; *ut jumentum factus sum apud te, & ego semper tecum*, qua orandi ratione magnâ humilitatem & cum Deo familiaritatem est consecutus. 5. Abjiciendo se ad pedes Domini & dicendo cum D. Avila: Ego, Domine, his distractionibus, tumultibus & ariditatibus causam dedi, ex parte autem tua, ista mentis inanitas justissima pœna est peccatorum meorum, quam libentissimè ceu Parentis optimi virgam, amplector & exosculor, offeroq; Tibi hoc mentis meæ exilium totis viribus, hoc solum orans, ne projicias me à facie tua. Deus enim solet infelici successu orationis castigare peccata nostra. juxta S. Nilum de oratione c. 17. 4. Relinquere se Divino beneplacito ad ariditatem illam totâ vi referendam, offerre insuper, se paratum ad servientiam Dei magno studio & sollicitudine, absque ullo consilio stipendio, imo etiâ absq; spe mercedis æternæ, si ipsi ita placeret. Exemplo S. Catharinæ Jen.  
quæ

quæ  
rum  
5. C  
quia  
pro  
tuer  
Fran  
tand  
nera  
ben  
grat

F  
Ref  
gra  
dire  
tati  
fas  
difi  
de  
qu  
per  
rat  
per  
qu

R  
M  
tu  
au  
no

quæ hujusmodi actu resignationis, gravissimam fœdarium cogitationum tentationem & desolationem vicit. 5. Offerre Divinæ Majestati, desideria merita & obsequia Christi Domini, Beatissimæ Virginis, & Sanctorum pro se & pro omnibus (ex virtute amoris proximi) instituendo colloquia, percurendo choros sanctorum cum S. Francisco Borgia, & à singulis aliquid mendicando, salutando singula Christi membra, singula exosculando vulnera, singula ejus offerendo merita, singula recensendo beneficia, & pro singulis gratias agendo, suamque ingratitudinem deplorando.

## §. XI.

*Finis meditationum.*

**F**inita meditatione, dic Pater & Ave, facultatem petens à Sanctissima Trinitate recedendi à meditatione. 2.) Reflectens te quomodo successerit meditatio, si bene, gratias age Deo, Patronoque meditationis, quod bene direxerit, & recollege te, quo modo usus fueris in meditatione, & sic alia vice eam institue. Si malè, inquire causas & dolendo inquire, num ex te, ut caveas alia vice, si distractiones aut ariditates fuerunt, dole, & inquire unde natæ pro cautela in futurum, recolligendo te maturè, quomodo alia vice illis occurras. 3.) Lumina collige, ex peracta meditatione illa annota, in libello ad id præparato, ob debilitatem memoriæ, ut illa aliis temporibus perlegere possis, & in te excitare spiritum servandi, quæ proposuisti in hac meditatione.

## §. XII.

*Regule meditationis cum fructu instituende.*

**M**aximo ardentissimoque desiderio animus meditantis saluberrimum hoc exercitium persequatur, ut quod sanctissimorum operum non mediocre auxilium esse solet, in hoc quoque pio studio devotionem acuat, mentemque sua sponte excitatam impellat.

2.) Sum-

2) Summa cum diligentia impedimentorum difficultatumq; omnium obstacula infringantur, quæ salutis nostræ perpetuus inimicus ingeniose ponit. Ea enim sollicitudo pro Matre atq; nutrice orationem mentalem pariet & fovebit. 3) Continua diligentissimæ mentis custodia & vigiliis cordis interna requies procuretur, atq; ne vanæ cogitationes, inordinatæque affectiones maximorum tumultuum occasiones subrepant, caveatur. 4) Plurimum indefessa Divinæ præsentis memoria proderit, cum quisque in omni loco Deum præsentem esse cogitare debeat, qui testis sit vitæ humanæ & Judex actionum, ut nihil illum latere possit, & nec verbum otiosum inultum abire sinat. 5) Lectio distincta & interruptentibus considerationibus plena usurpetur, quæ saluberrimam cogitationum materiam subministret. Optimè enim cor hominis molæ instructissimæ comparatum est, in quo nisi granum spirituale reponatur, ex plenitudine sua, miseras mundi hujus, vanitates & sensualitates eructabit. 6) Dum mors aditu per fenestras sensuum exteriorum facto animam occupet, necesse est accurata custodia, omnes quidem sensus, sed maximè oculorum & aurium eonstringi. Hinc qui recte cupit oratione mentali defungi, cæcum se, surdum & mutum esse putet. Unde optima meditatio in tenebris, vel noctu, dum omnia silent. 7) Providendum est, ne improbissimus Dæmon, quæcunq; facta occasione propositum orandi interturbet: propterea cupiens gustum fructumq; meditationis experiri, constanter in ea perseveret, & intrepido animo susceptum opus prosequatur. 8) Corporis afflictio vitæq; moderata asperitas adhibeatur. Quemadmodum enim jejunia, disciplinæ, duræ cubationes & alia similia egregie devotionem promovent, ita delicatum militem dissoluti corporis immodicæ libertates, aridum & insulsum relinquunt. 9) Pridie diligenti lectione, attentaque recogitatione, materia meditationis prægustetur, cum  
eaque

eaque in memoriam recondita, somnus capiatur, utile quoque est, si vigiliis nocturnam quietem interpellantibus elevatione mentis in Deum, brevique orationucula instituta, memoria refricetur dicto: Gloria Patri & Filio &c. vel Jesus Maria Joseph mei dulcissimi amores &c. vel Deus meus & omnia &c. Matutino verò tempore stratum relinquens, non aliam priorem cogitationem, quam præsentiæ divinæ & meditationis assumet. 10) Præter unicum colloquium in fine meditationis adhiberi solitum, plura alia utiliter in ipsa meditatione institui possunt, (vel maxime tempore ariditatis ad excitandum Spiritum) vel corde accenso, vel suavi labiorum motu, factaque super seipsum reflexione affectus odii & displicentia peccatorum amorisque Dei &c. 11) Perfecta meditatione, de fructu ex eadem percepto requiratur, firmiterque proponatur, velle se omnes inspirationes & determinationes à Spiritu S. dictatas executioni mandare, iteratisque in die vicibus idem propositum renovetur. 12) Non violentus, sed suavis est Orationis mentalis modus, jucundusque & humiliter, gratiam ac consolationem Spiritus S. expectando, devotio expetatur: Qui enim constanter perseverat in humilitate, sine fastidio, ad gustum suavitatemque Spiritus pertingit & singulare mentaliter orandi desiderium exhaurit. 13) Gustu fructusque desiderato in uno meditationis puncto habito non facile ad alia procedendum est, sed quam diu pius affectus durat, ad plenam animæ devotæ satisfactionem persistatur, idemque diutius sine tædiosa permutatione ruminetur. 14) Qui se agnoverit cogitationibus & curis à meditatione alienis implicatum, spiritumque in se ipso aridum expertus fuerit, ad orationeulas jaculatorias recurrat, quæ repulsis cogitationibus malis, spiritusque ariditate evacuata fervorem devotionis conservant & fovant. 15) Semper finem certum quem meditando peculiariter intendit sibi præstituat, & ad particularia resolute descendat. 16) Semper ali-



aliquid speciale proponat cui repetita subinde reflexione diligentius attendat, semper aliquantulo tempore quid emendandum respectivè ad Deum, se ipsum & proximum dispiciat & practicè corrigat. 17. Desolationes patienter cum humiligratiarum actione sustineat, se canem indignum recognoscens qui vel de micis consolationum & vigoris spiritualis, quibus Angeli Dei, Fratres & Domini sui, inter quos velut stipes arefactus flectit, superabundant participet. Jungat suam exsuccidam tepiditatem fervori illorum & constanter alacriterque profiteatur, quod sicco hoc & nudo devotionis, pinguedine inuncto pane, vesci, in Domini sui famulatu paratissimus sit, & sic vel ad mortem habitus, omni possibili affectu, Deo Domino, propter illum ipsum & dignitatem Majestatis ejus servire velit. 18. Evagantem extra assumptam materiam ad impertinentia mentem, ut primum adverterit studiosè cohibeat, & ad propositum revocet, ac tanquam silvestrem vagamque & omnis in agendo civilitatis rudem bestiam per accuratam rei meditando imaginationem frænet.

## CAPUT IV.

### *Officium Divinum.*

**I**terum hic ad humilitatem appellandum, si quid impetrare voles, fundamentum Orationis sit humilitas, humilibus enim dat Deus gratiam, ad quam moveri potes his: Nihil ex te habes, infinitis ergo cares, & simul eges. Manus Dei plena est omnibus benedictionibus ad implendum eis omnem Creaturam. Ad hanc ergo manum porrige, & extende mendicitatis tuæ os & orationis manum, ut percipias ab illa benedictionem, eaque implearis. Ora sicut mendicæ clamantes, sicut cicadæ strepenres, sicut pulli corvorum pipientes, ora (uti supra insinuavi) sicut pisces sine aqua, sicut terra sitiens, sicut herba arescens, sicut cervus ad fontem sitiens, sicut scintilla deficiens, sicut æger moriens.

#### §. I.

*Modus primus officium divinum devotè recitandi.*

Cont.

**C**onstitue te in conspectu Sanctissimæ Trinitatis, Humanitatis Filii Dei, B. V. & omnium Sanctorum; imaginando te cum electis omnibus triumphantibus & militantibus, omnium creaturarum etiam possibilium nomine, voce, affectu, collaudare Sanctissimam Trinitatem. 2. Cogita te alternos versus aut cum militante, aut cum triumphante Ecclesia dicturum, ac proinde opus fore magna attentione & reverentia, qualis describitur illorum 24. Seniorum, coram Agno procumbentium. *Apoc* 5. 3. Viva fide apprehende te versari in oculis Dei scrutantis corda & renes, Domini infinitæ liberalitatis, Judicis infinitæ justitiæ, Patris infinitæ bonitatis, benignitatisque, sponsi infinitæ amabilitatis, & propone, sponte non admittere ulla mentis evagationes, & necessariam ad id gratiam humiliter pete, cum intima de propriis viribus dissidentia & fiducia in Deo Devotionis & compunctionis spiritus inflammandus erit, excitando affectus fidei & Reverentiæ, humilitatis, contritionis, dissidentia propriæ, & fiducia in Deum, resignationis & desiderii perfectè laudandi Deum: his vel similibus modis. 1. Vel per brevi ruminatione alicujus ex prædictis, nempe vel Majestatis præsentis, vel curiæ cœlestis, misericordias Domini in æternum continentis, vel etiam obligationis tuæ, ratione beneficii, aut ordinis, vel mercedis propositæ devotis, vel supplicii intentati tepidis. 2. Vel per recordatione eorum quæ Christus D. singulis horis passus est, de quibus sunt versus illi.

*Matutina* ligat Christum, qui crimina purgat,

*Prima* replet sputis, causam dat *Tertia* mortis.

*Sexta* cruci nectit, latus ejus *Non* abipertit,

*Vespera* deponit, tumultu *Completa* reponit.

Possunt etiam non insipide septem dolores B. V. applicari 7. horis Canonis vel maxime in officio de Beatissima Virgine in Sabbato aut officio parvo B. V. 3. Consideratio quadruplicis finis hujus solemnis orationis Ecclesiæ Universæ, qui est Deum glorificare, gratias illi pro beneficiis agere, eundem placare, omnia bona & præsidia necessaria ad proprias & communes Ecclesiæ necessitates, arumnasque sublevandas impetrare.

la-

Intentio Triplex; quoad Deum, nos ipsos, proximos, præmittenda erit offerendo hoc obsequium nostrum cum omnium Sanctorum obsequiis & meritis, in unione infinitorum Christi meritorum, orationum, gratiarum actionum ac maxime in unione eorum quæ septem illis horis fecit, dixit, passus est, secundum intentionem S. Matris Ecclesiæ, quæ intendit Deum laudare ac pro vivis & defunctis orare (cui particularem intentionem licet addere Ministris Ecclesiæ) ad maximam Dei gloriam, in gratiarum actionem omnium beneficiorum, in satisfactionem peccatorum, ad impetrandam nobis & proximis quæ 7. Orationis Dominicæ petitionibus continentur, vel 7. dona Spiritus S. vel 7. Virtutes, scil. Theologicas & cardinales, vel Virtutes 8. beatitudinibus comprehensas, vel generatim ad impetrandam gratiam nobis aliisque omnibus Deo perfecte placendi, vel particularius: ad impetrandam gratiam proficiendi in mentis puritate, Virtutum soliditate, charitatis perfectione, finalem in continuo proficiendi studio perseverantiam, & ampliore in cælo gloriam, vel ad diversa impetranda diversis Ecclesiæ membris singulis hebdomadæ diebus, juxta P. Jacobum Alvaretz.

Die Dominico ergo offerrepotes officium pro tota Ecclesia, statu Ecclesiastico, Religioso, & sæculari, maxime eo cujus es membrum & pro sancta morte & beatitudine consequenda.

Feria II. Pro Conversione omnium fidelium, & pro plena remissione omnium peccatorum.

Feria III. Pro Conversione hæreticorum & Schismaticorum & pro solida mortificatione passionum.

Feria VI. Pro Justificatione omnium peccatorum fidelium & pro victoria tentationum.

Feria V. Pro perseverantia justorum, majorique profectu perfectorum & pro gratia omnes Virtutes assequendi.

Feria

Feria VI. Pro Parentibus, Cognatis, Benefactoribus, Amicis & Inimicis, & pro dono Orationis & familiaritatis cum Deo consequendo.

Sabbatho pro animabus in purgatorio & pro charitatis perfectione obtinenda, atque captivis apud Turcas, vel sic variare potes secundariam intentionem per singulos hebdomadae dies peculiariter (præter prædictas generales intentiones) Officium offerendo.

Die Dominico Pro tota Ecclesia, seu pro omnibus pro quibus Christus mortuus est, maxime vivis, affectu B. V. & omnium Sanctorum.

Feria II. Pro omnibus defunctis; affectu Sanctorum Angelorum.

Feria III. Pro capitibus Ecclesiae; affectu SS. Veteris Testamenti.

Feria IV. Pro omnibus Statibus Ecclesiae; affectu SS. Apostolorum & Discipulorum Domini.

Feria V. Pro statu cujus es membrum; affectu SS. Martyrum.

Feria VI. Pro peculiariter tibi commendatis; affectu SS. Confessorum.

Sabbatho Pro omnibus in peccato mortali, in hæresi, in infidelitate hærentibus; affectu Sanctarum Virginum & non Virginum.

Simili modo possunt fieri intentiones particulares ad singulas horas quamlibet per septimanam retinendo, in qualibet enim hora 4. ponuntur intentiones, id est pro 4. septimanis.

Ad matutinum 1. Ut agam gratias pro omnibus beneficiis Humanitati Christi Domini à Sanctissima Trinitate concessis, quod facio affectu ipsius Christi. 2. Ut impetrem notitiam & amorem Christi per totum orbem ad quorum augmentum totam vitam sanguinem & mortem meam illi devoveo. 3. Ut suppleam & quantum possum satisfaciam pro omnibus contemptibus Christo



Domino à quocunque illatis & inferendis unquam. 4. Ut adorem Christum Dominum cultu Theandrico per ejusque merita gratias prævenientes, opportunas, effica- ces augmentumque gratiæ & gloriæ promerear.

Ad Laudes 1. Ut honorem Pretiosissimam Dei Parentē cultu soli illi post Deum & Christum supra omnes Sanctos debito, per ejusque merita gratias efficaces ultimas, augmentumq; gratiæ & gloriæ promerear. 2. Ut agam Sanctissimæ Trinitati & Humanitati Christi Domini gratias pro beneficiis Pretiosissimæ Parenti concessis. 3. Ut impetrem mihi & omnibus meis affectum tennerrimum & intensissimum erga Pretiosissimam Parentem, cujus me & mortē meam honori atq; cultui omnimodo devoeo ab eoque mortem sanctam peto. 4. Ut suppleam & quantum in me est satisfaciam pro omnibus negligentis in cultu ejus à me & à meis quocunque commissis.

Primam Ut honorem S. N. N. per eorumque merita gratias prævenientes à peccato præservativas augmentumque gratiæ & gloriæ promerear. 2. Ut agam gratias Sanctissimæ Trinitati pro beneficiis omnibus quæ iisdem sanctis in tempore & æternitate contulit. 3. Ut impetrem mihi donum veræ humilitatis privilegiatæ puritatis & Martyrii. 4. Ut satisfaciam quantum possum (si Religiosus) pro pœnis Religionis nostræ ratione personarum debitis (si sæcularis & Parochus) pro pœnis Parochiæ meæ ratione personarum malarum debitis.

Tertiam 1. Ut agam Deo gratias pro Apostolica dignitate & pro iis quæ per eam operatus est sic, Religiosus de sua Religione aut ordine. 2. Ut impetrem vocationem his N. N. mihi autem spiritum & gratiam

Apo-

Apostol  
gionis.  
negatu  
zeli.

Sext  
nation  
2. Ut in  
carnatu  
3. Ut si  
nicis, E  
augme

No  
2. Ut in  
gratia.  
meis c  
rum vo

Vel  
Baptis  
Ordin  
unctio  
am De  
prom

Co  
letudi  
meis  
ut nul

Deop  
S

Apostolicam sic Religiosus spiritum & gratiam Religionis. 3. Ut suppleam Deo meo laudem quæ ipsi denegatur ab omnibus. 4. Ut promerear augmentum zeli.

Sextam i. Ut agam Deo gratias pro beneficiis Incarnationis Sanctissimi Sacramenti & passionis Christi. 2. Ut impetrem mihi & meis affectum ad Verbum incarnatum Sanctissimum Sacramentum crucemque ejus. 3. Ut suppleam Deo laudem quæ ipsi denegatur ab Ethnicis, Hæreticis & malis Catholicis. 4. Ut promerear augmentum desiderii Sanctissimi Sacramenti.

Nonam i. Ut agam Deo gratias pro vocatione mea. 2. Ut impetrem mihi perseverantiam in statu bono & gratia. 3. Ut satisfaciam Deo pro ingrattudinibus meis circa hoc beneficium. 4. Ut promerear gratiarum vocationis peculiarium augmentum.

Vesperas i. Ut agam Deo gratias pro Sacramento Baptismi, Confirmationis, Pœnitentiæ, Eucharistiæ & Ordinis. 2. Ut impetrem non mori sine extrema unctione & Viatico Corporis Christi. 3. Ut satisfaciam Deo pro defectibus hac die à me commissis. 4. Ut promerear augmentum gratiarum Sacramentalium.

Completorium i. Ut agam Deo meo gratias pro valetudine corporis. 2. Ut impetrem pœnitentibus meis sinceram confessionem, statum vitæ securissimum & ut nullus mihi sacrilege confiteatur. 3. Ut satisfaciam Deo pro defectibus admisis à me in administratione Sacramentorum. 4. Ut promerear augmentum ultimum gratiæ sanctificationis.

## §. II.

*In ipso officio recitando observanda.*

**A**Ttentionem, Devotionem & Intentionem actua-  
lem, aut minimum Virtualemente continuare, aut sal-  
tem identidem renovare stude, cum interiora exterioraque  
reverentia, memor divinas laudes legendas esse, aut ca-  
nendas, non solum cum debita verborum prolatione,  
sed etiam cum seria memoria, intellectus & voluntatis  
applicatione & religiosa totius corporis compositione  
juxta illud Ps. 46. *Psallite Deo nostro, psallite, psallite  
Regi nostro, psallite, quoniam Rex omnis terra Deus,  
psallite sapienter.* Ubiquinque repetito verbo *Psallite*,  
insinatur *Psallendum Deo*, quoad vocem distincte,  
quoad memoriam attente, quoad intellectum, intelli-  
genter, quoad voluntatem, ardentem, quoad habitum  
corporis, reverenter. Quod assequi conaberis. 1. Op-  
portunum & sufficiens tempus singulis horis canonicis;  
si extrachorum legas, tribuendo, juxta morem Eccle-  
siaz, & virorum timoratorum quibuscum vivis; non  
precipitando verba, nec mutilando, nec indecore festi-  
nando. 2. Locum pietati tuae magis congruum & a stre-  
pitu & interpellatione remotiorem eligendo. 3. Decen-  
tem corporis situm adhibendo, videlicet si vires ferant,  
alternatim genua flectendo aut stando. 4. Oculorum  
evagationes aliasque distractionum causas declinando.  
5. Viva fide Deum praesentem ei que beatorum choros,  
laudes aeternum concinentes crebro intuendo, cum af-  
fectu Amoris, gratitudinis, zeli laudandi Deum, ei que  
per omnia placendi. 6. Subinde memoriam renovando  
eorum, quae Christus tali hora fecit, vel passus est, cum  
similium piorum affectuum ac desideriorum Christum  
redamandi, imitandi, ejus merita participandi, instau-  
ratione. 7. Renovando propositum attentionis, si di-  
stractionibus agiteris saepius. V. G. In initio, sineque  
cujusque

cujusque psalmi, initio quidem desiderando & petendo affectum à Spiritu Sancto intentum. In fine verò Gloria Patri &c. Dicendo ferventi desiderio laudandi SS. Trinitatem reverenter, attente, devotè, omni possibili modo sicut fufius habes in fequenti modo tertio officium Divinum recitandi.

## S. III.

*Post officium Divinum.*

**D**Efectus minus voluntarios in recitatione officii admissos, quam primum expiare stude recitando: Laudate Dominum omnes gentes &c. Vel simile quid, ad lucrandas indulgentias in hunc finem concessas. 2. Offer tuum obsequium, quantumvis imperfectum, in Unione orationum & meritorum Christi, B. V. & Sanctorum, ad intentiones initio præfixas, idque vel immediate Sanctissimæ Trinitati, vel per Christum, Æterno Patri, vel primum B. V. deinde Christo Domino, & per hunc: Patri, hac vel simili forma.

O Maria Mater gratiæ, Mater misericordiæ respice oculo pietatis hoc exiguum servitutis meæ obsequium, quod mellis fluo cordi tuo, emendandum, perficiendum, & representandum Dilecto Filio Tuo offero, ad maximam ejus gloriam, amorem, beneplacitum, in gratiarum actionem æternam, ad gratiam nobis impetrandam, illi placendi perfectissime in tempore & æternitate juxta prædictas intentiones: Monstra te esse Matrem &c. Pie JESU Fili DEI & Mariæ Virginis, dignare de manu piissimæ Matris Tux suscipere, & infinita pietate tua supplere, hoc tepidum, aridum, & distractum Orationis meæ obsequium, & unitum tuis ardentissimis orationibus, sacrificiis laudis, & infiniti meriti obsequiis, representare Æterno Patri ad prædictas intentiones. Pater respice in faciem Christi Dilecti Filii Tui, & misereere nobis, gratiam largiens, Te, cum eodem dilecto



Filio tuo & Spiritu S. amandi & glorificandi, nunc perfectè in via, olim beate in patria, juxta tuum sanctissimum beneplacitum. Per eundem Dominum nostrum &c.  
3. Finito officio, discute conscientiam num debita sit adhibita diligentia, in attentione, devotioneque comparanda, nec ne dolendo de defectibus admisissis, & causas investigando, cum proposito emendationis, vel gratias agendo de bono successu, cum proposito similem modum deinceps servandi.

## §. IV.

*Consuetudines Horarum Canonicarum*

*R. P. Casparis Druzbicki, P. M.*

*ex M. S.*

**A**Urea fistula Sacerdotum Oratio est, per quam à SS. Trinitatis corde misericordiam exfugere possumus, si volumus, hoc est: si ita oramus, ut nostra evagatione & nostra distractione ductum miserationis in canalem indignationis non convertamus. Non placatur quippe, sed amplius exasperatur dignissimus DEUS, si sacratissima verba, quæ os ipsius nominavit, & S. Spiritus Sanctis religiosè inspiravit, ita per nos recitentur, ut cum sordibus, vanis videlicet (& utinam non malis) cogitationibus misceatur, quibus tamen longè major à nobis, quàm Sanctorum reliquiis veneratio debebatur.

*Qui igitur desiderat* (quod iustis Deus promittit Aug. lib. Sal. monit. c. 28) *ut quoties ejus in cælum ascenat precatio descendat super illum Dei misratio*, præter ea quæ ex legibus Ecclesiæ, Doctorumque præceptis observanda sunt in horarum Canonicarum recitatione, etiam sequentia pro commoditate & beneplacito observare poterit,

*Oblat*

*Oblatio singularū horarum diet præmittenda.*

1. **O**blatio Generalis omnium illius diei horarum.  
2. Intentio Generalis Ecclesiæ obligationis adimplendæ & Divinæ Majestatis demerendæ. 3. Propositum seu desiderium devotionis fervoris & reverentiæ cum Spiritus S. invocatione.

*Oblationis generalis praxis.*

**D**EUS cujus immensam Majestatem adorat omnis Ecclesia Sanctorum, offero tibi tuæ Ecclesiæ preces, à me vilissimo homuncione hodie recitandas. Et in primis offero omnes earum affectus & sensus, à S. Spiritu, & sancta sponsa Ecclesia intentos, atque in ipsis depositos, offero omnia illarum puncta, sententias, commata, verba, literas, apicesque offero omnes linguæ manuumq. mearum motus, omnes ictus oculorum, omnes meas respirationes, omnes corporis animæque meæ affectiones, omnes mei totius commotiones in hac præfenti ad te oratione intercurfuras. Accepta hoc tributum servitutis meæ Tu, qui es Dominus meus, Rex meus, Deus meus solus, unus, naturalis, meque mancipium tuum naturale & voluntarium, Spiritu S. tuo & gratia efficaci, abundanti, purifica, confirma, sanctifica, ut tibi servitium meum in sanctitate, & justitia, & devotione, & fervore, & attentione, & intensione, & perseverantia semper exhibere valeam. Per Dominum nostrum Jesum Christum &c.

*Intentio generalis sic instituetur.*

**V**Olo amabilissimam & honorabilissimam unius in Trinitate Dei Majestatem, nomine sponse illius Ecclesiæ laudare, sacratissimā Jesu Christi humanitatem & pretiosissimæ Parentis maternitatem honorare, Sanctos omnes lætificare, salutem perfectionemq. meam curare, obligationi & intentioni S. Matris Ecclesiæ satisfacere.

*Propositum sic fiat.*

**S**anctissima Trinitas Pater, Fili, & Spiritus Sancte, Laudo de cordialiter, laudare desidero, per omnes actiones passionesque meas, omnium potentiarum, virium & particularum, tam corporis ac animæ meæ, quam omnium præteritarum, præsentium, futurarum, possibiliumque creaturarum. Laudo te semel pro semper, pro tota vita mea, existentia mea, possibilitate mea & omnium. Laudo te majori quam unquam fervore & ardore Spiritus, milliesque, & millies & infinities majori proportionem, ardoris, fervoris, charitatis, liberalitatis, puritatis, dignificationis, imitationis, applicationis & diligentia ad purum gustum tuum, ad nullum præmium meum, ad nullum placitum, bonumque creaturæ, Seraphicè, Marianè, Christiformiter, omnistudionaliter, incessabiliter, in unione meritorum Christi mihi appropriatorum, & tibi oblatoꝝ, JESU CHRISTI pretiosissimæ Parentis Sanctorum hominum & Angelorum, atomicè, sacrificativè, primitiæ, heroicè, omnipossibiliter, dignè Te, dignissima Trinitate, quia mihi placeas, ut mihi placeas, amplius, & amplius, & amplius.

*Ad singulas partes Divini officii observanda.*

1. **I**ntentio specialis cuique parti officii propria.
2. **A**ssumptio affectus alicujus Deo placentis.
3. Aliquod pium mysterium inter recitandum ruminandum.
4. Gratiarum actio pro certo aliquo beneficio.

Quæ omnia quo facilius in praxim deducantur hanc tenere methodum juvabit.

*Ad Matutinum.**Intentiones Matutinarum.*

**V**olo matutinum dicere in honorem Sacratissimæ Trini-

Trinitatis, ut exaltetur amabilissimus & dignissimus Deus salutis meæ, & in honorem sanctissimæ Jesu Christi Humanitatis, ac Matris Dei dulcissimæ, totiusque curiæ cœlestis. Et pro :

Die Dominico. Justorum injustitia incremento, perseverantiaque finali.

Feria 2. Recenter Conversis, Deoque servire incipientibus.

Feria 3. Navigantibus, laborantibusque inter gentiles & Hæreticos.

Feria 4. Sancta morte, beatitudinisque adeptione, mea & meorum N. N.

Feria 5. Gratia obtenta, obtinendaque à Deo, in animarum procuratione.

Feria 6. His qui hic & nunc egent maximè divino auxilio.

Feria 7. Dono placendi quotidie soli Deo, juxta ejus voluntatem.

*Assumptio Affectus SS. Trinitatis.*

**U**Ni-Trine & misericors Deus, Domine meus, in Unionem illius perfectissimæ dilectionis, laudis, & complacentiæ, quibus Tu, o altissima Trinitas Pater, Fili, & Spiritus S. Unus Deus, amas te, laudas te, Tibi com places in te, amo & ego te, laudo & ego te, compla-  
ceo mihi & ego in Te, per Matutinum, & per omnes actiones, passionisque meas in tempore & æternitate.

*M Y S T E R I A.*

1. Ab Adventu ad Nativitatem. SS. Trinitatis consilium decretumque super auxilio mundi.

2. A Pentecoste ad Adventum, Incarnatio Christi & Nativitas.

3. A Nativitate ad Purificationem, Nativitas Christi.

4. A septuagesima ad Pascha, Christus in horto cum omnibus in eo gestis.



5. A Pascha ad Dominicam in Albis Resurrectio Dominica.

6. A Pascha ad Trinitatem. Eadem ejus resurrectio.

7. Sabbathis & in Festis Beatissimæ Virginis Immaculatæ Conceptio &c. B. Virginis.

*Gratiarum actio pro beneficio Creationis.*

**T**Oto corde & tota affectione, cum omnibus animæ corporisque mei viribus ac sensibus, ex tota tibi nota latitudine & magnitudine omnitudinis meæ, gratias beneficentissimæ Majestati Tuæ Deus meus ago, per Matutinum, & omnes actiones passionisque meas, pro omnibus gratiis & privilegiis, Sacratissimæ JESU Christi Humanitati, dulcissimæ Virgini Mariæ, sanctis Angelis, meoque præcipuè Tutelari &c. omnibus Sanctis meisque potissimum Patronis, mendico mihi tuisque ac meis omnibus, & universæ creaturæ exhibitis aut exhibendis.

Specialiter autem gratias superamandissimæ Divinitati Tuæ pro eo tua factura, quod Tu Deus tibi superficiatissimus, & ex te superbeatissimus, ex infinita & undequaque gratuita charitate tua, me ab æterno, inter possibilia agnitum, misericorditer respexisti, voluisti, ad tui fructum ordinasti & ut spero amasti & prædestinasti quod in tempore, & Christianæ legis tempore, me ut essem creasti, plasmasti, formasti, inō instar casei coagulasti, & instar lac mulsisti, & carne ac pelle vestivisti. Quis Rex terræ talia stercorea manibus tractat, quale stercus homo & ejus nihil itudo est, in qua tu bone Deus, quando me fecisti, Divinum digitum tuum intinxisti tuam manum immerxisti.

*Ad Laudes.*

**V**olo laudes dicere &c. ut supra in Matutino Et pro Die Dominico Liberatione cita eorum, qui sunt in peccato mortali. Feria

Feria 2. Justis in Virtute proficientibus.

3. Confessariis, Concionatoribus & quomodolibet animarum salutem curantibus.

4. Remissione peccatorum mihi & meis N.N.

5. Pœnitentibus meis præteritis & futuris, ut emundentur & perseverent & augeantur in bono.

6. Augmento devotionis in me & aliis erga Passionem Christi Jesu.

7. Successu felici meorū officiorum & propositorum.

*Assumptio affectus cordis Christi Domini.*

**S**uperbeatissima & superhonorabilissima Trinitas Deus meus, in illius dilectionis & affectionis unione, quæ in devotissimum cor Domini nostri Jesu Christi tuum organum prædulcissimum à te liberalissimè fluit, & inde in omnes Angelos & Sanctos procedens, rursus per idem cor ad Te superdignissimā Trinitatem refluit, Laudo te per laudes hodiernas & per omnes actiones, passionesq; in tēpore futuras, vel in æternitate extituras.

*MYSTERIA.*

1. A Pentecoste ad Adventum. Vita Christi, à Nativitate ad annum duodecimum.

2. Ab Adventu ad Nativitatem. Annunciatio & Incarnatio Domini nostri Jesu Christi.

3. A Nativitate ad Purificationem. Angeli & Pastores.

4. A Purificatione ad Pascha & Feria sexta. Christus in domo Caiphæ, Annæ in carcere nocturno.

5. A Pascha ad Dominicam in Albis. Christus matri suæ apparens gloriosus.

6. A Pascha ad Trinitatem. Christus item apparens Matri.

7. In festis B.V. & Sabbathis. Nativitas Beatissimæ Virginis in mundum,

*Gra-*

*Gratiarum actio pro beneficio Incarnationis & Redemptionis.*

**E**odem hæc in laudibus aliisq; omnibus horis modo inchoando quo & in matutino inchoabatur usq; ad Specialiter autem &c. præterquam quod loco illius per Matutinum ponendum sit: Per Laudes &c. Per Primam &c. Specialiter autem per laudes, gratias ago misericordissimæ Bonitati tuæ, quod ut me perditum recuperares Humanam vilitatem, Tuæ Divinitati personaliter copulasti, maternis visceribus te tantillus incarcerationis, infans ejulasti, parvulus reptasti & baltuisti, adolescens laborasti & latuisti, Vir prædicasti, Teque pro me tot miris & diris suppliciis colliquasti, ac tandem in cruce mei amore tostus, & mihi debito dolore exhaustus, expirasti verus vir dolorum.

*AD PRIMAM.*

Volo Primam dicere ut supra &c. Et pro: Die Dom. Fidei Cathol. conservatione & propagatione.

Feria 2. Justorum & perfectorum in Virtute perseverantia, eorum præsertim, quos perseverare multorum salutis prodest, vel prodesse potest.

3. Dandis à Deo Sacerdotibus sanctis, doctis, sanis, prudentibus, ferventibus operariis.

4. Assequenda passionum mortificatione, à me meisque N. N.

5. Ut ad me dirigantur animæ quam maximè egentes, utque ego eas possim efficaciter, suaviter, prudenter, humiliter, juvare,

6. Obtinendo dono exercendæ in omnibus solius Dei voluntatis.

7. Gaudiis & beneficiis mihi peculiariter necessariis.

*Assumptio affectus B. Virginis Mariæ.*

**S**uper inaudabilissima Trinitas Domine Deus meus, Splendo & magnifico dignissimam Majestatem tuam per

per Primam, omnesque actiones & Passiones meas, & omnium amore, ardore, & affectu illo, quo te Tibi devotissima, & tuo divino cordi, dilectissima Parens & Virgo, à primo conceptionis suæ instanti, ad usq; præiens momentum, laudavit ac magnificavit, quo nunc laudat & magnificat, quo in omnes æternitates, laudabit magnificabitque.

## MYSTÈRIA.

1. A Pentecoste ad Adventū. Vita Chr. ab anno 12 ad 30.
2. Ab Adventu ad Nativitatem. Visitatio Elisabeth Joannisque sanctificatio.
3. A Nativitate ad Purificationem. Circumcisio Christi Domini, & dolor Christi Domini & B. Virginis.
4. A Purificatione ad Pascha. Christus ante Pilatum & Herodem.
5. A Pascha ad Dominicam in Albis Christus apparens Magdalenæ.
6. A Pascha ad Trinitatem. Christus apparens mulieribus, Petro, Euntibus in Emaus.
7. In Festis B. V. & Sabbathis Præsentatio B. Virginis & vita in templo.

*Gratiarum actio pro institutione & exhibitione SS. Eucharistia Sacramenti.*

**I**ncipit ut supra in Matutino specialiter autem per Primam, omnipotentes Divinæ Charitati tuæ gratias habeo, quod illam personalem inhumanationem per miram extendens dignationem, Te & tuam Divinitatem, ad meam usque nihilitatem inclinasti, teque mecum in unam quodammodo massam, amorose conflasti, quod hanc scabiosam & leprosam hanc fornicariam sponfam tuam, unicam meam toties visitasti, eamque tuo sanguine potasti & corpore cibasti, quod cum captiva anima mea, in sanie & cloaca, in sterquilinio & spurcissima fetulentia, in hoc fædo corpore consedisti & sponte incarcerationis es.

Ad



*Ad Tertiam.*

Volo Tertiam dicere ut supra. Et pro:

Die Dominico Pace & concordia Principum Christianorum.

Feria 2. Pervenientibus ad usum rationis, & pro adolescentibus, ut ab incunte ætate, Deum timeant, innocentiam servant, familiaritates malas effugiant, spiritum fornicationis evincant, mala educatione non depraventur, ex mente Dei statum vitæ deligant, ineam, servant.

3. Reprimenda rabie Dæmonum, in impedienda conversione hominum, paceque Christianorum.

4. Adipiscendo neglectu rerum humanarum, contemptuque respectum, victoria tentationum, à me & meis & &c. N. N.

5. Congruis auxiliis ad sanctissimum Eucharistiæ Sacramentum, Missæque sacrificium ritè obeundum.

6. Ea gratia impetranda, quam Deus vult pro me à se nunc posci, quæque ille mihi dare disponit, & quæ ego potissimum nunc indigeo.

7. Statu Sacerdotali & ejus profectu spirituali.

*Assumptio affectus SS. Angelorum, Archangelorum, Virtutum.*

SUperreverendissima Trinitas Domine Deus mētis, laudo & glorifico Te per Tertiam, omnesque actiones & passionēs meas & omnium, illa depurata & illa defæcata charitate, quam primæ tuorum Hierarchiæ Angelorum pro famulari & militari donativo retribuisti, retribuisti & in æternum retribues.

*MYSTERIA.*

1. A Pentecoste ad Adventum. Baptismus Christi, Jejunium, & Tentatio in deserto.

2. Ab Adventu ad Nativitatem. Sollicitudo B. V. & Josephi metu post Conceptionem,

3. A Nativitate ad Purificationem. Trium Regum adoratio, munerum oblatio.

4. A Purificatione ad Pascha. Christi ad columnam denudatio, flagellatio, coronatio.

5. A Pascha ad Dominicam in Albis. Apparitio Christi Petro, & duobus discipulis in Emaus.

6. A Pascha ad Trinitatem. Apparitio Thomæ & ad mare.

7. In Festis B.V. & Sabbathis. Annunciatio, & verbi ex sanguine Virgineo Incarnatio.

*Gratiarum actio pro donis supernaturalibus.*

**I**ncipit ut supra in Matutino. Specialiter autem & tota totius animi contentione, gratias tuæ ago bonitati, quod superegentissimam, indignissimā ingratissimamque animam meam, tot Sacramentorum, aliorumque spiritualium beneficiorum, tot satisfactionum & visitationum, ut sanctarum gratiarum thesauros, profudisti, imo prodegisti, ut faceres bone Deus de me, quod placitum fuit ab æterno ante Te, facere aliquando de me. Oquàm ingeniosas Deus meus adhibuisti artes, quàm astutos exprompsisti dolos, ut caperes & inescares, & haberes tibi stultam & rebellem cæcam voluntatē meam. Gratias & gratias tuæ bonitati æternas, immortalesq; ago.

*Ad Sextam.*

Volo Sextam dicere ut supra. Et pro: Die Dominico. Levatione dolorum his, qui nunc morbis corporaliter affliguntur.

Feria 2. Necessitatibus negotiisque Patriæ, & pro his qui ea curant ac defendunt.

3. Superioribus Status Clericalis, ut statui in flore conservando, perpetuo, efficaciter suaviterq; invigilent.

4. Gratia ad universas virtutes assequendas & exercendas, mihi & meis N.N.

5. Con-

5. Congruis auxiliis Spiritusque S. Donis, ad Sacramentum poenitentiae, prudenter, patienter, assidue, libenter, avidè, fructuosè, humiliter, ministrandum.

6. Dono semper vivendi sine obligatione culpæ & poenæ, præsertim pro expiandis peccatis mihi occultis.

7. Repressione Spiritus fornicationis, & conversione poenitentiaq; finali magnorū peccatorum, eorum præsertim, qui suo exemplo multum nocere possent.

*Assumptio affectus Principatuum Potestatum Dominationum.*

**S**upercolendissima Trinitas, Domine DEUS meus, laudo & dignifico Te per Sextam, omnesq; actiones ac passionēs meas & omnium, illā reverentiā & illa quieti amoris vehementia, quā dominatricem Tuæ divinitatis Majestatem, adorant Dominationes, tremunt Potestates, venerantur & mirantur Principatus, nunc, antè & in perpetuum.

*MYSTERIA.*

1. A Pentecoste ad Adventum. Vocatio discipulorum, Prædicatio, labores Christi.

2. Ab Adventu ad Nativitatē. Vita, actiones, passionēq; Christi, in Visceribus dulcissimæ Virginis Mariæ.

3. A Nativitate ad Purificationem. Purificatio B. V. Oblatio Christi, & Simeonis prædictio.

4. A Purificatione ad Pascha, Christi damnatio, Crucis bajulatio, Crucifixio.

5. A Pascha ad Dominicam in Albis. Apparitio Christi clausis januis, absente, præsentēque Thoma.

6. A Pascha ad Trinit. Ascensio & triumphus Christi.

7. In festis B. V. & Sabbathis, Visitatio Elisabeth à B. V.

*Gratiarum actio pro donis naturalibus.*

**I**ncipit ut supra: Specialiter a. humilimas Divinæ Providentiæ tuæ gratias habeo, pro omnibus singulisq; donis & bo-

& bon  
variet  
sti, o  
& illa  
illis fu  
ries &  
stician  
& per

V  
bu  
Feria  
leg  
Po  
III. M  
c  
IV. I  
V. D  
t  
VI. I  
F  
VII. I

*Assu*

Su  
lau  
nes p

& bonis naturalibus, quæ in me immerentem, in tanta varietate, cum tot, tantaque liberalitate gratis profudisti, cumque ingratus illis, & me, in sinu tuo abuterer, me & illa scdare non vererer, tamen misericorditer me cum illis sustinuisti & paternis manibus protexisti? O quoties & quoties ô miser homuncio! Vindicem Dei iustitiam, ad te tuaque perdenda armabas, à qua te perdi & perire, Dominica Misericordia non permittebat,

*Ad Nonam.*

**V**Olo Nonam dicere ut supra. Et pro

Die Dominico. Solatio eorum quæ animæ tribulationes internas & externas patiuntur.

Feria II. Diminutione peccatorum, præcipue sacrilegorum, impuratum, hæreticorum, malorum Politicorum.

III. Necessitatibus Clerici Universi præsertim hujus Archidiccesis, potissimum hujus Archidiaconatus.

IV. Dono orationis & intimæ cum Deo familiaritatis, mihi & meis N.N.

V. Dono opportune ad indigentiam & eor audientium, cum fructu loquendi.

VI. Dono Jesu Christi passionem, Mariæque compassionem, animo & corpore intime sentiendi.

VII. Dono concionandi & conversandi.

*Assumptio Affectus Thronorum Cherubino-  
rum & Seraphinorum.*

**S**uperamandissima Trinitas Domine Deus meus, Sclaudo & superexalto Te per Nonam, & omnes actiones passionesque meas, ac omnium, tota contentione



& omni intentione, puri igniti extatici amoris illius, quod felicissimi Tuæ Majestatis Cubicularii, & Beatissimæ Tuæ Divinæ a Secretarii, Supremæ Hierarchiæ Spiritus per te inflammantur, à te absorbentur, in te transformantur, & tibi ipsi per te ipsum sine medio, feliciter uniuntur.

### *Mysteria.*

- I. A Pentecoste ad Adventum. Passio Domini nostri Jesu Christi, mors, sepultura.
- II. Ab Adventu ad Navitatem. Vita, pretium, vota dulcissimæ Virginis, Christum in visceribus gestantis.
- III. A Nativitate ad Purificationem. Cædes infantium, Fuga in Ægyptum.
- IV. A Purificatione ad Pascha. Christus inter latrones orans, septem verba pronuntians.
- V. A Pascha ad Dominicam in Albis. Christi apparitio ad mare Tyberiædis.
- VI. A Dominica in Albis ad Trinitatem. Missio Spiritus Sancti in Discipulos.
- VII. In Festis B.V. & Sabbathis. Purificatio B.V. Mariæ, dolor ex Simconis prædictione.

### *Gratiarum actio pro Beneficio Vocationis.*

**I**ncipit ut supra; Specialiter autem omnem gratiarum actionem passimæ bonitati Tuæ exhibeo, quod mihi indignissimo, Te audire, Tuæq; voci obedire donasti, speciali privilegio in hujus sancti status Paradiso implantasti, quot tot illuminationum & tot inflammationum stimulis, me ad in eo proficiendum excitasti. Non fecit bonitas tua taliter omni orationi.

*Ad Vesperas.*

**V**olo Vesperas dicere ut supra. Et pro  
Die Dominico Morientium, agonizantiumque  
efficaci, ac finali à Deo auxilio.

Feria II. Positis inter propinquas peccati mortalis oc-  
casiones, ac pro Moribundis.

Feria III. Bene-factoribus ac male-factoribus Cleri, aut  
Religionis (si Religiosus) præsertim à meis, tam vi-  
vis, quam defunctis.

IV. Obtinenda Humilitate interna, Patientia illæsa,  
Charitate incessabili, valetudine commoda, ad labo-  
res apta, mihi & meis N.N.

V. Habendis, cognoscendis, arripiendis occasionibus,  
merendi de Dei gloria & animarum salute.

VI. Dono libertatis & industriæ, ad Dei gloriam pro-  
movendam, utq; me utatur Deus, ad confundendum  
me, ad exaltandum se.

VII. Expiando ac supplendis defectibus, tota hebdo-  
moda commissis.

*Assumptio affectus omnium Sanctorum  
Comprehensorum.*

**S**uperpientissima Trinitas Domine Deus meus, lau-  
do, amplector Te per Vesperas, & omnes actiones  
passionesque meas, & omnium, illa puritate &  
ubertate affectionis, & deliciosæ fruitionis, qua omnes  
electi, & Tuæ Sanctissimæ voluntati ab æterno dilecti,  
jamq; ab omni extranea imaginatione & recordatione  
in Te unum collecti, omnes Sancti Tui, Te infelicitatis  
Patria amplectuntur, venerantur, amant, prædicant, &  
in sempiternas prædicabunt æternitates.

*Mysteria.*

- I. A Pentecoste ad Adventum. Resurrectio Christi, Ascensio, & S. Spiritus missio.
- II. Ab Adventu ad Nativitatem. Vota Patrum in limbo, pro Christi Nativitate acceleranda.
- III. A Nativitate ad Purificationem. In Ægypto mansio, & ex ea reditus.
- IV. A Purificatione ad Pascha. Christus in latere vulneratus, de cruce depositus, unctus.
- V. A Pascha ad Dominicam in Albis. Christi apparitio in monte Thabor.
- VI. A Dominica in Albis ad Trinitatem. Christi confessus ad dexteram Patris.
- VII. In festis B. V. & Sabbathis. Mors, & Assumptio B. V.

*Gratiarum Actio pro peccatorum Tolerantione & ad Pœnitentiam Vocatione.*

**I**ncipit ut supra. Specialiter autem per Vesperas, tota sua contentione, miserrima hæc vilitas mea, piensimæ bonitati Tuæ, gratias agit agetque in æternum, pro Tua illa infinita patientia, & illa mihi peccatori undique indebita tolerantia, gratiaque; quod cum abjiciebam Te, Tu tamen non projiciebas me. Cum stultus fugiebam à Te, Tu sequebaris ac tenebas me, cum contemnebā & averfabar Te, Tu æstimabas & convertebas me. Cum prodebam me inimicis Tuo & meo, Tu quærebas me & de unguibus Leonis rapiebas unicam meā. O quoties mortalia illa vulnera mea clementissime alligasti, quoties in foedissima ulcera mea Sacratissimum Sanguinem Tuum destillasti, ne inveterascerem & putrescerem in iniquitatibus meis, ut jumentum in sterco-

re suo computrefcere solet, & pro his omnibus, solum à me, ingratitude amplioris & in peccando licentiæ projectoris fructum reportasti,

*Ad Completorium.*

**V**olo Completorium dicere &c. ut supra. Et pro Die Dominico. Animabus in purgatorio, & pro augmento pietatis ac misericordiæ super illas inter homines.

Feria II. His rebus, pro quibus orare deberem aut vellem, & vel negligo vel nescio.

III. Animabus Clericorum, vel Religiosorum, (si Religiosus es) qui ultimo obierunt, vel pro quibus nulla suffragia fiunt.

IV. Obtinendo perfectione Charitatis, donoque perfectantiæ mihi & meis N.N.

V. Defectibus commissis in administratione Sacramentorum, Pœnitentiæ & Eucharistiæ, in Missa, in consulendo, in concionando, & conversando.

VI. Concordia & pace domus in qua vivo, præsertim mea cum omnibus.

VII. Gratia horas Canonicas semper cum fructu & sine defectu recitandi.

*Assumptio Affectus omnium Sanctorum Viatorum.*

**S**uperbeneficientissima Trinitas Domine Deus Sineus, laudo & honorifico Te per Completorium, & omnes actiones passionisque meas, ac omnium omnium affectu, omnium Sanctorum (qui fuerunt, sunt & erunt) viatorum, eorumque potissimum, quorum Tu Domine nu-



dam essentiam & fundum animæ plene possedisti, quorum vires & potentias, Tuo Divino cordi intraxisti, & ab omni creatura avulsisti, quos per dulcem Synthetis-  
fin & supremam affectionem ita in te absorpsisti, ut ab omni propria operatione deficientes, tuam solam in actionem paterentur. Si horum mi Deus omnium affectum habere mererer, Te solum, eo Toto avidissime complecterer, Toto in te ardentissime raperer, Totq apud Te libentissime morarer, dum morerer.

### *Mysteria,*

- I. A Pentecoste ad Adventum. Christi adventus ad extremum Judicium particulare & generale.
- II. Ab Adventu ad Nativitatem. Vota ipsius Christi Domini ad nascendum, & homini subveniendum.
- III. A Nativitate ad Purificationem. Deliciæ Matris cum Christo infante.
- IV. A Purificatione ad Pascha. Christi sepultura, & descensus ad inferos.
- V. A Pascha ad Dominicam in Albis. Conversatio Christi cum SS. Patribus, ex limboeductis.
- VI. A Dominica in Albis ad Trinitatem. Mundi consummatio, Christi adventus, & Sanctorum regnum.
- VII. In Festis B.V. & Sabbathis. Coronatio & glorificatio Beatissimæ Virginis.

### *Gratiarum Actio pro collata Sacerdotii dignitate.*

**I**ncipit ut supra; Specialiter autem per Completorium, cum omni quam habere & cupere possum vilitatis

tatis meæ humiliatione & exinanitione, omni-possibiles Tuæ gratias bonitati ago, quod me despicabilem catellum, misericorditer, de pulvere & stercore erigere, tuis sacris Altaribus adstare, Tuam & Tuæ Sponsæ personam gestare, Tuum Sacratissimū corpus, impuris toties manibus, contrectare, toties manducare, toties consecrare voluisti; quod clavos Regni cœlorum in has manus peccatrices tradidisti, quod me peccatorem tuarum gratiarum dispensatorem, Tuæ passioni, meritorum distributorem constituisti, ô mira dignatio & miseratio Tuæ Deus meus bonitatis.

*Observanda circa & præter prædicta.*

I. PRædictis consuetudinibus non esse anxie serviliter seu scrupulose utendum, sed magis ductum & instinctum Spiritus Sancti sequendum, cujus Divina unctio optima est devotio. 2. Posse quoadq; aliquas prædictarum consuetudinum perstringi compendio, ut semel duntaxat ad plures Divini officii partes præmitti, præsertim si plures simul recitandæ erunt. 3. Posse ad singulos nocturnos vel psalmos, peculiarem adhiberi considerationem, si ea in nobis majorem excitet attentionem, ut V.G. in matutino singulis psalmis singula honorare Dei attributa, puta Uno Omnipotentiam, altero omni-scientiam, aliis misericordiam, Providentiam, Justitiam, Necessitatem, Aternitatem, Immensitatem, Dignitatem, Bonitatem, Liberalitatem cum affectibus admirationis, Dilectionis, Gaudii, Gratulationis, Complacentiæ, Quietis, Fruitionis &c. Vel si matutinum sit trium Nocturnorum, in primo adoretur Pater perennis gloriæ. 1. Qui à nullo genitus vel procedens, se & omnia simul intelligens, unicum intus Verbum, verum mentis suæ filium

genuit, & semper generat. 2. Qui totam suam substantiam æterno Filio & totam cum eo essentiam, æterno Spiritui S. communicat. 3. Quem amant, amantè adorant & reverenter possident omnes beati. Supplicando 1. Ut eum firma fide & viva credamus, nobisque intime præsentem sentiamus. 2. Ut eum supremo cultu latriæ in Spiritu & veritate veneremur & adoremus. 3. Ut eum secure possideamus, & ab eo in æternum possideamur. In secundo Nocturno; Laudetur splendor paternæ gloriæ, Deus Filius. 1. Qui à Patre ab æterno genitus, ipsum perfectissime repræsentat, eidem per omnia similis, coæqualis, consubstantialis. 2. Qui æternum Patrem ignitissime amat, & cum eo, Spiritum Sanctum, amorem condilectum, coæternum, consubstantialem spirat. 3. Qui ad ejus contemplationem & laudem Electos elevat ac illuminat. Orando. 1. Ut in eo, & per eum, ac in eo gloriam æterni Patris clare contemplemur. 2. Ut simul cum eo Patrem laudemus & glorificemus. 3. Ut in claritatem Divinam nobis deficientes transformemur. In tertio Nocturno. Glorificetur delicia Patris & Filii Spiritus Sanctus. 1. Qui est substantialis amor & complacentia. Pater & Filius in se, & in eo sibi invicem optime complacent. 2. Qui in Patre similiter deliciatur, sibi que complacet. 3. Qui deliciis superfluavissimæ Trinitatis Sanctos afficit, replet & inebriat. Postulando. 1. Ut per eum in Patris & Filii gloria delectemur. 2. Ut ejus deliciis sic afficiamur, quo aliis oblectari renuamus. 3. Affectus qui supra, potissimum etiam Gratulationis dulcissimæ Societatis, suavissimæq; ac indissolubili Sanctissimæ Trinitatis amicitia & propinquitati, per quam solitudinis tristitiam nesciens, propter æternam emanationem & insuperabilem unionem ac inexistentiali ineffabilem in se ipsa, ad intra habet jucunditatem, continuam voluptatem, omnem delectationem.

delectabilitatem, infinitam complacentiam, plenissimam opulentiam &c. Similiter in Laudibus singuli Psalmi, in singula Jesu Christi vulnera reverenter deponi poterunt Capitulum & Hymnus ad genua. Benedictus ad Caput. In Prima. Primus Psalmus dici potest affectu dulcissimæ Virginis, quem illa aliquando ante Filii Dei conceptum habuit. 2dus. Affectu ejusdem jam puerperæ, & suo pariter ac filiali respirantis ad Deumque aspirantis habitu. 3tius. Affectu ejusdem Matris Dei, Reginae cæli, post partum. Ad preces; Affectu sanctissimæ Matris Advocatæ miserorum in cælo. In Tertia, Sexta, Nona. Singuli psalmi singulorum affectu Angelicorum Chorum recitari poterunt ut supra. In Vesperis: 1mus Psalmus, affectu sanctorum Patriarcharum. 2dus. Prophetarum. 3. Apostolorum. 4. Martyrum. 5. Confessorum & Virginum. Reliqua affectu omnitudo Marianæ. In Completorio sicut & in Vesperis addito. Nunc dimittis, Affectu S. Simconis. 4. Posset ad singulos psalmos horæ repeti vel fieri Invocatio ejus Ordinis Sanctorum, cujus affectu hora recitatur; V. G. Adeste Angeli sancti, Vestro affectu SS. Trinitatem laudate hoc psalmo, hac hora &c. volo & desidero. 5. Posset etiam (præsertim ab eo qui solus recitat) post dictos vel psalmos integros, vel medios, vel aliquot versus, excitandi cordis gratia, fieri cordialis & ignita repetitio aliquorum verborum, ad cor ignefaciendum; V. G. JESUS MARIA vel JESUS & MARIA amore dulcissimi vel Deus meus & omnia, vel ô Amor qui semper ardes, accende me. Proderit hoc ad impediendas distractiones, præcipitationes, tepiditates. 6. Qui recitat horas Canonicas, inter alia studiose caveat ne se unquam in tempus angustum recitatione conjiciat. Multa enim hinc incommoda. Debitum ergo opportunum & redundans tempus recitatio officii occupet. 7. Utiliter institua-



tur supra prædictas consuetudines earumq; usurpationem aliquando examen speciale, quo videamus, an eas servemus, qua applicatione, quo fructu, constantia, quid impediatur, quid omittatur. Alia præclara supra eodem argumento vide tum alibi, tum in Epistola P. Claudii scripta hac de re.

## §. V.

*Alius modus devotè recitandi officium Divinum, partim ex eodem P. Gasp. Druzicki, partim ex aliis.*

**P**Ræmissa communi Oratione; Aperi Domine os meum &c. ut ab initio diurnalis positum, confer te ad SS. Trinitatem productioni Verbi, processioni Spiritus Sancti, unio hanc sacrorum verborum amore tui prolationem, O Sanctissima & Dulcissima Trinitas.

Ad Christum Dominum tuis ô Verbum in carne verbis, & Orationi, unio & consecro singula verba.

Ad dulcissimam Virginem tuis ô Sanctissima ad Deum, Jesum, Angelos, homines, vestrisque Sancti omnes verbis & orationibus, unio hæc precum verba.

O dulcissima Trinitas! quot verba, litera, apices, tot multiplicatis in infinitum vicibus, amo te Deum summum bonum supra omnia.

O dulcissime Jesu! iningo linguam meam, & os in tuo amantissime Jesu sanguine.

O dulcissima Mater & Virgo in tuo lacte, ô sancti Patroni mei Martyres & in vestro sanguine iningo linguam meam.

O Sancte hujus dici, de quo nunc officium absolvere volo, Tuo sancto affectu & ore dicenti, impetra amorem Dei supra omnia &c. Amorem Christi crucifixi &c.

xi &c.  
fuerit  
tem ad  
V.G.

**P**At  
fili  
Dei, p  
Av  
sum  
stum,  
per ej  
riendi  
Cr  
rium  
Do  
Recit  
Chris  
rifica  
Inv  
poter

**O**  
tulist  
noct  
sequi  
tot b  
quer

xi &c. Amorem dulcissimæ Virginis, si officium non fuerit de Sancto, dirigantur petitiones ad SS. Trinitatem ad Christum Dominum, ad Beatissimam Virginem, V.G. Da mihi amorem tuum super omnia &c.

*Ipsium Officium.*

**P**ater noster. Dic cum viva memoria præsentis Dei, filiali fiducia, reverentia, resignatione, & zelo gloriæ Dei, petendo septem contenta in illo.

Ave Maria. Excitando desiderium laudandi Beatissimam & Dulcissimam Virginem, benedicendi Christum, dulcissimum fructum ventris ejus, & impetrandi per ejus Matrisq; merita, gratiam bene vivendi & moriendi.

Credo. Excitando fidem, spem, charitatem, desideriumq; participandi merita Christi.

Domine labia mea &c. Deus in adjutorium &c. Recitando cum affectu fiduciæ in Deum, per merita Christi, & dissidentia sui amoris, gratitudinis, zeli, glorificandi Deum.

Invitatorium. Omnes Choros Sanctorum, & tuas potentias omnes ad laudandum Deum invitando.

*Ad Matutinum.*

**O** Ratio Mysterii Domine Jesu, in unione illius Orationis, quam in horto angustatus Patri obtulisti, & tormentorum omnium, quæ Passionis Tuæ nocte pertulisti, offero Tibi hoc matutinæ laudis obsequium, ut illud acceptare digneris, in compensationem tot blasphemiarum. *Acap.* Psalmi recitandi eo affectu quem verba præferunt, & quidem vel uno aliquo præcipuo

cupuo; V. G. Contritionis, Ps. 50. vel Laudis, Ps. 145. 143. vel gratiarum actionis, ut Ps. 102. 104. 105. 106. vel affectu Divini beneplaciti perfecte adimplendi, in exacta observatione divinorum præceptorum, consiliorum, inspirationum, ut Ps. 118. & alios nonnullos Psalmos, qui unum tantum præcipue affectum continent, vel diversis affectibus, ceteros qui miram affectuum varietatem suppeditant decurrendo. Videlicet juxta S. August. in Ps. 30. *Timendo cum timet Propheta, amando cum amat, laudando cum laudat, plorando cum plorat, postulando cum postulat, humiliando cum ipse se vilem agnoscit, gratias agendo pro beneficiis, nobis spiritualiter collatis, quæ Israelitis corporaliter collata refert.* Similiter Antiphona, Versus, Lectiones, Hymni, Orationes recitandæ cum affectibus, desideriis & suspiriis congruentibus. Nota in *Te Deum laudamus* flectere genua ad illa verba. Tu ad liberandum &c. Revelavit enim B. V. S. Lutgardi Virgini, gratissimum esse Filio suo obsequium, inclinationem profundam in memoriam beneficii Incarnationis. Surius in ejus vita 16. Junii. In si te cum memoria brevitatis vitæ, & desiderio beatæ mortis orandum pro Defunctis, ferventer prout pro te orari optares, dum fidei in animæ &c. dicendo singulas horas concludis.

### *Ad Laudes.*

**O** Ratio Mysterii. Domine Deus in memoriam omnium laborum, viarum, lachrymarum, orationum, miraculorum & persecutionum tuarum, quas à Nativitate per 30. annos totius prædicationis pertulisti, & Patri obtulisti, hoc cordis nostri obsequium suscipe digneris, & Patri aeterno, munus in amore amoris

ris ac laudum tuarum, cum gestu, suavitate, ac dulcedine maxima offerre, ad maiorem laudem & gloriam ipsius.

*Psalmi.*

**D**Ominus regnavit Affectu gratulantis Deo regalem gloriam, camque ostendentis creaturis digne Deo.

Jubilare. Affectu cupientis Deum laudari ab omni creatura, invitantis ad id ad faginandum gustum Dei.

Deus Deus meus. Affectu vigilantis & sitientis ad Deum.

Deus misereatur. Affectu poscentis benedictionem à Deo, ut exaltetur Deus, & cupientis, ut omnes Gentiles & Hæretici convertantur, vel maxime in illis versibus; Confiteantur tibi populi, Deus confiteantur &c. Toto me [id est] omnibus membris, sensibus, potentiis &c. meis. Ad faginandum gustum Dei.

Benedicite. Affectu omnis creaturæ, digne Deo, vel affectu humiliantis se, quod non sit dignus laudare Deum, cum sit peccator, & in ore peccatoris non est speciosa laus, ideo irracionales invitat creaturas quæ non peccarunt, ut pro se Deum benedicant & laudent.

Laudate. Affectu eodem.

Cantate. Affectu omnium Electorum.

Laudate. Affectu omnis spiritus.

Hymnus. Affectu omnis Ecclesiæ militantis digne Deo.

Benedictus. Affectu exultantis, pro impletis Deo promissis omnibus de Christo, Toto me Toto Te ô Deus meus.



*Ad Primam.*

**O** Ratio Mysterii: Domine Jesu, in memoriam spirituum, alarum, conviciorum, illusionum, quas initio diei pro nobis pertulisti, & Patri obtulisti, hoc oris & cordis nostri obsequium suscipere digneris, ut Patri æterno gratum sit, in unione tuæ amoris.

*Psalmi.*

**D**eus in nomine Tuo. Affectu petentis eripi de medio hostium & se Deo in sacrificium offerentis.

Confitemini. Affectu agentis gratias Deo pro beneficiis antiquis, nova autem petentis.

Beati immaculati. Affectu petentis doceri legem Dei.

Retribue. Affectu petentis provectum & executionem legis Divinæ.

Quicumque. Affectu protestantis fidem Catholicam.

**Feria II.** Domini est terra. Affectu confitentis Deum, omnium auctorem, petentis viam ad ipsum, aperiens ei gloriæ justitiæque domicilium.

**III.** Ad te levavi. Affectu levantis animam ad Deum, pro misericordia, & liberatione ab inimicis & tribulationibus.

**IV.** Judica me. Affectu candidè cor suum aperientis, nec abnuentis ab eo judicari & probari.

**V.** Dominus regit me. Affectu securè quiescentis in cura Dei.

**VI.** Deus Deus meus. Affectu Christi & Christiani in doloribus positi, eosque Patri offerentis, pro mundo ejus applicari postulantis, exaltetur Deus salutis meæ.

*Ad Tertiam.*

**O** Ratio Myſterii. Domine JESU, in memoriam acerbiſſimæ flagellationis & ignominioſiſſimæ coronæ tuæ, te modo orare, te adorare cupio, & hoc ſit obſequium ſervitutis meæ, quo te Regem æternum profiteor & agnoſco.

*Pſalmi.*

**L**egem Pone. Affectu ejus qui ſatur errorum in vita, ad Legem deinceps vult vivere. Ad ſaginandum guſtum Dei.

Memor eſto. Affectu deligentis ſibi Legem Dei in portionem præ omnibus bonis digne Deo.

Bonitatem. Affectu humiliati à veritate, voluntate, bonitate Dei, ſubdentisq; ſe tandem Deo plenè toto me.

*Ad Sextam.*

**O** Ratio Myſterii. Domine Jeſu, in memoriam Crucis acerbæ quam bajulaſti, in qua erectus, & te Patri hoſtiam obtuliſti, hoc laudis ſacrificium à nobis digneris ſuſcipere, & Patri offerre, ut ſit acceptum in oblationis Tux unione.

*Pſalmi.*

**D**efecit in Salutare. Affectu languentis amore Divino & cupientis aſſeſſe amato Toto me.

Quomodo dilexi. Affectu agnoſcentis & adſcribentis beneficia accepta Deo Toto me Toti Tibi.

Iniquos odio habui. Affectu gratitudinem præſtantes Deo, per deteſtationem peccatorum, pro beneficiis acceptis, & invocantis ad hoc auxilium Divinum.

*Ad Nonam.*

**O** Ratio Myſterii. Domine Jeſu, in memoriam cordis Tui, tribus horis in cruce anguſtiati, & poſt expi-

pirationem lanceâ aperti, offero Tibi hoc precis & amoris obsequium, ut cor nostrum jungere digneris Tuo cordi amore insatiabili.

*Vel.*

**O** Domine Jesu Salvator misericordissime, qui in cruce moriens animam tuam Patri commendasti; da nobis in hac vita sic tibi spiritualiter commori, ut in novissima hora possimus cum memoria integra, fide pura, spe firma & charitate perfecta, Tibi spiritus nostros in manus tuas, & quidem sic commendare, ut abs te nobis dici mereamur dulcissimum verbum. Hodie mecum eris in Paradiso.

*Psalmi.*

**M**irabilia testimonia tua. Affectu agnoscantis justitiam Dei supra se, & rogantis intellectum, ut caute ambulet, ne offendant Justitiam & vivat.

Clamavi in toto. Affectu aspirantis ad Patriam, & traditio affectû in exilio.

Principes. Affectu detestantis aulicissimos, & rogantis auxilium cum proposito laudis Divinæ.

*Ad Vesperas.*

**O** Ratio Mysteriorum. Domine Jesu in memoriam cagitis tui lanpuidi & corporis tui plagis undiq; afflicti, è cruce in sinu Matris depositi, hoc officium orationis suscipe, ut tibi acceptum sit in unione dolorum Matris tuæ.

*Psalmi.*

**D**ixit Dominus. Affectu elevantis & glorificantis Christum Dominum supra hostes suos.

Confitebor. Affectu agnoscantis beneficia Dei ex affectu amoris cordis totius.

Beatus vir. Affectu invitantis ad timorem Dei peccato-

catores [hic Psalmus plane quadrat Concionatoribus admonentibus peccatores & abstrahentibus à peccato.]

Laudate pueri. Affectu exultantis ex conversione peccatorum, qui plane pauperes in stercore, elevati ad amplexum Dei.

In exitu. Affectu plangentis adhuc in hoc auxilio ubi plurimæ illecebræ & quasi idola.

*Ad Completorium.*

**O** Ratio Mysteriorum. Domine Jesu in memoriam unctio- nis & sacræ sepulturæ, accipe hoc officium ser- vitutis & devotionis nostræ diurnæ, & ut tibi gratum sit, conjungo cum lachrymis quas tibi tunc obtulerunt piæ animæ.

*Psalmi.*

**C**onfiteor. Affectu confitentis peccata & ingrati- tudinem suam.

Cum invocarem. Affectu habentis fiduciam in Deum.

In te Domine. Eodem affectu.

Qui habitat. Affectu subji- cientis se sub alas prote- ctionis Divinæ.

Ecce nunc. Affectu gratias agentis pro beneficiis hujus diei, imo & totius vitæ.

Hymnus Cap. Resp. Affectu minorennis recurrentis ad Tutorem.

Nunc dimittis. Affectu feliciter morientis.

*Post Officium.*

**O** Dulcissima Trinitas accipe per manus & vulnera Jesu has preces.

O Dulcissime Jesu Deus meus accipe per manus Sanctissimæ Tuæ Matris.

O Dulcissima Domina mea accipe per manus San- cti N. vel si non de Sancto officium, per manus S. Ange- li cu-



li custodis, vel sanctorum Patronorum meorum, repetendæ petitiones ante officium factæ. Possunt autem eas mutari pro diversitate status & gradus sancti, de quo officium, sic: Proportionate ad Apostolos petendus Apostolicus Spiritus.

Ad Martyres petes desiderium Martyrii, Amorem Crucis, fortitudinem & magnanimitatem iu adversis &c. Ad Confessores. Per sublinem sanctitatem &c. Ad Virgines. Pete puritatem mentis & corporis.

O dulcissima Trinitas. Suppleo defectus meritis & sanguine Jesu.

O dulcissime Jesu. Suppleo meritis S. Matris Tuæ.

O dulcissima Mater. Suppleo meritis S. N. vel S. Angeli custodis vel sanctorum Patronorum meorum.

### *Brevius.*

**P**ie Jesu suscipe, & supple hoc imperfectum orationis meæ obsequium & unitum tuis, beatissimæ Virginis Matris Tuæ, & omnium Sanctorum meritis, offer æterno Patri ad prædictas intentiones. Pater respice in faciem Christi Filii Tui, & miserere nobis sicut scis & vis & potes, per eundem Christum Dominum nostrum. Amen.

### *Vel sic.*

**C**um sancta Gertrude, edocta à Christo Domino teste Blosio Mun. Spual. cap. 3. Bone Jesu propitius esto mihi peccatori. Ego tepidum & distractum ac imperfectum servitium meum commendo mellifluo cordi tuo emendandum & perficiendum. Tibique offerre pro salute omnium, in unione illius perfectissimæ attentionis, qua Patrem orasti & lau-

laudasti in terris. Responde quæso, satisfac, & supple pro me plenissime.

Deinde, priusquam è loco orationis abscedas, optime factururus es si primum aspectu, pietatem & amorem præseferente, Christum dilectum Tuum respicias, quasi ab eo facultatem ad corporalia servitia & Ministeria transeundi suscepturus: Aut certè, si tibi imagineris, sed breviter, & quasi in transitu, cernere à dextris tuis Christum Salvatorem, à sinistris Sanctissimam ejus Matrem, te vero indignissimum & flagitiosissimum in medio, tam eximiæ Matris, & tam singularis Filii consistere, atque hæc in verba prorumpere; Te adoro ô divinitissime Fili cultu latriæ, teque obsecro ut è vulnere sacri lateris Tui scaturire facias, vel saltem unicam pretiosi sanguinis guttulam, quâ anima mea purificetur, & sanctificetur abundantissime, priusquam hinc abscedam. Te autem ô beatissima Mater, cultu hyperdulæ venerans obtestor, ut famelicam & sitibundam animam meam, lacte cœlestis gratiæ Tuæ singulari pascas atque reficias.

# §. VI.

## *Modus dicendi Psalmos pœnitentiales.*

Septem Psalmi pœnitentiales ad honorem septem Christi Domini insignium vulnerum applicari possunt: imus Psal. Ad honorem capitis spinis acutissimis crudeliter lacerati applicetur, quæ ad arundines, pignorumque indignissimos ictus, suum quoque novo ingenio supplicium addiderunt, ut venia peccatorum cogitatione admisorum impetrari possit. 2dus Ad honorem vulnerum innocentissimo Christi dorso inflictorum applicetur, quæ in flagellatione ignominiosa,

niosa, reliquisque injuriosissimis verberationibus, patientissime sustinuit, ut omnium peccatorum verbo admissorum venia obtineri possit. 3<sup>us</sup> Ad honorem vulneris in dextera manu patefacti applicetur, ut omnium peccatorum opere admissorum venia obtineri possit. 4<sup>us</sup> Ad honorem vulneris in sinistra aperti applicetur, ut omnium peccatorum omissione admissorum venia obtineri possit. 5<sup>us</sup> Ad honorem vulneris in dextero pede accepti applicetur, ut omnium peccatorum affectibus incitatis admissorum venia obtineri possit. 6<sup>us</sup> Ad honorem vulneris in sinistro pede facti applicetur, ut omnium peccatorum scandalo maloque exemplo admissorum venia obtineri possit. 7<sup>mus</sup> Ad honorem vulneris in latere late patente, relati applicetur, ut omnium peccatorum animæ corporisque dissolutis potentiis admissorum venia obtineri possit. Non inaspice etiam iidem Psalmi in recogitatione 7. dolorum Beatissimæ V. aut 7. donorum Spiritus Sancti recitari poterunt ut eadem Dei gratiæ obtineantur.

## §. VII.

*Modus dicendi Officium Defunctorum.*

**P**rimum Nocturnum in memoriam Christi gravissimè cum timore in horto configentis, & devotissime Deum Patrem deprecantis recitetur, ut animabus in purgatorio detentis, poenæ tempo ralis remissio, quam pro peccatis cogitatione admissis perpeti coguntur obtineri possit. Secundum Nocturnum in memoriam Christi columnæ publicæ alligati, & condensatis verberibus afflicti recitetur, ut animabus in purgatorio detentis, remissio poenæ, quam pro peccatis verbo admissis ferre coguntur obtineri possit. Tertium Nocturnum

num in memoriam Christi spinea coronatione immantiter cruciati recitetur, ut animabus iisdem remissio poenae, quam pro peccatis opere perpetratis exsolvere coguntur obtineri possit. Laudes in memoriam Christi crucis patibulo ignominiose affixi recitentur, ut iisdem animabus remissio poenae quam pro peccatis omissione perfectis luere coguntur obtineri possit.

## CAPUT V.


*Confessio facienda.*

## §. I.

*Dispositio ad Confessionem.*

**I**Maginare te stare coram Majestate sanctissimæ Trinitatis, & quasi audires vocem similem illi Apostoli: Judica te & ego te non judicabo: Itaque expansis manibus in solitudine dic; ô Domine ecce paratum cor meum Deus, paratum cor meum, peccavi coram te, & tibi soli peccavi, ac malum coram te feci. Ecce paratus sum resipiscere, dummodo sciam quæ desint mihi, delicta quis intelligit? Dignare itaque modo mihi suggerere, quocunque contra Te Deum meum egi. Ausculta itaque, quæcunque tibi Spiritus Sanctus dirigens te suggererit. Si vis examen incipere & facere per 10. Præcepta, habes decem digitos, quilibet digitus habet tres Articulos, ubi potes ponere cogitationes, verba & opera, & in quolibet digito tuos potes notare Defectus. Si per 5. Præcepta Ecclesiæ, habes in una manu 5. digitos similiter examina te, defectusque annota.

Postquam repereris deflenda, reflecte te, & perpende quam turpia sint, quam inconvenientia statui tuo,

G 3  qui



qui debes esse velut sol sine macula, minus enim est tantum peccatum scire, si non adverteris ad turpitudinem ejus, vel ex amore Dei, vel ex turpitudine in situ unicuique peccato, minime propositum factum in examine & confessione servabis. Reflechte igitur te & actum contritionis elice ex his motivis. 1. Deus summum bonum tuum, à quo omnia habes, & sine ipso nihil, & pro omni bono tibi præstato, nihil nisi sordes & peccata retribuisti. 2. Quid tibi profuit peccare contra divinam Majestatem? 3. Quis tu es? Vermis unus, ulcus unum, & ausus es contra divinam Majestatem insurgere, illam ad iram, & vindictam provocare. Dic corde contrito. Peccavi Pater dulcissime Domine Deus meus contra te. En paratum cor meum ad respiciendum, ad te, toto me, amandum. Infelix hora, infelix momentum, quo pluris æstimavi sordes, peccata, quam te summum bonum meum, quam gratiam tuam. Ah! Utinam nunquam te offendissem! Pudet me ingratitudinis & stultitiæ meæ quæ maxima est. Cum tamen major sit misericordia tua quam iniquitas mea, potentiaque tua infinita sit, quæ de imundis potest facere mundos, de peccatoribus justos & sanctos. Et qui non vis mortem peccatoris, fretus hac bonitate tua, recurro ad te rebellis servus tuus, provolvo me ad pedes tuos misericordissimos. Spero non rejicies me revertentem qui quasi vixi me errantem. Voluntas tua ut peccator convertatur & vivat, ideo tot ei reliquisti media. En paratus sum illa arripere, Confitebor tibi Domine in toto corde meo iniquitates meas contra me, in confusione nimis mei, in detestationem turpitudinis meæ, ad maximam tuam gloriam, misericordiamque prædicandam.

Ah! jam dulcissime amor mi Jesu Deus meus, ut te alio modo offendam, & me à te, per turpitudines & peccata separarem Tibi jam in perpetuum adherere volo, bonum mihi adherere tibi Deo meo. Vide infra

in hoc orationum.

*Ipsa Confessio.*

**M**odus confitendi jam olim à me traditus in opusculo edito Anno 1667. sub titulo Bona dies & bona nox. Cum autem non omnibus sit ad manus, hic eundem appono & augeo. Cum itaque pergis ad Confessionem, utere verbis dilectæ sponæ, affectu amoroso dic: Ibo & quæram quem diligit anima mea. Quæram quem perdidisti per ingratitudinem, per scelera & peccata mea, quæram donec inveniam. Introduc illum in cor meum, & non dimittam, donec bene dixerit mihi in aeternum.

Dum ingrederis templum, profundè coram Venerabili te prosterne, dicendo quinquies: Laudetur Sanctissimum Sacramentum. Adde: Ah! mi Jesu video te extendere manus tuas divinas, ut me ingratum fugitivum, non filium, sed rebellem servum recipias. Cum sis turpitudine una tu me amplecti cupis! Unde mihi hæc gratia? Nisi ex speciali profundissimo ineffabili amore tuo. Audeamne ruerè in amplexus tuos? Qui me projecisti per peccata mea infra pedes Luciferi? Ah! non faciã. Indignus enim sum. Sufficit mihi jacere ad pedes tuos ut caniculus & lambere pedes tuos pro me fatigatos & affixos, ad hos omnes turpitudines meas, peccata mea, emovere volo, ut tu ea conculcees ne usquã compareant in cõspectu tuo.

O Virgo dulcissima dignare offerre merita tua, merita dilectissimum Filii Tui, & omnium Sanctõrum dulcissimo Filio Tuo, ut offerat amantissimo Patri suo, pro me peccatore, ut possim digne, & accurate absolvere hanc confessionem. O Jesu dulcissime dignare offerre merita tua, merita sanctissimæ Matris Tuae, & omnium Sanctõrum, dilectissimo Patri tuo, ut concedat mihi gratiã, sibi placentẽ facere confessionem. O Pater amantissime, Deus dilectissime, suscipe merita dilectissimi Filii Tui, sanctissimæq; Matris ejus, pro me miserrimo peccatore, & concede mihi gratiã, ut sincere, cū vera contritione & proposito

integro hanc confessionem absolvam , ad maximam tuam gloriam , ad lætitiā Angelorum, & salutem miseræ animæ meæ. Accede itaque ad Confessarium tanquam ad Judicem, quem Deus constituit , ut te judicet secundum misericordiam suam magnam. Cum maxima humilitate , accede tanquam ad balneum ex sanguine dilectissimi & unici Filii Dei præparatum, ad abluendas sordes animæ tuæ. Accepta benedictione à Sacerdote , & dicta confessione generali, proferas peccata tua, clarè, distinctè, cum dolore, sincere. Dum confessorius supra te profert formam absolutionis imaginare tibi Jesum tuum, lavantem te sanguine suo sacratissimo de latere suo sumpto , inclina caput cum summa contritione , & proposito firmo amplius non peccandi. Post Confessionem reflecte te supra te , qualis fueris ante Confessionem, turpitudine una, mancipium Diaboli , sordes coram Deo, & Sanctis, & Angelis, quam nunc prope sis Deo Tuo, ut dicaris sponsa ejus. Agnosce nunc dignitatem tuam, erige te, & amplius noli te subjicere turpissimis cupiditatibus. Agnosce misericordiam Dei , qui te in tam periculoso statu existentem recepit in gratiam. Quot in peccatis suis sunt mortui, & ad infernum vel ad gravissima tormenta purgatorii perrexerunt ? Et fortè meliores te , quibus misericordia tanta non est concessa sicut tibi, agnosce hanc gratiam & secundum illam meliorem instituas vitam.

## CAPUT VI.

### *Exceptio Confessionum.*

**A**Nequam accedas ad excipiendas confessiones, recollige te , cujus vices geras , quanta potestas tibi

tibi sit tradita, ut etiam maximis peccatoribus, dignis æterna damnatione, non semel, sed millies portas cœli aperire possis. Cave interim, ne dum cœlum aliis aperis, tibi infernum referes. Mundo itaque, humili, zelosto accede corde, non te ducat curiositas, acceptio personarum non sit ulla, idem tibi sint tam formosus quam deformis, pauper quam dives &c. Animam cogita Sanguine Christi Redemptam liberare à laqueis infernalibus, & illam, representare Deo mundam & sine macula atque ruga. Cum autem hoc ultra vires tuas proprias sit, invoca Virginem & Filium ejus Redemptorem animarum; ut tibi communicet Redemptionis activæ gratias, sanctissimam Redemptoris Matrem, sanctos Sacerdotes, viros Apostolicos Redemptoris D. cooperatores, ut tibi impetrent eandem.

§ I.

*Invocatio Auxilii.*

**O** Dulcissima Virgo dignare offerre merita tua, merita dilectissimi Filii Tui, & sanctorum omnium dulcissimo Filio Tuo, ut offerat amantissimo Patri suo pro me & pro pœnitentibus meis, ut ego illos possim quam optimè dirigere & jvare. Et ut illi sincerè ac integrè cum vera contritione & proposito amplius non peccandi confiteantur. Sic & Filium Dei roga, ut in hunc finem offerat merita sua, merita sanctissimæ Matris, merita Sanctorum, sanctissimæ Trinitati. *Cor mundum crea in me Deus, & Spiritum rectum innova in visceribus meis. Ne projicias me à facie tua, & Spiritum Sanctum tuum ne auferas à me. Redde mihi letitiam salutaris tui & Spiritu principali confirma me. Docebo iniquas vias tuas, & impii ad te convertentur.* Oremus Omnipotens & misericors Deus,



qui me indignum sacerdotalis officii Ministrum fecisti  
 atque ad orandum & interpellandum ad Dominum no-  
 strum Jesum Christum Filium tuum pro peccatoribus  
 & ad poenitentiam revertentibus mediatorem consti-  
 tuisti, concede mihi propitius beata Maria semper Vir-  
 gine intercedente, cum B.B. Angelis custodibus nostris  
 & omnibus sanctis, tuæ Divinæ charitatis affectum, ut  
 quæ mei sunt muneris, dignè valeam implere, ac famu-  
 lis famulabusque tuis ad poenitentiam revertentibus  
 spiritum veræ compunctionis largiri digneris, ut resipi-  
 scant à Diaboli laqueis, quibus adstricti tenentur, & ad  
 te per dignam satisfactionem & emendationem rever-  
 tantur. Per eundem Dominum nostrum. &c. *Vel* digna-  
 re Domine, per me indignum, has animas, quas sic re-  
 demisti purgare, illuminare, perficere, ut tibi perfectis-  
 simè per omnia placere mereantur. *Vel* utinam mecum  
 servi tui & omnes peccatores sincère ad te convertan-  
 tur! Et millecuplo amplius te ament & glorificent,  
 quam ante oderint & dishonorarint. *Vel* Domine Je-  
 su sitientissime zelator animarum qui appropinquabas  
 peccatoribus, & manducabas cum illis. En peccatores  
 in conscientia sua timidi, ad Te recurrunt. Excipe illos  
 benigne & salva. En pretium sanguinis Tui, en pretium  
 sponse Tuæ ab hoste vulnerate. Doce me, ut prudenter  
 & humaniter eos ad Te adducam. Mi Jesu da verbis meis  
 lucem & flammam, ut penetrent ad divisionem ani-  
 mæ. Da donum discretionis inter bonum & malum, do-  
 num consilii atq; mansuetudinis. Da poenitentibus filia-  
 tem simplicemq; ad me confidentiam, ut mihi causas suas  
 effundant, nihilq; peccatorè celent. Suggere industrias  
 unumquëq; secundum necessitatē ejus congruè dirigendi,  
 & unicuiq; largire. g. atq; parere di. Me quoq; ab omni pur-  
 ritatis, tranquillitatis damno, o. miq; in gl. gentia in of-  
 f. c. o. meo. preserva. Hæc à Te Sal. ator dilectissime per  
 omnia quæcunq; in causa peccatorū fecisti obnixè pre-  
 cor.

cor. Virgo beatissima refugium peccatorum , ora pro me & pœnitentibus meis. O sancte Apostolatus precare Dominum Jesum , ne gratia administrandi pœnitentiae Sacramentum, quæ in te viguit culpa mea extinguatur, sed tanto magis augmentur , quanto malignior est mundus. Detestor dilectissime Redemptor omnia peccata mea ex amore Tui, & doleo pro illis, quæ me impediunt, ne id munus cum tanta, quanta dignus es perfectione obeam. Doleo & pro peccatis pœnitentium meorum, ô quis mihi det ita illos promoveri & instruere, ut non tantum finem hujus Sacramenti consequantur, verû etiam peccare pœnitus desistant, & Sanctam incontinentiam!

Vel etiam sic ex R. P. Młodzianowski. Gratias tibi ago Domine, anticipato, pro gratiis & benedictionibus tuis, quas mihi dignaberis dare in audiendis confessionibus & pro iis quas hætenus liberaliter dedisti, & pro miranda ordinatione tua, qua diriges & hætenus direxisti varios ad me pœnitentes. Sed una etiam tibi gratias ago, pro beneficiis, & gratiis quas impendisti pœnitentibus meis. Emendico à tua benignissima sanctitate, ut ad me quam maximos dirigere digneris peccatores, ut ita pro magnis meis peccatis, magnis converſis peccatoribus, tibi exsolvam Et si quid proximis meis sacerdotibus tuis invidere deberẽ, conversionem magnorum peccatorum inviderem. Sed convertant illos alii quam felicissime, quam sanctissime, nam me, & ineptum & indignum instrumentũ esse, sincere tibi confiteor. Da Domine hodie confessuris gratiã sinceræ & dolorosæ confessionis. Oro vos sancti Patroni quorũ nomina sciunt hodierni pœnitentes mei, oro & vos sancti illorum Angeli custodes, ut impetretis gratiam, illis sancte faciendam, mihi sanctæ audiendæ concessionis illorum. Assistite mihi sancti in cœlo jam triumphantes , qui vos audiendis in hac vita confessionibus singularius impendistis, talentumq; vestrum mihi amore Dei impetiate. Eligo te S. N. N. pro speciali Patrono, hodie à me audiendarum confessionum. Laboriosum tædium audiendarum confessionum , offero Domine tuo sancto affectui, quem habes ad conversionem peccatorum. Tuoque ô bequissima Virgo ; offero autem pro peccatis pœnitentium

hodie

hodiernorum, & ut impetrem mihi gratiam, digne & competenter, in conspectu Tuo excipiendi confessiones. Intingo linguam meam in vulneribus Tuis Domine, ut Deo mihi gratiam penetrative loquendi ad cor pœnitentiam. Inmitte & Tu Beatissima stillam lactis Virginiei in os meum, ut efficaciter commendare possim fugam carnalium peccatorum.

Conjuro vos per nomen SS. Trinitatis. Per nomen JESU & MARIÆ, omnes maligni Spiritus, ne præpeditis cursum confessionum sanctè obeundarum. Hinc Domine, quoties signum crucis ante & post confessionem, supra pœnitentes meos faciam, toties malignos Spiritus abactos vellem & fugatos.

## § II.

*Ipsa Auditio.*

**I**N ipso confessionis decursu ut prudenter instruere, juvare & in via salutis ac perfectionis promovere pœnitentes singulos, prout capaces sunt, sollicitè studeas, hæc potissimum sunt observanda. I. Quærendum initio ex pœnitente nisi ante noris hæc quatuor. Quando ultimò confessus, an peregerit pœnitentiam impositam, an se examinarit & præpararit, quis ejus status & vivendi ratio. Permittas illum dicere quantumvis imperfectè, quæ ipsi occurrunt, deinde suppleas defectum interrogationibus, primum in genere, quærendo communia talibus personis, ac deinde sensim & cautè ad particularia descende, & quidem accuratè coneris, in peccatis omnibus gravioribus & periculosis extorquere tria, omninò necessaria, speciem, numerum, circumstantias speciem mutantes. Neq; ea omitte urgere in junioribus simplicibus ac piis, quando in genere, contentur, ea quæ gravia vel levia peccata esse possunt V.G. quod

quod habuerint malas cogitationes , quod furati sint, quod detraxerint ; Imò consultissimum est , omnes poenitentes , à pueritia assuefacere , ut in peccatis etiam Venialibus , maximè gravioribus , magisque deliberatis , hæc tria non omittant confiteri , alias sensim etiam mortalia graviora , imò gravissima , assuecunt confiteri in genere non in specie , absque numero , & circumstantiis essentialiter necessariis , idque cum certo damnationis periculo , quorum omnium malorum causa est , nimia laxitas , simplicitas , & incuria confessarii , omnium peccatorum , juniorum , & simplicium hominum peccata excusantis , & venialia reputantis. 3. Si quis peccata malitiosè reticeret , inducendus ad officium erit , rationibus efficacibus , quales sunt ; quod Deus omnia peccata nostra videat , quod non sit aliud remedium ea expiandi , quod nisi omnia manifestentur , nullius venia possit obtineri , quod in die Iudicii , omnia sint toti mundo propulanda , quod peccatum occultum sit perpetuus carnifex conscientiae , in hac & futura vita , quod magna praemia vincentibus pudorem inordinatum sint promissa , ut quies animæ , gloria æterna , Exemplis item ob reticentiam unius peccati damnatorum de quibus latius Ludov. de ponte Tom. 4. n. 5. c. 7.

§. III.

*Propositum in Poenitente.*

**Q**Uoad propositum emendationis ; Poenitentem prout opus esse animadvertit , discretè moncat , sine proposito emendationis non valere confessionem , periculosum esse non evellere radicem peccati ; Humanum esse peccare , Diabolicum perseverare in peccato juxta D. Aug. l. 2. cap. 5. De visitatione infirm. *Enim , qui negligit tam salutaris nunc uti remedio , dignum*



gnum ut in hora mortis illi id negetur. Hæc diligentia cognoscendi, & urgendi propositum emendationis, exactius adhibenda, circa tres potissimum materias, iræ atque odii, luxuriæ, & restitutionis. Ludov. de Ponte. Ibidem ut supra.

## §. IV.

*Contritio in pœnitente.*

**Q**uod contritionem excitandam; Habeat in promptu motiva contritionis, hæc septem; Quod peccatum sit infinita quædam injuria contra infinitam majestatem Dei. Quod sit infinita ingratitude contra infinitum benefactorem. Quod sit contumelia illata pretioso sanguini Jesu Christi veri Dei & hominis, Hebr. 6. pro nobis fuso, quod sit jactura æternæ felicitatis, quod peccatorem reum faciat æternorum cruciatuum, ignis infernalis de quibus Job. 24. *Ad nimium calorem transibunt, ab aquis nivium.* Et Esa. 65. *Ecce servi mei comedent & vos esurietis.* Quod mirum horrorem & angustiam animæ peccatrici in hora mortis afferet. Quod abominabili felicitate eandem inficiat, Divinæ gratiæ nitore spoliat, Diabolus similem reddat. Hæc communia motiva sunt contritionis pro omnibus peccatis detestandis, specialia pro specialibus, alia erant suggerenda Ludov. de Ponte. Ibidem c. 9.

## §. V.

*Reprehensio.*

**R**eprehensio etiam subinde adhibenda, cum Samaritano, in qua observandum. 1. Ne asperè reprehendas pœnitentem, dum in suis peccatis, quantumvis gravibus progreditur. 2. Sit ordinariè in reprehendendo parvus ostendens paternum affectum. Juxta D. Gregorium Nazianzenum orat. 26. circa finem. *Christi discipulus & mihi & benigni. qui nostras infirmitates pertulit.* Nihilominus delictorum gravitas ostendenda, & periculum æternæ damnationis seriò inculcandum, erit iis, qui etiam parum contriti, vel ad relapsam proclives esse videntur.

3. Si pœnitens accedit notabiliter contritus, non est reprehendendus, sed animandus in concepto proposito, & in spem erigendus, juxta parabolam filii prodigi. 4. Seniores non increpandi, sed moderatè & reverenter monendi officii. *Seniore non increpaveris.* 1. Tim. 5. 5. Cum pœnitente timido & pusillanimi, cautè & mansuete agenda, juxta illud: *Calamum conqussatum non conter.* Isa. 42. 6. Pœnitentes durioris naturæ, & exiguæ capacitatis, minis & terroribus, ad officium exstimuland. 7. Cum multa gravia peccata confitetur pœnitens, paucorum, duorum vel trium enormitas, præcipue ob oculos ponenda, & pœnarum quas hic promeruit atrocitas, & simul infinita Dei in parcendo liberalitas, & benignitas, ac bonitas exaggeranda. Idem ibidem c. 10.

## §. VI.

*Pœnitentia.*

**I**n imponendis pœnitentiis, duo vitiosa externa, vita, lattendas pœnitentis contritionis quantitatem Spiritus & corporis debilitatem, ac dispositionem, & peccatorum gravitatem, & qualitatem, & secundum hæc prudenter modereris, pœnitentiam injungendam, juxta illud, *Per qua quis peccat, per hæc & torquetur.* Sap. 11. Coneris quoq; pœnitenti præservativam præscribere, contra relabendi periculum, quale est illud. *Indicabo tibi o homo, quid sit bonum, & quid Dominus requirat a te, utiq; facere judicium, & diligere misericordiam, & sollicitè ambulare cum Deo.* Mich. 6. Semper tamen oleū misericordiæ emineat, & in dubio ad lenitatem propendendum. Idem ibidem. 11.

## §. VII.

*Vitia extirpanda.*

**Q**uoad vitia tibi commissorū extirpanda. 1. Magna spe accedas ad ea curanda, nam juxta S. Basilii in reg. fus. 10. *In rerum natura nihil est, quod non diligentia corrigatur.* 2. Ores frequenter, & ferventer pro tuis exemplo Job. 3. Intime coneris cognoscere naturā, & propensionē

corum

eorum, instar boni pastoris. 4. Non simul omnium curationem inchoes ; sed sensim. 5. Non omnia simul remedia adhibeas, sed paulatim ; unum post alterum, & ordinariè prius faciliora. 6. Non in superficie tantum curationem adhibeas, sed ad radices vitorum, quæ sunt passiones malæ, ut Amor, Timor, Gaudium, Tristitia, remedia applices. 7. Prudenter, expectes subinde opportunitatem ; hæc remedia applicandi. Idem, Ibidem, c. 12.

## §. VIII.

*Profectus in virtutibus.*

**Q**Uoad profectum in virtutibus in suis promovendum. 1. Studeas eorum propensiones bonas cognoscere. 2. Fructum jacti seminis in corda pœnitentium, potius à Deo expectes, quam ex propriâ industriâ. 3. Nihilominus adhibe omnem diligentiam, arguendo, docendo, observando, increpando, ut Paulus monet. 4. Ne sis nimis zelosus, festinesque, pœnitentes urgere, quasi uno volatu ascendere ad culmen sanctitatis. 5. Præscribas iis modum bene vivendi. 6. Coneris omnes ad summam perfectionem statui convenientiam provehere, juxta illud: Col. 1. *Docentes omnem hominem in omni sapientia, ut exhibeamus omnem hominem perfectum, in Christo JESU.*

## §. IX.

*Finis Confessionis.*

**M**Eminet subinde, præsertim in confessionibus prolixioribus, mentem elevare ad Christum præsentem, in dubiis consulendo, opem petendo, actus humilitatis, amoris, gratitudinis, contritionis, commiseratio-

rationis, spei, &c. Excereendo caveat tamen, ne his attentio necessaria impediatur. Sub finem confessionis, si opus videbitur, actualem, contritionem, & emendationis propositum in pœnitente excitare coneris, revocando illi in memoriam, motiva aliqua, præcipuè: Contritionis, & deinde quærendo, an ex animo doleat, se Deum tam bonum, & infinitè amabilem propter se, qui eum creavit, redemit, lavit, in sanguine suo, huc usq; tam misericorditer toleravit, conservavit, insuper, æterna gloria coronare paratus est, unquam, omnibus & singulis suis, totius vitæ peccatis, offendisse, an seriò cupiat, proponatq; omnia & singula emendare, & contrariis piis obsequiis, & virtutum operibus compensare.

Dum absolvis pœnitentem, magno affectu fiduciæ, charitatis, zeli, commiserationis, petas à Deo, ut veniam, misericordiam, & gratiam ipsi largiri, & defectus omnes supplere dignetur, per merita Christi Domini, beatissimæ Virginis, & omnium Sanctorum. Insuper dum dimittis pœnitentem, ipsi, & omnibus, ardentissimum zelum Deo quam devotissimè serviendi, in omni sanctitate, & justitia, præceris hoc vel simili iuspicio: Utinam deinceps Deus infinitè bonus, à me, à te, & ab omnibus perfectissimè ametur, & glorificetur, gratis, propter se infinitè, super omnia in æternum, & ultra.

## §. X.

*Post auditas Confessiones.*

Expeditis pœnitentibus, pro temporis opportunitate, ad quietem se recipiens recolligensque pius confessarius. I. Examinet, num quid omiserit, aut neglexerit, ad munus suum, pertinens, si errasse se deprehendat, doleat, proponatque, prout necessarium videbitur, emendare, si nihil occurrat. Divinæ bonitati gratias



tias agat. 2. Pro collata pœnitentibus gratia, eidem gratias, & suo, & illorum, imò omnium vere converforum affectu, agat. 3. Nova gratiæ auxilia illis exposcat, per merita Christi, beatissimæ Virginis, & sanctorum maxime SS. Angelorum tutelarium. 4. Suum, conatum offerat Christo perficiendum, in unione suorum meritorum maxime zeli, & charitatis, olim ab ipso, velut bono pastore, peccatoribus, tanquam ovibus errantibus, quarendis & reducendis exhibitæ. 5. Humilitatis actus frequentet, omnibus suis pœnitentibus ingratiorem se agnoscendo, ob majus lumen, uberiores gratiam, plura & efficaciora præsidia, quibus tam segniter cooperatur, memor illius D. Augustin. *Non esse peccatum, quod fecerit homo, quod non faceret alter homo.* 6. Conetur oblivisci omnium auditorum in confessione, & surda aure recurrentes species, molesteque allatantes pertransire. In hunc finem dic sequentem orationem. Pag. 104. sub fin.

## §. XI.

*Alii actus post auditas Confessiones Ex R. P.*

*Mlodzianowski, Soc. Iesu.*

**C**Ratias age pro benedictionibus, & gratiis tibi, & tuis pœnitentibus, hodie à Domino Deo collatis. Offer Domino laborem tuum transactum, & pœnitentium dolores in particulari ejus, si quem ad te Deus specialius direxit. Pete à Christo Domino, ut crucifixæ suæ manu benedicat hodiernos pœnitentes tuos, & ut ratum & acceptabile fiat sacrificium confessionis morum. Pete item à Domino, ut det pœnitentibus tuis gratiam retinendæ sanctitatis, ab hodierna confessione inchoandæ. Deduc hodiernæ diei pœnitentes sub pallium beatissimæ, illicque eosdem colloca, ut tutiores à tentationibus vivant. Recommenda eosdem sanctis illorum patronis, & præcipue Angelis illorum custodi-

bus,

bus. Non tam ingemiscas, quam irrugas dolore, si forte aliquando sacrilega tibi sit facta confessio, pete ut talis anima redeat ad Dominum. In sacro quod primum facies ab auditis confessionibus, intinge omnes, præcipue illius diei pœnitentes, cum particula Eucharistiæ in sanguine Christi. Quando benedices post sacrum, specialiter benedicas pœnitentibus illius diei, quasi clavo quodam affigere volens gratiam illis collatam. Detestare peccata in confessionibus audita, plane ex corde, desiderans, ne in posterum à tuis pœnitentibus vel à quoquam fiant. Desidera animas, corda, & voluntates tuorum præcipue hodie pœnitentium in te transfundi, & elice, quam intensissimum actum amoris Dei, pro cordibus & corde illorum. Dic orationem illam supra pœnitentes tuos: Respice Domine super hanc familiam tuam pœnitentium meorum pro qua &c. &c. Elice actum ad beatissimam: Sancta Maria Mater Dei ora pro nobis peccatoribus præcipue pœnitentibus diei nunc &c.

## §. XII.

*Sigillum Confessionis.*

CONFESSARIUS sigillum servet inviolabiliter, ita ut neque cum ipso met pœnitente de peccatis in confessione auditis loquatur sine ipsius saltem tacita licentia, cum aliis verò, in nullo casu, nisi cum licentia ejus expressa. Et tunc curandum, ut sine scandalo, ac sine ejus periculo, aut damno ullo fiat. Ad sigillum autem pertinent omnia peccata audita in confessione, etiam cum negata sunt absolutio. Item, audita extra confessionem, sed tamen in ordine ad illam, & verè etiam peccata aliorum, in ea quomodolibet revelata. Caveat præterea ut non solum directè, sed nec etiam indirectè, revelet sic audita, etiam post

mortem pœnitentis, quod multis modis potest accidere. De quibus Silv. V. Confes. 3. Navar. c. 8. Toletus lib. 3. c. 16. & alii. Propterea, caveat ne dum unum pœnitentem laudat, alteri detrahere videatur, vel dum sibi videtur generatim loqui, alter propter circumstantias veniat in cognitionem peccatoris. Optimum igitur consilium est, ut confessarius, nunquam temerè, de rebus auditis in confessione, loquatur, nec etiam universè. Imo verò, neque cum ad petendum consilium dubia proponit, dicat se quidquam in confessione audivisse, sed generatim postulet, quid agendum si talis casus accideret? &c. Cum autem petit à Prælatis facultatem absolvendi à casibus reservatis, in genere (quantum fieri potest) loquatur: Ne dum incautè ad singulares circumstantias descendit, pœnitentis personam prodatur. Unde pessimè faciunt superiores, qui à novis confessariis expiscantur, quos casus audierint eo die ut proferant pro resolutione casuum, ut in quodam loco contigit. Quid si tantum eo die unus fuisset pœnitens, quem non tantum superior, sed & alii confitentem vidissent, nonne esset violatio sigilli? Sic Deus vult servari sigillum, ut quasi dispensare videatur in honore suo, ut patet in casu: Si quis accedat ad confessionem, vel sine contritione, & proposito, vel cum aliquo defectu essentiali, ut absolvi non possit, si interim accedat (non absolutus, existens in peccato mortali, licet gravissimo) ad communionem, non potest ipsi denegari communio, nisi sit concubinaris publicus, aut &c. Licet summus dishonor irrogetur Deo per indignam communionem.

Domine Jesu Christe dulcis amator & sanctificator animarum, purifica obsecro per infusionem  
San-

Sancti Spiritus cor meum , ab omni affectione & cogitatione vitiosa , & quicquid à me , in meo munere , sive per negligentiam , sive per ignorantiam , peccatum est , pro tua infinita pietate , & misericordia , supplere digneris. Commendo in tuis amabilissimis vulneribus , omnes animas , quas ad poenitentiam traxisti , & tuo pretiosissimo sanguine sanctificasti , ut eas à peccatis custodias , & in tuo timore , & amore conserves , in virtutibus in dies magis promoveas , atque ad vitam perducas æternam. Quicum Patre & Spiritu Sancto vivis & regnas in sæcula sæculorum. Amen.

## CAPUT VII.

*Auditio Confessionis Sagarum.*

**A**rs non postrema, sagarum confessiones excipe-  
re, & ad bonam frugem adducere, quod cum  
gratia Divina sic efficere potes: Invocato Divino au-  
xilium, ut supra, cum summo desiderio liberandi hanc  
animam ex faciebus Diaboli, & illam mundam præ-  
sentandi Redemptori animarum, ad audiendum  
confessionem accede, invocando ad hoc sublime  
negotium pro auxilio, tam tuum, quam sagæ Ange-  
lum custodem. Consultissimum autem fuerit ante omnia  
eas inducere ad abrenuntiandum Diabolo, & omnibus  
ejus actibus, præconceptis verbis eisdem percundo tali  
vel simili modo. Domine Deus meus proteCTOR in  
conspectu tuo, quod nunc & in æternum abrenuntio  
Diabolo & omnibus ejus operibus, revertor & recedo  
ab illo toto mente & corde meo, & accedo ac converto  
me ad te Deum vivum & verum, meque tibi ex tota  
anima, mente, & corde meo cum anima & corpore  
do, dedo, dedico nunc & in æternum &c. Tum excitandi  
in eisdem erunt alii actus doloris de peccatis, fidei,  
H 3  
speci,



spei, amoris &c. Novi enim hic in Polonia quendamē Societate Jesu Confessariū, qui cum in Missionibus versaretur magnas molestias & difficultates passus est, per aliquot horas ad magnam suam & alterius sacerdotis Parochi illius loci cui ante jam fuerat confessā defatigationem, ut quendam notoriam & publicam sagam jam-jam ad rogum deducendam, quæ etiam Venerabile in sumptione communionis occultè servaverat ad veneficia, ut ipsa coram judicio palam facta est, induceret ad revocandam aliam scēminam quam ante insinulaverat veneficiorum, dicebatque unā secum fuisse in Calvo monte, ut vulgò vocant, omninoque volebat ut unā secum rogo imponeretur, atq; cremaretur: Ad quam illius in simulationē à judicibus, equuleo torqueri jussā sed nihil facta est, quæ res valde perplexum reddidit judicium; hinc illa affirmante, inde verò hac negante se esse ream. Tandem cum jam ad rogum duceretur, eidemque appropinquaret, judicio magna que hominum turba sequente, præmemoratus confessarius Divina ope implorata cœlitus inspirari sibi sensit, ut cum illa eliceret prædictum actum abrenuntiationis: Substitit itaq; paululum cum illa, & sequēte hominum turba, indictoq; omnibus silentio attentioneq; facta: Quæ sivit clara voce à saga an velle adhuc unum actum secum elicere, siquidem jam multos alios elicit? Illaq; respondente volo; continuò prævit dicendo magno ardore illum actum abrenuntiationis, illaq; etiam continuò subsecuta est repetendo cum simili fervore; quo facto perrectum est ad rogum, propter rogum interrogata à confessario, an de illa femina quam insinulaverat complicitatis aliquid sciret? Respondi, nihil scio revoco omnia quæ dixi, innocentem pronuntio: Tum interrogata quare ergo antea illam rem complicitatis accusaverat? Respondit quia id mihi aliqui d (indubiè malus genius) ad aures insufurrabat. Tū confessarius ille jussit Parochū solū qui ejus conscientie peri-

peritus fuerat denuo à turba populi seorsim abductam confessionem audire & denuo absolvere à peccatis: quod factotum vel maximè petiit ut ad mortem bene disponeretur ab utroq; sacerdote cum summo ardore orabat neq; se ab oratione avelli patiebatur: Tandem cum iudicium mandasset ut carnifex exequere officium suū imposita est rogo succenso, invocandoq; Dominum Jesum exspiravit. Cum autem sagæ communiter sint simplices in bono, magis expiscanda sunt peccata, quam expectanda ut sponte confiteantur. Sunt autem illorum peccata grandia & extraordinaria. Sitigitur.

## §. I.

*Casus Sagarum.*

**Q**uærendum; Cur Dæmonem susceperint, num ex odio aliquo contra quem, vel animo vindictæ cupido, quod communiter contingere solet, vel maximè in faminis. Num interfuerint conventiculis. 3. Num etiā ad ea conventicula vinum, cerevisiā, aut carnes, cum aliorum injuria, adduxerint. 4. Num ibidē rebaptizati fuerint à Dæmone, & quale nomē acceperint. 5. Quale offertorium fecerint, num etiā proles suas Dæmoni obtulerint, num jam natas, num nondū natas. 6. Num Dæmoni homagiū prestiterint, & Deū beatissimā Virginē, & sanctos abjuraverint. 7. Num etiā infantes non baptizatos occiderint, coxerint, & malagma aliquod, aut unguētū ex illis sibi fecerint, quo ungātur ut deferantur ad convēticula sua. 8. Num etiā patrini fuerint apud alios rebaptizatos à Dæmone, & quid obtulerint. 9. Num etiā negotiū aliquod carnale habuerint cum Dæmone, num succubo, an incubo. 10. An etiā in convēticulis promissuē cōcubuerint, cū sociis, & quomodo, num contra naturā, aut etiā cū uxeratis. 11. Num etiā Venerabile Diabolo tradiderint, & in quē finē. 12. Sacramentū poenitentiæ, cum quali intentione absolverint. 13. Preces suas in tēplo, vel etiā cādelis, aut fura, num non obtulerint Diabolo, vel magis in elevatione, ut si etiā in elevatione Deū maledixerint. 14. Num etiā

alias, aut alias, sua persuasione adjunxerint Diabolo, 15. Num aliis nocuerint, & per quid, num per res sacras, & Deo dicatas, & ex odio. Vide Voglerum, in libello Germanico intitulo: *Trost, Brunn*. Ibi alios, & plures invenies easus, idiomate latino conscriptos.

## § II.

*Num sagis deneganda Communio.*

**S**Cio plurimis in partibus, denegari sagis ac maleficis, licet pœniteant, communionem, ea ratione, quod sint indigna, ut suscipiant Venerabile, & quod fere communiter sacrilegè confiteantur, vel etiam nituntur sententia Theologorum aliquorum, quod morte puniendis, ex causa possit negari communio. Certe, non tantum morte puniendis, sed & aliis moribundis, ex causa negari potest communio. Causa autem esse potest: Si adversariis suis nolint dimittere, sed odium inveteratum servant, quod non solum in sagis, sed etiam in aliis plurimis, supplicio afficiendis, reperitur, procul dubio, si hoc odium suum publice extra confessionem proferunt, neganda communio. Causa secunda, si reus sit blasphemus, & à blasphemia cessare nolit, neganda communio, in his & similibus casibus denegandum viaticum, non sagis, aut maleficis pœnitentibus. In Hispania fuit consuetudo, negare reis interficiendis Eucharistiam, sed sublata est, motu proprio Pii V. cui lex Regia accessit. Procul dubio, pontificem motum, quod communicare in articulo mortis, sit præceptum Divinum, secundum Theologos, licet aliqui putent esse præceptum Ecclesiæ, tamen obligans sub peccato mortali. Rationes quoque pro sagis, & maleficis, videntur mihi hæc. I. Quod nulli pœnitenti petenti denegandum sit viaticum, si quidem id moribundus tenetur suscipere, sub peccato mortali, & quilibet peccator, etiā gravissimus, pœnitens, habet jus ad illud. Si ergo ei denegetur, injuria ipsi fit, contra justitiam.

tiam. 2. Videtur aliquomodo violari sigillum confessionis, vel enim mihi constat illam esse sagam, ex delatione, vel ex confessione. Si ex delatione, certe magis est credendum poenitenti in confessione, quam eidem ex tormentis, aut delatoribus. Plurimum enim constat, confessata ob tormenta falsissima sapissimè esse, delationes etiam ad iudicium, licet juramento aliquando confirmata, sapissimè falsæ inventæ, & ex mero odio aut suspicione factæ. Si igitur Sacerdos deneget viaticum, videtur aliqua certiore, & infallibiliore scientia debere esse præditum, quæ non est, nisi confessio Sacramentalis, quâ uti nullo modo, etiam ad evitandam mortem licet. 3. Sed sacrilegè solent confiteri? Resp. mihi non constat num sacrilege confiteatur an non, Deus scrutator cordium? Interim in confessione teneor ei credere. 4. Sed quædam certò scio ab illa commissæ, & tamen caretice? Resp. Macerata tormentis, ex vidolorum, memoria quoque scelerum præteritorum debilitata. 5. Communiter simplices sagæ putant se satis confessionis fecisse coram carnifice in tormentis. Consultum itaque prudenti confessario, ut investiget apud Notarium confessata, & ex iis sagam examinet, cum protestatione, ut verum fateatur coram se, se nullo modo illa revelaturum, hoc unicum intendere, ut anima ejus evadat munda, & illi bene sit in illo sæculo. Nec enim speret se liberam fore si neget, imo si in confessione verum negaverit, quod graviora sit tormenta passura in alio sæculo. 6. Utique sæpe contingit alios poenitentes facere confessiones sacrilegas, licet confessarius sciat illorum peccata, imo viderit, examinati tamen negant, teneor tamen illis credere, & communionem illis nullo modo negare possum; Cur denegem moribundo, qui jam scit & videt, se pergere ad severum Tribunal Christi. 7. Vel maxime illi dandum viaticum, ut eo securius evadat insidias



& laqueos Diaboli, Deus nullum etiam nefandissimam peccatorem, à sua gratia & auxilio repellit. Sit licet infamis coram mundo, non tamen coram Deo, qui non respicit personam hominis, nec est acceptor personarum. Si ipsemet Filius Dei, sacrilego Judæ, quem scivit esse sacrilegum, tamen dedit ei corpus & sanguinem suum, cur nos denegemus pœnitenti, (de cujus sacrilegio nobis tam certo non constat sicut Christo Domino constitit, sacrilegium Judæ) viaticum salutare; ne nobis objiciat S. Chrysostomus super illud Matthæi onera gravia. *Ubi Pater familias est largus, dispensator non debet esse avarus.* Et si Deus benignus, ut quid Sacerdos austerus.

## CAPUT VIII.

### *Sacrificium Missæ.*

**A**Nte tremendum Missæ sacrificium, absolve modo superius in visitatione Venerabilis Sacramenti monstrato folio 30. Coronulas parvas tres per versus sequentes.

1. Ignem fui amoris accendat Deus in cordibus nostris Amen.
2. Spiritus Sancti gratia illuminet sensus & corda nostra Amen.
3. Fiat misericordia tua Domine super nos, quemadmodum speravimus in te.

#### § I.

*Dispositio pro Sacro R. P. Casparis Druzicki  
Soc. Iesu P. M. ex M. S.*

**P**ulchra est dispositio pro sacrificio Missæ magni in  
vita

vita spiritali ascetæ P. Gasp. Druzicki quam incipit à pulsu pro sacro, quem dicit esse linguâ universitatis creaturæ, invitantis homines ad glorificandum Deū, per hoc sacrificium & gratias agendum pro beneficiis in ipsam collatis. Est vox Sancti, cujus est festum, vel ad quem est statio, & ut recolas virtutum gratias ei collatas, ergo gratias age, gratulare, confundere, aspirare. Est vox omnium afflictorum animarum purgatorii &c. auxilium tuum implorantium, ergo concuciantur viscera tua. Tum dic: Domine Jesu Christe, qui dixisti, delicias tuas esse cum Filiis hominum; Majestatem tuam supplex oro, ut fidelium tuorum corda, ad quorum aures sonus hic pervenerit, gratiæ tuæ impulsu, per beatos Angelos tuos excitare digneris. Quatenus ad hoc tuum S. Sacrificium, per indignas manus meas offerendum, frequentes conveniant, illique sic assistere valeant, ut corde compuncti, animo immutati cœlestium donorum incrementis aucti, & Divina tua benedictione repleti, revertantur, percutientes pectora sua, per Te Domine Jesu Christe, qui vivis & regnas &c. Flexus ante imaginem beatissimæ Virginis, vel pergens ad Altare, recitabis hanc sancti Bernardi orationem. Per te accessum habeamus ad filium, ô benedicta inventrix gratiæ, Genetrix vitæ, Mater salutis, ut per te nos suscipiat, qui per te datus est nobis. Excuset apud ipsum integritas tua, culpam nostræ corruptionis, & humilitas Deo grata, nostræ veniam impetret vanitati.

Copiosa charitas tua nostrorum cooperit multitudinē peccatorum, & fecunditas gloriosa, fecunditatem nobis conferat meritorū. Domina nostra, mediatrix nostra Tuo filio nos reconcilia, Tuo filio nos commenda,  
Tuo

Tuo filio nos reconcilia , Tuo filio nos commenda , Tuo filio nos representa. Fac ô benedicta per gratiam quam invenisti , per prærogativam quam meruisti , per misericordiam quam peperisti , ut qui te mediante fieri dignatus est particeps, infirmitatis & miseriæ nostræ , Te quoque intercedente , participes faciat nos gloriæ , & beatitudinis suæ , JESUS Christus Filius Tuus Dominus noster, qui est super omnia Deus benedictus in sæcula Amen.

Positis manibus super reliquis SS. Adjuvate me sancti & sanctæ Dei omnes , quorum ergo hic veneror reliquias , & obtinete mihi apud Dominum, ut à peccatis meis omnibus absolutus, ab omni perturbatione mentis , & sensuum , motuumque meorum inquietudine , expeditus , cum ea puritate, humilitate , modestia , compunctione , devotionis , & dilectionis ardore , tremore & reverentia, peragam sanctum hoc Sacrificium , quam divinissimorum , quæ in eo tractantur mysteriorum , celsitudo & excellentia requirit. Sancta Maria Mater Dei & Virgo , fac ut cum ea humilitate , devotione, reverentia , & amore contingam superbenedictum fructum ventris tui , cum qua Tu eundem portasti , lactasti , lavisti , pannis involvisti, reclinasti.

Beatissime præcursor Baptista & martyr Christi, inveniatur in me illa humilitas , quâ te non dignum judicasti , solvere corrigiam calceamenti hujus Domini , & agni immaculati , cujus verticem sacrum tangere meruisti. Experiar in hujus Sacramenti poenitentia , illam fidei vivacitatem , quam in confessione Christi Filii Dei vivi , exhibuisti beatissime Princeps Apostolorum Petre , & quæ in bea-

to Coapostolo tuo Thoma , ad contactum sacri vulneris enituit. Merear tecum ô Doctor gentium Paulé, venienti ad me Domino , devota voluntate dicere. Quid me vis facere Domine , & cum Coapostolo tuo Petro , veræ submissionis affectu , exi à me Domine quia peccator sum. Redundet unica gutta fluentorum coelestium , in animam meam , dilecte Christi discipule Joannes , quæ in prima Sacramenti hujus institutione , ex ipsius Dominici pectoris fonte potasti. O beatissimi tres Reges , ô felicissime Simeon & Anna , degustem illam Spiritus vestri dulcedinem in hujus contactu Sacramenti , qua disfluebatis , cum cor vestrum , & caro vestra , exultaverunt in Deum vivum. Sentiam in corde meo illum ardorem , & intellectu lucem , quam beatus Cleophas in fractione supersubstantialis panis hujus , una cum suo comite expertus est &c. Liceat mihi ad pedes clementissimi judicis , in Sacramento hoc existentis , provoluto , beatissima vestigia ejus , compuncti cordis lachrymis , cum peccatrice Magdalena riganti , & capute ejus unguento devotionis , & dilectionis ungenti , desideratam illam vocem audire , dimittuntur tibi peccata tua. Inveniatur in me , & ad aliorum ædificationem , eluceat , in tractione hujus Sacramenti , ille charitatis fervor , compassionis affectus , in agendo dexteritas , in loquendo efficacia , modestia , reverentia , diligentia , cum qua vos funeris Dominici curatores diligentissimi , Joseph & Nicodeme , hoc ipsum corpus ejus de cruce deposuistis , lavistis , vexistis , ligastis , & magnifico monumento condidistis. O beatissimi sacerdotes Christi ; Gregori , Ambrosi , Augustine , Hieronymine , Carole , &c. cæterique omnes



omnes sancti, & sanctæ Dei, Apostoli & discipuli Domini, Patriarchæ & Prophetæ, Martyres & Confessores, Pontifices, Sacerdotes & Levitæ, Virgines, viduæ, & conjugatæ, liceat mihi sanctis vestris precibus, cum ea puritate, modestia, diligentia, dexteritate, devotione, & reverentia, Sanctissimum hoc Missæ sacrificium peragere, cum qua vos illud aliquando peregistis, aut illi adstitistis, aut adstare desiderastis. O sancti Angeli & Archangeli, excitate, & custodite me, sancti Throni pacificate cor meum, sancti Dominationes gubernate me, sancti Potestates protegitte & defendite me, sancti Virtutes disponite me, sancti Cherubim illuminate me, sancti Seraphim purificate & inflamate, me, ut dignus merear, ad sancta Sanctorum introire, & digne valeam conficere, offerre, & sumere corpus & sanguinem sancti Domini, Regis & Dei vestri Jesu Christi qui cum S. Spiritu est Deus benedictus in sæcula Amen.

Profunde inclinatus dic: Sancta Dei genitrix Virgo Maria, sancte Michael, Joannes Baptista, Petre & Paule, sancte N. omnes sancti & sanctæ Dei, succurrite mihi, & adjuvate me, ut digne & competenter, offeram ei sanctum sacrificium suum, ad laudem & gloriam nominis ejus, vestrum honorem, & meam, totiusque generis humani utilitatem. Ecce jam de vestro confisus suffragio, ad tremendum munus hoc offerendum, indignus licet procedo, in nomine Domini Amen.

Sacristiam ingressus crucem adora. Aderamus  
passio<sup>a</sup>

te Christe & benedicamus tibi, quia per crucem sanctam tuam redemisti mundum. Te per amaram passionem & mortem tuam supplex oro, ut sicut te in te crucifixum pro me immolare dignatus es, ita cor meum, cogitatio, & affectus sensusque omnes, in sacris vulneribus tuis, sub tempus sancti Sacramenti fixa permaneant Amen.

§. II.

*In Sacro.*

**I**N toto sacro affectum Reverentiæ retine, ut omnia verba, omnes ritus, omnes etiam observantias, infra positas, reverentissime expedias, tam interna quam externa reverentiâ, profunda tuique præsentia & Dei. Actualiter propones majori quam unquam Spiritus fervore, milliesque millies majori proportionem, ac devotione, sacrum, & omnia quæ in eo dicendo ages, vel dices, ita, ut quemvis actum, motum, literæ pronuntiationem, intendas, majori intensione fervoris recitare, ut magis magisque exaltetur Deus, ut magis humilicristu, ad purum gustum Dei, ad nullum præmium tuum, quia hæc est voluntas Dei.

I. Pergens ad Altare : Recitabis orationem D. Bernardi per te accessum habeamus ad Filium &c. &c. ut supra. Vel incedens excita vivam fidem, cœlum supra Altare apertum, cogita, & mox adora Deum cum Angelis præsentem dic : Gloria Patri &c. Credo Domine, in te spero, &

ex toto corde amo. Tum accedas ad altare, manens in Dei præsentia.

1. Collocans in Altari calicem & missale aperiens: Omnitudinis in Deum actum elicies, hoc V.G. modo. Superdignissime Domine Deus meus, omnitudinem tuam omnitudo mea, seraphicâ Marianâ omnipossibili omnitudine, nunc & semper glorificat, adorat, benedicit, honorat, affectuosissime amat, æstimat, concupiscit, exultat ignitissime, laudat amabilissime, magnificat magnificentissime, reveretur reverentissime sicut sitibundissime. Vel: Superhonorabilissime Deus, omnitudini tuæ, omnitudo mea, omnitudine seraphicâ, Marianâ, Christiformi, nunc & in perpetuum, benedicit amorosissime, omnem communicabilitatem tuam concupiscit æstuantissime, suam tibi vilitatem fingendam, formandam, & figurandam tradit plenissime te & tua tibi bonagratulatur exultantissime se & sibi à te oblata dona regratiatur demississime, Te exultat, & superexultat omnitudinaliter, se autem annihilat, humiliat humiliatq; humilime, &c. Hi actus breviari possunt à dicente pro libitu & tempore.

3. Ante & inter descensum ad primum gradum Altaris, dices hæc & similia: Mi Jesu per illam generosissimam resolutionem tuam, qua te resolvisti, nobiscum esse, à nobis immolari, manducari, & communicari, in hoc sacrificio & Sacramento, peto à te, ut mihi partem hujus tuæ resolutionis communices, quo te, quam dignissime immolare, manducare, communicare valeam.

4. Confessionem generalem fac & dic: Ea devotione ac si coram. Deo præsentem, coram cælo & terra confitereris vitam tuam.

5. Dum

5. Dum oscularis Altare post Kyrie vel post Gloria in Excelsis, dic : Benedic Pater æterne vires & opera Filii Tui, aut aliquibus aliis verbis pete benedictionem à Deo Patre.

6. Lecto Evangelio dum oscularis librum dicens: Per Evangelia dicta &c. elicies actum contritionis de omnibus peccatis. Protestor Excellentissime Deus, me peccata mea omnia, maxima & minima, quibus frequentissime, infinitam bonitatem tuam, & excellentissimam dignitatem offendi, ex animo detestari, & odisse, nec non ea impofterum omni conatu vitare velle, deque illis contritione, qua possum, & par est maxima dolere, dolere autem, non ob ulla damna, nec ob ulla supplicia, quæ meritus sum, quæque subire in satisfactionem non recuso, sed ob id solum, quia dignitatem, & bonitatem offendi, quam summe amare debui, & æstimare, quemadmodum nunc amo, & ætimo, in æternumque amare & æstimare propono, ac ei in omni perfectione servire.

7. Dum post Evangelium vel Credo, oscularis Altare, dices : Benedic Deus Verbum, verba servi tui, idem dici potest à Concionatore, ante concionem immediate.

8. Dum dicto offertorio discooperis Calicem, elice prævium actum oblationis : V. G. Omnipotentia, sapientia, bonitas, prudentia, providentia, dignitas, voluntas, amor præveniens. Ecce ego & omnia opera mea, coram Te, non propter me, non propter consuetudinem, non propter alios, sed propter Te Deus meus, & omnia, quia hæc est voluntas tua & dignitas voluntatis tuæ.



9. Offerendo Panem & Vinum : Pone in patena Cor proprium , omniumque circumstantium , imo omnium fidelium, offer que illa Deo, cum ea intentione, quod sicut hostiam offers , quæ est panis purus, ut ejus substantia destruatur, convertatur in corpus Christi, ita cor tuum , & omnium fidelium offeras, ut in eis destruat, quidquid terrenum est, ut convertat, ac per amorem, & imitationem transformet in ipsum Christum, ita ut desinant esse quod erant, incipiant esse & vivere sicut Christus.

10. Infundendo vinum. Immerge te in abyssum sanguinis Christi , sicut aqua illa mergitur , & convertitur in vinum.

11. Dum ante orate Fratres , oscularis Altare ; Benedic S. Spiritus consilia, vota, & cogitationes discipulorum.

12. In memento Vivorum. Revoca te ad id quod fecisti ante Sacrum, commenda Personas, res officia, quæ voles.

13. Ad Præfationem & ad Sanctus. Elice actum Reverentiæ, ac fervoris , nomine Cœlestium, Terrestrium, ac Infernorum.

14. Consecrationem panis in corpus Christi, facies in unione affectus unius ex sequentibus.

Die Dominico. Consecrabis affectu SS. Trinitatis, quo illa sibi Jesum Christum , sub his speciebus, & in cruce, immolari voluit.

Feria 2. Consecrabis affectu Patris æterni, quo illud sibi Verbo, & Spiritui S. Jesum in speciebus, & in cruce immolare voluit.

Feria 3. Consecrabis affectu Verbi æterni, quo sibi Patri & Spiritui Sancto Jesum in cruce & speciebus immolari voluit.

Feria

Feria 4. Consecrabis affectu Spiritus Sancti, quo ille sibi, Patri, & Filio, Jesum immolari, in speciebus, & cruce voluit.

Feria 5. Consecrabis affectu Jesu Christi, quo ille se, in ultima cæna, Patri, & sibi, & Spiritui Sancto immolavit.

Feria 6. Consecrabis affectu Jesu Christi, quo ille se, in ara crucis, Patri, sibi, & Spiritui Sancto, ad gustum, nobis autem ad salutem, immolavit.

Sabbatho consecrabis affectu SS. Trinitatis, Jesu Christi, & B. V. & SS. omnium, quo illi Jesum, vel immolari voluerunt, vel immolaverunt. Porro; Semper adjunges, tuimetipsius plenum Deo Sacrificium, illudque cum Sacrificio Christi offeres, persacratissime Jesu Christi humanitatis manus, & beatissimæ Virginis Mariæ.

15. Ante elevationem Hostiæ genuflectens, commendabis instans mortis tuæ, instanti mortis Christi, beatissimæ Virginis, & si placebit alicujus peculiari-ter Sancti, vel illius diei, dicens: Mi Jesu, instanti mortis tuæ, instanti mortis Matris Tux dulcissimæ, & instanti S. N. instans mortis meæ commendo, benedic quæso isti, propter ista.

Ad Elevationem Hostiæ, actualiter omnia quæ Christus Jesus assumpsit, gessit, pertulitque Sanctissimæ Trinitati, pro tuis, & aliorum necessitatibus offer. Vel invita creaturas, ad adoremum, omnes creaturæ coelestes, terrestres & infernales, venite & hunc Jesum, propter honorem, & obedientiam Dei Patris, & propter nostrum omnium salutem humilitatum, confusum, & in cruce probrosè  
I 2. eleva-

elevatum, recognoscite, adorete, glorificate. Vel, vos Angeli, & Beati omnes, adorete, & exultate, jubilate, & reverentiam facite huic Jesu, qui est etiam in manibus meis, sicut in Divino Throno, ad dexteram Patris: Vel, dum extollitur. Proponatur omnibus mundi creaturis ad adorandum, cum omni latitia, prout fuit proposita, statua Nabuchodonosor sub illis enim accidentibus, velut sub aurea statua, est verè Christus, Rex Regum, proferes etiam edictum Regis, si quis non adoraverit, mittetur in fornacem, ipsis ardentis Dan. 3. Vel, proponatur Deo Patri, ad ejus justitiam placendam &c. sicut Christus Dominus fecit in cruce, ad impetrandam gentibus, hæreticis peccatoribus, conversationis gratiam. Vel, nomine creaturarum adorabis dicens: Ego indignus peccator, in unione omnium creaturarum, scilicet Angelorum atque Sanctorum. Terrestrium, id est: Animarum Purgatorii, & nomine omnium Justorum, Te adoro, confiteor, laudo, benedico, exalto, in tua æternitate gloriosa. Et vos peccatores, & infideles omnes, venite ad Jesum, convertimini, recognoscite, adorete, diligite, super omnia in æternum. At vos infernales bestię, confundamini, & contremiscite, omnes maligni spiritus à facie Jesu, qui est etiam in manibus meis, sicut in Divino Throno, fugite, & in latebras Inferni vos abscondite. Deposita Hostia. Gloria Patri & Filio & Spiritui Sancto, qui tantum bonum nobis contulistis.

17. Ante consecrationem Calicis. Vota tua, si quæ habes, ratifica, eaque sanguinis Christi consecratione confirma, dicens: Placet mihi, & placeat Tibi, mi Deus, quod promisi &c. &c.

In Elevatione calicis , elicies actus sequentes. 1. Pie Pelicane Jesu Domine , me immundum munda tuo sanguine. 2. Mi Jesu , fac me &c. (exprime id quod pro te præcipue impetrare sacrificando intendis.) 3. Mi Jesu, accende me amore tui Seraphico, Mariarum , Tuo incessabili cruciformi. 4. Instanti mortis tuæ mi Jesu, & instanti mortis Matris Tuæ, instans &c. ut supra. Vel dum adoratur; consideretur, prout fluxit sanguis ex manibus , pedibus , & corde Jesu. Dum extollitur : Considera , ut exivit ex fluminibus Paradisi terrestriis , corporis Christi , aurum gignens , gemmas & pretiosos fructus vitæ.

Item, ut est sanguis Sacrificiorum , in antiqua lege, homines emundans , Deum placans , & bona omnia impetrans. Dum deponitur & adoratur, dic : Sitio te sicut cervus fontes aquarum, sicut infans ubera matris, sicut Samaritana aquas viventes , & sitim explentes, & salientes in vitam æternam , & sicut tu desiderasti illum effundere , ad gloriam Patris, & ad nostram salutem.

19. Signans te ac dicens : (omni benedictione cœlesti) dilata totius tuæ substantiæ capacitatem, eamque gratis ex Altari , ex manibus Dei, ex vulneribus Christi defluentibus suppone , ut implearis.

20. In Mortuorum memento. Revoca te ad id quod fecisti ante Sacrum : Nominatim , orabis pro his , pro quibus totus Clerus, vel tota Religio intendit, quos Deus prædestinavit , per te juvare, pro quibus orare debes & intendis, pro quibus orare vel-

I 3 les,



les, si mortuos scires, pro iis qui magis devoti erant beatissimæ Virgini, pro iis qui gravius, aut diutius patiuntur. Pro iis, quarum instat liberationis hora, pro quibus nullus orat, quos Deus juvare vult præsentem Sacrificio.

21. Dum signas cruce Hostiâ inter Calicem & pectus dicens: (esto tibi Deo Patri) Amans congratularis dulcissimæ Patris, Filii & Spiritus Sancti Societati, & mutua jucunditati, dulcique charitati, tuumque cor, & tua omnia interiora referans sanctissimæ Trinitati, te ipsum benedices Hostiâ,

22. Post dicta illa Verba [omnis bonor & gloria] adde: Omnis ignitissima dilectio, omnis profundissima [genus] flexio, intende animo infra inferorum abyssos] reverentia, omnis eminentissima [intende animo supra omnes coelos surgens ab genuflexione] exaltatio.

23. In Oratione Dominica. Singulas partes ejus dic peculiari affectu. Pater Noster qui es in cœlis: Affectu fiduciæ in Patrem tam bonum. Sanctificetur &c. desidera glorificationem Dei plenam, & adæquatam Dei dignitati, inter creaturas. Advēniat regnum. Desidera, ut Deus regnet in te, & in omni creatura. Fiat Voluntas tua. Hæc dicens: Adora voluntatem Dei, & tam corpus quam animam, cum omnibus viribus, potentisque ei substerne, ac resigna. Sicut in cœlo &c. id est. 1. Sicut in corde Dei, & in decretis voluntatis ejus, sic in te, & in omni creatura. 2. Sicut in humanitate Christi, ita & in te. 3. Sicut in pretiosissima Parente, ita & in te. 4. Sicut & in

& in Beatis, ita & in te, atque in terra degentibus.  
 5. Sicut in sancto N. ita & in te. Panem nostrum &c.  
 intellige Sacrificii, Sacramenti, gratiarum, ac coelestium  
 benedictionem. Dimitte nobis &c. Te Domino dan-  
 te & teste. Et ne nos inducas &c. (NN: certi generis  
 in qua cadamus) Sed libera nos &c. Vitæ futuræ, &  
 præsentis, quod commeriti sumus, & vitare nesci-  
 mus.

24. Dîcto hæc commixtio. Immergete in balneo  
 & fonte sanguinis Jesu Christi, instansque mortis tuæ  
 commenda.

25. Ad singulas repetitiones Agnus Dei: Pete ve-  
 niam, seu misericordiam, & pacem tibi, vivis, & mor-  
 tuis. Vel, ad primum induc personam peccatorum,  
 infidelium, & Hæreticorum. In secundo; Personarum  
 in purgatorio existentium affectum induc. In tertio;  
 Personam Regum, & Principum Christianorum.  
 Vel, Agnus Dei. Miserere vivorum in te credentium.  
 2. Miserere mortuorum in te pie quiescentium. 3. Mi-  
 serere, da pacem vivis & defunctis, in te pie regnanti-  
 bus. Ita carebant Angeli in dedicatione miraculo-  
 sa facelli Deiparæ in Eremo Helvetica.

26. Puta te videre Christum ante te, sicut revera  
 est, & hunc vel in cruce, velex illa depositum, in si-  
 nu Matris, quam etiam Adjutricem tuæ orationis  
 assumes, concipiendo in illo facilitatem ignoscendi  
 & miserendi, prout egit cum latrone & crucifixis  
 & dona tria principalia postulabis. Pacem & unio-  
 nem in tota Ecclesia. Pacem & unionem inseparabilem

inter te illumque consecutionem fructus illius Sacramenti.

27. In secunda oratione communionem præcedente cum dixeris, & fac me tuis semper inhaerere mandatis & à te (subjunges) atque à tua Sanctissima voluntate, eminentissima dignitate, ignitissima & incessabili charitate, nunquam, nunquam, nunquam separari permittas, qui cum eodem &c.

28. Tertia oratione dicta, subjunges hanc quartam; Domine Deus meus, per pretiosissimum hoc corpus, & hunc sanguinem tuum, & per omnem cordis tui Divini bonitatem, & per omnes viscerum tuorum miserationes, peto à te, ut des mihi, Superiobus, Parentibus, fratribus, carne & spiritu, consanguineis meis charissimis N.N. totique clero, aut Religioni, poenitentibus meis, præteritis & futuris, gratias tuas, congruas, frequentes, efficaces, finales, des NN. finalem poenitentiam, des Benefactoribus N.N. temporalium sufficientiam, des mihi officiorum & negotiorum meorum felicem successum, des mihi gratiam orationis, indivinationis, puritatis, des mihi & mundo universo notitiam tui, & sui repressionsque spiritus fornicationis. (Hæc dices, dum genu flectes) da mihi ut possim, da mihi amorem inimicorum meorum, utere illorum linguis, calamis, judiciis, ad humiliandum me & ad exaltandum Te, da mihi per merita, & preces illorum, meritis, precibusque conjunctus commutari, in virum voluntatis tue, da mihi digne hoc munere defungi, ad puram gloriam tuam, ad puram & meram confusionem meam, denique da mihi,

hi, amicis, inimicis, æmulis, & ingratis meis, gratias & misericordias, quod scis & vis. Hic subjunges;

29. Panem cœlestem &c. Panem. Considera excellentiam panis illius, quem non gustant canes, id est, animales homines, quomodo tu accipies? Sine quo non sunt vere felices Domini hujusmodi, quomodo tu vilissimus accipies? Quem ita avidè esuriunt servi Dei, pro quo tam strenuè serviunt, & quo refectioni fortiter laborant, quomodo tu &c. &c.? Cœlestem. Qui justo Dei judicio condemnatus es, ad vescendum herbis, in sudore vultus, cur præsumis cœlestem panem attingere? Qui relicto Patre, & substantia consumpta, factus es custos pecorum, & vesceris siliquis eorum. Cur dicis, panem cœlestem accipiam? Qui adeo delectaris terrenis, ut alter epulo, si in inferno esurie & siti cruciari mereris, cur dicis; Panem cœlestem &c.? Accipiam. Unde? de sinu Matris? Sed quomodo immundus audebis comparere coram illa, qui nihil propter illam facis? Unde, de sinu Patris. Sed quomodo, causa occisionis ejus cum sis, id audebis? Vide, ne sanguis ejus clamet, & fluat ex vulneribus contra te. Unde? A mensa Beatorum? Sed qui toties ad illam invitatus, te excusasti, & modo non habes vestem nuptialem, similem sponso, id est, mores &c. Quomodo audebis.

30. Dicens Domine non sum dignus. Elicies affectum, singulis diebus per hebdomadam unum.



Die Dominico. Pronuntiabis illa affectu refugientis, & humiliter reverenterque resistentis Domino, intrare volenti.

Feria 2. Affectu deprecantis ingressum Dei tui à te.

Feria 3. Affectu admirantis, & obstupescantis Dominum intrare volentem.

Feria 4. Affectu dissuadentis, & indignitatem facti, Domino dignissimo intrare volenti proponentis.

Feria 5. Affectu protestantis in conspectu omnis creaturæ, & maximè præsentium Angelorum, quod sis undeque indignus, ut domo animæ tuæ Deum Dominum recipias, quodque tibi vis, ab illo fiat.

Feria 6. Affectu cognoscentis quidem, & confidentis propriam indignitatem, permittentis tamen, imò desiderantis ingressum Domini.

Sabbatho. Affectu ostendentis, tanto opus labori non esse, ut ad te Dominus majestatis veniat, utpote, qui unico tantum dicto verbo totum salutis tuæ negotium (cujus perficiendi causa ad te intrare vult) absolvere posset.

31. Ad singula Domine non sum dignus. Postquam dixeris & sanabitur anima mea. Addes ad 1. Quæ se tota credit & agnoscit. Ad 2. Quæ te tota se amat & adorat. Ad 3. Quæ te, tota se, desiderat, concupiscit, manducat. Possunt etiam hæc omnia dici tantum ad ultimum.

O cor meum, vita mea, felicitas animæ, & omne bonum, & desiderium meum, ubi te constituam, in qua parte cordis, & animæ meæ? Quamdiu manebis mecum, utinam non recedas à me in æternum. Quando te videbo absque his velis & involucris, sicut tu es divinus, amabilis, & gloriosus. Quando solvantur mihi vincula, & relaxabuntur habenæ, ut spiritus meus veloci-

lociter currere possit ad te, & in te, laudando, & amando, quiescere in æternum. In actu communicandi, inclinando te ad Hostiæ adorationem dic : Domine Jesu, te adoro, laudo, benedico, glorifico, & ago gratias pro charitate tua, pro doloribus tuis, pro patientia in me habita, usque in hanc horam, offero tibi vota mea & vitam meam, & obsecro, ut des mihi perseverantiam in Tuo sancto servitio, usque ad finem vitæ meæ. Domine Jesu Christe, qui te recipere volo, ille ego sum, qui voluntati tuæ non obedi, ut filius prodigus, recedens à gubernatione tua, dissipavi omnem substantiam, quam dederas mihi, itaque non sum dignus vocari filius tuus, tamen fac me sicut unum de mercenariis, & mendicis tuis, ecce cum erubescencia & poenitentia revertor ad te, rogans ut iterum suscipias me.

Ecce Dominus, plus quam Lazarus à Bethania languens, præ Spirituum cœlestium inopia, desiderio & amore tui, domum me panis constituere volens, languageo: Tu spiritus, & vita mea, domum me dignam te constitue, imple me te ipso, languentem refove. Veni Jesu mi, inermis sum, hostibus cinctus sum, arma volo, tu esto armatura, tu lorica, tu clypeus, tu galea salutis, antequam saucier, communi me, & veni in me. Jesu cujus illa vox fuit in cruce: Pater dimitte. Non enim scivit ipse homo, quid fecit, & ego simul tecum clamo pro me: Pater ignosce mihi, non enim scivi quid feci, quando Majestatem tuam, tam bonam, offendi: Tu scis, quoniam nunquam fuit in me expressa intentio, neque affectus, etiã in deliciis meis, non amandi te, clamo, & pro toto mundo. Dimitte peccata, & imperfectiones meas, sed & super delicta totius mundi, & totius populi præsentis, defectus, quibus te offendimus, & ad iram provocamus, scio, quia iniquitatem detestaris, scis, quod & mihi displicet maximè, conjuramus in eam uterque, tu ponis car-

carnem & sanguinem, ego ista in cibum & potum sumo, omnibus ergo viribus impugnemus, extirpemus, eradicemus peccata omnia, in me, in populo, in toto mundo, neque tibi confederatum esse scito. In manus meas commendas corpus, spiritum & sanguinem tuum, excipiam amanter, & hauriam, ut intret in me Spiritus tuus, & vivat in me. Per totum mundum insidiæ tibi struuntur dulcissime Jesu, pericula parantur, ad necem quærent te peccatores, sed quia ad manus meas perfugisti & securitatis causa confugisti, in corde meo reconde te, non enim securiorem locum invenio. Jam captivus victus in manibus meis & vinculis teneris. Si cælum, terram, bona omnia, in commutationem pro tui liberatione mihi dare volueris, accipere nolo, cum hæc omnia, minora te sint, & omnia melius in te, quam in se sunt, vis liberari, da mihi tantum pro te, quod tibi æquivalet, non habes, ergo da te ipsum. Jesu mi! quid times? Ingressum oris, cordis & viscerum meorum horres? Et in manibus palpas? Rectè quidem, quia immundus, peccator sum maximus, sed tamen revoca tibi in memoriam tempus illud, quo ad redimendos homines dura morte descensurus, magnam quidem occasionem habuisti exhorrescendi, tamen puritate mentis, & corporis Virginis Matris, delectatus, non horruisti illius uterum. Per illam ergo Virginis puritatem, obsecro te, ingredi ad me non horreas, ex tunc ego mundus esse volo, quo fiam dignum te, cum gratia tua, habitaculum. Quid hic stabis Jesu mi otiosus, ne-

mo

mo te conduxit? Ito in vineam animæ meæ, convenio tecum ex denario diurno, tot actus virtutum, humilitatis, charitatis, mortificationis, adorationis hodie faciam. Similes actus suggeret Missa diei Epistola Evangelium &c.

32. Antequam dicas, vel etiam postquam dixeris: Corpus Domini nostri &c. dices: Majori quam unquam fervore spiritus, milliesque, & millies majori, ac majori proportionem, illius, ad purum gustum tuum, ad nullum præmium meum, omnium Sanctorum, & omnium Angelorum, atque Seraphinorum, ipsiusque B. V. M. ac Tuz JESU humanitatis Sacratissimæ affectu, te hic præsentem amo, æstimo, adoro, desidero, recipio.

33. Dicens Corpus Domini &c. signansque te Hostiâ, aperies ac dilatabis totam animam, totumque cor tuum, ut Dominica Benedictio, id in eo operetur, quod placitum est in oculis ejus. Totus ignescas amore, æstuabis desiderio, absorbeberis reverentia, & tantæ dignitatis stupore.

34. Immediate communicaturus, facies conventionem cum Christo Domino, & beatissima Virgine, tanquam cum operariis, & mittes eos in vineam animæ tuæ, ut inibi operentur, vel id quod maxime vellent, vel id quod maxime indiges, vel certum aliquod opus perfectionis. Merces autem cœlestibus hisce operariis erit certus actuum numerus, vel unius, vel plurium virtutum; V. G. 37.  
60.



60. 100. &c. semper autem, præter alia, ordinariè tua in vinea, petes perfici, majorem spiritus fervorem, ut majori majorique, & in singula momenta crescente fervore, quodlibet opus tuum facere, & Deo Tuo in omnibus servire possis. Mercedem autem tam B.V. Mariæ, quam Christo Jesu, statim post Sacrum solves.

34. Sumpto Sanctissimo Sacramento, omnem in te, tuæque capacitate, amoris ardorem excitabis, eumque, & ejus intensiorem, per singula momenta, millies, millies, majori proportionem crescere desiderabis.

35. Communionem offeres semper pro aliqua tua intentione, ordinariè autem offeres illam, pro auxilio animæ, vel animarum, maximè indigentium, ex eis qui tecum domi manent, vel pro animabus purgatorii, ea intentione & fine, ut ipsæ liberatæ à pœnis, ferventius orent quam tu. Pro existentibus in terribili statu peccati mortalis, & pro agonizantibus.

36. Sanctissimum Sacramentum in ore tenens, atque etiam deglutiens, pete à Domino Jesu puritatem animæ & corporis, gulæ & linguæ, hoc modo; Mi Jesu! purissimo Corpore Tuo purifica corpus meum, purissimo cibo tuo purifica gulam meam, purissimo verbo Tuo pacifica mentem & linguam meam.

37. Glutendo & communicando sanctam Hostiam, fac adorationem non tantum corpore toto, sed etiam tota anima, totaque latitudine, & capacitate, & multitudine partium, & potentiarum tuarum,  
ita,

ita, ut nulla sit atomica in te particula, quâ non adores, glutias, & manduces Christum, & elice actus intensissimos Fidei Spei, & Charitatis.

38. Sumpturus Calicem, Genuflectione, antequam sumas sanguinem, adora Christum in cruce pendentem, & sanguinem è vulneribus stillantem, & contemplare affectum internum, quo illum tibi præparavit, & tanto cum amore, & dolore, Deo Patri & tibi offert. Vel, Eundem aspice de cruce depositum, in sinu Matris, ubi poteris facilius, ejus vulneribus os infigere, & sanguinem sugere. 2. Virtutem sanguinis considera, super sanguinem Pelicani ad filios sanandos, supra sanguinem vermiculi, ad frangendum vitrum, & inde pullum suum inclusum educendum, supra sanguinem vituli oblatis, ad populum sanctificandum, & ad dignum ingressum, ad sancta Sanctorum præstandum, supra sanguinem Abel, non vindictam sed misericordiam clamantem, super sanguinem aspersum, in tunica Joseph, Patris viscera commoventem, est enim infinitæ virtutis, & valoris, ad superandum, satisfaciendum, nobilitandum, delectandum, in amorem sui rapiendum, ad unendum cum Deo. 3. In ipsa sumptione. In primo haustu, ex vulnere cordis, pete charitatem, humilitatem & puritatem. In secundo; Ex vulneribus manuum pete vires & gratiam, ad laborandum, & faciendum bona opera. In tertio; Ex vulneribus pedum pete perseverantiam & progressum in obsequio ejus. Vel, in primo haustu pete à Deo Patre degustatione,

ac participationem ejus potentiz. In secundo. Participationem à Filio , ejus Sapientiz. In tertio. Participationem ejus Bonitatis.

39. Ratificabis quoque Testamentum tuum, [quod Testamentum habebis infra] dicens : Mi Jesu , Testamentum meum pro me ratum habeo , illudque Sanguinis tui sumptione confirmo , sumo illud , ut Sacrificium , ut Sacramentum , ut Testamentum , & victimam. Peculiaris portio tua , in Sacrificio quolibet , erit sanguinis consecratio , & sumptio , in qua etiam [si Religiosus es] ratam habebis professionem tuam , & vota.

40. Sumens Calicem dices : Mi Jesu , purissimo sanguine tuo purifica sanguinem meum , purissimo potu gulam meam , purissimo verbo tuo purifica mentem & linguam meam , applicansque os cordis tui , ad amorosum lateris Jesu vulnus , bibes & suges , omnibus poris , atque atomis tuis , de Divinissimo presentis Domini corde , gratia , charitatis , puritatis , aliarumque virtutum influxus , prægustans quantum dabitur , desiderabiles jucunditatis æternæ sorbitiunculas.

41. Extergens & componens Calicem , præsentem Dominum salutare concupisces , affectu , quo ille Patrem æternum , in cœlo ascendens salutavit , quo ipsum in se conceptum , & de se natum , & post resurrectionem sibi apparentem beatissima Virgo salutabat , quo illum omnes Sancti , post primum in cœlos ingressum , salutant.

42. Dicta post Communionem , dum oscularis Altare , dic : Benedic Creator , Creaturæ Tuæ memoriam.

43. Dum finitis collectis oscularis Altare , dic : Benedic Redemptor, Redempti tui intellectum.

44. Post placeat, dum oscularis Altare , dic : Benedic Sanctificator , voluntatem Sanctificati tui.

45. Quotiescunque genu flectis in Sacrificio Missæ, flecte affectu omnium sanctorum Angelorum , Sanctorum, Sanctarumque , & omnium creaturarum, quæ Deum debent adorare. V. G. Hac genuflexione adoro te , omnium creaturarum possibili affectu, quo te omnes creaturæ laudant , ac benedicunt, laudare ac benedicere debent in æternum.

46. Dum ea recitas quæ in Sacro , ex Missali dicenda sunt, dabis operam, ut ea non cursim proferas, sed cum intellectu, attentione , & affectuum, (qui in verbis latent, & ad quos, Deo exponendos , Ecclesia verba talia, & non alia adhibuit) expressione, sensu, seu experimento recites. Magna enim mysteria, & documenta, miræ & variæ Dei laudes , miri & varii in Deum affectus, coram Deo humiliactiones, obsecrationes meritorum Christi & SS. interpositione continentur , in verbis Missæ , unde cursim ea dici non expedit, nec fieri potest , sine magna jactura, & propria devotionis, & meritorum , & Divinæ gloriæ, & Ecclesiæ bonorum , suam nobis personam, & verba communicantis.

47. In communi illa Orationum clausula. Per Dominum nostrum &c. dictæ orationes, speciali reflexione, per transfixum cor Domini Jesu , in Sancti Spiritus virtute, Deo Trino & Uno offerantur , & ea

K

omnia



omnia , quæ post Communionem recitantur , magis spiritu & halitu Christi , inexistens , quam nostro recitentur.

## §. III.

*Idem modus abbreviatus & parum mutatus.*

**P**Ergens ad Templum pro Sacrificio Missæ, gressus tuos offeres Deo Patri , per manus beatissimæ Virginis , Dominique Jesu , in unione gressuum, quos fecit dulcis Jesus , dum pergeret ad montem Calvariæ. Offeres autem gressus tuos , per sanguinem, cum sanguine , in sanguine , Domini Jesu, ex virtute Religionis , ut Sacrificio hoc colas Deum tuum, cultu latriæ, ad optimum gustum Dei tui. Inviabis Patronos tuos , & Angelos custodes illorum Sanctorum, quorum Reliquias habes , & domesticorum tuorum, qui domi tuæ sunt , ut tecum pergant, & Deum optimum, tecum quam ferventissime & ignitissime colant. Cum perveneris ad Templum, saluta Venerabile sic : Laudetur Sanctissimum Sacramentum, tot laudibus, quot in cœlo stellæ , in igne scintillæ, in aere atomi, in mari guttæ, in terra pulveres , quot Vere flores, Æstate grana , Autumno folia, Hieme nives , & grandines, quot corporeæ in universo creaturæ, quia dignus es Domine universorum. Qui sub corporeis, Vini, Panisque speciebus latens, vere Deus absconditus es. Laudetur Sanctissimum Sacramentum. Tot laudibus, quot ullo opere exhiberi , quot ore proferri, quot corde omnium hominum excogitari unquam potuere , vel possunt. Quia dignus es Tu Domine, Pater Noster. Qui nos cibus, & potas, quo-

quotidie, quo redempti sumus, semel pretioso Corpore, & Sanguine, quasi agni immaculati. Laudetur Sanctissimum Sacramentum. Tot laudibus, quot omnes Angeli, quot sanctissima Trinitas, sua potentia depromere, sapientia concipere, bonitate optare potest, omnimodo, omni loco, omnitempore, in æternum, & ultra. Quia dignus es Tu Domine Deus meus. Qui mihi donas, non tantum Humanitatem, verum etiam Divinitatem Tuam, Domine Deus meus, laudabilis, & gloriosus, & superexaltatus in sæcula, salutato Venerabili Sacramento quam amorosissimè. Recitabis ter; Laudate Dominum omnes Gentes. Post 1. Rogabis Deum Patrem, ut concedat tibi Filium suum, cum illis donis & gratiis, cum quibus illum concessit mundo, dum incarnaretur. Post 2. Rogabis Deum Filium, ut se concedat tibi, cum illis donis, cum quibus se concessit mundo, dum incarnaretur. Post 3. Rogabis Spiritum Sanctum, ut disponat cor tuum, ad digne suscipiendum Filium Dei, sicut disposuit cor B.V. dum illa susciperet Filium Dei. Iterum ad B.V. accedes. V.G. O dulcissima Virgo, dignare offerre merita tua, merita dilectissimi Filii Tui, merita omnium Sanctorum, & electorum Dei, dulcissimo Filio Tuo, ut offerat pro me dilectissimo Patri suo, ut mihi concedat gratiam, digne celebrandi, hoc sanctissimum Sacrificium. O Virgo amantissima, dignare hunc Filium Tuum dulcissimum, (quem nunc offerre intendo sanctissimæ Trinitati) per me, offerre eidem cum illo affectu, quo illum obtulisti, quando illum peperisti, & in templo presentasti. O Jesu dulcissime, dignare offerre merita tua, merita sanctissimæ Matris Tux, & omnium Sanctorum, & Electorum tuorum

rum dilectissimo Patri Tuo , pro me miserrimo peccatore , ut concedat mihi gratiam , digne celebrandi , sanctissimum Missæ Sacrificium. Suscipe illud de manibus meis , & offer illud dulcissimo Patri Tuo , illo affectu , quo Tu illud cruentum obtulisti , in ara crucis , pro nobis miseris peccatoribus. O Pater amantissime , suscipe merita dilectissimi Filii Tui , & merita sanctissimæ Matris ejus , & omnium Sanctorum Tuorum , pro me miserrimo peccatore, & concede mihi gratiam , digne celebrandi , sanctissimum Missæ Sacrificium. Sacristiam ingressus. Pergens ad Altare , collocans in Altari Calicem &c. ut supra. Rediens à Missali ad medium Altare , pone manus supra lapidem , ubi sunt Reliquiæ , dicque : Adjuvate me Sancti , & Sanctæ Dei omnes , quorum ego hic veneror Reliquias , & obtinete mihi apud Dominum , ut à peccatis meis omnibus absolutus , ab omni perturbatione mentis , & sensuum , motuumque meorum inquietudine expeditus , cum ea puritate , humilitate , modestiâ , compunctione , devotionis & dilectionis ardore , tremore & reverentia peragam sanctum hoc Sacrificium , quam divinissimorum , quæ in eo tractantur mysteriorum , celsitudo & excellentia requirit.

Potest hic actus abbreviari.

Inter descensum ad imum Altaris. Confiteor. Osculum Altaris post Kyrie, ut supra.

Lecto Evangelio , dum oscularis librum , dicens : Per Evangelia &c. Elice actum contritionis ; Do-  
leo

leo mi Deus , pure propter Te , omni possibili  
fervore contritionis , quod mandata tua non cu-  
stodierim , & Te summum bonum offenderim.  
Osculum Altaris post Evangelium. Panem offeren-  
do. Vinum infundendo. Osculum ante Orate fra-  
tres. Ad Præfationem , Consecrationem; ut supra.  
Ante Elevationem Hostiæ, dum genu flectis adoran-  
do illam , dic: Adoro Te, Dominum Deum meum,  
hic præsentem. O Pater æternæ! En offero Tibi Fi-  
lium tuum dilectissimum , pro N. N. ( renova in-  
tentionem ad quam sacrificas) In ipsa Elevatione,  
dic: O Jesu dulcissime! Dirige vincula amoris in cor  
meum , en habes cor meum pro scopo. Paulatim  
demittendo Hostiam pro depositione , dic: O Jesu!  
instanti mortis Tuæ , instanti mortis Matris Tuæ,  
instanti mortis hodiernorum Sanctorum , commen-  
do Tibi instans mortis meæ , vel nostræ , benedic  
illis propter illa , miserere illorum propter illa.  
In secunda genuflexione post depositionem Hostiæ,  
dic: Hac genuflexione adoratoria , laudo , bene-  
dico , & adoro Te , omni possibili fervore laudis,  
benedictionis , & adorationis , quo te omnes crea-  
turæ adorant , laudant, benedicunt , & benedicere  
debent in æternum. NB. Hunc Actum elicies in qua-  
libet genuflexione adoratoria,

In prima genuflexione adoratoria Calicis , post  
Consecrationem statim dic : Salve Nobilissime san-



guis de vulneribus Domini mei Jesu profluens, abluere peccata mea, quibus Te summum bonum offendi.

In Elevatione Calicis. O Pater æterne! En sanguinem dilectissimi Filii Tui, offero Tibi, pro NN. & cum hoc sanguine dilecti Filii Tui, offero tibi sanguinem meum, quem pro te effundere paratus sum. Utinam cum tanto amore, sicut illum Dominus Filius effudit. Hoc sanguine Tuo dulcissime Jesu, ratum habeo, & confirmo, omne propositum meum bonum, sive votum meum.

Dimittendo Calicem dic: Per hunc sanguinem Tuum dulcissime Jesu, fac me, vel nos, (si pro pluribus sacrificas) Sanctos ad maiorem Tuam gloriam. Pie Pelicane Jesu Domine &c.

Pater Noster, Agnus Dei, Orationes ante Communionem. Domine non sum dignus, ut supra. In actu Communicandi, Parumper Jesum amorem tuum tene, & alloquere. Vere dulcissime Jesu, indignus sum, ob peccata & scelera mea, sed major est misericordia Tua, quam iniquitas mea, potentia infinita, qui potes de immundis facere mundos, de peccatoribus justos & sanctos, fretus hac bonitate & potentia tua. Credo omnia, quæcunque credenda proponit, sancta Mater Ecclesia Romana, pro qua, & in qua fide millies mori paratus sum. Spero, quia non rejicies me revertentem ad te, quem quæstivisti errantem. Amo te Deum meum super omnia, & desidero te amare, omni possibili fervore amoris. En habes cor meum pro scopo, dirige jacula amoris tui, in illud, ut te ignitissime amem,

Ex amore tui , doleo de omnibus peccatis meis ,  
omni possibili fervore contritionis , pure propter  
te , doleo quod unquam offenderis , ab aliqua crea-  
tura. Ex amore Tui , omnia Tibi resigno , quid-  
quid habeo , vel possideo , memoriam , intellectum ,  
& voluntatem. Desidero te millies , mi Jesu , quan-  
do venies , me lætum quando facies , me de te quan-  
do facies , quando erit hæc felix hora , quando te vi-  
debo facie ad faciem , millies moriar , dummodo  
videam Te amorem meum. O Pater amantissime !  
en Filium Tuum dilectissimum , Tibi in amplexum  
offero , ut miserearis animæ meæ , & animæ N.N.  
O Mater dulcissima ! en Filium tuum dulcissimum  
tibi offero , in amplexum , ut intercedas pro me ,  
apud illum , & impetres mihi & NN. hoc NN.  
O SS. Patroni mei , adeste mihi , in hac tremenda  
actione , ne mihi mortem æternam manducem ,  
sed vitam æternam. Impetrate mihi perfectam unio-  
nem , cum Domino Deo meo. O dulcis Spon-  
se animæ meæ , veni jam , veni Amor mi , veni , de-  
siderat te sponsa Tua , anima mea , ad Te anhe-  
lat , veni , dic animæ meæ , talus tua ego sum. Orna  
illam gratia sanctificante & finali. Sic ardentissimo  
corde , & affectu , accipe & sume JESUM amo-  
rem cordis Tui. Post Sumptionem ; Accede quin-  
que Vulnera JESU , sic : ô Mi JESU ! Dulcis  
sponse animæ meæ , non dimittam Te , nisi be-  
nedixeris mihi. Sacratissimo vulnere sinistri pedis

Tui, offero Tibi omnia scelera, & delicta mea, quæ commisi contra Te, Deum meum, scelera mea, & delicta illius N.N. conculca, ne unquam reviviscant, minimam guttulam sacratissimi sanguinis Tui, mitte super illa, ut deleantur, ne usquam compareant. Sacratissimo vulneri dexteri pedis, recomendo omnes obstinatos peccatores, & obstinatos hæreticos, ut convertantur, ne tot animæ pereant. Sinistræ manus SS. vulneri commendo omnes persecutores meos, oblocutores, & inimicos meos, concede illis remissionem peccatorum, & vitam æternam.

Sanctissimo vulneri dextæræ manus, commendo omnes amicos, Benefactores, consanguineos meos, vivos, & defunctos, Defunctis concede requiem sempiternam, Vivis remissionem peccatorum, quoad culpam & pœnam, eximiam sanctitatem, & altum Beatitudinis locum in cœlo, defende illos ab omnibus periculis, animæ & corporis. Sanctissimo lateri tuo commendo animam meam, ut illam ornes virtutibus sanctis, vel maxime castitate, Amore, humilitate, &c. &c. ut sim jucundum Objectum tuum. Sanctissimo cordi tuo offero cor meum, ut illud accendas, igne amoris tui, Amore tui moriar, qui amore mei dignatus es mori. En Pater amantissime! Hic est Jesus, dilectissimus Filius Tuus, qui se mihi communicavit, & me in se convertit. Amo te itaque, amo-

re ipſius. Adoro te , adoratione ipſius. Deſtor  
omnia deſtandā , deſtatione ipſius , cupio quam  
plurimas animas lucrari, zelo animarum ipſius. Gra-  
tias ago pro univerſis beneficiis , ejus Sanctiſſimæ  
humanitati, Matri ejus ſanctiſſimæ , hodiernis San-  
ctis, & mihi miſerrimo peccatori conceſſis , gratia-  
rum actione ipſius. Offero Tibi omnes actus ejus  
Heroicos , & Theandricos , ad majorem guſtum  
tuum. Sis millies in æternum benedictus. Sis & Tu  
dulciſſime mi Jeſu, millies , in æternum benedictus,  
quod me miſerrimum peccatorem , hac miſericor-  
dia affeceris, accipe, & redde me, Altiffimo Patri Tuo.  
Ego me tibi trado , & offero , & me una Tecum , &  
per Te , dulciſſimo Patri , Spirituique Sancto, ſuper  
aram amorofiſſimi cordis Tui , offero in holocau-  
ſtum.

Ante ſumptionem venerabilis Sanguinis. Proxi-  
mè aſpice Venerabilem ſanguinem, in calice, & amo-  
roſo affectu dic: O Dulciſſime Jeſu ! bibam cum hoc  
ſanguine Tuo dulciſſimo, Amorem tuum. O utinam  
ſic penetret amor tuus , omnia viſcera & præcordia  
mea, ut hæc S. Species penetrabunt , ut te ex totis viſce-  
ribus, & præcordiis meis , amare poſſim. Jeſu dulcis-  
ſime , Sacraſſima Æterni Patris mamilla , accedo  
ad te , infans ego , Tu adimple vota , & deſideria  
mea, Spiritu tuo, ô uber mundi , exhibe Te mihi, la-  
cta me ſucco Tuo , inebria me lacte tuo , ut nutriar  
& inebrier Te totus, Tu noſti , quoniam tibi ſoli in-



hiat anima mea , Tu nosti , quoniam sicut oculi , & labia lactentis , ad ubera Matris suæ , ita oculi mei , ad te uberrimam æterni Dei mamillam. Postea sume Venerabilem sanguinem , per tres haustus. In primo haustu , suge guttatim hunc Venerabilem sanguinem , ex vulnere cordis dulcissimi JESU , amoris tui , & per illum roga , castitatem , puritatem , humilitatem , Amorem Dei & proximi. In secundo haustu suge guttatim ex vulneribus manuum JESU , pete vires & gratiam ad bene operandum. In tertio haustu suge sanguinem guttatim ex SS. pedibus Christi Domini , roga progressum in virtutibus , & gratiam finalem. Sumpto Venerabili Sanguine , interne roga hæc : Sanguine Tuo Christe JESU , à peccatis omnibus lava me , & concede , ut anima mea , cum à corpore migraverit , ante Tribunal tuum appareat munda. O Bone JESU ! ne deferas me , in multis angustiis , in suprema mortis lucta , à qua tota pendet æternitas. *Cætera ut supra.*

## §. IV.

*Post Sacrum.*

1. **E**Licies quinque sequentes affectus hoc , E. G. Emodo : Dulcissime Hospes animæ meæ JESU , pro eo affectu , & charitate , qua hoc Sacrificium , atque Sacramentum , in ultima Cœna instituisti , & me ad illud peragendum , sumendumque admittere dignatus es. 2. Obsecro , ignosce , quod non debita

bita præparatione , puritate , & humilitate , ad tantum mysterium accefferim. Omnem porro irreverentiam , distractionem , negligentiam , & culpam , in hujus Sacrificii oblatione , Sacramentique sumptione commissam , dele ac remitte. Supplendo hos defectus , tam positivos quos commisi , quam privativos , ex defectu dignæ dispositionis ortos , actibus tuæ profundissimæ reverentiæ , intensissimæque charitatis , quos tu ipse , in diebus carnis tuæ , circa hoc Sacrificium , Sacramentumque exercuisti , & quos unquam , ex dono tuo , servi tui , huic Sacrificio , & Sacramento addictissimi , exercuerunt , exercent , exercebuntque , usque ad consummationem sæculi , includendo illum ultimum actum , ante diem Judicii exercendum. Quos quidem actus omnes , collectim , & seorsim , singulos , in sua intentione , latitudine , cæterisque circumstantiis , tuis Theandricis actibus , infinite dignis , unitos , offero nunc , ex totis cordis mei medullis , sanctissimæ Trinitati , in supplementum eorum omnium. Quæ mihi defuerunt , petens simul , impedimenta , fructus & gratiæ Sacrificialis , à me removeri. 2. Intro trahem i JESU , totam hanc Sacrificii actionem , in cor tuum amabile , illamque tui cordis devotione nobilitatem , & dignificatam , offer in gratiarum actionem , impetrationem , satisfactionem , reliquosque fines , quorum intuitu ,

præ-

præfens hoc Sacrificium obtuli, Sacramentumque  
 sumpsi, præcipue vero ad gustum, & complacen-  
 tiam æternam, Tuo Patri, Sanctoque Spiritui, nec  
 non ad incrementum specialis gloriæ, omnium Sa-  
 cerdotum sanctorum, in cœlo regnantium, augmen-  
 tum vero gratiæ in terris adhuc degentium. 3.  
 Unime tecum indissolubili, eoque strictissimo unio-  
 nis vinculo, ad eum, qua possibile est modum, quo  
 Tuæ Humanitati unita fuit Divinitas, in qua sub-  
 sistebat, movebatur, vivebat, operabatur. Siste tu  
 quoque, mi Jesu, subsistentia, & vita animæ meæ, ut  
 in te, & propter te, anima mea subsistat, vivat, mo-  
 veatur, agat, & agatur, per Spiritum amabilissimi Tui  
 cordis, in quo vita est, principiumque vitæ meæ.  
 In te solo, mi Jesu, ab hoc momento vivam, ac spirem,  
 magisque anima mea in Te vivat, quem amat, quam  
 in corpore, quod animat, & informat. 4. Trans-  
 forma me in Te, ut omnis substantia mea pereat  
 in te, nec me inveniam amplius, nisi in te. Nihil  
 sit in me non tuum, non in te transformatum, to-  
 tus immuter in te, ne me amplius agnoscere possim,  
 totus annihilor, ut tu sis meum esse, & existere. Jesu  
 mi &c. omnia mea. 5. Admitte me, mi dulcissime  
 Jesu! æterna Patris Sapientia, ad ignitissimam, & Se-  
 raphicam societatem, amantium, tuam Sacratissimam  
 Humanitatem, sive in terris, sive in cœlis. Hoc au-  
 tem peto, per cor & animam, maternæ dilectionis  
 Tuæ, nempe Matris Tuæ dulcissimæ, quæ te incar-  
 natum,

natum , prima & principaliter , & maxime , superque  
Omnes Seraphinos , magis Seraphice dilexit , atque  
etiam sub speciebus Panis & Vini omnium maxi-  
me adamavit , omnium dignissime honoravit. Pe-  
to hoc etiam per corda , & animas omnium , qui  
tuam Sacratissimam Humanitatem , ardentissimo  
ex omnibus amore , dilexerunt , colueruntque , &  
potissimum sub speciebus Panis & Vini , vel immola-  
runt , vel immolatum honorarunt , æstinarunt , man-  
ducaruntque. Peto hoc denique , per istam ipsam  
tuam , ô æterna , increata , incarnataque Sapiencia !  
humanitatem , quam immolavi , & sumpsi , quam  
manducavi , ac potavi , cujus præsentia Sacramentali  
nunc fruor , & usque ad specierum consumptionem  
fruar , ut nimirum , sim unus ex amatoribus tuis ,  
ignitissimis , Seraphicis , incessabilibus , neque ab  
eorum numero & societate excludar unquam , sive in  
tempore , sive in æternitate.

2. Petes augmentum Fidei , Spei , & Charitatis ,  
augmentum Humilitatis &c. sic: Omnipotens , sempit-  
erne Deus , da nobis Fidei , Spei , & Charitatis  
augmentum , & ut mereamur assequi quod pro-  
mittis , fac nos amare , quod præcipis. Deus , qui  
diligentibus te , bona invisibilia præparasti , infun-  
de cordibus nostris tui amoris affectum , ut te in  
omnibus , & super omnia diligentes , promissio-  
nes tuas , quæ omne desiderium superant , conse-  
qua-



quamur. Deus, cui mansuetorum semper, ac humilium, placuit deprecatio, adauge quæsumus in nobis virtutem humilitatis, ut tibi semper placere possimus. Deus virtutum, cujus est totum quod est optimum, infere pectoribus nostris, amorem tui nominis, & præsta in nobis, Spiritus augmentum, ut quæ sunt bona nutrias, ac pietatis studio, quæ sunt nutrita, custodias per Dominum nostrum &c.

3. Reddes rationem Christo Domino, status animæ tuæ, ac vitæ. Adeste omnes sensus mei, vires, potentiæ, partes, occupationes, officia, Dominum Deum vestrum, Amorem meum JESUM, nunc in sanctissimo Sacramento, mihi præsentem, agnoscite, & adorete, oportet enim me rationem vestri Domino reddere, quomodo vobis usus fuerim, ideo enim ille ad me venit, ut videret ordinem domus hujus, & poneret rationem cum seruo suo. Ades igitur intellectus, & voluntas, memoria, imaginatio, oculi, aures, lingua, dicta, facta, cogitata, omissa &c. Ecce in tua mi JESU præsentia, statuo & juro custodire judicia Justitiæ Tuæ, adjuva me, gratiæ tuæ efficacis auxilio, ut Tibi sanctissime, ac ferventissime ad mortem serviam.

4. Petes à Christo Domino, ut loquatur Tibi, & auscultabis verbo ejus. Audiam, quid loquatur in me Dominus meus, loquetur enim pacem in plebem.

hem suam, loquetur ea quæ sunt misericordiæ, correctionis, salutis. Ascende igitur dulcissime JESU, Magister mi, cathedram cordis mei, & loquere, quid me velis facere, ecce enim audit servus tuus, & conservare vult, ac conferre omnia verba tua, in corde suo, diligenter & exacte. Legem pium librum.

§. V.

*Brevior modus gratias agendi post  
Missam.*

**G**ratias Tibi ago, dulcissime JESU, toto me, quod volueris descendere ad me, sis millies millesies in æternum benedictus. Gratias tibi amantissime JESU, amor mi, toto me, quod permiseris te tangi à me, sis millies millesies in æternum benedictus. Gratias Tibi ago toto me, centrum cordis mei, dulcedo mea JESUS, quod volueris os meum introire, in lingua residere, & audire preces meas. Sis millies &c. &c. Gratias Tibi ago ô delicæ animæ meæ JESU, toto me, quod volueris ingredi tuguriolum meum, ô Sponsæ animæ tuæ dulcissime,

fime, dic mihi, ubi cubas, in meridie, ubi æstuas  
 amore mei, accende me, ut amem te, & omnia  
 quæcunque tu amas, amem amore tuo, & quæcun-  
 que odio habes, habeam & ego odio tuo. O Sapien-  
 tia æterna, ascende Cathedram cordis mei, & doce  
 me amare te, servire tibi, glorificare te, dispone  
 cor meum, & mentem meam, ut sit dignum habitacu-  
 lum tuum, ut placeat in me habitare, ut sim jucundum  
 Objectum tuum. Ah! Utinam ego, & N. videamus Hu-  
 manitatem tuam, & Matrem tuam dulcissimam, Domi-  
 nam nostram clementissimam, oculis corporis quam  
 proximè, oculis mentis, Divinitatem Tuam, & ean-  
 dem possideamus. Utinam ego, & omnes Sacer-  
 dotes hic & ubique serviamus Tibi fidelissimè, fer-  
 ventissimè, ut tibi quam plurimas animas lucremur.  
 O Pater per amorem corporis & sanguinis tui Filii.  
 O Fili per amorem corporis & sanguinis tui proprii.  
 O S. Spiritus per amorem corporis & sanguinis abs-  
 te, in visceribus sanctissimæ Virginis Mariæ Matris  
 efformati, date mihi, & toti mundo, potissi-  
 mum autem amicis meis, amorem vestrum perfe-  
 ctum. Indulgete veniam peccatoribus, lucem æter-  
 nam, ostendite animabus purgatorii: Inimicis meis  
 privatis & communibus benefacite, date gratiam  
 parentibus & consanguineis meis, date vestri  
 cognitionem infidelibus, date salutem omnibus,  
 subvenite mihi in omnibus operibus meis, ne-  
 cessitatibus, tribulationibus, ut vobis in tota  
 creatur

creaturarum vestrarum universitate, perfecte serviam,  
id millies & æternaliter peto, per sanguinem & corpus  
JESU CHRISTI.

## §. VI.

*Coronula post missam.*

Sicut ante Sacrum, sic & post Sacrum, absolve coronulas quatuor parvas, modo superius tradito.

1. Laudetur Sanctissimum Sacramentum.
2. Cor mundum crea in me DEUS.
3. In te Domine speravi.
4. In manus tuas Domine commendo Spiritum meum, ea intentione ut mane in coronula decima.

## §. VII.

*Recessus à Sacro.*

Uñ post sacrum domum vistendere, prius antequam recedas, recommenda Te Venerabili Sacramento sic: O JESU Deus cordis mei, infinite amabilis, totus desiderabilis, esto mihi JESUS, nunc, & in hora mortis meæ, intra mellissimum cor tuum absconde me, nec permitte me in æternum separari à te. Te fruar in vita solatio, in morte viatico, post mortem præmio, & omnes mecum, per lachrymas, sudorem, & sanguinem tuum. Pete benedictionem ut mane, in visitatione Venerabilis. fol. 31. Substitue SS. ut ibidem. Gressus similiter ut ibidem offer, nisi, quod in unione illorum gressuum, quos fecit Beatissima Virgo, visitando S. Elisabeth.

## §. VIII.

*Modus distribuendi fructus sacrificii Missæ  
& actionum in eo intervenientium.*

Multiplex Sanctissimi Missæ Sacrificii fructus ac  
L. effe-



effectus, in sex potissimum Classes dividi commode posse videtur, & quælibet Classis suum ad finem cui, à Sacerdote converti.

In prima Classe hæc poni possunt. 1. Oblatio sacrificii in honorem SS. Trinitatis. 2. In ejusdem adorationem, recognitionemque supremi illius in omnia Domini. 3. In gratiarum actionem, pro beneficiis cuilibet in Genere, Specie, individuo, creaturæ præstitis. 4. In representationem atque commemorationem Personæ, Gestorum, passionis, institutionisque JESU Christi. 5. In honorem B. V. 6. In honorem JESU Christi. 7. In honorem Sanctorum tum omnium in genere, tum horum & illorum nominatim, ad arbitrium Sacerdotis, vel juxta diei, aut Officii Ecclesiastici indigentiam. 8. Ad intentionem Ecclesiæ universalem.

In secunda Classe poni possunt hæc: 1. Fructus impetratorius ex persona Christi proveniens, ex opere operato. 2. Idem fructus ex eodem persona Christi proveniens, ex opere operantis, & quidem fructus triplex. Primus beneficiorum temporalium. Secundus beneficiorum spiritualium. Tertius Veniarum. Hæc enim tria beneficiorum genera impetrari solent in sacrificio, ad horumque trium impetrationem offerri sacrificium potest, quatenus est ex opere operato impetratorium, imo hic fructus impetrationis applicari potest vel debet ei, pro quo offertur sacrificium, si ejus capax sit. Dixi potest vel debet. Quia si sacrificium offeratur pro aliquo ex debito, tunc totus iste fructus illi debetur, consequenterque illi applicari debet, dummodo ut dixi capax sit illius. In mortuos enim impetratorius sacrificii fructus non cadit &c. Atque hæc est

est illa classis effectuum sacrificii, quæ illi debet applicari, cui Sacrificium debetur, quod etiam dictum volo de 4. Classe, nempe de fructu satisfactorio ex persona Christi, opereque operato proveniente. Si vero offeratur ex liberalitate sacrificium, tum hic fructus triplicium beneficiorum, potest dividi in varios, ita: ut V. G. Sacerdos aliis applicet impetrationem beneficiorum temporalium, aliis gratiarum Spiritualium, aliis veniarum, potest etiam uni ac eidem applicari totus pro arbitrio.

In tertia Classe poni possunt hæc: 1. Fructus Impetratorius, ex persona Sacerdotis proveniens, ex opere operato. 2. Idem fructus ex eadem persona, sed ex opere operantis, & quidem etiam triplex, ut in classe superiore dictum. Qui triplex fructus potest quidem à Sacerdote applicari, etiam ei, cui alias sacrificium debetur, quod absque eo, ex illo debito offertur, non tamen tenetur hoc facere, quia fructus hic, sicut & is, qui in classe quinta ponetur, non est debitus ei, cui alias lacrum deberi supponitur. Et in hoc etiam hæc fructuum classis differt à præcedente.

In quarta Classe poni possent hæc. 1. Fructus satisfactorius ex persona CHRISTI operis operati. 2. Ex Persona ejusdem operis operantis, idque sive pro hujus, sive pro alterius vitæ pœnis. De cujus fructus applicatione, idem sentiendum est, quod supra dictum de fructu impetratorio in secunda classe, illudque præterea de illo sciendum, quod solus ipse debetur animæ defuncti, quando alicui Missa debetur. Præcedentium enim fructuum capax non est defunctus. Sequens vero quintus fructus non debetur illi, esto possit eum ejus utilitate ipsi applicari.

In quinta Classe poni possunt hæc. 1. Fructus satisfactorius ex persona Sacerdotis, operis operati. 2. Ex eadem persona fructus operis operantis, tam pro hujus, quam pro alterius vitæ pœnis. Hic fructus non cadit vi sua sub debitum, (nisi quis se expressè obligat alicui, etiam quoad hunc applicandum) unde potest applicari semper pro arbitrio Sacerdotis, tam sibi, quam alteri vivo, mortuo, capaci tamen, sicut & prior, si non sit debitus, quin etiam potest vivo pars ejus applicari, & pars mortuo, illi pro pœnis hujus, isti pro pœnis alterius vitæ.

In sexta Classe poni possunt hæc. 1. Applicatio indulgentiæ ex privilegio altaris, vel personali vel alicujus numismatis. 2. Applicatio meriti, quod & maximum & multiplex est, & nulli alteri applicari potest à Sacerdote, præterquam sibi soli. 3. Applicatio Orationum seu collectarum, si alias ex vi sacri, non sint alicui debite, earumque fructus. 4. Applicatio communionis, seu sumptionis Eucharistiæ. Nisi quis putet esse eam denatura sacrificii, tunc enim de ea aliter esset statuendum, deberetur enim ei, cui & sacrificium deberetur, imo ei censeretur applicata cui sacrificium opinatur Scotus. 5. Applicatio fructus, sive impetratorii, seu satisfactorii, ad Sacerdotem offerentem pertinentis, & semper redundantis in omni Sacro, etiam debito, atque applicato alicui. Nunquam enim Sacerdos digne offerens, pro quocunque tandem offerat, offert absque fructu prædicto. Cujus fructus applicationem, Sacerdos semper sibi ipsi facere potest atque debet. Si quis ex Sacro redundet, aut irritus sit, ideo quod sit incapax applicatus, aut quod non sit applicatus per incuriam, oblivionem &c. Expedit enim, ut Sacerdos talem fructum omnem, in omnem eventum applicet, semper vel sibi, vel alicui, posset tamen facillimè sibi ipsi semel pro semper.

Juxta

Juxta igitur istas 6. Classes fructuum, potest à Sacerdote proportionaliter servatisque servandis, applicatio eorum dividi varie, absque injustitia ulla, magno cum fructu suo, & aliorum, quo plerique Sacerdotes, & ipsi privantur, & alios privant, per meram istorum vel inscitiam, vel applicandi negligentiam.

Possent vero addi septima Classis, non tam fructuum ex sacrificio dimanantium, quam piæ observationis, in Missæ celebratione propriorum, & est hæc. Ut Sacerdos semper, quodvis Sacrum suum, intendat offerre, omniaque Sacro connexa facere, affectu Christi Domini, & Beatissimæ Virginis MARIE, & aliquorum Sanctorum, etiam individuorum, ita, ut cuilibet sacro alium, aliumque ordinem sanctorum adhibeat, quorum affectu, præter Christum & Beatissimam Virginem celebret, & meritis sese ornet. Hæc enim pietas mirificè & Deum colit, & sanctos honorat, & Sacerdotem oblaturum, offerentemque ornat, atque acceptabilem & gratum Divinis oculis facit.

## §. IX.

*Quæ intentiones in quolibet missæ sacrificio  
haberi à Sacerdote debeant.*

SEX aut quinque ad minimum. E quibus 1. esse debet honorandi Deum, tanquam principem, & principium vitæ, essentiaque tam nostræ, quam omnium rerum creaturarum, consequenterque absolutum Dominum vitæ, ac necis nostræ &c. Hæc intentio est, & esse debet, invariabilis semper, utiliterque bifariam distingui potest, ita ut sacrificium Missæ, offeramus



Deo, & affectu adoratorio, intendendo scilicet: per sacrificium adorare Deum, ut Principem & principium omnium atque absolutum Dominum, jure Authoris, & conditoris in creaturam. Et affectu: (ut sic loquar) dignificativo, quo recognoscamus, & honorare intendamus, DEUM, tanquam Ens dignissimum, & tale, cui ratione dignitatis, debeatur honor, & subiectio omnis possibilis, ab omnibus creaturis, etiam cum ipsarum perditione conjunctus.

Secunda intentio est, repræsentandi Patri æternæ, CHRISTI cruentum incruentumque sacrificium, meritaque ipsius, eidem offerendi, & per hoc gratiam, Toti universo præcipuè Ecclesiæ, & aliquibus in particulari, obtinendi. Hæc intentio semper esse debet, juxta illud: Hæc quotiescunque feceritis in mei commemorationem facietis.

Tertia intentio est. Gratias offerendi, agendique DEO, pro beneficiis ab eo collatis, sive creaturis in communi, sive beatis in cælo, sive Ecclesiæ in terra, sive tibi uni, sive certis aliquibus, idque sive rogatus sis, vel obligaris, vel sponte inclinatus sis, ad hanc gratiarum actionem. Hæc intentio, saltem, quatenus nomine Ecclesiæ gratiæ aguntur pro beneficiis, adesse semper debet. Semper enim Ecclesia intendit agere gratias, per hoc sacrificium, DEO pro beneficiis, esto aliquando aliquid aliud videatur velle. V. G. impetrationem doni alicujus, vel auxilium animarum in purgatorio &c.

Quarta intentio est, postulandi gratias & impetrandi, sive nomine gratiarum, intelligantur merita, sive actuales gratiæ spirituales, sive quæpiam alia dona,  
etiam

etiam temporalia, ad se, vel ad alios pertinentia.

Quinta intentio est, propitiandi DEUM, satisque faciendi iis, qui aliquas pœnas temporales debent DEO, pro suis peccatis, jam alias remissis, sive is sit ipse sacrificans, sive sint alii vivi fideles, sive etiam mortui fideles, indigentes & capaces, quales sunt animæ purgatorii &c. Hæc etiam intentio semper haberi debet à Sacerdote, non solum in communi Ecclesiæ intento, sed etiam in particulari ab ipso Sacerdote, prout ab ipso sacrificatur atque offertur Sacrificium, ex natura sua propitiatorium, atque satisfactorium, alioque nisi adfuerit hæc specialis applicatio, Virtus Satisfactoria, & Propitiatoria Missæ sacrificii, remanebit magna ex parte inutilis, & inapplicata tantumque defluet ad Ecclesiæ thesaurum.

Hæc intentio applicandi vim Satisfactoriam Sacrificii Missæ, potest fieri, vel ab Ecclesia ipsa, sive à Sacerdote nomine Ecclesiæ, cujus est legatus ad DEUM, vel ab ipso Sacerdote, nomine alicujus alterius, qui Sacerdotem inducit ad sacrificium offerendum, pro suis, vel aliorum vivorum aut mortuorum peccatis ac pœnis.

Intentio Ecclesiæ, applicans vim Satisfactoriam Sacrificii, seu pro vivis, seu pro defunctis, semper est, neque dependet à directione Sacerdotis alia, nisi ab illa sola, qua Sacerdos velit facere quod facit Ecclesia.

Intentio Sacerdotis, sub ejus nomine proprio

vel sub alieno, à quo ad id motus supponitur, non semper est, sed sæpè negligitur per incitiam atque incuriam, non absque damno eorum, pro quibus vis satisfactoria Sacrificii Missæ, specialiter applicari, vel potuit, vel debuit. Atque hujus rei ratio habenda est diligens ab iis, qui & pro suis, & pro aliorum pœnis temporalibus, hujus alteriusve vitæ, satisfacere volunt. Hæc enim satisfactio efficacior & certior est, quàm indulgentiarum, saltem propter conjunctionem, cum tam nobili actione, qualis est Sacrificii, & cum tam Nobili re sacrificata, quam Nobilis est Christus, ejusque corpus & sanguis. Atque ita benefaciet sacerdos, si sacrificaturus vim satisfactoriam sacrificii, distinctè partiatur, & explicite applicet. Partem communem & Ecclesiæ reservatam his, quibus Ecclesia intendit, applicando, partem verò Sacerdotis personæ cedentem, applicando, vel propriæ personæ, hoc est pro pœnis debitis suis peccatis, vel personæ alienæ vivæ, aut mortuæ, uni vel pluribus, prout cui applicare vel vult, vel debet. Et quia sæpè contingit personas istas, vel non indigere, ut sunt Beati, vel incapaces esse, ut in peccato mortali siti, vel damnati, ideo bonum est, ut Sacerdos dum hanc partem virtutis satisfactoriæ sacrificii applicat, alicui certæ personæ simul applicet, & alteri, atque alteri ex suppositione, si prior non indiget, vel capax non sit, ut in praxi videbimus paulo infra, dum ad hanc methodum aliquot dabimus Sacra. Sit interim nunc applicationis aut intentionis

## P R A X I S

*Applicandi Sacrificium missæ, ejusque effectus omnes quidem, at præcipue Impetrationis, Propositionis, Suffragii, ac Satisfactionis.*

Actus

**A**ctus I. Deus Domine meus, Trinitas sanctissima. Pater, Fili, Spiritus S. doleo coram Divina Majestate tua, de omnibus, & singulis peccatis, & negligentis meis, & doleo, quia tu vis, & dignus es, ut doleam, & quia displicent, repugnantque tuæ Bonitati Divinæ, quam amare super omnia, æstimareque debui, quam nunc æstimo, accordialiter amo, ac amare, & super omnia æstimare, semper deinceps volo, pro commissis peccatis, deinceps, juxta mentem & gratiam tuam satisfacere, eaque semper, & in æternum diligenter cavere. Nunc verò hunc contritionis, & dilectionis tactum, offero pientissimæ Majestati tuæ, ad tuum beneplacitum & fructum animæ meæ, ad disponendum me, digne immolando Sacrificio, & sumendo SS. Tuo Sacramento, ad quod accedere propono &c.

2. Domine DEUS, plena voluntate volo, & statuo Magnificentissimæ Bonitati, & Majestati Tuæ, omnia, quæ vis & scis, à me, Tibi aliquando offerenda, offerre Sacrificia [vellem etiam oblata hæctenus, si fieri posset] nominatim verò istud, ad quod accedo sacrificium, volo inquam millies, & statuo, Tibi pientissimo offerre Domino, imò jam de facto offero, omni ratione, modo, gradu, intentione, applicatione, intensione, excellentia, motivo, puritate, dispositione, qua tu scis, vis, das, hic & nunc, juxta gustum Sanctissimi beneplaciti tui, mihi misero posse,

3. Offero tibi Sacrificia omnia, & singula, & nunc pro semper, & hoc præsens, nominatim, tanquam opus Virtutis supernaturalis, & tanquam meritum, & tanquam impetratorium, & tanquam satisfactorium. Offero tibi illud, tanquam actionem, ex se, suæque natura, excellentissimam, atque ad Te solum honorandum, adorandumque natam & ordinatam. Offero tanquam oblativum & sacrificativum Tibi, in recognitionem



absoluti, pleni, & universalis Domini tui, in creaturas, & simul in recognitionem debitæ tibi, ab omnibus creaturis, semper, & ubique omnimodæ subjectionis ac servitutis. Offero illud tibi, tanquam immolativum, oblativumque muneris, & se dignissimi, nempe Domini ac Dei hominis JESU CHRISTI, Tibi Deo Domino, per omnia, ac super omnia, gratissimi, acceptissimi. Offero illud, tanquam debitum Tibi, non tantum ratione dominatricis omnipotentis, & in omnia supremum jus habentis potestatis tuæ, sed etiam hoc per impossibile excluso, ratione supremæ eminentissimæque dignitatis, honorabilitatis, æstimabilitatis, appretiabilitatis tuæ, propter quam solum, omni honore possibili dignus es, quia dignissimus & dignissima dignitas es. - Offero illud tibi, tanquam excellentissimum orandi, omnesque gratias à te impetrandi modum. Offero tanquam supremam, nobilissimamque tibi, pro omnibus beneficiis tuis, cuicunque, quodocunque, præstitis, gratias agendi rationem, tanquam novam, & efficacem Tuæ beneficentiæ, ad nobis de novo benefaciendum, provocationem.

4. Offero Tibi, Domine Deus meus, tua omnia, à me, quodocunque peragenda, (vellem, quantum ex me est, etiam ab aliis Tibi, unquam, vel uspiam offerenda) sacrificia, tum imprimis, præsens istud, ad quod accedere propono sacrificium, quatenus est, vel commemorativum rerum à Christo Domino in carne possibili gestirum, vel repræsentativum omnium, tam actionum, quam passionum, & præcipuè duorum illorum, incruenti & cruenti, sacrificiorum, ejusdem Domini nostri Jesu Christi, vel quatenus est allegativum pro nobis, applicativumque nobis meritorum à Christo apud te, propter nos, acquisitorum. Vel quatenus est ex-

Et

Etivum fructus illius, quem nobis apud te Christus Do-  
minus meruit, & quem à te nobis dari, tua divina ju-  
stitia, erga Filium tuum, quem tibi Deo immolamus,  
exigit. Vel, quatenus est ejusdem Domini nostri JESU  
CHRISTI, sive sacrificatum, ut gratissimæ tibi victi-  
mæ, sive Incarnativum, ac Incarnati Dei reproducti-  
vum, sive ejusdem, tanquam cibi, potusque nostri, in  
regali Convivio apparatus, sive denique ejusdem  
in Sacramento, à nobis propter sanctificationem no-  
stram, manducatione reali recipiendo, depositivum,  
vel quatenus est excitativum, in amabili corde Domini  
nostri JESU CHRISTI, liberalitatis, ejus erga nos,  
illiusque fiduciæ, quam habet in gratia, qua super o-  
mnes plus pollet apud Te Patrem æternum, & valet  
nobis obtinere, omnis generis, copiosissimas gratias  
à te, vel quatenus est gratiarum actorium, eidem Do-  
mino nostro Jesu Christo, pro omnibus ejus erga nos  
beneficiis ac meritis. Vel quatenus est ipsius Christi,  
condignè honorativum, eminentissimoque modo, qui  
cogitari potest, imo, quem ipse Christus, sapientia  
æterna excogitavit, excogitatumque nobis ministris,  
ac Sacerdotibus suis communicavit, venerativum,  
Vel, denique, quatenus est novæ cujusdam, seu acci-  
dentalis gloriæ, gaudiique in Christo Domino Deo-  
Homine provocativum, per hoc, quod dum istud sa-  
crificium, nos viles homunculi peragimus, salutem  
nostram, eo ipso multifariam, efficacissimè, dignissi-  
mèque apud te Patrem gratiarum, atque salvationis  
fontem, quem ille solum sitit, semper, & quo pascitur,  
jugiter operamur atque promovemur.

Offero quoque tibi Domine Deus meus, mea omnia &  
aliorum sacrificia, præsensque istud comprimis, quatenus

in eo, Sanctorum tuorum pia habetur memoria, preces & merita illorum, apud Te allegantur pro nobis: Tibi in eis, ac illis in te, honor & laus impenditur, fit eis gratulatio donorum omnium, abs te, in eos effusorum, Tibi pro omnibus, cumque omnibus illis, gratiæ condignæ exhibentur. Nos servi tui, adhuc in vita ista laborantes, eorum præsidio, hic impetrato, magis adjuvamus, gratiores in oculis tuis efficimur, in Orationibus, votisque nostris promptius exaudimur, ad eorum imitationem alacriores reddimur, ipsos denique Sanctos, amicos tuos accidentali aliquo gaudio cumulamur, & dignissimè, inò digniori quam quo alio modo possumus, colimus, ac veneramus. Quod quidem specialiter, ac nominatim facio, in memoria dulcissimæ Virginis Mariæ, Sanctorum hodiernorum omnium, Sanctorum, NN. Patronorū omnium meorū, Sanctorum, qui gratia devotionis, ac reverentiæ erga sanctissimum Sacramentum, Sacrificiumque excelluerunt, sanctorum Sacerdotum omnium.

6. Offero tibi, Deus meus, hoc, vel quodvis aliud, à me, vel ab aliis tibi offerendum Sacrificium, in persona Domini mei Jesu Christi. Filii tui dilectissimi, qui huius Sacrificii, primus, principalis, ac ultimus est oblator, simulque apud te, pro nobis, & cunctis necessitatibus nostris, gratissimus, ac per hoc, gravissimus interpellator, efficacissimusque, ac indubitatus impetrator. Offero etiam, in persona Ecclesiæ, cujus ego indignus sum actor, atque legatus, internuntiusque apud te. Offero & in persona mea propria, privataque, indigna illa quidem ex se, sed ex eo, digna tamen, quia me sacris adstare altaribus tuis ministrum, & gratia, dignitateque Sacerdotii tui, ornare voluisti. Offero etiam in persona, tam in communi, quam in particulari, omnium eorum, quorum vice ac nomine soleo, de-  
beo.

beo, ac intendo, hic & nunc, illud Tibi offerre, vel qui Tibi illud offerunt, pro se suisque omnibus necessitatibus, animæ & corporis, juxta purum beneplacitum tuum, & juxta debitum meum, juxta intentum eorum, quorum personam sustineo.

7. Offero tibi, Domine Deus meus, hoc & quodvis aliud Sacrificium, à me, vel aliis tibi aliquando offerendorum, ad te Deum nostrum Christum Redemptorem, dulcissimam Virginem Mariam, Sanctosque omnes, Angelos & Homines, juxta cujusque gradum honorandos, colendosque, pro nunc, & pro semper, meo & totius universi creati, præsertim Hominum nomine, gratissimè, dignissimè, fidelissimè, efficacissimè. Offero deinde, ad Ecclesiæ regimen, sanctificationem, defensionem, instructionem, profectum, ad multiplicationem, & augmentum in ea bonorum ac justorum, ad aversionem calamitatum publicarum, diminutionemque peccatorum, atque peccantium. Offero præterea, ad obtinendos à te Deo nostro affectus, fructusque omnes, ex sanctissimo Sacrificio derivari possibiles, sive ii deriventur ex persona Ecclesiæ, sive ex persona Sanctorum tuorum, sive ex persona Sacerdotum. Item sive deriventur per modum opus operati, per modum opus operantis, juxta exigentiam justitiæ, aut dispositionis, & gratiæ, juxta cujusque circumstantiæ mensuram & efficaciam, juxta naturam meriti, & juxta condignum, congruumque omnis virtutis, cujus actus aliquis in toto Sacrificio Missæ, à Christo, ab Ecclesia, à nobis Ecclesiæ ministris, exercetur, ac tibi Deo nostro exhibetur.

8. Offero tibi, Domine Deus meus, hoc sacrificium, pro Justis tuis omnibus, quos nunc habet militans Ecclesia: Da eis Domine, propter hoc sacrificium, augmentum gratiæ sanctificantis, quatenus per illud dari potest.



potest. Da eis, Domine, abundantiam gratiarum ac tu-  
 alium, piarumque inspirationum, quibus efficaciter  
 in te excitentur, à vitiis avertantur, & in perfectione  
 virtutis atque sanctitatis oblectati, confirmentur, ac  
 solidentur. Da eis Domine remissionem culparum, &  
 poenarum culpis debitarum, in quantum eis obligati  
 sunt. Da eis Domine, omnis generis bona, benefi-  
 ciaque voluntati tuæ placita, illis autem ad salutem  
 animæ ac corporis, in hac & altera vita necessaria.  
 Ob quod Domine Deus, hæc dum peto, non in mea,  
 sicut neque in ipsorum iustorum persona, tantum pe-  
 to, sed in persona Ecclesiæ tuæ, imprimis autem in  
 persona JESU CHRISTI Domini nostri, tibi suppli-  
 co, Tu pro tua voluntate, miserere omnium, sicut scis,  
 & vis, & potes.

9. Offero tibi Domine Deus, hoc sacrificium,  
 pro omnibus his, quibus Sacrificium, aut sacrificii  
 fructum debeo quemcunque, ut per hoc, nunc, debita  
 mea, iis per dispensationem voluntatis tuæ supplean-  
 tur, debitaque mea, erga illos, conferantur à me.

10. Offero tibi, Domine Deus, hoc sacrificium,  
 pro omnibus in statu peccati constitutis, excommu-  
 nicatis, infidelibus, & quomodolibet extra charitatis,  
 gratiæque tuæ sinum, existentibus, in quantum illi ca-  
 paces sunt, efficacix hujus sacrificii, Divino nomini  
 tuo oblati. Da eis Domine gratias prævenientes, ne-  
 cessarias, efficaces, ut eis excitentur, utantur, conver-  
 tantur, agant poenitentiam, & ad veniam, gratiamque  
 tuam perveniant, secundum beneplacitum providen-  
 tiæ tuæ.

11. Offero tibi, Domine Deus, hoc sacrificium,  
 pro fidelium tuorum, in tua charitate defunctorum,  
 animabus indigentibus. Da eis Domine indulgen-  
 tiam, & fac eas lucis tuæ beatitudine persuadi. Mife-

re

rere Domine omnibus primò animabus, quatenus ea  
sunt membra Ecclesiæ tuæ, & quidem viva, valde au-  
tem indigentia. Miserere Domine illarum anima-  
rum, vel illius animæ, pro qua, vel pro quibus speciali-  
ter offero Tibi Sacrificium præsens, seu fructum e-  
jus, in quantum eis competit, illæque capaces sunt, aut  
si non sint, aliis eorum loco &c. Miserere etiam iis,  
quibus specialiter obstrictus sum, absque tamen prio-  
rum diminutione. Miserere majoribus, Parentibus,  
consanguineis nostris, secundum quod nosti à me id  
intendi. Miserere iis, qui ex amicis, benefactori-  
bus, familiaribus, intimisque meis, mihi olim, in te,  
& propter te, amore conjunctis, in pœnis purgatorii  
detinentur. Miserere omnium, qui de clericis nostris  
mortui sunt, & præsertim eorum, cum quibus specia-  
liorem conjunctionem, revelationemque in hoc statu  
habui. Miserere eorum, qui de clero ultimò, aut  
Orationibus nostris commendati sunt, vel qui ultimò  
defuncti sunt, vel pro quibus orarem, si mortuos esse  
scirem, vel pro quibus suffragia tardant venire, vel in-  
dici negliguntur. Miserere Sacerdotum ac Religio-  
forum omnium, ac præcipuè Archidiaconatus, aut  
Decanatus nostri, ( si Religiosus ) Provinciæ nostræ,  
præcipuè eorum, qui in Curia pro mortuis juvandis  
negligentes fuere. Miserere animabus, omnium o-  
perariorum Ecclesiæ, quique in obsequio animarum  
Tibi Deo lucrandarum, operam aut vitam posuerunt.  
Miserere animarum ab omnibus desertarum, neque  
intercessores particulares in hac vita habentium.  
Miserere earum, quæ aut patiuntur gravius, aut pas-  
suræ sunt diutius, aut quarum instat hora, & in-  
stans liberationis. Miserere his, quarum corpo-  
ra, seu in hoc templo, seu in vicinia sepulta sunt,  
quique

quique idè hic sepulti sunt, ut animæ ipsorum sacrificiorum, quæ isthinc fiunt participes fiant. Miserrere his, qui aut Clero nostro, aut mihi privatim, errore, sive malitiâ, infensi, inimici, æmuli, adversarii, aut nocumento fuerunt. Da eis Domine omnibus & singulis requiem, & locum indulgentiæ, secundum magnam misericordiam tuam, & secundum beneplacitum, sanctissimæ voluntatis tuæ, & secundum Jesu Christi Filii tui, quem in hoc sacrificio tibi immolo, meritorum, & gratiæ apud te, multitudinem, personæque dignitatem.

12. Offero tibi Domine Deus meus Sacrificium hoc, pro omnibus & singulis pœnitentibus meis, atque in Spiritu S. filiis, præteritis & futuris, pro iis, qui me in suis Sacrificiis & Orationibus specialiter Tibi Domino meo, communiter recommendant, quos omnes vicissim, ego tibi, nominatim & impensè commendo, efficacemque gratiam tuam in omnibus, per efficaciam Sacrificii hujus peto, juxta cujusque illorum indigentiam, & tuam voluntatem, atque ordinationem.

13. Offero etiam pro omnibus, qui aut ministrant, aut assistunt, aut aliquo modo cooperantur huic sanctissimo Sacrificio, adsunt, illudve audiunt, vel pro se offerri desiderant, vel aliquomodo, ad ejus peractionem concurrunt, aliquid sumptu, opera, industria, ministerio, devotione, oratione, ad ejus digniorem celebrationem, & oblationem conferendo, vel elaborando. Da eis omnibus & singulis, juxta quod capaces sunt, ac merentur, citra damnum cujusque tuas misericordias & gratias, quibus in corpore & anima foveantur, atque beneplacito tuo, digniores repræsententur.

14. Offero tibi, Domine Deus meus, Sacrificium hoc, pro omnibus, totius mundi, præcipuè autem totius

tius Ecclesiæ hominibus, & statibus, & necessitatibus, in genere, & in particulari, præcipuè verò, pro statibus, & hominibus, Regni, Civitatis, & loci istius, ut eos, juxta cujusque apud Te meritum, indigentiamque, adjuvare, protegere, ac eorum misereri, propter JESU Christi in hoc sacrificio immolandum merita, propterque ipsius sacrificii valorem, ac aquè te pretium, juxta voluntatis tuæ beneplacitum, digneris.

15. Offero Tibi DOMINE DEUS meus hoc sacrificium, sicut & omnia alia, ubivis locorum, hodie, vel omnitempore, à me, vel quocunque habenda, pro me paupere, infirmo, indigno servo Tuo, da DOMINE DEUS, mihi servo Tuo, si peccator, & extra gratiam Tuam positus sum, ut esse statim desinam, & in amaritudine cordis mei, peccata mea, ignita, & ardenti charitate Tua, efficaci contritione, atque exaltatione meritorum JESU CHRISTI, participatione, & gratiæ Tuæ efficacis applicatione, ac operatione, misericordiæ tuæ, ineffabilis, & inexhaustæ conditione, expiem, emendem, doleam, Filius Tuus efficiar, amicitie tuæ, & gratiæ reddar, hæreditati Tuæ restituar. Da mihi veniam omnium peccatorum, tam mortalium, quàm venialium. Da eorum voluntariam, semper devitationem, da veniam & indulgentiam pœnarum omnium, peccatis meis debitarum. Da mihi gratiam, auxiliorumque Tuorum illuminantium, inflammantium, delectantium, assiduam copiam, & da in eo statu atque gradu, in quo scis, me illis usurum, neque sterile ac infructuosas esse, per negligentiam meam permissurum. Da mihi si justus sum, ut justificer adhuc, & per hoc sacrificium Tuum (quatenus, illud, hujus efficax effectus est) in gratia Tua sanctificante, magnum, Tibique placitum, & à voluntate Tua, mihi destinatum incrementum



tum. Da mihi, Domine, eam meritorum copiam, quam per hoc sacrificium me obtinere, attentis omnibus, in eo merendi fontibus ac dispositionibus, Tu vis, & possibile est. Da mihi ea omnia, quæ hoc sanctissimum Sacrificium in me efficere potest, sub quacunque consideratione & conditione, à me peragitur, sive ex opere operantis, sive ex opere operato, sive per modum suffragii & impetrationis, sive per modum satisfactionis, sive prout fit à me in persona Christi Ecclesiæ, mea, vivorum, mortuorum, sive prout fit à me, in honorem tuum, Christi Domini, beatissimæ Virginis, ac Sanctorum, sive prout fit à me, in bonum Ecclesiæ, meum, aliorum vivorum, mortuorum, ac cujuscunque creaturæ. Sive prout fit à me, in quacunque alia nota, ignotavê, grata autem tibi, atque placita conditione, mensura & circumstantia, citra cujusquam, cui aliquid debeo, precum ac suffragiorum, fructuumque, ex sacrificio dimanare, aptorum præjudicium atque detrimentum. Da mihi Domine, per hoc Sacrificium disponi, quàm optimè, ad omnem omnis per me, vel per alium quemvis oblatus, offerendus sacrificii fructum, nominatim autem ad hunc, ut secundum dignitatem, sacrificii hujus, & ipse sacerdos efficiar, semperque permaneam. Da mihi omnia, quàm maxima dona tua, per quæ, quàm maximè tibi placeam, juxta eam mensuram, juxta quam, me tibi placere, suavissima, omnipotens, amans mei voluntas tua, ab æterno efficaciter prædestinavit. Da denique eos omnes, mihi fructus Sacrificii mei, tam istius, quàm cujuslibet alterius, qui à me vel ab aliis diriguntur negliguntur, incertos, tibi que placitos fines, ut intendente te, ac ditante ditescam, & crescam, & in divitem gratiæ servum, apud te, qui es gratiarum fons, gratiarumque, tuarum æstimator, & augmentator evadam.

16. Offero Tibi DOMINE DEUS meus hoc sacrificium, & omnia alia, ratione jam sæpius prædicta, & ad hoc, ut benedicas mihi, in omnibus necessitatibus meis, spiritualibus, corporalibus, officialibus, quas tibi omnes, in genere & specie, juxta cujusque indigentiam, recomendo, eisque ex hoc sacrificio, benedictionem postulo.

17. Offero & omnes alias intentiones, aliosque fines, ad quos Sacrificium offerri meritorie à me potest, & te volente dignum est, nominatim autem ad hunc unum, ut isti omnes, quos hætenus coram divina tua Sapientia aut voluntate propolui fines, fructusque, efficaciter, sine impedimento & rationabili ullius damno, obtineantur, effectum suum habeant apud te, & apud nos, ad gloriam tuam, & salutem omnium nostrum.

18. In quem finem, advoco tuam, Deus meus, in substantia unitatem, in personis Trinitatem; Advoco omnitudinem, dignitatem, sapientiam, amorem, justitiam, charitatem, providentiam, misericordiam atque voluntatem. Advoco principalem & originariam Dominatricem, absolutam, & inde pendentem Naturam, Potestatem, Libertatemque tuam. Advoco Jesum Christum, tuum & Virginis Filium, cum omnibus ejus Substantiis, Persona, Gratiis, Meritis, Donis, Passionibus, Virtutibus, & apud te Deum, prærogativis, sive Justitiæ, sive misericordiæ, sive gratiæ, sive liberalitatis. In specie verò advoco illum, quatenus est Sacrificium nostrum, pro nobis, in honorem tuum, DOMINE DEUS noster. Advoco pretiosissimam Virginem MARIAM, cum tota ejus, quam apud te habet, prærogatarum mensuram.

Advoco Achangeos, Angelos, Sanctosque omnes Tuos, eorum gratias, merita, virtutes, & glorias, ac intercessionem, nominatim advoco, & interpono, Jesum Christum, quatenus ejus sacrificii est principalis Sacerdos, ac Hostia vera, & te digna. Advoco Beatissimam Virginem Mariam, omnium Sacerdotum Reginam. Advoco omnes sanctos Sacerdotes. Advoco omnes sanctos, sanctissimo sacrificio, specialius, insigniusque devotos, & addictos. Advoco omnes sanctos, templi hujus quacunque ratione Patronos. Omnes Angelos, altarium, & præcipue hujus, in quo immolaturus sum præsidem. Omnes sanctos, quos Ecclesia, in Missæ sacrificio, ordinariè, ac nominatim invocatur. Advoco sanctum, cujus hodie festum Ecclesia recolit. Advoco sanctos diei hodiernæ omnes. Advoco sanctos quoscunque, & quacunque ratione, meos Patronos, sive ex nominis, sive ex Religionis, sive ex Patriæ, sive ex Ecclesiæ, sive ex devotione, sive ex reliquarum apud me asservatione, sive ex speciali mea erga illos illorumve erga me affectione. Advoco sanctos, quorum reliquæ in hoc altari sunt reconditæ. Hos omnes, & alios quoslibet, & quos Tuæ Divinæ Majestati, & beneplacito, mihi auxiliares esse placet, invito; iisque me recomendo, ac ut mihi, tam in hujus præsentis, quam in cujuslibet alterius sanctissimi Sacrificii oblatione, adesse, meque adjuvare, dignentur. Tota devotione mentis, tota prostratione cordis, tota fidei, spei, amorisque latitudine, invoco. Protestor autem Domine Deus meus, me in hac, & in omni alia, ad hoc, vel ad quodvis aliud, deinceps Sanctissimum Sacramentum dispositione nihil aliud, nihil omnino, ne meritum quidem meum, aut gratiæ augmentum, nisi, in quantum Tibi Deus, Domino meo placitum est. Nihil inquam meum privatum, ac quatenus meum,

præ-

omnes  
s, ac in-  
Jesum  
s Sacer-  
Beatissi-  
Regi-  
Advoco  
s, in  
es san-  
cronos  
in quo  
, quos  
inam.  
Eccle-  
omnes.  
atione,  
is, sive  
ex re-  
li mea  
dvoco  
nditaz.  
Divinz  
olacet.  
in hu-  
ni Sa-  
entur.  
, tota  
testor  
i alia,  
m Sa-  
o, ne  
nisi,  
n est.  
eum,  
præ-

prætendere, ac sperare, ac desiderare, sed solum tuum beneplacitum, solam gloriam, solam dignitatis Tuæ exaltationem, in quantum hoc Voluntas Tua vult & desiderat, & approbat. Protestor deinde me hac omni, (qualis qualis est, ex gratia autem Tua, totum est) dispositione, ejusque contentione, intendere velle, & sperare, & rogare, ut per eam disponar, quam dignissimè, non tantum ad sacrificium, ut sacrificium est, sed etiam ad omnem aliam, in sacrificio contentam actionem. Nominatim verò, & præcipuè, ad consecrationem, & ad sumptionem, sive manducationem corporis & sanguinis Domini nostri Jesu Christi, in ea mensura, efficacia, præparatione, intensione, extensione, in eoque gradu, in quo Tu Deus dignus es, in quo Tu vis, in quo Tu das, Tibi in Trinitate, & Unitate, æterna gloria, super omnia Amen.

*Praxis eadem contracta.*

**O**ffero Tibi Domine Deus meus, tam hoc, quam omne aliud sacrificium, quod nomini Tuo, in Ecclesia Tua sancta, ritè oblatum est, offertur, & ego nunc offero, offeramque, ad laudem Tuam, ad gloriam Christi, ad cultum & Honorem Sanctorum, ad auxilium Ecclesiæ Tuæ, ad sublevationem necessitatum nostrarum, & nominatim mearum, spiritualium, corporalium, officialium, memento tam vivorum, quam mortuorum fidelium, eorum præsertim, pro quibus orare solco, debeo, intendo, qui pro me orant, pro quibus Tu à me orari vis, memento omnium istorum, & sacrificii hujus valorem, omnibus, juxta gustum voluntatis Tuæ, & debitum voluntatis meæ dispensa. Da tibi gloriam, honorem exaltationem & gratiarum actionem,



nem, Sanctis tuis, laudem & incrementum gloriæ, Ecclesiæ dilationem vivorum, per omnes status & gradus, gratiam & auxilium animabus purgatorii, solatium & refrigerium. Mihi omne, cujus ex hoc sacrificio (absque ullius damno) capax sum, & quovis modo derivari super me potest, meritum gratiæ actualis, efficacis & congruæ copiam, & in sanctitate, finalem perseverantiam, juxta proportionem operis operati, operis operantis, juxta impetratoriæ & satisfactoriæ efficaciæ latitudinem, juxta dispositionis meæ, tam habitualis, quam actualis, quam ex gratia tua, mihi tu largiri dignaris, tibi gloria & gratiarum actio, & plenissima æternaque subjeccio in sæcula, Amen.

## §. X.

*Formula faciendi; Memento ante  
Sacrum.*

**M**emento igitur Clementissime Pater, per paternam infinitæ misericordiæ viscera, per infinita dilectissimi Filii tui, quem pro nobis olim oblatum, nunc denuò offero merita, per eximia Beatissimæ Virginis Matris ejus, & omnium Sanctorum unquam, tibi exhibita obsequia, imprimis Ecclesiæ tuæ sanctæ, ejusdem Filii tui sponsæ, quam acquisivit sanguine suo, præcipuorum ejus membrorum, summi Pontificis, Episcoporum, Prælatorum, Pastorum animarum, Imperatoris, Regum, Principum, Magistratuum, omniumque, qui maximè possunt gloriæ tuæ, & salutis animarum propagandæ, prodesse, vel obesse, toto orbe terrarum, dilatando, coadunando, gubernando, protegendo, exaltando, sanctificando, absque macula, & ruga conservando, ut per eam, & in ea, perfectè,

ab omnibus glorificeris, in æternum, hos tuos in terris Vicarios ac Ministros, viros, secundum cor tuum efficiendo, zeloque gloriæ tuæ, & salutis animarum inflammando, ut & ipsi, corde perfecto, omnes voluntates tuas faciant, subditosque sibi, verbo, exemplo, consilio, imperio & auxilio, ad idem inducant. Misere deinde omnium Statuum Ecclesiasticorum, Religioforum, Sæcularium, præcipue status Apostolici vel Ordinis, vel congregationis, vel societatis. Omnium ejus Superiorum, membrorum, amicorum & inimicorum, omniumque eorum, quos horum opera vis converti, instrui, in via salutis promoveri, omnes & singulos, copiosæ gratiæ tuæ radiis illustrando, & sinceræ charitatis tuæ flammis accendendo, ut omni humano respectu semoto, cujuscunque sint status & ordinis, sese invicem, tanquam fratres, & filios tuos charissimos, intime diligant, mutuis officiis juvent, exemplis excitent, non quæ sua sunt, quærant, sed ad unicam tuam gloriam & animarum salutem promovendam, unanimiter conspirent. Memento item, & misere omnium, pro quibus singulariter orare teneor, Parentum, Fratrum, Sororum, Consanguineorum, Benefactorum & Amicorum meorum, omnium, qui se mihi commendarunt, qui me contristaverunt, & quos ego contristavi, offendi, & juvare neglexi, eorumque, quos per me indignum, vis juvari, & in viam salutis dirigi, omnium innocentum, in gratia constitutorum, bona desideria habentium, agonizantium, ite infirmorum, tentatorum, afflictorum, captivorum, omnibus & singulis, copiosos tuæ misericordiæ thesauros aperiendo, clementer eorum necessitatibus subveniendo, piis desideriis aspirando, auxiliumque gratiæ tuæ præstando, ut à peccatis liberari, bonis operibus abundare,

Te æterna charitate diligere, tuoque in omnibus sanctissimo beneplacito, se in vita & morte conformare possint. Miserere præterea, ô Pater misericordiarum, tot miserorum, peccati lethiferi laqueis constrictorum, impenitentium & obstinatorum, tot in densis ignorantia, schismatis, hæreseos, perfidiæ, & infidelitatis tenebris, pereuntium, benignè eos misericordiæ tuæ oculis respiciendo, solis justitiæ radiis illustrando, dulcedine gratiæ tuæ emolliendo, ad gremium Ecclesiæ tuæ revocando, atque ad osculum pacis admittendo, ut & ipsi agnoscant, timeant, & diligant te, & quem misisti Jesum Christum, æternumque glorificent. Miserere denique animarum omnium fidelium defunctorum, in virtute hujus ejusdem pretiosissimi sacrificii, rore clementiæ tuæ, ardores earum temperando, eisque locum refrigerii, lucis, ac pacis indulgendo, ut à peccatis eripantur, & optatissima dulcissimi vultus contemplatione, possint æternum te pro me ardentissimè amant, benedicant, laudent & superexaltent in cœlis, cui ego tam tepidè & imperfectè servio in terris. Horum inquam omnium, miserere, & mei imprimis, tam ingrati peccatoris, tam indigni servuli, tam prodigi filii, per paterna viscera tua, per merita dulcissimi Filii, B. V. Matris ejus, & omnium Sanctorum, gratiam largiens, ut te totâ virtute, gratis propter Te, super omnia diligere, tuumque sanctissimum beneplacitum semper & constanter, exequi valeamus. Nunc semper æternum.

### *Formula alia.*

**C**Upio & intendo, summe & æterne Deus, per hoc sacrificium laudis, laudare, benedicere, sanctificare, glorificare sanctum nomen Majestatis tuæ, sicut illud

illud laudant, benedicunt, sanctificant & glorificant, omnes Angeli, Archangeli, Throni, Dominationes, Principatus, Potestates, Virtutes, Cherubim & Seraphim, & omnes Sancti, & electi tui, sive qui in cœlis jam tecum regnant, sive in terris adhuc nobiscum degunt. Horum omnium & singulorum, corde uno, & affectu, præsens sacrificium offerre tibi Deo meo, vivo & vero volo, imprimis in holocaustum suavitatis, propter magnam & incomprehensibilem gloriam Divinitatis tuæ, deinde, in gratiarum actionem, pro universis beneficiis tuis, in totum genus humanum, & omnem creaturarum universitatem, collatis; & nominatim, in pretiosissimam Jesu Christi humanitatem, in gloriosissimam semper Virginem Dei Genitricem Mariam, in N.N. [ nomina Patronos tuos ] aliosque Patronos meos & electos tuos, quæque in eos omnes, quorum reliquias porto, quorum hodie in Ecclesia Tua memoria habetur, tum vero, & pro beneficiis illis, quibus me indignum, in mea infantia, pueritia, adolescentia, juventute, ad præsens usque momentum donasti, quæque in meos Parentes, Fratres, Sorores, propinquos, benefactores, amicos sodales & inimicos, vivos & defunctos, contulisti, sed & offero tibi hoc sacrificium in hostiam expiationis & satisfactionis, pro innumeris peccatis & offensionibus meis, ac imperfectionibus (si Religiosus es) in sæculo, & Religione, cogitatione, verbo, opere, omissione, commissis, & pro peccatis totius mundi. Memento Domine famulorum famularumque tuarum Parentum meorum, tam carnalium, quam spiritualium, qui me tibi, (si Religiosus) & Religioni genuerunt, N. N. quique mihi exemplo & verbo ad Bonum adjumento fuerunt. Memento superiorum meorum N. N. Præceptorum N. N. Confessoriorum N. N. quique aliquando mecum vixerunt,

M s

quibus



quibus ego aliquando scandalo, malo exemplo, & ædificatione fui. Memento & eorum, qui apud me, suas aliquando conscientias aperuerunt N.N. qui se meis Orationibus commendarunt N.N. quibus ego meas preces, ad memoriam spocondi N.N. Quique in me, (si Religiosus) inque hanc Religionem, benefici sunt N.N. qui meo odio vel ignorantia aliqua persequuntur N.N. quique denique, intra hoc sacrificium, ad quod accedo, Tibi vero Deo, vota sua & desideria expriment. Da vivis gratias tuas prævenientes, quas nosti, salutis eorum necessarias. Mortuis verò da rogo remissionem pœnarum, culpis antea actis debitarum, vitam æternam & locum indulgentiæ. Oro etiam Domine pro iis, qui se mihi aliquando commendarunt, vel quibus decedentibus adstiteri, qui non habent, per quos juventur, & ab omnibus sunt derelicti, qui sunt in puncto liberationis, qui in morte luctantur, vel intra tempus hujus sacrificii decedent. Memento etiam Domine animarum in purgatorio, pro quibus orare tibi gratissimum &c. &c. Respice ergo clementissime Pater, in faciem Christi tui, qui divinæ Majestati tuæ, per manus meas indignas, immolari vult, & ut id faciam, jubet. Da ergo Domine, per memoriale hoc passionis Domini nostri Jesu Christi, reis veniam, peccatoribus conversionem, justis perseverantiam, periclitantibus auxilium, defunctis solatium, captivis liberationem, infirmis sanitatem, mihi autem omni indignissimo peccatori, da benedictionem congruam omnibus propriis meis necessitatibus, negotiis, officiis, & pro quibus debeo orare, soleo, volo, remissionem peccatorum, secundum beneplacitum, sanctæ & adorandæ voluntatis Tuæ.

*Amen-*

*Memento in Sacro.*

**M**emento Domine famulorum famularumque  
tuarum N. N. & omnium, quorum ante me-  
mini, & per charitatem tuam æternam, qua sic mun-  
dum dilexisti, & Filium tuum nobis tradidisti, per  
omnia illius infiniti valoris sacrificia & obsequia, &  
per omnium Sanctorum, qui Tibi placuerunt, meri-  
ta, miserere illorum, sicut scis & vis, ut tibi perfectis-  
simè placeant, te cognoscant, timeant, diligant, Tuo  
se sanctissimo beneplacito, in omnibus conforment,  
teque æternum glorificent. Maxime vero miserere  
mei, tam ingrati servi tui; Ecce Domine, ego servus  
tuus, & filius ancillæ tuæ, quem tam indignum, sic ab  
æterno, in æternum respicere & diligere dignaris.  
O infinita bonitas, tuus sum ego, fac mecum quod vis  
in æternum. Cupio tibi gratus esse, & perfectè ser-  
vire, sed ecce Domine, vide & sana, hanc infirmita-  
tem meam, da gratiam emendandi hoc vitium N. N.  
hanc virtutem N. N. hoc donum N. concede, fac ut  
in sanctitate & iustitia, indies proficiam, in gratia per-  
severem, & magno contritionis, amoris & resignatio-  
nis affectu in hora mortis, animam meam in manus  
tuas commendem: similem gratiam, pro omnibus,  
pro quibus orare intendo, & Filius tuus mortuus est,  
obnixè peto; Memento igitur & miserere mei, & o-  
mnium circumstantium &c.

## CAPUT IX.

Praxes quadruplicis intentionis secundum quadruplicem Sacrificii Mistræ  
finem P.M.R.P. Casparis Druzicki ex M.S.

## §. I.

*Sacrum annuum vel menstruum pro  
Societate IESV.*

**O** Beatissima Trinitas Deus meus ecce oblaturus venio incruentum sacrificium veri Dei & Hominis, vere, realiter, substantialiterque præsentis. Quod quatenus est.

1. *Adorationum.* Offero in exhibitionem supremi cultus Patriæ, & adorationis tibi debitæ in recognitionemque tui absoluti, super creata omnia Domini, quod facio, nomine eorum omnium, qui in hac societate fuerunt, sunt, erunt, desiderans, omnium subjectionibus, omniumque adorationibus, tibi Deo meo, me subicere, teque Deum meum adorare, sicut re ipsa, Te nunc adoro, totaque cordis mei adoratione, veneror. Quatenus est.

2. *Gratiarum actionum.* Offero illud, in plenissimam Gratiarum actionem, pro omnibus beneficiis, quæcunque huic minimæ Societati præstitisti. Imprimis pro institutione illius, & à sede Apostolica confirmatione, pro fine, ad quem instituta est, & quem præfixum habet, scilicet zelum gloriæ tuæ Divinæ, salutis, ac perfectionis animarum, pro mediis efficacissimis, quibus illa utitur, ad præstitutum finem, suosque ad eam consequendum promover, ac deducit, pro celeritate ejus in crescendo, pro felicitate in fructifican-

canda, pro gratia comitatis, & effusione charitatis, ad converſandum, communicandumque cum proximo, pro ſanctis confeſſoribus & Martyribus, eidem ſocietati datis, denique pro omnibus prorsus beneficiis, ac ſi hic à me ſpecialiter cenſerentur. Gratias tibi Deo meo, donorum fonti, per hoc ſacrificium agere volo. Specialiter autem, pro beneficiis ſocietati hoc anno, menſe, aut ſequentibus omnibus præſtitis, præſtandisque incipiendo, à primo uſque ad ultimum, tam in bonis ſpiritualibus, quàm in temporalibus. Quatenus eſt.

3. *Propitiatorium ſeu Satisfactorium.* Offero & applico, omnes gradus ſatiſfactionis Chriſti, meritorumque ipſius, correfpondentes huic præſenti ſacrificio, capiti Religionis hujus, ſcilicet P. Generali, vel hujus Provinciæ ſi capax eſt, aut illi N.N. in hac domo, collegio, in quo maneo, nunc, qui non plus poenæ temporalis, Juſtitiae divinae, debet exſolvere pro culpis commiſſis, & jam remiſſis, niſi quantum præciſè poteſt tollere hoc præſens ſacrificium. Offero, vel pro illa anima in purgatorio. quæ in corpore manens, & in ſocietate laborans, plurimum in ſocietatis inſtituto, promovendo laboravit, totum, medium, reliquum. Idque facio ex puro zelo Divini ſervitii, ut ſcilicet Deo, tanta puritate ſerviat, nempe ſine obligatione ullius culpæ & poenæ, quanta ei à Beatis in cœlo ſervitur. Quatenus eſt.

4. *Impetratorium* in impetrationem eorum omnium, quæ huic inſtituto neceſſaria ſunt, & eorum, quibus S.P. Ignatius, in Verbo nunc videt ſuos videre filios. In particulari autem i. Ut Divina unitas atque ſimplicitas in compoſita, atque impatibilis natura, det omnibus ſocietatis hominibus, ſinceriffimum. & puriffimum, in rebus omnibus intentionem, ut nimirum in omnibus ſuis actionibus, nihil quærant, niſi ſolum &



unicum Deum, & quem ille misit Jesum Christum. 2. Ut divina communicabilitas, omnibus quidem virtutibus, in tota quidem societate, sed specialiter in hac Provincia, domo, collegio, Residentia, manentibus conferat dona multa & magna, sicut contulit, magnis Sanctis, in Ecclesia sua sancta. 3. Ut Lex æterna Dei, secundum quam, ille dirigit universa, tanquam author naturæ & gratiæ, dirigat quoque omnes societatis Superiores, incipiendo à Generali, usque ad alios immediatos, ut Spiritu verè paterno, & spiritali Societati in flore conservandæ, constanter, suaviter, efficaciter, invigilent. 4. Ut divina providentia, utroque oculo, hanc minimam aspiciat Societatem. Dextero quidem, ut provideat Societati sanctos, doctos, prudentes, ferventes, sanos operarios, qui inexplibili siti, lucrandi Christo animas, ardeant eas lucrificando per confessiones, conciones, Catechisationes, magno zelo, constantia infracta, Infidelium, Hæreticorum, Schismaticorum, sese opponant conatibus, sanctamque Ecclesiam Romanam, Apostolicam, etiam profusione sanguinis proprii dilatent, in quorum pectoribus, inflammata martyrii desideria, æstuent, bulliat in eorum corporibus sanguis totus, ut quantocius per extrema, pro amore Christi, sanctæque fide, exactus tormenta erumpat impetuolissime. Sinistro autem, ut intuitu hujus præsentis sacrificii, excitet multorum ad benefaciendum corda, iis locis ac domiciliis societatis, quæ maxime indigent, humanisque sunt prorsus destituta auxiliis, idque pro hoc anno, vel mense sequenti, vel hebdomada currenti. 5. Ut divina sustententia atque sustententia persecutorum ac malefactorum Societatis supportet defectus & peccata, detque illis prævenientis gratiæ auxilia, ut quamprimum ad statum gratiæ redeant. Si forte extra illum sunt;

Sin autem in eo sunt & tamen societatem persequuntur ex errore vel mala aliorum informatione, vel ex percepta opinione det illis Deus auxilium gratiarum actualium, ut quamprimum resipiscant, positisque privatis respectibus DEI spectent gloriam, sociisque Jesu intuitu ejus promovendæ afficiantur, nec non alios eis affectos reddant, societas verò ipsa ex persecutionibus proficiat in melius, & persecutores amet impensius, & persecutionum occasionem dare devitet diligentius.

## §. II.

*Sacrum annum vel mensurum pro Fundatore domus, Religionis, vel Benefactoribus.*

**O** Beatissima Trinitas, Deus meus, ecce oblaturus venio incruentum Sacrificium veri Dei & Hominis, vere, realiter, substantialiterque præsentis. Quod ut est;

1. *Adoratorium.* Offero in exhibitionem supremi cultus Latriæ, & adorationis tibi debitæ, in recognitionemque tui absoluti, super creata omnia Dominii, quod facio, nomine omnium creaturarum, possibilem etiam, & à tua Omnipotentia producibilem, sed in particulari offero nomine Benefactorum & Fundatorum loci hujus, ut si illi, hunc actum explicitæ adorationis, supremiq; Dominii tui recognitionis, ob ignorantiam, negligentiam, aliamve causam, non elicerunt, ego ex zelo tui Dominii, mihi, cæterisque imprimendi, Sacrificium istud offero, & protestor, me, cum Fundatore ac Benefactoribus loci hujus, esse tibi subiectum, subiectione naturali, tam mihi, quam illis, interna & essentiali.

Accipe

Accipe mi DEUS, hujus loci Fundationem, nec non quodlibet subsidium, in recognitionem tui Domini, nostrique ad illud debiti, de manibus nostris, deque manibus benefactorum nostrorum, quod ego per hoc præsens sacrificium testari volo. Ut est.

*Gratiarum actio.* Offero in gratiarum actionem, pro tota serie beneficiorum, illorum imprimis, substantia, modo circumstantiis omnibus, in quibuscunque ea concessisti Fundatori, ac benefactori hujus loci, tam in spiritualibus quam in temporalibus. Specialiter autem, gratias agere intendo, per hoc sacrificium, pro copia rerum temporalium illis concessa, ita, ut etiam nobis, propter nomen tuum, benefacere possent. Item pro ea voluntate, bene nobis faciendi, quam eis Tu Domine inspirare efficaciter dignatus es. Item pro ea dignatione, quod Dominus universorum, dignatus sis, te honorari, substantiâ Benefactorum nostrorum. Denique, pro ea Providentia tua, quod impedimenta nobis, ab eis benefaciendi, removeris. Ut est.

*Satisfactorium.* Satisfactionem huic correspondentem sacrificio, applico Fundatori, Benefactorique mortuo, si est capax. Si non, applico huic, qui primus absolute benefecit nobis in hoc loco, qui multa pro nobis passus est, à linguis hominum, cujus beneficia, & si verè magna non fiebant, tamen à nostris magni. Vel certè applico ei Benefactori vivo, qui majori cum affectu, purioreque intentione, nobis benefacit. Vel ei, qui occultus est, nesciri vult. Item ei, qui jam desideria concepit nobis benefaciendi. Item ei, qui propositum licet inefficax habuit, aliquando benefaciendi. Vel ei, qui hoc anno, (si est annuum) Mense, (si est menstruum) hanc domum, maximè juvit, juvareque (esto non potuit) voluit. Ut est.

*Impe-*

*Impetratorium.* Offero impetrationem gratiarum actualium, Benefactoribus loci hujus, frequentium, & efficacium, prævenientium, & concomitantium, ut in benefaciendo nobis, nullo humano respectu, & motivo ducantur, sed purè propter Amorem Tuum, nobis benefaciant, ut ex beneficiis, in nos collatis, gloriam humanam non quærant. Utque cum nobis benefecerint, Tibi Deo, se id fecisse, vel potius à te, se beneficium accepisse existiment, ac proinde, nostris in circumpectionibus, in agendo, loquendove, non offendantur, neque obsequia à Societate exigant, quibus Societatis institutum, par non est, quibusque merces, apud Te, Beneficiorum, vel imminuatur, vel evacuetur. Præterea, ut non permittant, respectibus humanis, se à benefaciendo nobis abstergeri, sed in firmo, stabilique nobis benefaciendi persistant proposito, contemptis humanis judiciis, & linguis. Ut beneficientes nobis, etiam alios, ad benefaciendum inducant, nec illa Zelotypia laborent, ut soli benefacere nobis videri velint, molesteque ferant æmulatores, suæ in nos beneficentiæ reperiri.

Hoc Sacrum ordinariè poterit celebrari, de Sanctis Angelis Custodibus, quibus me, locum meum, & omnes benefactores commendabo.

§. III.

*Sacrum menstruum pro Regionibus Septentrionalibus, & Hereticorum reductione.*

O Beatissima Trinitas Deus meus, ecce oblaturus  
N  
venio



venio incruentum Sacrificium, veri Dei Hominis, vere, realiter, substantialiterque presentis. Quod ut est

*Adoratorium.* Offero in exhibitionem supremi cultus Latriæ, Tibi debitæ, & in recognitionem Tui, super creata omnia Domini, quod facio, nomine eorum Hæreticorum, Schismaticorumque, qui, licet fortassis aliquando hunc actum exercuerint, quia tamen non est speciosa laus in ore peccatorum, ideo (quamvis & ipse sum peccatorum pessimus, atque primus) ego, ex obligatione Sacerdotii mei, & ex primario Sacrificii fine, Te meum, & illorum Deum adoro, adorationibus, quibus illi, in veritate, Te adorare debent, sed non adorant, nec adorare possunt, nisi convertantur. Tibi me plene subjicio, subjectionibus, quibus illi se subjicere deberent, sed non nisi in speciem subjiciunt, retinentes sibi præcipuum quiddam, nempe proprium Judicium, & sensum in rebus fidei. Ac proinde, hoc præsentis sacrificio, intendo, eâ quâ possum, ex dono Tuo, contentione, testari, tuum supremum Dominium super illos, eosque Tuis pedibus conculcandos subjicio, ac prosterno. Gemant hi rebelles filii Tui lateris, sub scabello pedum Divinitatis Tux, lambant vero vestigia pedum Sacratissimæ Humanitatis Tux, cujus Latreuticum, illi etiam, ob unionem cum verbo, debitum, testari hoc sacrificio intendo. Atque hoc, in detestationem visceralem nequitix AntiChristi, per membra sua oppugnantis, & æmulantis, Divinitatem Jesu Christi impudenter blasphemantium, quos nunc, eâ execror execratione, qua execratus es, Tu Deus, superbiam Luciferi, in ejus execrationis, detestationis, anathematizationis luculentum testimonium hoc sacrificium offero. Ad extremum hoc sacrificio, testatum volo cultum Latriæ, qui debetur Christo, in Sanctis-

Sanctissimo existenti Sacramento, quem, quia illi, Christo (per summam injuriam ejus ultimi Testamenti, quo nobis proprium, & verum suum corpus, & sanguinem legavit) eripiunt, nunc ego illorum, etiam invitum, contumaces cervices, & in abundantia stulti sui sensus, fastuose erectas, presenti actu inflecto, huncque adorationis Christi in Sacramento cultum, vellem, eo fervore dilectionis, fideique vivacitate elicere, qua malignitate, pertinaciaque, affectus depravati, in Christum, mentisque cæcitate, illum, eidem negant Hæretici, quorum corda, insanias falsas, despumantia, & in Christum blasphemias ructantia, tanquam æternæ contumeliæ, causa, tradi (nisi resipiscant) ignibus æternis comburenda. Premat illos corpus, urat illos sanguis tuus duleis JESU, quem hypostaticè Divinitati unitum, adorare ingrati abnuunt, quem ego, per gratiam Tuam, cum Ecclesia Tua militante, ac triumphante, adoro. Atque id, presenti sacrificio protektor. Ut est

*Gratiarum actorum.* Offero in gratiarum actionem, pro beneficiis, omnibus Hæreticis & Schismaticis concessis. Sed in particulari, pro reïorso conscientia, quo laborabant veritate fidei Catholicæ convicti, intimè dolens, eos hoc dono male usos; Item pro illuminationibus intellectus, quas illi contempserunt, aut certè in eis (sibi illas adscribentes) evanuerunt, sicque naufragaverunt à Fide. Item, pro Operariis fidelibus, qui conatu quo possunt maximo, nunc in Hæreticorum, Schismaticorumque conversione laborant. Item, pro Sacrosanctæ Ecclesiæ Doctoribus, omnium temporum, qui hæreses, ac lingua,

& erudito calamo confutarunt. Item, pro miraculis, quibus mysteria Fidei, (præsertim Trinitas, consubstantialitas Filii, & præsentia corporis Christi in Sacramento) confirmata sunt. Item, pro Ministrorum, aliorumque Hæreticorum à Ministris, in errorem ductorum, in via veritatis reductione. Ut est.

*Satisfactorium.* Applico etiam, eum Sacrificii fructum, Principi, qui zelosissime, fidem Catholicam propugnat, & promovet inter Hæreticos. Item Nobili ac Civi, qui ob fidem Catholicam passus est, patiturve nunc, jacturam bonorum. Item Doctori, qui in refutandis Hæresibus, præcipue nunc laborat. Item operario, qui inter Hæreticos degit, præcipue in Anglia, Hollandia. Item illi, qui maxime zelosus est, in propugnanda, promovendaque reverentia Sanctissimi Sacramenti, ac sacrificii, cultus quoque Deiparæ, SS. Trinitatis, vel certe applico Defunctis, & illi quidem in particulari, qui maxime laboravit, in confutandis Hæresibus ac erroribus, qui ad confutandum, sibi delegerat, errores Arrianorum novorum, Sacramentariorum. Illi etiam, qui ex operariis, hac hebdomada, Mense, Anno, mortuus est inter Hæreticos, quivè minimum habet ad exolvendum. Ut est.

*Impetratorium.* Offero, ad impetranda auxilia congrua, operariis nostris inter Hæreticos, ut cum magno animarum lucro, inter eos degant, suæque vitæ sanctitate, & doctrina, eos Sanctæ Ecclesiæ adjungant. Item, ut animæ Hæreticorum, veritatis luce irradientur, ne in mediis splendoribus sanctæ Veritatis, caligent. Item, ut Principibus, zelum propagandæ fidei Catholicæ inter Hæreticos, DEUS inserat, impedimen-

taque

taque hujus sanctæ Molitionis, auferat, Hæreticorum vires infringat, & intellectus hebetet, concursumque, in conatibus, quibus Fidem suam impugnent, deneget, ac dona, quibus in damnum Ecclesiæ abutantur, subtrahat,

## S. IV.

*Sacrum menstruum pro Indiis & gentium  
Conversione.*

**O** Beatissima Trinitas DEUS meus, ecce oblaturus venio, incruentum Sacrificium, Veri Dei & Hominis, verè realiter, substantialiterque præsentis. Quod ut est.

*Adoratorium.* Offero in exhibitionem supremi cultus Latriæ, adorationibusque Tibi debitæ, in recognitionem Tui absoluti, super creata omnia Domini, quod scilicet sis Dominus vitæ naturalis, & supernaturalis, mortis etiam temporalis, & æternæ. Atque id facio, nomine omnium creaturarum rationalium, sed tamen in particulari, ambarum Indiarum, omniumque gentium, cultui Idololatriæ deditarum. Doleo mihi Deus, de antea cto tempore, debito cultu latriæ, à Tuis creaturis rationalibus fraudatum, & nunc etiam, à quibusdam fraudari, ac proinde, ego creaturarum rationalium omnium indignissimus, ac postremus, intendo hoc sacrificio, nomine Infidelium illarum gentium omnium, testari, Tuum supremum super eas Dominium, earumque naturaliter, omnimodam ad Te subjectionem. Hoc ego Tibi Deo meo, ac illarum Creatori, atque plasmati, confiteor, enuntio, & teste cœlo, ac terra, protestor. Ut est.



*Gratiarum actionum.* Offero Tibi, in gratiarum actionem, pro beneficiis à Te, in illas omnes gentes, in Esse naturali, effulis, ut quod creatæ sint à Te Deo, quod lucis ac vitæ hujus usura fruuntur, quod à Te sustententur, cibo, potu, cæterisque commodis temporalibus, & breviter, quod eas quibuscunque beneficiis cumulasti, pro quibus, Tibi me nunc gratiarum actionis debitorem constituo, dolens de omnibus, gentium illarum ingratitude, Tuæque in se beneficentia ignorantibus. In particulari, intendo gratias agere hoc sacrificio, pro omnibus Operariis, quos Tua Divina Providentia, ad illarum gentium conversionem, olim destinavit, & nunc destinat, & adhuc destinabit. Item pro omnibus auxiliis gratia, pro talentis Naturæ, pro donis cæteris, quibus eosdem operarios instruxisti, instruis, & adhuc instrues, pro miraculis, quæ per Tuæ veræ fidei propagatores, tanquam per electa Tua instrumenta, fecisti, facis, & facies. Item pro efficaci applicatione sanguinis, meritorumque Christi, illis animabus, jam ex parte facta, pro sanguine Martyrum, inibi fuso, fundendove in testimonium fidei. Item pro infantibus, inibi hoc ipso die ac momento baptizatis: pro illo concursu, quo Tu mi DEUS nunc, nunc concurrens, cum Tuis operariis, ibi, circa animas illas laborantibus, vel propter earum laborem periclitantibus. Item pro influxu Humanitatis Christi, quo influit in Sacramenta à se instituta, & illis hominibus nunc administrata. Item pro desideriis martyriorum, quæ unquam operariis in illis partibus communicasti, communicas, & communicabis. Item pro Sacrificiis, quæ me dormiente, vel aliter occupato, in illis partibus peracta sunt, & peraguntur, & peragentur adhuc. Item pro lingulis, omnibusque gratiis, in Neophytos illos

illos, sive per Sacramenta, sive per Sacrificia, sive quolibet alio modo unquam, collatis conferendisque. Ut est

*Satisfactorium.* Applico hujus satisfactionis portionem isti Sacrificio debitam, illi operario, qui Judicio Dei, maxime in illarum gentium conversione laborat. Vel, qui ex omnibus operariis, primus est in beatissimæ Virginis cultu, inter illas gentes propagando. Vel, qui primus solet ad periculosas Missiones accurrere. Vel, qui primus omnium, ad confessiones omnium excipiendas, se confert, vel, qui omnium plurimas excipit confessiones, vel, qui rudes libentissime catechizat. Vel, qui habet donum miraculorum, vel, qui minimum habet ad satisfaciendum Deo, pro peccatis suis, ut ita ejus labores, circa illas animas, sint Deo gratiores. Vel, applico medietatem satisfactionis, illi operario inter illas gentes vivo, qui est ferventissimus, medietatem defuncto, qui item inibi fuit ferventissimus. Ut est

*Impetratorium.* Offero, ut impetrem in persona Christi, omnes gratias actuales, maxime prævenientes, illis gentibus necessarias, efficaces, quibus disponantur ad fidem recipiendam. Item, ut impetrem operarios fideles, constantes, strenuos, idoneos, sanos, multos, ad illarum gentium conversionem, ex omnibus Religionibus & Ecclesiæ Ordinibus. Item, ut impetrem, amotionem omnium impedimentorum, ex quacunque causa, ad salutem gentium illarum oppositorum, opponendorumque, maxime autem, ratione peccatorum, quibus impediunt suam conversionem, ut est peccatum carnis. Item, ut impetrem infractionem,

prostrationemque Diabolarum virium, obtestorque nunc omnes Sanctos Angelos hominum illorum custodes, ut specialiter nunc, apud Deum urgeant conversionem sibi commissarum animarum, viresque Diaboli reprimant, & impedimenta amoveant, offerentes hoc ipsum sacrificium, ad hoc impetrandum, in Persona Christi Jesu Domini ac Redemptoris nostri, Amen.

## §. V.

*Sacrum Hebdomatarium ad intentionem  
R. P. Generalis.*

**B**eatissima Trinitas Deus meus, ecce oblaturus venio incrementum Sacrificium, veri Dei Hominis, vere realiter ac substantialiter præsentis. Quod ut est.

*Adoratorium* offero in exhibitionem supremi cultus Patriæ, & adorationis tibi debitæ, inque recognitionem tui super omnia creata absolutissimi Domini, quod facio, omnium creaturarum, etiam irrationalium, præcipue verò, nomine P. N. Generalis, incipiendo à primo usque ad modernum, quorum omnium actus adorationis, quos illi unquam in sua vita exercuerunt, in cor meum nunc contraho, eosque meos proprios facio, atque nunc elicio, confirmo ac ratifico. Tuæque majestati, cum cordialissima in illis complacentia, repræsentò. Et si modernus P. Generalis vivens, hunc actum adorationis, aliis distentus, explicitè nunc non exercet, Ego in Persona illius, indignissimus licet filiorum ejus, te adoro in Deitate, te veneror in assumpta humanitate, te magnifico in sanctissimo Sacrificio & Sacramento, idque testor præsentis Sacrificio. Quod ut est.

Gra-

*Gratiarum actorium* offero, in gratiarum actionem pro omnibus beneficiis Patri nostro collatis, in ordine tam naturæ, quam supra Naturæ, nullo excepto. In particulari autem, intendo tibi hoc sacrificio gratias agere, pro eo beneficio, pro quo hodierna sacrificiorum applicatione, tibi Deo meo bonorum largitori, P. N. gratias agere intendit. Quod si hæc mea, vel illius intentio eget aliquo (quacunque ex causa) supplemento. Offero hoc sacrificium in gratiarum actionem, pro illo beneficio, quod tuo divino iudicio fecisti unquam maximum nostræ Religioni, aut certè pro hoc, quod isto ipso momento facis, facturusve es ante consecrationem, ad Divitiarum bonitatis tuæ erga nos ostensionem. Ut est.

*Satisfactorium.* Applico satisfactionem huic sacrificio commensuratam, ipsi P. N. si est capax. Vel ei, cui illo applicuit, quod si hoc omisit, applico illi, qui in hoc mansionis meæ loco, hujus fructus (cum minoribus & paucioribus numero imperfectionibus) est capax, vel qui hoc loci, maxime me in Deo diligit, vel, cui ego sum plurimum obligatus, sive ob persecutiones atque linguas, quas ab eo patior, sive ob beneficia manifesta, aut occulta. Ut est.

*Impetratorium.* Offero hoc Sacrificium ad impetrationem eorum, quæ P. N. impetrare hodierna die, hodiernæ diei sacrificiorum applicatione intendit, hoc postulando in genere & specie, quod ille à tua divina Majestate congruè postulat.



## §. VI.

*Sacrum Hebdomadarium pro Mortuis de Religione extra Provinciam.*

**O** Beatissima Trinitas Deus meus, ecce oblaturus venio incruentum Sacrificium, veri Dei Homi-  
nis, verè, realiter, substantialiterque præsentis. Quod  
ut est.

*Adoratorium.* Offero in exhibitionem supremi cultus Latriæ, & adorationis tibi debitæ, inque recognitionem tui supremi Domini, quod olim fecerunt animæ, quæcunque nunc purgatorio, à tua Justitia sunt deputatæ, quarum omnium nomine, sed præsertim nomine animarum Defunctorum, nostræ Religionis, postremò extra Provinciam. Testor hoc sacrificio, te esse supremum creaturarum Dominum, in tantum, ut & nunc, in eo statu, illas animas damnare vel annullare posses, si absoluto tuo Dominio uti velles, quod absolutum Dominium, in te Deo meo, adoro tremens, eum omnibus sanctis illis animabus in purgatorio, agnoscentibus sibi deberi gloriam, ex mora tua misericordia, & ex Jesu Christi meritis, sanguine & gratia. Ut est

*Gratiarum actionum.* Offero in gratiarum actionem, pro commutatione pœnæ æternæ in temporalem facta, iis animabus, pro quibus nunc sacrifico, item pro desideriis, cæterisque piis voluntatum permutationibus, quas alicui Sanctorum, vivorum vel mortuorum, ad has animas juvandas, communicasti, item pro iis operibus, ut jeuniis & eleemosynis, pro operibus quoque pœnalibus, quæ fiunt pro animabus. Item, pro sacrificiis ac orationibus, pro thesauro indulgentiarum, pro satisfactionibus Christi, Sancto-  
rum-

rumque, ex quibus Ecclesiæ thesaurus ditescit, & animæ Defunctorum adjuvantur. Ut est

*Satisfactorium.* Applico, totam Sacrificii huius satisfactionem, illi animæ, quæ postremò in aliqua Provincia, (nominatim illa, vel ista) corpore soluta est, & purgatorio destinata, vel certe, ante hanc consecrationem destinabitur. Item, applico illius animæ, qui hac hebdomada, die, hora, in obsequium peste infectorum, vel in castris mortuus est. Item, illius animæ, qui præ omnibus nunc in purgatorio positus, fervidus fuit, pro juvandis animabus purgatorii, per se & alios. Item, illius animæ, qui nunc gravissimis, ex nostra Religione torquetur purgatorii pœnis. Item, illi animæ, quæ de nostra Religione minimum habet, ista hebdomada, de pœnis exolvendum. Item, illius animæ, qui caruit indifferentiâ, ad gradus Societatis, appetivit professionem, vel in ea plus iusto sibi complacuit. Item, illius animæ, qui Religionem ingressus, juvit suis facultatibus, in aliqua Provincia. Illius item animæ, qui dum esset in Regimine, promovit disciplinam Religionis strenuè, & linguas, censurasque contempsit. Ut est

*Impetratorium.* Offero in impetrationem levaminis pœnarum, quas patiuntur illæ animæ, pro quibus sacrifico (animæ in purgatorio sunt incapaces actualium gratiarum, & prævenientium auxiliorum) offero, pro iis, qui ferventes sunt, pro juvandis animabus purgatorii, quique pro illis satisfactiones suas frequenter offerunt, ut eis Deus gratias actuales plurimas, efficacesque conferat, devotionem, pietatemque in Defunctos augeat, numerumque eorum in Ecclesia, & præcipuè in Religione nostra, multiplicet. Deni-

Denique offero pro me ipso, ut in me Devotio, pro animabus purgatorii augeatur, industriæque mihi efficaciter, atque congruè occurrant, quibus & ipse eas adjuvem, aliosque ad eas juvandas informem, ac inducam.

## §. VII.

*Sacrum pro Defunctis intra Provinciam  
vel aliis quibuscunque.*

**O** Beatissima Trinitas Deus meus, ecce oblaturus venio incruentum sacrificium veri Dei. Homini, verè, realiter substantialiterque præsentis. Quod ut est.

*Adoratorium.* Offero in exhibitionem supremi cultus Latriæ, & adorationis tibi debitæ, in recognitionemque tui absoluti Domini, quod cum animabus omnium quidem defunctorum, (sed præcipuè hoc anno, mense, semestri, mortuorum, in Collegio, Domo, Regno, Provincia, Civitate, Familia hujus vel illius, vel eorum, qui in hoc Templo vel Cœmiterio sunt sepulti) tibi Deo, Dominoque meo vero facio, & nunc prostratus corde & corpore, clarè profiteor, te Deum meum & Dominum esse, cui me abyssaliter subijcio, teque adoro, non solum meo, sed omnium damnatorum nomine, quia illi indigni sunt, qui te adorent, eorumque vicem suppleo gemebundus, ob diminutionem Tui Divini cultus, qui tibi ab illis debetur animabus, suppleat quæso hoc sacrificium, quo intendo te honorare suprema veneratione, soli tibi Deo meo debita. Ut est.

*Gratiarum actorium.* Offero in gratiarum actionem, pro commutatione pœnæ æternæ, in temporalem,

lem, omnibus animabus purgatorii, præcipue verò huic animæ, pro qua sacrifico. Specialiter verò gratias ago pro auxiliis gratiæ prævenientis, concomitantis, & subsequæ, pro mediis prædestinationis, hujus animæ, pro omnibus Sacrificiis, quæ fecit, (si Sacerdos fuit) aut communionibus, pro dispositionibus ad bonam mortem, pro actibus, quos hæc anima, per tuam gratiam adjuta, in puncto mortis elicit, pro finali perseverantia, & gratia, & vocatione Religiosa, aut Christiana, denique, pro omni eo, quod huic animæ contulisti in tempore, ac in æternitate es collaturus, ago hoc sacrificio gratias. Ut est.

*Satisfactorium.* Applico totam satisfactionem, huic sacrificio (ex opere operato, & ex opere operantis in persona Christi & mea) debitam, illi animæ in particulari, pro qua nunc Sacrum facio, & adjungo privilegium liberationis animæ. Quod si hæc anima capax jam non est, ob aliquam causam, applico huic animæ, quæ ex Provincia hac, Collegio, Domo, Civitate, Regno, Familia, minimum habet quod exsolvat de purgatorii pœnis, vel quæ paucis, aut nullis juvatur suffragiis, vel cujus suffragia detinentur. Illi item animæ, quæ nunc est in luctu separationis à corpore vel animæ hominis, hodie supplicio affecti, submersi, naufragi, à prædonibus necati, vel illius, cujus interitus nescitur. Aut illius, qui hac in Provincia, collegio, Domo, devotionem ad B. V. immaculatè conceptam, ad Jesum passum & contemptum, ad SS. Trinitatem, ad Eucharistiæ Sacramentum, ad auxilium mortuorum, aliqua ratione promovit, vel illius, qui congregationem aliquam B. V. alicubi erexit, illius, qui nimirum in obsequio pestilentium moritur. Illius, qui bonum hujus Provinciæ suo exemplo, vel labore promovit plu-



plurimum. Illius, qui hanc Provinciam temporalibus bonis juxta plurimum. Illius, qui hominum linguis, præter ceteros fuit expositus. Illius, qui plurimum laboravit, sine plausu nostrorum vel externorum. Illius, cui ego sum aliqua ratione obligatus, illius, qui vivens pro me orabat sæpius aut diligentius. Ut est

*Impetratorium.* Offero, ut pœnæ istius animæ, hujus vi Sacrificii mitigentur, sentiatque hæc anima refrigerium, ac peculiarem sui Angeli Custodis consolationem. Ut Deus multorum corda excitet ad eam juvandam, qua Sacrificiis, qua operibus satisfactoriis, maxime autem pœnalibus. Ut Deus permittat hanc animam extraordinariis sese juvare modis, scilicet per apparitionem iis, qui eam Sacrificiis, vel aliter juvare possent. Eum autem omnem Sacrificii fructum, cuius Defuncti anima capax non est, offero & applico N. N. vel reliquis à me designatis, Tuisve Deus meus placitis necessitatibus atque intentionibus, ad gloriam tuam & salutem, consolationemque meam, & creaturarum tuarum, Amen.

### §. VII.

#### *Pro Viventibus.*

**I**ntelligenda est intentio diligenter, petentis pro se offerri Sacrificium; Nam si petat gratias agi pro aliquo beneficio sibi collato, poscit fructum Sacrificii, in quantum est gratiarum actorum, si petat, ut sibi beneficium à Deo concedatur, petit fructum Sacrificii impetratorium. Manet igitur satisfactorius, quod si petat fructum Sacrificii, cuius ille capax est, tunc totum illi applicandum est.

*Sacrum pro meipso.*

**O** Beatissima Trinitas, Deus dignissime, ecce obla-  
 turus venio incruentum sacrificium veri Dei Ho-  
 minis, verè, realiter substantialiterque præsentis. Quod  
 ut est

*Adoratorium.* Offero in exhibitionem supremi  
 cultus Latriæ, & adorationis tibi debitæ, à me creatura  
 tua, nec non in recognitionem tui absolutissimi in o-  
 mni creatura Domini, inæque naturalis ac inibi es-  
 sentialissimæ subjectionis, cupio mi DEUS, eo me sub-  
 jectionis modo tibi subicere, quo tu tibi subjeci crea-  
 turas vis, aut subicere potes, proinde, nullis de me de-  
 cretis obstantibus, decerne de me, nunc, quidquid  
 tibi placet, in tempore ac æternitate, quod hoc sanctis-  
 simo Sacrificio testari volo. Teque Deum meum in  
 tua Deitate supplex adoro, exhibeo præterea profun-  
 dissimam venerationem & reverentiam incarnato Ver-  
 bo, & sacramentali sacrificiali que Christi præsentia  
 ac dignationi, desiderans ex tota affectus intensione,  
 supplere simul negligentias omnes eorum, qui se totos  
 explicite cultui Latrico abyssali que veneratione DEI  
 in carne, & Domini Jesu Christi in Sacramento Eu-  
 charistiæ, non impenderunt. Ecce ego nunc, ex zelo  
 Honoris Dei-Hominis, offero totius universitatis, San-  
 ctorum, prædestinatorum, glorificatorum, & glorifi-  
 candorum, omnem actum Latreuticorum collectio-  
 nem, quâ suppleo meos & alienos, hac in parte defe-  
 ctus, atque insufficientias. Ut est

*Gratiarum actonium.* Offero in plenissimam gra-  
 tiarum actionem, pro omnibus prorsus beneficiis, toti  
 creaturarum populo, tam in ordine naturali, quam su-  
 pernaturali, per generalem vel specialem, individua-  
 lemque concursus Dei, per influxum Ssæ. Christi Hu-  
 manitati præstitis, perq; totam æternitatem præstandis

ac præstabilibus, cujus tam amplæ gratiarum actionis debitorem, me fiducialiter constituo, fidens immensæ Domini Jesu cordis capacitati, quem in hoc sacrificio offeram, specialiter autem, in cor ejusdem Domini Jesu, hæc quæ recenseo beneficia depono, ut ibi tanquam in suo fonte permaneant, ego enim minor sum, omni beneficio minimo Dei, nec idoneus ad aliud quidquam, nisi ad destructionem cujusquam Divini beneficii. Igitur, in hoc sacrificio, gratias Tibi ago pro beneficio creationis, Redemptionis, sanctificationis, & pro iis omnibus, quæ huc sunt connexa; ac mihi à Te collata. In particulari autem, Tibi gratias ago, per hoc sacrificium, ex toto corde meo, totaque latitudine virium mearum, pro proximia misericordia Tua, qua me in miseriis, & peccatis, (si Religiosus es) sæculi demersum, eripuisti, & collocasti in hoc sancto statu, tanquam in paradiso deliciarum sanctarum. Gratias ago, pro omnibus votis, quibus me Tibi adstrinxisti, ut in tuam transirem hæreditatem, totusque Tuus essem, & non meus, quod me fecisse, non solum non pœnitet, sed etiam si antea ea non fecissem, nunc summo quo possum, ex Tua gratia, dilectionis Tuæ supremæ, ac super omnia affectu facio, voveoque Tibi Deo meo, irrevocabilem, etiam ex plenissima deliberatione, assensu firmissimo, & ex puro amore Tui, Tuæque assumptæ Humanitatis, nec non B. V. Paupertatem, castitatem, obedientiam perpetuam in Religione. Gratias ago Tibi pro dignitate Sacerdotii, qua me de pulvere erexisti, itemque pro usu ejusdem Sacerdotii, in administratione Sacramentorum, pœnitentiæ præsertim, & Eucharistiæ, pro omnibus item absolutionibus, à me datis & acceptis. Item pro omnibus Sacrificiis, & communionibus oblatis, pro me, à me, Tibi gratias ago. O dignatio super despicabilem catellum, qui toties pane

filio-

filiorum Tuorum pastus est atque saginatus. Gratias ago pro hac vicissitudine consolationum, atque desolationum, prosperitatum & adversitatum, elevationum ac depressionum, qua vitam meam mirabiliter texuisti, & adhuc texit, & denique texturus es. Gratias ago pro serie omnium mediorum prædestinationis meæ, & gratiarum omnium actualium, tam in intellectu, quam in voluntate, cæterisque facultatibus receptarum. Gratias ago pro omnibus & singulis illuminationibus, pro omnibus mysteriorum fidei vivacioribus apprehensionibus, convictionibus intellectualibus, voluntatis ad bonum permotionibus, piis desideriis &c. Insuper pro omnibus beneficiis, i ex momento conceptionis meæ, usque in hanc horam, de tua benignitate suscepi, & quæ pro hoc momento temporis à Te suscipio. Pro iis denique, quæ usque in finem vitæ meæ, & per totam æternitatem sum accepturus, ex thesauris inexhaustæ liberalitatis. Ut est

*Satisfactorium.* Applico mihi satisfactionem huic sacrificio correspondentem si capax sum, sin minus, applico illi, qui me in hac vita in Christo diligit quam maximè, vel cui ego debeo plurimum in Deo, &c. Ut est

*Impetratorium.* Offero pro impetranda remissione omnium peccatorum, pro remotione impedimentorum salutis æternæ, atque peccandi occasionibus, tam remotis, quam proximis, internis, & externis. Denique pro impetranda gratia ita vivendi in posterum ab hoc momento, ut possim esse absque omni prorsus culpa, & absque obligatione pœnæ ullius temporalis, in hac vita, vel altera exsolvendæ. Pro impetranda puritate corporis & animæ tanta, ut ab omnibus actibus, etiam tantum materialiter malis, immeritoriis, tepide factis purificatum me, purissimus ille Dei oculus con-

O

tuea-



tueatur. Pro gratia ad universas virtutes consequendas, earumque usum, & exercitium continuum. Pro promptitudine correspondendi Divinis inspirationibus, in quacunque materia difficili, & sensualitati repugnanti, proque dono singulari, discernendorum spirituum, in me, & in aliis, pro impetrandis congruis auxiliis, Spiritus Sancti donis, ad Sacramentum poenitentiae, prudenter, patienter, assidue, libenter, avidè, fructuosè, humiliter, ministrandum, & ad Eucharistiae Sacramentum, Missaeque Sacrificium obeundum, pro habendis, cognoscendis, arripiendis, investigandis occasionibus merendi de animarum salute, utque ad me dirigantur animae quam proximè egentes, & auxilio spirituali destitutæ, ut egreas possim efficaciter juvare, pro impetrando dono, opportunè ad indigentiam eorum cum quibus converſor colloquendi, & pro dono concionandi huiusmodi, ut ab omnibus bene intelligi, libenter audiri, cordaque hominum ad obtemperandum inspiranti Deo, efficaciter promovere possim. Pro gratia integri habendi usus rationis, & sensuum in hora mortis, ut in illo extremæ vitæ puncto, super omnia diligam Creatorem meum, super omnia aſtimem, super omnia cupiam, & ex iisdem motivis, dolendo intensissime de peccatis, in manus JESU Spiritum meum tradam. Denique offero in impetrationem eorum omnium, quæ Divina bonitas mihi concedere disposuit, & ordinavit, ita ut illa vult, quia vult, quando vult, quantum vult, & cum quibus circumstantiis, conditionibus, gradibusque vult, Fiat, fiat, fiat.

§. IX.

*Sacrum pro vivente, cui totam latitudinem  
Sacrificii applicas.*

**O** Beatissima Trinitas Deus meus, ecce oblaturus  
venio incruentum Sacrificium veri Dei Hominis,  
verè, realiter, substantialiterque præsentis. Quod ut est  
*Adoratorium.* Offero Tibi, in exhibitionem su-  
premi cultus Adoratorii, nomine quidem omnium  
eorum, qui unquam id à me petierunt, & ego promisi,  
sed in particulari, nomine hujus, pro quo nunc Sacrifi-  
cium offerre intendo. Ut est

*Gratiarum actorium.* Ago gratias hoc Sacrificio,  
pro omnibus beneficiis, ac si hic à me singula recense-  
rentur, isti homini, pro quo sacrificio præstitis, & in  
particulari, pro illo beneficio, pro quo ille nunquam,  
vel raro Tibi gratias egit, aut pro illo, quod primum  
post hoc sacrificium, quodcumque illud sit, accepturus  
est, maximè autem pro supernaturalibus. Ut est

*Satisfactorium.* Ex opere operato & operantis in  
persona Christi & mea, applico illi eandem satisfactio-  
nem huic sacrificio respondentem, si illius est capax,  
alioque applico illi, qui in hac Provincia, Collegio, Do-  
mo, loco, Decanatu, est capacissimus, applico mihi &c.  
Ut est

*Impetratorium.* Offero istud Sacrificium, in im-  
petitionem ejus rei, primum quidem spiritualis, dein-  
de temporalis, quâ is potissimum, juxta Tuum bene-  
placitum eget, quamque sibi, hic, & nunc vult, aut vel-  
let, quam Tu ex Tua misericordia, respectu hujus sacri-  
ficii, confer si vis, quia vis, ad gloriam Tuam, ad salu-  
tem ejus, Amen.

## CAPUT X.

Exercitium Latreuticum & Eucharisticum divisum in solenniora festa. P. M.  
R. P. Gasparis Druzicki ex M. S.

## §. I.

*Pro die beatissimæ Virginis conceptæ ac  
natæ.*

## IN PRIMA PARTE PRÆPARATIONIS.

**P**rimo sit Intentio communis. Ego volo celebrare Missam & conficere corpus &c.

2. Intentio privata.

3. Examen conscientiæ, & Actus Contritionis.

4. Memento vivorum & mortuorum. Nota. Hæc præparatio præcedit quodlibet Sacrum sequens.

## IN SECUNDA PARTE.

1. **C**onfiteberis immaculatum Virginis Conceptum, gloriosamque Nativitatem, illique gratulaberis.  
2. Laudabis Deum, qui illam in ortu suo, tantis donis ornavit. 3. Gratulaberis Deo talem Filiam, Matrem, Sponsam. 4. Petes tibi, & aliis, varia dona per Conceptionem B. V. 5. Ut hæc omnia rata sint, adjunges Sacrificium.

## PRAXIS.

**P**retiosissimæ Dei Parentis MARIÆ Virginis immaculatissimam Conceptionem, & gloriosissimam Nati-

Nativitatem, corde, & ore cerebro. Concepta enim, & nata est, Rosa sine spinis, lux sine tenebris, Filia gratiæ, arca Dei tota aurea, Innocentiæ Primogenita, Originalis iustitiæ hæres, creatura semper amabilis, semper amica, tota pulchra, tota sine macula, nunquam mobilis, gratiæ fundamentum.

Concepta & nata est humana Creatura, hominum filia, sine originali noxa, in originali gratia, pro primo instanti exortus sui sancta, gratiosa, atque Dei amica, concepta est & nata in sanctificatione gratiæ, cum rationis perfecto usu, cum plenitudine donorum, cum consummatione virtutum. Digna Deo, Dei Mater futura.

Gratulor Tibi, ô pretiosissima Creatura, ô Mater admirabilis, illam omnem (quam Deus solus dare voluit, Tu sola capere potuisti) abyssum gratiarum, quâ pro omni existentia Tuâ puncto impleta es. O superfelix creatura, ô supereminens cunctis post Deum Virgo. Vellem capacitatem cordis mei millicies, milliesque amplius dilatari, tantummodo, ut possim aliquantulum dignè Deo, dignè Te, gratulari & congaudere Tibi, illud instans ortus Tui superadmirabilis in mundum. O quis poterit? O quis mihi det dignè cogitare diem ortus Tui, Virgo pretiosis omnibus pretiosior! Exaltata est, & elevata hæc scientia tuæ Conceptionis ac Nativitatis super me, & non potero ad eam. Nempe, Tu Magnifice atque Magnipotens Domine Deus noster, fecisti Tibi hanc creaturam, Virginem MARIAM, ex millibus electam, ex thesauris magnificorum Tuorum operum singulariter expromptam, parem Sapientiæ Tuæ, congruam bonitati, aptam omnipotentia, condignam dignitati. Tua illi purissima Essentia immaculatam dedit substantiam, Tuus intellectus, rationis usum, Tua voluntas liberam, plenamque, ac immobilem ad te voluntatis conversionem, & adhesionem. Tua charitas dedit



illi incessabilem per totam vitam Tui amorem. Tua  
 Autoritas potestatem, potentia operationem, scientia,  
 omnem cognitionem ac scientiam. Restitudo ac  
 Veritas, immutabilem circa te constantiam. Incorruptio  
 Virginitatem, Fœcunditas Maternitatem, Dignitas  
 creaturis omnibus altiore excellentiam perfectionis,  
 plenitudo æternam humilitatem. Et quid mirum,  
 quod hæc omnia contulerit Divinissima liberalitas Tua  
 in hanc Virgunculam, cum etiam Tu ô Domine, in eandem  
 contuleris, Divinitatis Tuæ pignus, & medullam.  
 Quomodo ad illam, in conceptione natalique suo exornandam,  
 non se tota Divinitas effudisset, quæ Matrem  
 Divinitati suæ exornabat. Sis in æternum benedicta,  
 & exaltata ô Sanctissima Trinitas, Deus meus, quoniam  
 dignam Te Matrem, Tibi concipi, & nasci faciens, dignissimis  
 illam, & Tibi plenè complacitis donis, exornasti.  
 Gratulor quidem ex toto corde meo pretiosissimæ  
 isti Creaturæ, omnia illi dona Tua, sed & Tibi, ô  
 Deus dignissime, totis medullis meis congaudeo, quod  
 istam eandem creaturam, id est Virginem Mariam, dignum  
 Majestati Tuæ habitaculum, in primo exortus  
 ejus instanti, apparere dignatus es. Verè ô Domine,  
 quæcunque in Virgine hac fecisti, in Magnificencia Tua  
 fecisti, sed non mirum, quoniam & propter Magnificenciam  
 Tuam fecisti. Tibi ô Pater æterne formabas Filiam,  
 Tibi ô Verbum, formabas Matrem, Tibi ô S. Spiritus  
 ornabas sponsam. Sis ergo benedictus ab omni  
 creatura, irrationali, simul & rationali, sis benedictus ab  
 hac pretiosissima Creatura Tua Virgine Maria, ad creandum  
 Te, à Te instituta, sis benedictus à Tua, & perfectionum  
 plenitudine, & perfectissima Divinitate. Nobis autem  
 creaturis pauperculis, Genitricis tuæ servulis  
 indignis, propter hanc ejus immaculatissimam concep-  
 ptio-

ptionem, & propter gratiarum Tuarum, qua illa sedes  
Tua rationalis parata est, Tibi ex tunc infinitam copio-  
sitatem, propter punctum illud conceptionis ejus, &  
Nativitatis felicissimum, ostende Domine misericordi-  
am Tuam, & effunde super nos, per illam dignissimam  
Matrem Tuam, copiosum imbrem, omnigenæ nobis  
necessariæ gratiæ Tuæ. Da nobis Domine, ut ab hac  
hora, immaculati coram Te facti, pro tota vita nostra,  
sine obligatione culpæ & pœnæ, Tibi famulemur. Da  
nobis, ut per omnia vitæ nostræ momenta, assidue in  
gratiæ Tuæ præsiidiis versemur, proficiamus, & perse-  
veremus, usque ad mortem. Da nobis, ut sanctissi-  
mæ Genitricis Tuæ, pretiosissimæ Parentis nostræ,  
per omnia, devoti, & addicti simus, ejusque Hæreditas  
effecti, ab ea ex nunc, in omnem æternitatem possidea-  
mur, excolemur, benedicamur, actandem, Tibi supre-  
mo, & absoluto omnium Hæredi, atque Domino con-  
signemur. Quæ desideria, vota que nostra, ut tanto ma-  
gis dignissimis oculis Tuis complacent, ornamus illa  
gratis Tuis, ornamus pretiosissimæ hujus Virginis  
meritis, omnibus quidem, at præcipuè conceptionis &  
Nativitatis suæ. Ornamus sanctissima Jesu Christi  
Tui, & Virginis hujus Filii conversatione, atque passi-  
one. Ornamus insuper Tua paterna, suavi miseratio-  
ne. Omnibus autem istis adjungo in præsentem, mu-  
nus hoc Sanctissimi Sacrificii, atque Sacramenti, quod  
ex Theandrica DEI HOMINIS JESU CHRISTI  
confecturus accedo Humanitate. Accepta illud  
ô Sacrosancta Trinitas, DEUS meus, de manu  
vilitatis meæ, cum meritis immaculatisimè con-  
ceptæ ac natæ Virginis Mariæ, propter dignitatem verbi,  
ad purissimum suavisimumq; gustum Majestatis tuæ,

Tibi per Virginem Matrem, per Hominem Deum,  
à me, & ab omni creatura, sit æterna gloria, Amen.

*In tertia Parte.*

**I**Nvocabis omnes Sanctos Immaculatæ conceptionis  
zelatores, & amatores, JESUM CHRISTUM, sum-  
mum Sacerdotem &c. Ut infra.

*Affectus totius Sacri.*

**I**N unione illius Divinissimi affectus, quem SS. Tri-  
nitas habuit, & ab æterno prædestinans, & in tem-  
pore faciens, immaculatissimè concipi ac nasci æterni  
Verbi Matrem. Offeres hoc Sacrificium Sanctissimæ  
Trinitati, ad illum ipsum gustum, quem illa in præde-  
stinatione & conceptione Nativitateque Virginis ha-  
buit, quemque ipsa Virgo concepta & nata, in primo  
sux ad Deum conversionis actu, Deo exhibuit.

*Affectus in Consecratione.*

**Q**uo suo gustu Verbum æternum matrem suam  
concipi, nascique fecit & vidit, ad eundem tu gu-  
stum ejusdem Verbi, Humanitatem in speciebus istis  
coll. pi & formari, per verba tua fac.

*Affectus in Elevatione.*

**Q**uam alte Deus extulit pretiosissimam Parentem  
supra omnem puram creaturarum in ejus exortu,  
tam alte tu supra ipsam pretiosissimam Parentem, ex-  
altare contende, & exaltari desidera Deum, olim de  
hac Virgine conceptum, & nunc sub his speciebus  
contentum.

*Affectus in Communionem.*

**Q**uanto desiderio Deus Virginem exortam desti-  
navit sibi in Matrem, omnemque ejus tam sub-  
stantiam, quam vitam, & vitæ actionem sibi absorbit  
& consignavit. Et vicissim, qua affectus plenitudine,  
totam

totam se Virgo Deo in omnem usum obsequiumque, primo sui exortus instanti, consecravit ac devovit, eadem tu sanctissimum Sacramentum sume, cupiens, eadem plenitudine in Deum transfundi, qua hæc Virgo, à primo ortus sui instanti, transfusa in Dei possessionem ac hæreditatem fuit. Deinde Virgini infantulæ, recens conceptæ ac natæ, in conspectu Sanctissimæ Trinitatis, in Sacramento cum Christi Humanitate latentis & præsentis, offeres te ipsum totum, & trades in hæreditatem & possessionem æternam, eo modo, quo infantulis donaria offerri solent, atque tu, in hujus tui donarii oblatione, omnes creaturas reliquas, tam tempore, quam affectu, præcedere curabis.

*Modus tradendi se in Hæreditatem pretiosissimæ Parentis.*

Parens pretiosissima, Virgo MARIA, mihi omni re & spe, post Deum pretiosior. Ego N. in conspectu Sanctissimæ & Augustissimæ Trinitatis, eligo Te, die hodierna, & assumo in Dominam, in Possessorem, in Hæredem meam plenipotentissimam, absolutissimam & omnimodam, quocirca omni meo juri, quod in me habui aliquando, aut habeo, ex nunc renuntio, ac totum illud, in te transfundo, meque quantus quantus sum, cum omnibus ad me quovis modo pertinentibus, tibi in æternum transcribo, ac de manu in manum trado. Accipe ergo me pretiosissima Mater in Filium, in mancipium, in Regnum, in Hæreditatem tuam. Tracta me tanquam possessionem tuam. Tuere me tanquam hæreditatem tuam. Obtine & posside me, tanquam jus, rem, proprietatemque tuam, sim tuus omni jure, omni titulo, omni proprietate, cujus creatura in Creaturam



(salvo Dei Dominio) capax est, ut hac ratione, ego quidem sim Hæreditas tua, tu verò sis Hæres mea plenipotentissima: Sitque hoc mihi inter creaturas omnes Synbolum, stemma, nomen, quod sim hæreditas Mariæ, & quod Maria sit hæres mea. Sic volo Virgo Patrensque pretiosissima, sic cupio coram serenissima æternumq; benedicta Trinitate, coram beatis Arch-Angelis Michaële, Gabriele & Raphaele, Angelo item meo Custode, & coram SS. Joachimo, Anna, Josepho, Joanne Baptista, Petro & Paulo, Joanne Evangelista, Ignatio &c. &c. & Curia cœlesti universa, ac creaturis omnibus, coram mea ipsius conscientia. Sic denique quantum possum, quantum mihi licet, in omnem æternitatem, dum ego homo, dum tu Dei Mater, dum Jesus Filius tuus, dum Deus erit Deus, Amen.

*Benedices Deum immaculatæ Conceptionis  
Autorem, tradique te ab eo pretiosissime  
Parenti in hæreditatem petes.*

**D**Eus omnipotens, Deus magne, Deus admirabilis, Deus solus, Deus ineffabilis, Deus super omnem legem atque potentiam, Deus cujus voluntas ratio est, cujus velle æquitas est, cujus placitum opus est. Qui facis lumen, & auroram, & diem, qui facis lumen in tenebris, absque tenebris. Cui possibilia sunt omnia quævis. Qui sub lege non es, sed ipsa Lex es. Cui nemo potest dicere: Quare hoc? quare illud? Cur ita facis? Te magnifico, exalto, adoro, laudo, glorifico, benedico, pro sanctissima, purissima, laudatissima, pretiosissima Virgine MARIA, quam immaculatissime concipi atque nasci, licet generis nostri filiam, omni-  
poten-

potenti tuo imperio jussisti, arbitrio decrevistī, consilio fecisti. Elegisti illam velut rosam de spinis, velut stellam de tenebris, velut gemmam de luto facis, velut purum aurum de vilibus metallis. Formasti illam Matrem & Genitricem tibi, & ideo nihil illi puritatis, nihil integritatis, nihil innocentiae, nihil gratiae, nihil decoris, nihil speciei, nihil privilegii denegasti, quia te in illa, illam propter te honorasti, & ornasti. Non debuit, nec potuit illa esse sub lege, quae Legislatoris Mater esse potuit ac debuit. Non decuit illam carere gratia, quae parere & proferre, omnibus debuit gratiam. Nec dignum erat eam mori in limine vitae, quae omnibus paritura erat Vitam, omnibus pervenientibus ad vitam. Et quomodo illa esset Mater Dei, quae aliquando fuisset captiva Diaboli, serva peccati, hostis Dei? Fuit hoc ô Magnifice atque magnipotens Deus generositatis tuae, talem Matrem, aut non habere, aut non permittere. Fuit hoc ô sapientissime atque consultissime Deus providentiae tuae, talis, ne tua Mater esset, cavere ac facere. Fuit hoc ô Eminentissime Amplissimeque DEUS dignitatis tuae, talem Matrem tuam esse non dignari. Fecisti ergo Matrem tibi, fecisti complacitam generosae indoli tuae, fecisti electam à Sapientia tua, fecisti condignam dignitati tuae. Suavis Providentia tua, in illa corruptionis Adamiticae Massa, sicut designavit partem naturae nostrae, in qua nascereris, ita segregavit & aliam, de qua nascendo in mundum hunc, & inter nos progredere. Neque enim minus hoc tibi, quam illud licebat, neque illud tibi quam hoc facilius erat, neque magis illud, quam hoc, Majestatem tuam addecebat, neque denique minus hoc, quam illud Sapientiae tuae ab aeterno succurrebat.

Itaque,

Itaque ab æterno, quod ordinasti, hoc in tempore factum est. Mater tua, te, sine omni corruptione conceptura, sine omni macula concepta est, futura omni expers culpæ propriæ, non est facta etiam particeps culpæ alienæ, Caput serpentis calcaneo contritura, læsum intactumque à spiculo serpentis calcaneum servavit. Denique lapso generi suo subventura, cum labente lapsa non est, sed illo adhuc stante, ad subsidium ruinæ illius, ut stare, semper destinata est. Magna hæc sunt, & mira opera tua, Domine Deus, magna & mira in Matre tua, sed illis hæc magna sunt & mira, quibus aliquid est in Matre tua non mirum: cæterum quibus omnia in Matre tua mirabilia sunt, hæc in ea mira non sunt, quia vel similia omnibus sunt, vel minora etiam aliis, quæ in ea reperiuntur. Sed enim in illo miraculorum abyssu, in illo miraculorum tuorum omnium miraculosissimo Miraculo, in illo miraculorum compendio, omnia sint mira, omnia miracula, omnia miraculosissima, & ideo nihil in ea est mirum, quia nihil est in ea non mirum. Potius mirum esset, Te Deum in omnibus creaturis mirum, in sola Matre tua talem esse, ut in aliis quidem mirum, in aliis verò donis tuis, inveniremus Te non mirum. Vere mirabilis es tu Domine, & quidem ubique, at præcipue facies tua est plena gratiarum, plena miraculorum, illa tua facies, illa facierum princeps, illa archetypa facies & imago, omnis reliquæ creaturæ faciei, plena, plenissima, superplenissima est gratiarum. In ipsa facie, in ipsa fronte, in ipso frontispicio existentia & generationis suæ, plena est gratiarum tuarum. O Domine Deus! cui miraculorum tuorum Principi, Primogenitæ omnis creaturæ exercitio potentia tuæ, ludo sapientia tuæ, thesauro bonitatis tuæ, officinæ charitatis tuæ, throno dignitatis tuæ, speculo perfectionum tuarum, omnium desiderata-

derabilium tuorum, summæ gratiarum tuarum, omni creaturæ communium compendio, Virgini Matri Mariæ hodie conceptæ & natæ, omnem conceptionis gratiam, omnem nativitatis prærogativam, omnemque tui in eam propensionis affectum, tota latitudine affectus mei, ac planè toto me, gratulor. Teque Deum Authorem & Originem, in ejus conceptione ac nativitate agnosco, amo, laudo, adoro, benedico. Non quantum possum, quid enim est hoc, sed quantum Maria, vel potest, vel digna est, ac insuper, si possem, quantum te decet, atque tu dignus es, omnibus dignissimus Deus. Tu Domine per omnem dignitatem tuam, cujus causa, supra omnem dignitatem, Mariam dignificasti, per omnem Mariæ prærogativam, ac præcipuè per immaculatæ Conceptionis Nativitatisque gratiam, per omnem etiam meum, (quantilluscunque is est, & cupio esse, quovis creato majorem) in Virginem Meriam, inque conceptionis ejus ac Nativitatis honorem, propter te affectum, me creaturam tuam minimam postremamque, auræ tuæ particulam, huic Genitrici tuæ immaculatè conceptæ ac natæ, in Dominium, in possessionem, in hæreditatem, omni jure & modo, pro omni tempore & æternitate trade, eamque Dominam meam, possessorem, hæredem æternam, absolutamque esse fac, & jube. Hoc à Te, Deo meo, tam peto, quam tu Mariam Virginem immaculatè concipi ac nasci, & Matrem tuam esse voluisti, ac te, à nobis, in ea, & per eam agnosci, amari, laudari benedicique vis & voles in æternum, dum illa Mater tua, dum tu Filius ejus eris, tibi Deo, Virginis Filio, omnis gloria, omnis honor, omnis adoratio, ab omni creatura, & nunc & semper, Amen.

*Affe-*



*Affectus circa Conceptionis & Nativitatis mysterium.*

**P**retiosissima Parens MARIA, credo & confiteor te immaculatè esse conceptam & natam, omni gratia plenam.

Amo te immaculatissimè conceptam & natam.

Opto ex tota mente mea, te credi, amarique ab omnibus, immaculatè conceptam & gloriosissimè natam.

Gratulor tibi tota exultatione cordis mei, immaculatam conceptionem, gloriosissimamque Nativitatem tuam.

Gaudeo ex totis visceribus meis, quod sis immaculatè concepta & gloriosissima nata.

Gaudeo majore gaudio, quàm Angeli, quàm Arch-Angeli, quàm Virtutes &c. de tua immaculata Conceptione, lætissimaque nativitate.

De tua immaculata Conceptione gloriosaque Nativitate gaudeo, illà plenitudine gaudii, quā tu plenitudine gratiæ repleta es, in tua Conceptione & Nativitate.

Tuæ immaculatissimæ Conceptioni Nativitatuque, trado me servum & amatorem æternum.

Volo (&c. &c.) tota, totius mei jactura, defendere ac promovere honorem tuæ immaculatæ Conceptionis.

Parens pretiosissima MARIA, omnibus admirationibus, admiror tuam immaculatam Conceptionem gloriosissimamque Nativitatem.

Exalto tota capacitate mea immaculatam tuam Conceptionem &c.

Gratias ago Sanctissimæ Trinitati, Patri, Filio & Spiritui Sancto, pro tua immaculata Conceptione ac Nativitate.

Bene-

Benedicta sit Sanctissima Trinitas, Pater, Filius & Spiritus S. pro tua immaculata Conceptione, suavissimaq; in mundum Nativitate, & benedicti sint à te, à Filio tuo, à Sanctissima Trinitate, omnes, quicumque, quomodocunque, bene merentur de tua immaculata Conceptione, jucundissimaque Nativitate.

Parens pretiosissima, impetra omnibus Creaturis fidem, amorem, cultum tuæ immaculatissimæ Conceptionis, atque ex tuis infantilibus cunis, in omnes servulos tuos, primitias gratiarum tuarum disperge, in gloriam solennissimæ Nativitatis tuæ.

Adeste, & juvate me, omnes rationales Creaturæ, in fide, amore, exaltatione, immaculatissimæ Conceptionis, lætissimæque Nativitatis Matris dignissimi Dei nostri, Virginis MARIE &c. &c.

§. II.

*Pro diebus Adventus Incarnationisque  
Domini.*

**O** Beatisima Trinitas, Deus meus, ecce venio oblaturus incruentum Sacrificium veri Dei & Hominis, verè, realiter, substantialiterque præsentis. Quod ut est

*Adoratorium.* Offero inexplicitam Patriæ adorationem Sanctissimæ Trinitatis, per concomitantiam in utero Virginali, cum Verbo incarnato existentis. Inexplicitam adorationem Latricam, æterni Patris, Filium suum in uterum Virginis generantis, Filique Dei, tanquã primarii termini, assumptionis naturæ humanæ, Spiritus S. supervientis in Virginem, corpusq; Verbo, ex purissimis ejus sanguinibus efformantis. Inexplicitam adorationem Latricam ineffabilis compositi hujus, Deus-Homo. Inexplicitam adorationem Latricam  
Vir-

Virginis sanctissimæ ut Filio unitæ, & per modum unius, cum illo considerata. Offero inexplicitum Hyperdulæ cultum Virginis Mariæ, quam veram veri Dei-Hominis Genitricem, hoc sacrificio testari intendo. Offero inexplicitam dulæ adorationem, S. Gabrielis Archangeli, primi hujus arcani, ad terram Nuntii, tum etiam aliorum Sanctorum, huic mysterio singularius addictorum devotorumque. Offero injuratam confessionem eorum omnium, quæ de Verbi Incarnatione ex Virgine, credit S. Ecclesia, quæque Doctores ejus proponunt clarius, quæ denique Theologi probabilius ad Verbi incarnati, ejusque Matris honorem deducunt, ac Comprehensores in verbo intuitivè vident. Offero in detestationem, reprobationemque errorum, hæresum, blasphemiarum, quæcunque unquam in Ecclesia fuerunt circa hoc mysterium, quarum omnium memoriam, nec in libris vellem existere, nisi eæ veritatis firmitati servirent. Offero in protestationem abyssalis Reverentiæ illius Infantis, quo Verbum assumptum corpus & animam inter se unita, ad componendam individuum naturam humanam. Ut est

*Gratiarum ælorium.* Offero in gratiarum actionem, pro Decreto Redemptionis Humanæ, à Sanctissima Trinitate factò, idque per Incarnationem Verbi æterni. Pro eo, quod Filius Dei executionem decreti in se suscepit, seque ad omnes & singulas dignationibus plenissimas circumstantias submiserit. Pro eo, quod Deus Verbum, suscepturus hominem, non horrerit Virginis uterum, sed eum novem mensibus, diebus ducentis septuaginta sex, inhabitare dignatus sit, similis per omnia infantibus reliquis effectus. Pro tota serie & recollectione gratiarum, SS. Virgini, & ex opere operato collatarum, toto illo tempore, gestationis Filii Dei in utero. Pro eo, quod post Deum-Hominem

nem

nem factum creatus sim, in eaque temporis plenitudine, in qua Deus misit Filium suum, factum sub lege, factum ex muliere, ac natum de Virgine, in terras. Ut est

*Impetratorium.* Offero sacrificium hoc, Tibi ô SS. Trinitas, in impetrationem vivacissimæ fidei, firmissimæ spei, ardentissimæ charitatis, in Verbum incarnatum, CHRISTUM JESUM, MARIÆ filium. In impetrationem specialium illuminationum, & inflammationum in Ecclesia, ad hoc mysterium, clarius & affectuosius proponendum, fidelibus. In impetrationem, ne fructus, & efficacia Incarnationis, peccatis fidelium, Sacerdotum, evacuentur in me, & in meis, meæque curæ commissis, sive per gubernationem, sive per Sacramentum Pœnitentiæ, sive per amicitiam, sive quovis alio modo. Ut est

*Satisfactorium.* Offero sacrificium istud, in satisfactionem pro omnibus, in Verbum incarnatum ingratitudinibus, à me, à tota fidelium, infideliumque universitate, commissis. Pro omnibus quoque irreverentiis, negligentis, distractionibus culpabilibus, quas unquam in tanti acceptatione beneficii, commisi.

### *Affectus totius Sacri.*

**V**Olo per totum Sacrum manere in continua replicatione actuum jam prædictorum, & habitorum ante Sacrum, extendendo, atque intendendo illam, à primæ à prima litera, ad ultimam, à primo motu corporis, animæ, partium, & potentiarum ejus, usque ad ultimum, in atomico incremento fervoris, per proportionem, millies, milliesque majorem, ac majorem.

### *Ante consecrationem.*

**Q**uo affectu Gabriel Archangelus procuravit, impetravit, inscripsit Deo incarnando hospitium, in utero Virginis, & quo affectu, eadem Virgo eidem

P

Deo



Deo concessit, obtulit &c. eodem affectu, & ego Tibi Deo meo, Verbo incarnato, sub his speciebus manñonem procuro, inferibo, exhibeo, offero ad & per innovationem actionis Incarnativæ illius, qua Homo factus es in utero, ut fias etiam sub speciebus istis. O Virtus Altissimi, obumbra mihi. In tua enim persona, intentione, instituto, profero verba, ut incarneris hic, per ea &c.

*Ad Ele-vattonem.*

**V**erbum caro factum, habita sub speciebus istis Panis & Vini, plenum gratiæ, & veritatis.

*Ad Communionem.*

**V**ili specierum Sacramentalium hospitio exceptus mihi JESTI, multa viliori excipere nunc & mi Deus, tu. ne intrabis viscera animæ corporisque mei? An ais sine modo, sic enim decet explete omnem justitiam, omnem humilitatem, omnem dignationem. An addis: Quid ad te? Tu me recipe, Tu me excipe, tu me manduca. O Domine: ecce anima mea ancilla Tua, fiat ei, fiat mihi, secundum Verbum Tuum, Amen. Veni Domine.

*Post Sacrum.*

**O** Sancte Archangele Gabriel, veni, & vide, quanta Deus fecit. Ecce impleta sunt, quæ dicta sunt mihi per te. Ecce gratiâ plenus sum. Dominus per Sacramentalem præsentiam mecum, benedictus sum inter homines. Jam non timeo, inveni enim gratiam apud Deum. Ecce concepì, peperì, sub speciebus Panis & Vini, per verba consecrationis, Filium, & vocatur nomen ejus JESUS, Emmanuel. Accepit jam sedem cordis mei, ah utinam regnet in domo mea in æternum,

& regni ejus non sit finis. Nolite mirari sancti Arch-  
Angeli, quod Deus-Homo ad hominem peccatorem  
diverterit, Spiritus enim Sanctus supervenit in me, &  
Virtus Altissimi obumbravit mihi. Ideoque & quod  
per verba consecrationis natum est, sanctum vocatur,  
Deus-Homo vocatur, latens & immolatus DEUS.  
Hunc, vos o Spiritus omnes coelestes, mecum agnosci-  
te, adorete, & confitemini, quia non est apud Deum  
impossibile omne verbum, non est difficile, in conspe-  
ctu Domini, ditari pauperem; Ecce enim, factum est  
mihi, secundum verbum Angeli sancti, Ecce Ver-  
bum caro factum, & habitat in nobis, & vidimus glori-  
am ejus, gloriam quasi Unigeniti a Patre, plenum gratiae  
& veritatis. Nunc autem, quid jam o sanctissime Ga-  
briel, quid faciam? quando in meis visceribus residet  
Deus Majestatis. Induc me, o Archangele sancte, in  
penitiora Verbi incarnati secreta, induc me, in misera-  
tiones ejus, amores, repera secretissima ejus, dignitatis,  
Dignationisque ejus mysteria. An forte obtupefa-  
ctus, sicut olim incarnato ex Virgine Verbo, haeres &  
ipse, remittis me ad eam, quae novem mensibus  
DEO gravida, & si non gravata, utique cognovit  
sensum DOMINI, utique instituet me, & deducet me  
dextera sua, in cellas vinarias Dilecti sui, & Verbi sui  
sancti, ex se Incarnati.

Ad te igitur, o sanctissimarum Sanctissima conver-  
tor, ad Te, o DEI Mater vera, accurro, repullam non  
passurus a Te, quia DOMINUS mecum. Com-  
patere illi, aut demirare illum, quod eo digna-  
tionis descenderit. Hoc scilicet, non mea, sed  
ejusmet factum voluntate, voluit per verba mea  
incarnari, factum est, voluit mecum concorpora-  
ri, factum est. Eapropter renuit consolari anima

mea, quia angustia mihi undiq; sunt, dum ignoro, quid faciam. Neque excludere possum à me Deum meum, neque digne possum excipere, atque tractare, tantum inhabitatorem cordis mei. Non dedignare ô Virgo Mater, immensorum tuorum meritorum adesse mihi suffragio, cui vides Filium Tuum corporari, adesse, & inesse, præsentia. Redde Filio Tuo desideria mea, meritis Tuis acceptiora, effice vota gratiora, effice vitam similiorem, & dulciorem, effice orationes, obsecrationes, obtestationes efficaciores, & validiores. O Verbum incarnatum Deus meus, per illud instans Incarnationis, & unionis animæ cum corpore, & hujus utriusque cum persona Divina Verbi, per illud inquam instans, in quo verum fuit dicere: Verbum caro factum est, & habitavit corporaliter in Virgine Maria. Obtestor, & obsecro, habita quoque in me per gratiam, & per Sacramentalem, amicabilemque præsentiam. Per illam parvitatem, in qua magnus Deus factus est, ad instar formicæ, in instanti Tux conceptionis. Parvus homo, fac me parvum in oculis omnis creaturæ, ac præcipue meis, sicut vere parvulus sum, in ipsa re, & in oculis Tuis. Per omnes dignationes Tuas, quibus in utero Virginis, Te super superque dignantissime subjecisti, ( ut est involvi membranis, umbilico nutrirî, per incrementa & intervalla temporum crescere, & omnes aliæ his similes dignationes, connexæque ) per has inquam obtestor Te, adimple, indue, imbue me excessu, vestitu, spiritu dignationum Tuarum internarum, externarumque, ut sciam has posteriores glorias Tuas, mihi abundantius circumdare. Per materna Matris Tux, in Te fovendo, nutriendo, gestando, merita, & obsequia: tracta me ut Tuum servilissimum, abjectissimumque mancipium. Per  
omnia

omnia illa desideria, intenta, decreta, quæ Deus-Homo, circa omnium quidem hominum, at præcipuè circa meam animam, inclusus in medioterræ, uteri Virginalis, habuisti, obsecro, exple illa quamprimum, & quam copiosissime, in animabus nostris, pro mensura beneplaciti Tui. Per applicationem efficacem Incarnationis Tuæ, prædestinatis Tuis, quam fecisti in instanti Conceptionis Tuæ, intuitus eos oculis Divinitatis Tuæ, & dixisti de eis. Ecce elegi vos, ut fructus Incarnationis meæ vos sitis, in æternum, fac me ultimum electorum Tuorum, liberque prædestinatorum retineat nomen meum, ut lauderis per me, etiam in hæreditate Tua sancta, inque electione mei, per omnes æternitates. Per influxum, quo in omnes actiones Matris Tuæ (maternas præcipuè) influebas, ita ut Virgo alter Tu, imò idem cum Matre dici posses, stilla super animam meam, desuper, plenitudine conchæ, imò maris istius Matris scilicet Tuæ **MARIÆ**.

Per omnes gradus gratiæ, & donorum, incipiendo à primo, quem Mariæ jam Matri Tuæ, actu factæ, intensivè & extensivè contulisti, usq; ad ultimum instans separationis Tuæ, ab ejus utero. Fac me unum de catellis, qui vescar cadentibus micis, de superbenedicta mensa Matris Tuæ. Denique, per omne id, quod Deus incarnate habes in Te, per omne id quod es, da mihi fidem, reverentiam, æstimationem, appretiationem, amorem Tui super omnia, propter Te ipsum, propter te ipsum, propter te ipsum, propter nomen Tuum, propter Matrem Tuam, propter Prædestinatos Tuos, propter Patrem Tuum, propter Spiritum Sanctum, respice, exaudi, miserere mei, ô Deus-Homo. O Homo-Deus, Amen.



## §. III.

*Pro diebus IESU CHRISTI Incarnati,  
ut nos indi-vinemur.*

## IN PRIMA PARTE PRÆPARATIONIS.

**F**let 1. Intentio Communis & ordinaria, 2. Intentio particularis & privata, 3. Actus contritionis.  
4. Memento,

## IN SECUNDA PARTE.

1. **F**let confessio Incarnationis, & gratiæ per eam.  
2. Postulabis gratiam Indivinationis, seu in Deum transformationis. 3. Exercebis actus Indivinationis.  
4. Offeres Sacrum ad eum finem.

DOMINE JESU CHRISTE, Fili Patris unice, qui Deus de Deo, cum esses, in terras, propter nos homines miseros, ac perditos, descendisti, atque Homo factus, inter homines vixisti, & passus pro nobis, victâ morte resurgens in cœlum, cum gloria ascendisti, ut nos, per Tuas hæc in vita nostra progressionem, ad filiorum Dei honorem, ad Divinitatis sanctificantem & beatificantem participationem adduceres, eximiam huic Tuæ in nos indignos charitati, ego redemptorum tuorum

tuorum postremus, gratias ago, meque Tibi, totius amoris, & servitutis debitorem esse, profiteor, ac recognosco. O quis mihi det Te, DOMINE mi, perfectè cognoscere, & æstimare, hoc immensum pondus, atque precium beneficentiæ, miserationis-que Tuæ super me, & super universum genus humanum, quod effudisti, quando occultata DEI forma, in qua æqualis eras, non per rapinam, sed per naturam DEO Patri, exinanivisti temetipsum, formam servi accipiens, in similitudinem hominum factus, & habitu inventus es ut homo. Quis det ô DOMINE, ut universæ familiæ gentium, agnoscant, amplectantur & adorent Te DEUM, propter se incarnatum, agnosco, & amplector, & adoro, & amo ego Te, pro omnibus, & singulis illis, illarumque nomine, officio, affectu, Tibi ab illis debito, Te exalto, ac Tibi gratias ago. O quis mihi det mi DOMINE per gratiam Tuam in Te transformari, & totaliter in Te transire posse, & Tui, quam maxima imitatione, quam ferventissima dilectione, quam purissima, & nudissima inhæsionis, intentionisque, ad Te unum, puritate, in Tui similitudinem transfigurari, Tuisque cœlestibus bonis (quantum creaturæ fas est) ita communicare, quemadmodum Tu de nostræ humanitatis miseriis, (quantum Majestati Tuæ fas erat) participare dignatus es? Et nunquid DOMINE aut voluntatis Tuæ non est, aut difficile Tibi est, talibus bonis locupletare pauperulam animam meam? certe, & Tu DEUS cum esses, factus es Homo, ideo, ut nos Divinitatis Tuæ efficeres participes: & in manu Tua, Pater, omnia reposuit, quæcunque ad

salutem, & sanctificationem servorum tuorum, pertinere possunt. Age igitur, ô Domine Redemptor mi, qui Deus meus, pro me es Homo factus, exaudi postulationem meam, & fac me tibi in Divinitatis moribus similem, sicut te voluisti mihi, in nostræ carnis miseriis, exhibere sodalem. Da Domine, ut communicem ego tecum bonum tuum, qui prior ideo communicasti mecum malum meum, ut mihi communicares bonum tuum. Exalta ad te vilitatem naturæ meæ, qui demisisti ad me Majestatem Divinitatis tuæ: fac me totum Divinum, & quasi indivinatum per gratiam tuam, tu qui factus es Deus incarnatus, & inhumanatus propter dilectionem meam. At enim tu Domine, audiens hanc balbutiē infantilis ignorantie meæ, derides audaciam meam, qui, quam non scio gratiam, à te postulare præsumo. Fateor mi JESU, me nihil aut scire, aut posse, aut habere sine te, sed tuum proprium munus esse, ut linguas infantium facias disertas. Non auscultas tu linguas, sed corda probas, nec ad strepitum verborum nostrorum attendis, sed radices desideriorum exaudis: Scis ergo quid velim, tu, qui omnia scis, & nosti quid petam, qui das ut petam. Neque tamen ego plane quid petam nescio, & si vix aliquid est quod scio, peto quod jubes, tu, da tu quod peto ego. Peto, ut amem te incessabiliter, immutabiliter, insatiabiliter. Peto ut perduto me, perditisque omnibus creaturis mihi, nihil videam, nihil quæram, nihil amem, nihil habeam, nihil gustem de me, aut de Creaturis omnibus, propter unum solum te, ut sis mihi omnia in omnibus, & omnia sint mihi in te, & sint mihi omnia tu ipse, obliviscar mei & rerum omnium, vivam vitam absconditam tecum, in te, & vivam ego, non ego, sed vivas tu in me. Sim ego tibi Dilecto meo, & ad me conversio tua. Quid istud sit, tu scis Domine, ego autem quod desi-

desidero, hoc peto, hoc autem desidero, quod tu me desiderare facis, quia omnia in nobis bona facis. O amare, ô ire, ô mihi & rebus omnibus creatis perire, ô ad te Deum solum, nudumque pervenire, in te transire, in te interire, effici unum tecum, non tantum idem volendo quod vis tu, sed etiam nihil aliud velle volendo, nisi quod vis tu. Istud est Deus meus, Jesu Christe, quod petunt omnia interiora mea, istud est pro quo suspirat tibi anima mea, istud est propter quod exinaniri atq; nihiliari, & in te demergi concupiscit & æstuat tota substantia mea. Exaudi ergo illam, & comple in ea voluntatem tuam, ut tota voluntas tua transmigret in eam, & illa vicissim tota transeat in voluntatem & voluptatem tuâ. Quamvis autem dona tua sint apud te, sine poenitentia, utpote, qui das omnibus affluenter, & non improperras, hæc tamen est natura liberalitatis tuæ, ut dans omnia omnibus gratis, deneges bona tua ingratis. Vis ergo gratias pro gratiis, imò & quandoque ante collatas gratias, acceptas relatas tibi grates, gaudens si debeas, & referas nobis gratiam pro gratia. Idcirco, ego nunc quod pretiosissimum habeo de manu tua in potestate mea, hoc tibi, pro hac Indivinationis, atque in te Deum meum transformationis gratia, offero, videlicet, temetipsum tibi, in sanctissimo sacrificio immolo, & sub panis atque vini speciebus, æterno Patri tuo, Deo & Domino meo consecro, teque totum cum Divinitate, corpore, anima, sanguine, in pignus, & in artificem hujus meæ transformationis accipere propono. O fiat mihi hoc Divinæ humanitatis tuæ Sacrificium, atque Sacramentum indivinationis meæ, in te, quam peto seminarium, inchoatio, fiat incrementum, fiat fructus, fiat complementum, quo tibi perfecte cruciformis effectus, in corpore & anima, plenè etiam sinceraque tibi semper inhæream charitate.



*In tertia Parte.*

**F**let 1. Invocatio Jesu Christi incarnati, ejusque Humanitatis indivinatæ. Invocatio B.M.V. indivinatæ & Sanctorum omnium, quos hac gratia dignatus est Deus. 2. Invocatio Christi Jesu summi Sacerdotis, Sacerdotum Regina & omnium Sanctorum Sacerdotum &c. ut adlint &c.

*Affectus totius Sacri.*

**D**esiderabis facere, & facies pro tuo posse Sacrum, eo affectu cordis, quo vel incarnatus est, vel in hoc Sacrificio, à semetipso oblatus est Jesus Christus.

Volo, mi dulcis Jesu, & statuo, te in hoc sanctissimo Sacrificio immolare, eo affectu, quo tu pro nobis, partim incarnatus, partim in cruce oblatus &c.

*In Consecratione.*

**I**nibus pactum cum Christo Domino, ut tu quidem per consecrationem illum incarnes, ille autem te per gratiam suam indivinet, atque in se transformet. Dulcissime Domine Jesu Christe, te ego hisce sub panis & vini speciebus incarnabo, & quod dabis mihi præmium? nihil volo, mi Deus, aliud, nisi ut sub his animæ corporisque mei speciebus, tu quoque me indivines, atque totum in te transformes, atque alterum te facias. Volo autem te incarnare ac immolare, in unione illius affectus, quo te Pater æternus sibi, tibi, Spiritui Sancto immolari voluit. Tuque te immolasti, atque & ego simultecum me immolo in Sacrificium plenum, per manus tuæ sanctissimæ Humanitatis, pretiosissimæ Virginis Parentis & Sanctorum omnium.

*In Elevatione Hostiæ.*

**O**stendes toti mundo Christum Deum, per tua verba incarnatum, & petes à Christo, ut etiam te Patri æterno ostendat, per suam gratiam indivinatum.

O m

O mi Jesu, ostendo ego te Creaturis tuis, per verba  
oris mei incarnatum, ostende tu me Patri tuo æterno,  
per tuam gratiam indivinatum.

*In Communione.*

Sumes sanctissimum Sacramentum, affectu & sensu  
transformatorio, atque absorptivo in Deum, per  
corpus & sanguinem Jesu Christi.

*Post Sacrum*

*Exercebis & petes Indivinationem.*

D Eus, qui pro salute mundi voluisti homo fieri de  
pretiosissima Parente Virgine Maria nasci, inter  
homines vivere, pati & mori: ego omnimodas, pro im-  
menso isto beneficio, Majestati tuæ, meo totiusque ge-  
neris humani nomine gratias ago, hancque supremam  
& excessivam dignationem tuam, tota affectionis tene-  
ritudine & æstimatione deosculor, suppliciter, à tua  
suavissima & æternum adoranda voluntate postulans, ut  
me vilissimum quamvis hominem, attamen, sic quoque  
servum tuum indivinationis gratia dignari, & Divini-  
tatis tuæ (quantum puræ creaturæ fas est) participem  
reddere, quàm maximè Divinum & Deiformem, & in  
te Deum transfiguratum facere digneris. Exuo dulci-  
sime deliciosissimeque Deus meus, omnem vilitatem &  
humanitatem meam, eamque ante te, & propter te, pe-  
nitens annihilò, totum autem me in te transfero, transfi-  
guro, transformo, totusque Divinus per gratiam tuam  
fieri, humillimè studiosissimèque concupisco. Mi Do-  
mine, qui das hominibus potestatem filios Dei fieri, to-  
tum me absorbe in te, ut ego jam non sim ego, sed to-  
tus fiam ipse tu. Omnis substantia mea redeat & per-  
eat in te, omnia opera mea, omnes potentie meæ in-  
divinentur & tuæ fiant.

Magnus

Magnus es, ô magnipotens Deus, & vix intellectui meo notum id quod peto, sed tu Domine major es in munificentia, à qua id ego peto, & ex cujus dono, impulsu atque voluntate id postulo. Domine, tu nosti, quia nullam in mea dignitate, diligentiaque spem ponens, sed de sola magna gratia tua præsumens, tantum donum à te petere audeo. Aperi ergo manum tuam liberalissimam, Domine Deus meus, & hoc animalculum tuum imple, magnifica, tua benedictione. Peto ego, quod jubes tu, da tu quod peto ego, tibi sit laus & gloria æterna, Amen.

*In particulari à Divinitate Christi petes  
hanc transformationem.*

**D**ulcissime Deus meus Jesu Christe, qui es independens, & à teipso, totum es id quod es: postulo per tuam istam independentiam, ut des mihi à nullo alio, præterquam à te ipso, totaliter, ab aliis autem nonnisi propter te, dependere. Dulcissime Deus meus JESU CHRISTE, qui es æternus, immortalis & incorruptibilis Deus: postulo per tuam istam æternitatem, ut des mihi vitam longam, ad agendum & patiendum, pro tua Divina gloria, pro mea & aliorum salute, gratia & multa. Dulcissime Deus meus Jesu Christe, qui es immensus, incomprehensibilis & infinitus Deus, desidero & postulo à tua ista immensitate, ut tu in omnibus locis & spatiis, & cordibus, prout dignus es, cognoscaris & amaris, & meo quidem, si tibi ita placet, ministerio. Eapropter, ego servus tuus, omnia loca, & res, animo meo complectens, te in omnibus & pro omnibus amo, veneror, cultuque divino adoro; pro omnibus autem peccatis, quæ alicubi facta sunt, vel fient, amo atque  
appre-

appretio, & æstimo te super omnia, per omnia, toto conatu mentis, virium & substantiæ, capacitatisque meæ.

Dulcissime Deus meus Jesu Christe, qui es omnipotens, infinitaque vi, effectus naturales & supernaturales, efficiendi præditus, postulo, per tuam istam omnipotentiam, ut mihi omnis generis, dona naturalia & supernaturalia dones, ita, ut possim esse, veluti quædam esca, aut rete, ad capiendos omnes, omnium statuum homines, ad tuumque proVectum, servitium & amorem adducendos. Dulcissime Deus meus Jesu Christe, qui es Bonitas infinita, & perfectionum plenitudo inexhausta, postulo à te, per tuam istam bonitatem, ut in toto me, & in omnibus actibus meis, nihil finas, nihil videas, nisi Bonitatem & perfectionem, faciasque me peragere omnes actiones meas liberas, sine imperfectionibus ac defectibus, propriisve meis commodis, sed propter te Deum meum solum, tanquam finem supernaturalem. Dulcissime Deus meus Jesu Christe, qui es Sapiëntia æterna & infinita, postulo per tuam istam Sapiëntiam, ut mihi des scientiam rerum illarum, quibus ego ad meam & aliorum instructionem egeo, postulo & donum consilii, prudentiæ, prophetiæ, discretionis Spirituum, & insuper intellectus ac sapiëntiæ, lumenque rationum æternarum. Dulcissime Deus meus Jesu Christe, qui es dignitas substantialis, postulo à te, per eminentissimam dignitatem tuam, ut facias me totaliter dignitatis tuæ æstimatorem & prædicatorem, corde, ore, opere quovis meo, utque utaris me ad exultandum dignitatem tuam, pro omni voluntate tua, & ad purum gustum tuum, propter nullum verò præmium meum. Dulcissime Deus meus Jesu Christe, qui es Filius Dei, Verbum Patris, & secunda persona in Divinitate, postulo à te, per hanc filiationem tuam Divinam, ut mihi tam copiose,

tam



tamque libenter communices, perfectiones naturales atque supernaturales gratiæ & gloriæ, quæ Filiis tuis adoptivis pro statu & captu illorum communicari possunt ac solent, quam libenter atque copiose Pater æternus tibi, totum suum esse communicavit. Dulcissime Deus meus Jesu Christe, qui es prima omnium causa, primumque principium, postulo à te, per hunc principatum tuum, ut sicut tu efficis omnia, & cum omni creatura ad actus suos concurre, huncque concursum ad te, tuamque gloriam, tanquam ad finem ordinas, sic facias, & me omnes & singulas actiones meas, actualiter ad te, & propter te ordinari, adeo perfecte ut nihil sit in actionibus meis directe vel indirecte, ad quod tu Deus, tanquam prima & vera causa, primario concurrere non possis.

*Ab Humanitate Christi idem petes.*

**D**ulcissime Deus meus Jesu Christe, postulo à te, per Humanitatem tuam, ut animæ meæ potentias, facias potentiis animæ tuæ quam simillimas, ita eas ordinando & ornando, prout potentiæ tuæ ordinatæ, & ornatæ erant, & ita illas, ad actus excitando, prout tu excitabas tuas. Dulcissime Deus meus Jesu Christe, postulo à te, per humanitatem tuam, ut omnes actus meos naturales, supernaturales, rationales & irracionales, liberos, non liberos, à corpore vel anima procedentes, nec non corporis ipsius partes atque animæ potentias, vires, commotiones, habitus, qualitates, totam denique temperiem, complexionem, naturam, capacitatemque meam, ita temperes & gubernes, prout ista omnia in te ipso moderaberis, ut hac ratione sim veluti quoddam exemplar indivinatæ Humanitatis tuæ, exprimendo omnes actiones meas internas & externas, simillime illi modo, quo illas tu Domine, qua Homo exprimebas &

exercebas. Dulcissime Deus meus, Jesu Christe, postulo à te, per Humanitatem tuam, ut mihi, quam maximum, quamque solidissimum, ac simul tenerimum affectum tribuas, ad tuam ipsius Humanitatem, quo illam tenere diligam, actionesque illius illuminate penetrem, & proxime exprimam. Dulcissime Deus meus Jesu Christe, postulo à te, per Humanitatem tuam, ut mihi quam frequentissime ac copiosissime meritorum tuorum fructus applies, gratias congruas & crebras à Patre æterno impetres, tuorum mihi meritorum, imprimis verò sanguinis ac dolorum, pro nobis susceptorum, æstimationem concedas, quo pretium sanguinis tui & in me, & in proximorum meorum animabus, digne æstimare, conservare, ad efficaciam suam, fructumque perducere, quantum in me est, te dante, studeam & valeam, Amen.

### *Aspirationes.*

**O** Simplicissimum atque jucundissimum bonum, quando te inveniam, & quando tibi tenacissime adhærebo. O desiderabile Principium meum, quando in te revertar, & deposita veteri forma, supernaturaliter transformabor. Eja Domine, miserere mei vilissimi peccatoris, emunda & sanctifica cor meum, subleva & illumina mentem meam. Accende & penitus concrema me, igne amoris tui, ut anima mea tota liquefacta effluat in te, tibi que sine medio uniatur, ad laudem nominis tui. O Fili Dei vivi, Jesu Christe, conforma me sacræ Humanitati tuæ &c. &c.

### *§. I V.*

*Die sacra Iesu Christo in mundum nascenti.*

*In I. Parte Preparationis, ut supra.*

### *II. Pars Preparationis.*

**C**ontinebit hæc meditationem de Christo nascente in mundum, cujus hæc capita erunt;

i. Con-

1. Confiteberis Nativitatem Dei - Hominis Jesu Christi.
2. Magnitudinem hujus mysterii expendes & miraberis.
3. Fructum ejusdem recoles & prædicabis.
4. Ad Jesum parvulum, variis affectibus afficeris,
5. Ab eodem per Natalis ejus dignationes quævis postulabis.
6. Puro gustui Verbi, Patris, Spiritus S. hodierna Sacra offeres.

### PRAXIS.

**J**ESUS CHRISTUS Dei Filius, in Bethleem Judæ nascitur; Nascitur ex homine, qui nascitur & natus est ex Deo. Nascitur ex Virgine Matre, qui nascitur ex Deo Patre. Nascitur in tempore, qui nascitur in æternitate. Nascitur infans, qui natus est Verbum. Nascitur abbreviatum Verbum, cœlum implens & terram. Nascitur parvulus, cujus magnitudinis non est finis. Nascitur in mundum, per quem factus est mundus. Jesus Christus Filius Dei nascitur in Bethleem Judæ, Dominus venit, occurrere illi, dicentes: Magnum Principium, & regni ejus non erit finis, Deus, Fortis, Dominator, Princeps pacis, Alleluja. Audite gentes, & annuntiate hoc, in universa terra; Jesus Christus Filius Dei, nascitur in Bethleem Judæ. Attendite populi de longe; Jesus Christus Filius Dei, nascitur in Bethleem Judæ. Magnum principium. O quam magnum principium, Jesus Christus nascitur in Bethleem Judæ. Dicite vos ô cœlestes Angelorum exercitus, quam magnum sit hoc principium, Jesus Christus Filius Dei. Nascitur in Bethleem Judæ, vos enim audivimus canentes; Gloria in excelsis Deo, & in terra Pax hominibus bonæ voluntatis. Magnum principium, hoc est,

est, an aliud expectamus. An illud est hoc magnum principium, in quo Deus creavit cælum, & terram, & omnia, quæ in eis sunt, & in quo omnia constant? An illud est hoc magnum Principium, quod cum sit principium, simul est etiam finis, estque Principium & Finis, Alpha & Omega. An illud est hoc magnum Principium, in quo erat, imò quod erat. Verbum, quod Verbum Deus erat, & in principio apud Deum erat, per quod omnia facta sunt, & sine quo factum est nihil, quod factum est, & in quo vita erat: quod deinde caro factum est, & habitat ecce in nobis, & videmus gloriam ejus, gloriam quasi Unigeniti à Patre, plenum gratiæ & veritatis?

An illud est hoc magnum Principium, quod omnium est Principium, sine quo nullum est Principium, cujus nullum est principium, sed ipsum est Principium: & ex quo est omne aliud principium, quodcumque est cujuslibet Principium. O vere magnum Principium! cujus finis non est, sed ipsum est finis omnium, vere magnum Principium! quia est Principium, & magnum Principium, omnia enim alia Principia, si quæ sunt, media potius, quam principia sunt, quia non prima sunt, sed post alia, & ab aliis prioribus sunt, & ideo non vera Principia sunt, & esto, ut principia sint, magna non sunt, sed omni cujusque rei principium parvum est, unde enim grave est, quia infirmum, quia tale, quod neque se ipsum sustinere potest. Hoc verè Principium est, & magnum est, quod & ante omnia est, & in principio omnium est, & Principium omnium est, & ideo verè verumque est, & Principium, & magnum, & solum, & verè igitur magnum Principium est hoc! JESUS CHRISTUS Dei Filius nascitur in Bethlehem Judæ. Sed enim, quomodo hoc magnum Principium, quod



in mundo non invenit locum, quod in propria veniens, non reperit hospitium, quod de cœlis descendens, intravit primum Virginalis visceris ergastulum; deinde nostri corporis circumdedit sibi claustrum, tandem in mundo nascens, solum sibi relictum invenit, cum præsepi stabulum. O magnum Principium! quod vagit infans, intra arcta conditus præsepia, cujus membrapannis involuta, Virgo Mater alligat, qui pendulus ab ubere, parvo lacte pascitur. Ergone magnum Principium hoc? Deus Homo, Verbum infans, æternitas temporalis, vita mortalis, imbecilla omnipotentia, Dominator serviens, conditor mundi, incola stabuli, cœlorum latitia, fundens lachrymas, Immensitas abbreviata, Dignitas contempta, majestas exinanita, Forma Dei in formam servi transmutata. Hoccine ergo magnum Principium? Hoc utique magnum principium esse, attestatur verax de cœlo nuntius, dicens: Ecce evangelizo gaudium magnum quod erit omni populo, quia natus est vobis hodie Salvator mundi, qui est Christus Dominus, & hoc vobis signum: Invenietis infantem in præsepio positum, ecce infans in præsepio & magnum principium, magnum inquam gaudium toti populo suffecturum, quia natus est Salvator mundi, qui est Jesus Christus Filius Dei, qui nascitur in Bethleem Juda. O quam magnum principium Salvator mundi, quid majus salute, quid majus Salvatore? quid majus Salvatore mundi? Ecce hodie melliflui facti sunt cœli per totum mundum, quia annuntiaverunt mundo gaudium adeò magnum, quod erit omni populo, quia natus est Salvator mundi, qui est Christus Dominus. Benedicti cœli estote, & Tu benedictus sis ô Rex cœlorum, & DEUS totius consolationis, qui consolatus es nos, faciens nobis mellifluos cœlos per totum mundum, Non est jam vobis timere cœlos æneos, siquidem

dem melliflui facti sunt cœli per totum mundum. Olim fuit, quod de cœlo dimicatum est contra filios Adam, sed nunc melliflui facti sunt cœli per totum mundum. Dominus nempe venit, occurrите illi dicentes: magnum principium, & regni ejus non erit finis. Sed enim transeamus usque Bethleem, & videamus hoc Verbum quod factum est, & Dominus ostendit nobis. Videamus hoc magnum gaudium, quod erit omni populo, videamus hunc Salvatorem natum nobis, qui est Christus Dominus, videamus hoc magnum Principium. O principium DEUS, ô principium Homo, ô principium Deus-Homo, ô principium Infans Verbum, ô magnum Principium salutis nostræ, & magnæ salutis nostræ Judæ & Jerusalem & universæ familiæ gentium, nolite jam timere, jam enim DOMINUS est nobiscum, jam est salutis nostræ magnæ magnum Principium, Salvator mundi, qui est Christus Dominus, jam est inquam nobiscum, jam scimus, quia venit Dominus, quia natus est nobis Salvator mundi, qui est Christus Dominus & regnabit super nos. Occurramus ergo in dicentes: Magnum Principium salutis nostræ, Salvator mundi natus in mundum, qui est Christus Dominus, Deus fortis, Dominator, Princeps pacis, Pater futuri sæculi, & regnabit super nos, & intra nos, & regni ejus non erit finis. O JESU parvule, ô infans DEUS, ô Majestas tenella, ô generose Virginis Fili, magnum Principium boni nostri, Te in cunis Tuis, in membris Tuis, in infirmitate

Q<sup>2</sup>

Tua,

Tua, in omnibus his infantilibus dignationibus Tuis agnoscit, amat, æstimat, amplectitur, anima mea. Tibi, tanquam magno Principi, imò magno Principio suo, & omnis boni sui, se se adoratoriè prosternit, Tibi se tota devotione submittit, Tuæ se se in æternum mancipat ac maritat Voluntati, Tuæ se isti qua in mundum deductus es, commendat Charitati, per hanc Tuam charitatem, per hanc à charitate Tibi imperatam omnium præsentium Dignationum Tuarum generositatem, per omnes Nativitatis Tuæ in mundum Tibi notas rationes, petit anima mea sibi, (& omnibus aliis quibus petere illam Tu scis & vis) hæc omnia, quæ Tu conferre vis, petit, ut ad illam (& ad omnium prædictorum animas) hodierna die venias, ibi nascaris, ibi nutriaris, ibi diverferis, illà cum simplicitate, sinceritate, generositate, omnitudine, cum qua in humili præsepio, vel quod magis volo, cum qua in Virgineæ Matris gremio, diverfari dignatus es, fac istud ò Infantule JESU, Deus meus, propter totum Nativitatis tuæ mysterium, propter gustum cordis tui, quem habuit in Nativitate tua, partim ex Nativitate tua, partim ex pretiosissima Parente tua, partim ex Patris tui æterni, totiusque Sanctissimæ Trinitatis amorosa voluntate. Ad cujus gustus sive renovationem, sive repræsentationem, sive augmentum, sive honorem, hodierna Sanctissimæ Nativitatis Tuæ sacrificia, puro, solido, unico SS. Trinitatis gustui offero: adjungens his, omnes Incarnationis & Nativitatis Tuæ Dignationes, omnia pretiosissimæ Parentis erga Te Incarnatum, natum, Infantemque obsequia: omnia tam Angelorum quam Sanctorum tuorum, præterita, præsentia, & futura erga tuam Incarnationem, Nativitatem, Infantiamque Venerationis officia, omnia denique mea erga Te, ac Nativitatis Tuæ Dignationes honorandas, conamina, & studia, per tuam mihi gratiam data,

data, & per me ad te tibi facta. Tibi, qui propter nos homines, & propter nostram salutem, descendens de coelis, incarnatus es, nec horruisti purissimæ Virginis uterum, sed de pretiosissimo ejus sanguine, carnem assumens, Homo factus es, sit ab omni re Amor, Gratiarum actio, & Gloria, in æternum æterna & ultra, Amen.

*Preparationis Pars tertia.*

Continebit postulationem benedictionis ad SS. Missæ sacrificium à Christo Jesu summo Sacerdote, à dulcissima Matre Sacerdotum Regina, à SS. omnibus, præsertim Sacerdotibus, & huic mysterio specialiter devotis, quales fuerunt pretiosissima Parens, Angeli, S. Joseph, Pastores, Magi, Simeon, Anna &c.

*Ad Christum Dominum.*

O Mi Dulcissime JESU, Sacerdos summe & æterne, secundum Ordinem Melchisedech, veni Domine, ut Cervus fontem, ita ego te JESUM appeto, voco, invito, omni famescenti aviditate, te desidero. Veni ô mi JESU! veni hodie ad servum, veni in domum meam, veni in palatium tuum. Hoc corpus meum tibi domus erit, palatium erit hæc anima mea, conclave erit cor meum. Veni itaque Amor mi in domum tuam, in palatium tuum, in conclave tuum, ab omni peccato & inquinamento dignare emundare illud. Veni in templum tuum, & fac flagellum



de funiculis, & ejice nummularios, & usurarios peccatorum, ut quondam in Templo Salomonis fecisti, veni amor mi, munda me, omnesque iniquitates meas dele. Veni Domine mi, & emunda domum tuam, corpus meum, animam meam, & cor meum, cum Divina presentia; optarem ego sane, sed nequeo mundare eam, & nequaquam sufficio. Non possum Domine mi, rogo Te itaque Amorem meum, ut Tua Majestas ipsa hoc facere dignetur, ut sic mansionem & cubiculum purum nitidumque invenias, & à Te meliore quo scis, potes, vis, modo praparatum. Cupio Domine mi Jesu sic Tibi offerre ignitissimum, quomodo Tu immaculatam hostiam ipsemet pridie, quam patereris, in coenaculo, & sicut à primo Conceptionis Tuæ instanti, toto vitæ decursu, Te ipsum Patri aeterno offerre consueceras, & præcipue in hora amarissimæ Passionis Tuæ, in horto, domo Caiphæ, ante Præsides & Judices, ad columnam flagellationis, & super aram crucis, & in momento mortis Tuæ, & sicut Te in die Conceptionis, Nativitatis, Præsentationis, & mortis Tuæ, obtulit sacratissima Mater Tua & Virgo. Veni ergo, millies ad Te anhele, Te desidero, famesciente aviditate. Veni ergo mi Jesu, & benedic toti corpori, animæ, sanguini, vitæ, visceribus membris meis, in quibus hodie recumbes, benedic linguæ meæ, palatui, labiis, faucibus, gutturi. Benedic illi horæ, momento, quo ad me venturus es. Benedic illi tempori, quo apud me moraberis sacramentaliter. Benedic omnibus cogitationibus, consiliis, operibus, sermonibus, officiis, muneribus, nutibus meis. Benedic toti mihi, ut quantus quantus sum, amore tuo sancto,

sancto, perfecto, intenso, appretiativo adimplear, luceam, ardeam.

*Ad beatissimam Virginem.*

**A**N verò sine te, sine tuis auxiliis, sine tuis ornamentis, sine benedictionibus, pauper servus tuus, dilectissimum amorem tui cordis Jesum recipere præsumam, hocque mysterium, tam benedictum tractare, ac conficere attentabo. O augustissima Mater & Virgo, Regina Sacerdotum, absit à me tantum hoc audaciæ scelus. Si igitur illum à me recipi vis, si tractare, sacrificare, ornare me dignè illi recipiendo velis. Exorna ergo me meritis ac virtutibus, & donis, gratiis & gloria, ac beatitudine tua, & sic me comptum, Filio tuo ad me venienti siste. Sic me exorna, ô divina Mater! Filio tuo, quemadmodum te Spiritus Sanctus exornavit eidem Filio ad te venire se apparanti, talem & non aliam ornatum à te peto piissima Mater, peto autem illo, quo & tu petebas affectu. Obsecro Virgo clementissima, ne contemnas, neque confundas hanc petitionem meam, sed omnia fiant etiam mihi secundum votum meum. Benedic ergo hæreditati tuæ, ô Hæreditas mea MARIA.

*Ad sanctos Sacerdotes.*

**A**Deste omnes S. Sacerdotes, genus electum, & regale Sacerdotium, quos elegit Dominus ex multis mil-

millibus, ut fungeremini Sacerdotio coram ipso, ut haberetis laudem in nomine ipsius, offeretisque illi incensum dignum, in odorem suavitatis, adeste ad me nunc, quando sanctissimum Jesu Christi corpus & sanguinem conficere & recipere debeo. Afferte nobiscum omnia vestra merita, virtutes, dona, gratias, gradus gloriæ, beatitudinem omnem, & me istis omnibus exornate, ut Dominum meum, juxta ac vestrum, quem vos summe diligitis & colitis, dignissime recipere valeam. O beatissimi Christi Sacerdotes, sed præsertim vos ô sancti Patroni mei, Gregori, Ambrosi, Augustine, Carole, Bernarde, Philippe Neri, Ignati, Xaveri, cæteri omnes, liceat mihi sanctis vestris precibus, cum ea puritate, modestia, diligentia, dextertate, reverentia & devotione, sanctissimum hoc Missæ Sacrificium peragere, cum qua vos illud aliquando per egistis, aut peragere desiderastis.

*Affectus Sacri totius.*

**T**Enelle JESU, generose Matris Virginis sanguis, cum quo Patris æterni, Tuo, Spiritusque S. gustu, nasci in stabulo, & pannis involvi, in præsepioque alieno reclinari voluisti, cum eodem ego te gustu, sub speciebus Panis & Vini in sanctissimis hodiernis Sacrificiis, ponere ac immolare desidero & propono. Tu accepta propositum meum, & gustui Sanctissimæ Trinitatis fac illud quam purissime gustabile.

*.Consecrationis.*

**P**Arvule, ac pro me de Virgine nasci dignate JESU, quo te cum affectu, Parens tua dulcissima, ex se natum, pannis infantia involvit, ac in præsepio reclinavit, hoc eodem affectu, ego indignus, te eundem, sub hisce speciebus Sacramentalibus, involvo ac depono.

*Ad*

*Ad Elevationem.*

Sicut te Maria cum genuit, adoravit dulcissime JESU, Sita & ego modo genitum à me adoro, Angelisque omnibus tuis adorandum te, inter manus meas exhibeo, ut te adorent mecum, & in manibus meis, omnes Angeli Patris tui.

Poteris etiã imitari Angelos hodie canentes: Gloria in altissimis Deo, & eadem verba usurpare cum Angelis.

*Ad Communionem.*

MI JESU, qua sensus affectusque tui teneritudine, lacte Virgineo apud Matrem tuam pastus es, eadem teneritudine affectus mei, te verum in hoc sanctissimo tuo Festo, & in hoc tuo Sacramento, lac sumo. Et sicut gustum tuum divinum, divina Mater tua actibus cordis sui purissimi contentavit, ita & te in hoc Sacramento sumens, consimilibus tuum gustum affectibus divinum oblectare & contentare posse desidero, peto, contendo, ad purum gustum tuum, & quia hæc est voluntas tua, dignitasque voluntatis tuæ.

*Post Sacrum.*

*Gratiarum actionis Pars prima.*

Poterit esse per quinque affectus ad Jesum Christum in Sacrificio immolatum, & in sanctissimo Sacramento receptum. Dulcissima hospes animæ meæ: Vide supra.

*Gratiarum actionis Pars secunda.*

Continebit meditationem de Christo nato: cujus capita hæc;

1. Exultabis de Christo nato, præsertim & primum in anima tua, deinde in mundo.
2. Salutabis Infantem Christum.
3. Amabis illum, & petes amorem ejus.



## PRAXIS.

**L**ætentur cœli & exultet terra ante faciem Domini, quoniam venit, venit affluens bonitate, supereffluens misericordia, super superque effluens charitate. Venit non solum in omnem orbem terræ, sed etiam venit in vile tugurium animæ meæ. Lætentur cœli & exultet terra, ante faciem Domini, quoniam venit. Venit Deus & non tardavit Oriens ex alto. Oriens nomen illi, implens & salvans, nomen illi Deus, Fortis, Consiliarius, Princeps pacis nomen illi. Notum fecit Dominus animæ meæ salutare suum, Alleluja, Alleluja, Alleluja. O magnum mysterium & admirabile Sacramentum ! ut anima pauperuli hominis videat Dominum natum, jacentem in cordis sui præsepio, vere Sacramentum hoc magnum, & in Christo & anima, verè admirabile commercium Dei & Hominis. Verbi & animæ, Christi & peccatricis, verum nisi hic esset Propheta, & plus quam Propheta, nesciret profectò quæ sit hæc, & quam misera, ad quam venire, & in qua reclinari dignatus est. Nunc autem, cum is sit qui omnia fecit, venit misericors ad miseram, dives ad egenam, Salvator ad infirmam, sicut pluvia in vellus descendit, ut salvos faceret morbos ejus, & animatum corpus suum tradens illi, largitus est etiam illi ineffabilem Deitatem. Ergo lætentur cœli & exultet terra ante faciem Domini, quoniam venit. Quidni lætentur in tanta effluentiâ Bonitatis Dei super infirmam & contemptam suam ? Quin imo magnificate Dominum mecum, & exaltemus nomen ejus in id ipsum. Cantate Domino, & benedicite nomini ejus, annuntiate de die in diem salutare ejus. Annuntiate inter gentes & gloriam, & bonitatem ejus, in omnibus populis mirabi-

rabilia ejus. Sorret confessio & pulchritudo in conspectu ejus. Sanctimonia & magnificentia in sanctificatione ejus. Tu verò imprimis benedic anima mea ipsa Domino, & noli oblivisci omnes retributiones ejus. Etenim ille propitiatur omnibus iniquitatibus tuis, ille sanat omnes infirmitates tuas, ille redimit de interitu vitam tuam, ille coronat te in misericordia & miserationibus, ille replet in bonis desiderium tuum, ille dat tibi omnes petitiones cordis tui. Et quomodo non omnia ossa tua dicent laudem illi? quomodo non magnificabis eum in laude super omnes laudabilitates ejus? Quantum ergo potes, superexalta eum, qui benefecit tibi, quia supervalebit adhuc, dato gloriam nomini ejus, quoniam suave, quoniam bonum, quoniam misericordia & misratio præparatio ejus. Ecce canit multitudo militiæ cœlestis, Gloria in altissimis DEO, & in terra pax hominibus bonæ voluntatis. Etenim hodie nobis de cœlo pax vera descendit, dissolvens maceriam, dividens inter nos & DEUM nostrum, & faciens deinceps utraque unum. Hodie per totum mundum mellisui facti sunt cœli. Hodie illuxit nobis dies redemptionis novæ, reparationis antiquæ, felicitatis æternæ. Hodie implevit Dominus miserationes suas ab æterno, & consummavit veritates suas fideles, quas juravit Patribus nostris, daturum se nobis. Ecce parvulus natus est nobis; Ecce jam FILIUS datus est nobis, cujus merces cum ipso est, cujus veritas in eo, cujus Principatus super humerum ejus. Beata Genitrix MARIA, quæ credit, quoniam perfecta sunt illi, & nobis per illam, omnia quæ dicta sunt ei à Domino, genuit hodie Salvatorem populorum, ipsum Regem sæculorum,

laetatur

lactat ubere de cœlo pleno, & cujus viscera permanent intacta, quæ meruerant portare Dominum CHRISTUM, qui hodie pro salute mundi nasci dignatus est. Dies sanctificatus illuxit nobis, & ideo venite gentes, & adorete Dominum, ipse enim est Dominus Deus noster, nos autem populus ejus & oves pascuæ ejus. Ipse est arbor vitæ in medio paradisi, quam desideravit sed non gustavit Adam. Ipse est arca diluvii, servans mundum à facie iræ Domini. Ipse est arcus Dei in nubibus cœli, habens in se pactum Dei æternum. Ipse est benedictio seminis Abraham & Isaac verus. Ipse est scala Jacob & desiderium collium æternorum. Ipse est Leo & catulus Leonis Juda. Ipse est Joseph filius accrescens & salvans Ægyptum. Ipse est arca Testamenti. Ipse Moyses per rubrum mare traducens populum suum, & demergens Pharaonem. Ipse Josue dux populi, qui introduxit populum in terram promissionis. Ipse David fortis robore, victor Goliath, & ædificans muros Jerusalem, Vir secundum cor DEI. Ipse Rex pacificus, verusque Salomon, ædificans templum nomini Domini, non manu factum. Ipse flos Virgo de radice Jesse. Ipse lapis abscissus de monte, sine manibus. Ipse expectatio Gentium, qui stat in signum populorum, ipsum Gentes deprecabuntur. Ipse pastor, & Medicus, & Doctor datus, in lucem Gentium. Ipse Lux mundi. Ipse Rex super Sion. Ipse Sponsus præ filiis hominum formâ speciosus. Ipse sacerdos, altare, hostia. Ipse liber vitæ. Ipse pater futuri sæculi. Ipse Judex vivorum & mortuorum. Ipse Primitiæ ex mortuis resurgentium. Ipse via, veritas & vita. Ipse omne bonum. Ipse Thesaurus sapientiæ & scientiæ Dei. Ipse gratia, Justitia, salus, beatitudo nostra. Ipse principium & finis, Alpha & Omega, primus & novissimus, Domi-

minus univerforum, & vita in voluptate ejus. Talis est Dilectus tuus, ô anima mea, natus in te, natus tibi hodie, dilectus ex dilecto, & ipse est amicus tuus. Ipse amor tuus, Ipse bonum tuum, salve ô Dilecte, salve ô ex millibus Electe, salve candide & rubicunde, salve totus desiderabilis, totus delectabilis, totus delectatio, totus desideria. Salve unice votorum meorum, spes mea ab uberibus, protectio mea ab inimicis meis, vita mea in medio umbræ mortis, refrigerium à pressura flammæ, redemptio à calumniis, absconditum tabernaculi à flagello linguæ impiæ, & à verbo mendaci. Salve puelle maxime, salve infans Verbum, vita mortalis, robur infirmum, Spiritus caro, DEUS, Homo, te adorant omnia viscera animæ meæ, te agnoscit, te amat, æstimat, te concupiscit, te laudat anima mea tota capacitate sua. O desiderabilis! O delectabilis! quam bene mihi tecum, quam male mihi sine te sum, si tamen sum, quia hoc ipso non sum, quod absque te sum. Ah quam fero te amavi, ô bonum meum tam obvium, tam necessarium, tam rarum, quærebas me, obviabas mihi, dabas te mihi, & ego te, aut nesciebam, aut negligebam, aut repellebam. Væ tempori illi, quo sine te fui, quo sine te me esse volui, & nec sensi, nec dolui, quid tunc defuit mihi ad malum plenum, quando te à me excludebam omne bonum. Sed tu bonus & vincens malitiam nostram, dirupisti vincula mea, confregisti jugum, amovisti vectes & irruisti usque ad intimum animæ meæ fundum, & possedisti me Rex potens, pacificus, æternus. Et quid retribuam Tibi? Nihil habeo, quam ut dem, permittam, devoteam me tibi, ut habeas, teneas, regas, possideas me tibi in æternum, miscerearisque tu mei, sicut scis & vis, cui subest cum volueris, omnia posse, & in cujus conspectu,



Et tu, facillimum est de stercore elevare & ditare pauperem. Misèrere mei, & dominare mihi, sicut potes, scis & vis, non quia vel ego volo, vel quia bonum mihi, sed quia placitum Tibi, quia hæc est voluntas tua, & quia hæc est dignitas voluntatis tuæ, ut nihil velim, nisi quod tibi placet. Tibi, quia placet Tibi. Ama me, amore illo, illo amore tuo magno, fideli, antiquo, quo cum adhuc inimicus essem tuus, amasti me prior gratis, & dedisti ut amarem te. Et nunquid verum est, quod amem te mi Deus, mi Deus, Homo Jesu? Interroga omnia interiora mea, & dicent, & non mentientur, quia amant te. Quia amo te toto me, vel potius toto te, quia quidquid mei amat te, quantumcumque amo te, totum tuum est, totum ex te est. At quantum est hoc quod amo te, Amor magne, Domine Deus meus, quantum sit hoc, tu nosti, quia omnia nosti, ego autem nescio, quia nihil, nisi quod tu doces, scio, hoc tamen scio, quia tu Deus amator noster, amas nos charitas, amas nos immensitas; Nos autem vicem tibi rependimus cum mensura, & quantulum est hoc at illud amoris tui originalis perenne profluvium? Sed tu Infans Verbum, tu abbreviatum Verbum, non amas amari verbis, sed amas amari amore, amas amari opere, amas amari Veritate. Da quod jubes, & jube quod vis. Hoc peto mihi, hoc peto omnibus meis, hoc peto omnibus iis, quibus me petere velle scis & vis. Da nobis quod jubes, & jube nobis quod vis. O parve Deus, ô magnum Principium, cujus regni, cujus amoris, cujus Divinitatis non est finis, tibi gloria, honor, laus, exaltatio in æternum æterna, ab omnibus. Fiat, fiat, Amen.

*Gratiarum actionis Pars tertia.*

**C**ontinebit gratiarum actionem Jesu Christo summo Sacerdoti, beatissimæ Virgini, Reginæ Sacerdotum, SS. omnibus, præsertim Sacerdotibus, & huic mysterio devotis, præ auxilio in SS. Sacrificii oblatione, Sacramentique sumptione.

*Christo summo Sacerdoti.*

**G**ratias tibi ago, dulcissime Amor mi JESU, summe Sacerdos, quia in hoc sanctissimo Sacrificio mihi adesse, & benedicere, & in angustissimo hoc Sacramento ad me venire dignatus es. Assumo & induo omnes omnium creaturarum affectus, iisque tibi, tum pro hoc summo beneficio, tum pro omnibus aliis, abs te mihi quoquo modo præstitis & præstandis, gratias ago, hasque gratiarum actiones in æternum continuo. Quod si aliqua beneficia neglexi, vel iis sum abusus, id nunc desleo, & ea omnia humillimo, & gratissimo affectu suscipio, pro illisque tantas ago gratias, quantas possum, quantas debeo, quantas tu Patri æterno obtulisti, quantas pretiosissima Parens, quantas S. Josephus, quantas omnes sancti Patroni, præsertim mei, obtulerunt & offerunt, quantasque divina voluntas tua ea conferens beneficia promeretur.

*Regina Sacerdotum.*

**T**ibi verò, ô pretiosissima Mater Dei & Virgo, Sponsa Spiritus S. & S. Joseph, ô dulcissima & immaculata Mater dulcis mei JESU, Mater admirabilis, Mater amabilis, MARIA Virgo, quas gratiarum reddam actiones, pro magno beneficio hodie mihi præstito, cum mihi ad manducandum & bibendum carnem & sanguinem benedicti Filii tui dedisti. Agant tibi gratias pro me, omnes Angeli, omnes Sancti & Sanctæ Dei,

præ-

præfertim S. Angelus cultos meus, & SS. Patroni mei, tibi Regina dulcissima, rogo, obtestor, per cor immaculatum tuum, per quinque vulnera Jesu. Ipsi enim soli ad hoc sufficiunt, & ego quod potero, semper facere paratus sum, ob tuum Filii que tui amorem. Pretiosissima Dei Mater & Virgo da, ut ex hoc dono debitum fructum elicere valeam, illudque diligenter ac sedulo conservare, ne merear denuo illo privari. Rogo te etiam amantissima Domina, & pretiosissima Dei Mater & Virgo, ut roges dulcissimum Filium tuum, ne ullo die negligat me visitare, quoad vixero, & tu mea Domina, mitte eum ad me diebus singulis, quibus in hac vita mortali hæsurus sum. Cum autem appropinquabit finis miseræ vitæ meæ, auge mihi gratiam, ut me præparem ad recipiendum ipsum, ut eo, & te, Josephoque tuo, comiteque meo sancto Tutelare stipatus, periculorum illud iter securus decurram, ac tandem eo perpetuo in cœlo perfruar.

*Sanctis Sacerdotibus cum Sacri oblatione.*

**S**It & vobis laus, gloria & gratiarum actio, sancti Sacerdotes & amici Dei, qui mihi Dominum vestrum immolanti, sanctè adstitistis, meque sanctis vestris precibus & meritis sublevastis. Tibi Christe Jesu, in Sanctis, & cum Sanctis, sit gloria & exaltatio sempiterna. Da etiam in unione virtutis Sacramenti hujus, & meritis pretiosæ Matris tuæ Sanctorumque tuorum, ut tibi sit acceptabile hoc obsequium servitutis meæ. Gratias tibi ago pro intentionis directione & auxilio omni collato. Fateor, quod super omne meritum meum mihi benefecisti. Agnosco me nihil dignum te, nisi ex te, in te, & per te fecisse & egisse. Agnosco multiplicem meam negligentiam, imprudentiam, tepiditatem, præ-

præcipitantiam, multosque alios defectus Tibi notos, eosque obsecro mihi Domine ostende, nunc, ut compungar. Tu ablue pretioso sanguine Tuo, tu corrige, supple, & satisfac, quidquid boni verò actum est, accepta, perfice, conserva. & tuis sanctis adjunctum meritis, Patri æterno præsentæ, cui sit laus & gloria, exultatiø æterna, Amen,

S. V.

*Diebus Sacris Iesu Christo patienti & morienti.*

*Pars prima Preparationis ut sup.*

*Pars secunda Preparationis.*

PRAXIS.

Quis dabit capiti meo aquam, & oculis meis fontem lachrymarum, ut fleam diebus ac noctibus, interfectum unigenitum Dei Filium, Redemptorem hominum, Deum salutis nostræ, vitam, salutem, & lucem gentium, Regem Regum terræ, Jesum Christum Dominum nostrum? Ah mi dulcissime Domine Jesu, Fili Virginis, & æterni Patris, quam parvulus in gentibus datus, & factus es. Ah quam contemptibilis tu valde, verè & iniqui, & iniquitates nostræ ingravatæ sunt super te, fabricaverunt super dorsum tuum, produxerunt sulcum suum, & prolongaverunt iniquitatem suam. Quid enim in te Domine Jesu ausi non sunt? quid non fecerunt ii, qui fecerunt. Fecerunt in te, quæcunque voluerunt, in hora sua, & in hora potestatis tenebrarum, Ab illa hora, qua inmisit diabolus in cor

R

Judz



Judæ, ut traderet Te, ut intravit in eum, post buccellam à te ipso, manu tua benignissima porrectum, post ablutos Divinis manibus tuis pedes, quibus ille nihilominus sustinuit currere ad effundendum sanguinem tuum, faciendumque citius id, quod faciebat infelix, hoc est: ad tradendum te Dominum & Magistrum suum, crudelibus inimicis tuis, ab illa inquam hora, quando coartabaris ô dulcis Jesu, in expectatione Baptismi tui, quo baptizari habebas pro nobis Filiis tuis emortuis, usque dum in te plene pro salute nostra proque nostrorum peccatorum emendatione perficeretur. Testis est angustia tua, dulcis Jesu, partim tristitia illa, partim tedium, partim inæror, quousque ad mortem conficta est anima Tua, testis est deprecatio tua, qua contestatus es Patrem tuum, procidens in faciem tuam, ut transiret à te calix amarus valdè? Testis agon ille, quo infirmâ carne tuâ, pro nobis infirmis membris tuis, colluctatus es, usque dum sudor tuus, de toto corpore tuo, sicut gutta sanguinis decurreret in terram, ut sic per sanguineas lachrymas, membris omnib9 plangeres, & desleres peccata nostra, sed ô dulcis Jesu, non diuturna fuit illa in te infirmitas carnis, in timore mortis, quam ad consolationem infirmorum membrorum tuorum, omnia scilicet hostium assumere, atque ostendere in tempore illo dignatus es. Ecce enim spiritus ille promptus, ille voluntarie se sacrificans Patri æterno, occurrere tefecit sponte inimicis tuis, & laborem eorum in quærendo te per noctem ad mortem minuere. Verum non laborabant in quærendo te. Occurristi enim illis in via hilariter, non quasi leæna, sed velut agnus mansuetus, accedentem ad te lupum illum discipulum admisti, & orituo in quo dolus non erat, os abundans malitiâ, & dolo, applicuisti: & spectasti cœli os Judæ ad osculum Jesu Christi approximatum, admissum, & acceptatum?

Oza arcam Dei labantem attingens, morte mortuus est. Judas osculo Filium Dei tradens ad mortem, vivit? & insuper amicus est? O Amice ad quid venisti! O Amice quomodo huc intraisti? ex tunc autem irruerant super te Philistim, ô vere Samson, injecerunt manus suas in te, comprehenderunt, tenuerunt te, tanquam latronem, ligaverunt & duxerunt ad Annam primum, ad Caipham Pontifices, & ad consilium ipsorum malignans, & improbum, ibi examinatus, à reis Judex accusatus, ab iniquis justus, addictus morti, à damnatis innocens: ab impiis blasphemix in Deum reus proclamatus es Sanctus. Et nunquid pepercerunt in faciem tuam spueri? nunquid abstinerunt à te manus suas? nonne dederunt tibi alapas, nonne velaverunt faciem tuam, vellicaverunt genas tuas, percusserunt te, irriserunt, despexerunt, capita sua moverunt, blasphemaverunt, tota illa nocte, pœnis & injuriis tuis saturati sunt, ô noctem illam plus quam noctem, quam ipse Spiritus Sanctus crubescens in nocte reliquit silentii, neque in locum Evangelii ad Ecclesiam suam transmisit. O nox digna maledicto, in qua inimici Dei nostri, fecerunt in eum quæcunque voluerunt. Et cheu! quæ sunt illa quæ voluerunt?

Tandem gens & Pontifices tui tradiderunt te Pilato dulcis JESU, postulantes crucis mortem tibi, qui peccatum non feceras, deligentesque virum sibi homicidam, dignum morte Barabbam donari, te autem crucifigi. O indignum & infelix commercium! Et Pilatus quidem non ignorabat, quod per invidiam tradidissent te Judici, ideo & remisit te ad Herodem, declinans judicium & mortem tuam, sed ad exaggerandam calamitatem tuam.

R 2

Exce-

cellam  
est ablu-  
ominus  
a tuum,  
hoc est;  
im, cru-  
do coar-  
tui, quo  
s, usque  
strorum  
s est an-  
im tædi-  
flicta est  
status es  
transiret à  
rmâ car-  
status es,  
ut gutta  
ineas la-  
es pecca-  
a in te in-  
solatio-  
um scilli-  
pore illo  
otus, ille  
te tesecit  
rendo te  
on labo-  
in via hi-  
ctus, ac-  
nifisti, &  
aliciâ, &  
osculum  
ptatum?  
Oza

Exceptus ab Herode, quomodo tandem spretus & illus-  
 fus ab ipso, & ab aula ejus, veste alba velut stultus & in-  
 sanus indutus, ac Pilato remissus, innocentiae trophæ-  
 um, testimoniumque retulisti, sed tamen non abstinuit  
 à te impius Judex manus suas, replevit enim amaritudi-  
 ne animam tuam, sine causa discooperuit te, nudavitque  
 coram oculis omnis multitudinis, sicut unum de scele-  
 ratis, nec pepercit amarissimis verberibus Virgineam  
 carnem tuam divellere, plagis plagas, livoribus livores,  
 vulnera vulneribus crudeliter infligere. Insuper, super  
 dolorem adjecit vulnerum tuorum, tremendum ipsis  
 Angelorū potestatibus caput spinis configere, vili chla-  
 myde circumdare, genu flectere: tanquam insulsum Re-  
 gem salutare, alapis cedere, sputis fœdare, & sic tandem  
 ab hominis etiam specie crudeliter deformatum, cir-  
 cumstanti multitudini spectandum dare, & ut se pœnis  
 tuis saturarent omnes, tanquam crudelibus bestiis ex-  
 ponere. O miraculum dolorum Jesu mi! ô cruciatu-  
 um regnum! O vir passionum & sciens infirmitatem!  
 Quis dabit capiti meo aquam & oculis meis fontem la-  
 chrymarum, si tamen, vel fons sufficiat, ut defleat super  
 Te mi Jesu, carmen luctus mei, & plangam dolorem  
 Tuum, major est cruciatus Tuus, quam ut fontes suffi-  
 ciant ei. Magna enim est velut mare contritio Tua,  
 non est Tibi aspectus, non est sanitas in Te, sed omnia  
 vulnus, livor, dolor, & plaga tumens. In his tamen  
 omnibus non est averfus furor eorum à Te Domine,  
 mi Jesu. Maledictus furor eorum, quia pertinax, &  
 indignatio eorum, quia dura, ô pertinax plane! quæ tot  
 malis Tuis non acquievit, sed imo amplius exarsit, fu-  
 rit desiderio sanguinis tui, atque recepit sanguinem Tu-  
 um, & super se, & super filios infelices suos, postulans te  
 ad mortem, mortem autem crucis. Igitur postquam  
 illu-

illuſerunt Tibi, induerunt Te veſtimentis Tuis, ut cruci-  
figerent, bajulantem ſibi crucem, & producunt te in  
Golgotha, & vinum myrrhatum dabant tibi bibere cum  
felle mixtum, & cum guſtaſſes, noluisti bibere, tunc cru-  
cifixerunt Te, & tecum duos latrones hinc & hinc,  
medium autem Jeſum, tu autem dicebas: Pater dimit-  
te illis, quia nesciunt, quid faciunt. Poſtea cum acce-  
piſſes acetum, deque illo guſtaſſes, dixiſti: conſum-  
matum eſt, & clamans voce magna: Pater in manus  
tuas commendo Spiritum meum, inclinato capite,  
emiſiſti Spiritum. Tunc unus militum lancea latus  
tuum aperuit, & continuo ſanguis & aqua exivit, in re-  
demptionem noſtræ ſalutis. Inter hæc vero tenebræ  
factæ ſunt ſuper univerſam terram, & terra mota eſt, &  
petræ ſciſſæ ſunt, & monumenta aperta ſunt, & multa  
corpora Sanctorum, quæ dormierant, ſurrexerunt, &  
omnis creatura morientem authorem ſuum planxit,  
plancto magno, qualis non fuit ex quo homines eſſe cœ-  
perunt, uſque in præſentem diem. Hi ſunt mi dulcis  
Jeſu labores, doloresque Tui, pro me, & pro omnibus  
fratribus meis peccatoribus, quorum ego primus ſum.  
Hic eſt Baptiſmus tuus, quo ab inſtanti conceptionis  
tuæ, uſque ad punctum mortis tuæ baptizari deſidera-  
bas. Hoc eſt opus noſtræ ſalutis, à te Artifice ſuperad-  
mirabili, per labores, dolores, contemptus, cruciatus,  
per mortem denique iſtam perfectum in medio terræ,  
hoc eſt ſacrificium tuum vespertinum, quo te Patri  
æterno victimam pacificam, & pro peccato & holocau-  
ſtum immolaſti, ſuper aram crucis, ſecundum ordinem  
Aaron, ſacrificium tuum, quo pugnaſti fortiter con-  
tra armatum fortem, & viciſti eum, & alligaſti, & vaſa  
ſpoliaque ejus diripuſti. Hic eſt triumphus charita-  
tis, quem egit de te victo, & victo ſuo imperioſa &



morte fortior bellatrix, atque triumphatrix, non acquiescens ullis satisfactionibus tuis, donec te crucifixum, & mortuum cernens, daret prædam domesticis suis, hoc est nobis, tua charitate in sanguine tuo redemptis, dicens: hæc est præda veri David, accipite de benedictionibus Domini, pro vobis crucifixi. Hæc ergo meditari dixi sapientiæ, in his iustitiæ mihi perfectionem constitui, in his plenitudinem scientiæ, in his divitiis salutis, in his copias meritorum. Ex his mihi potius interdum salutaris amaritudinis. Ex his rursus suavis unctio consolationis, memoriam abundantiae suavitatis horum eruclabo, quoad vixero, in æternum non obliviscar miserationes istas, qui in ipsis vivificatus sum.

Et nunc mi dulcis JESU, nonne propterea venis in horam hanc, ut faciam quæ facturus sum in tua commemorationem, offerens panem & vinum, & sub his corpus tuum & sanguinem, representans, omnes labores, doloresque mortis tuæ, quos in diebus carnis tuæ pro nobis suscepisti, gratias agens tibi pro omnibus istis miserationibus tuis, & accedens per te in sanguine tuo, ad Patrem tuum: ut propter te, & propter crucem, passionem, mortemque tuam, mereatur mei & omnium Redemptorum tuorum, totiusque Ecclesiæ tuæ, quam acquisivisti tibi in sanguine tuo, ut possideres nos, exhiberesque Patri sine ruga & sine macula. Hoc faciam in gloriam tuam, in gloriam Patris æterni, in gloriam Spiritus S. quoniam tu fecisti, & me insuper facere iussisti, voluntate tua adoranda, suavissima mea sponsa, quia hæc est voluntas ejus, & dignitas voluntatis ejus, & voluntas dignitatis ejus.

*Pars tertia Preparationis, ut supra.  
Affectus totius Sacri.*

**Q**uo tu affectu dulcissime, dolentissimeque JESU, passionem tuam Patri, ad gustum ejus, & ad nostram salutem, in die passionis obtulisti, cum eodem modo, ego desidero, eandem passionem tuam, Patri, tibi, Spiritui S. in hoc Sacrificio repræsentare, ad eundem gustum sanctissimæ Trinitatis, & fructum nostræ salutis,

*Ad Consecrationem,*

**D**ulcissime, dolentissimeque Domine JESU, quo tu affectu, in loco supplicii tui nudatus, in cruce decubuisti, teque illi admensus, & Patri æterno in gloriam, pro nobis autem in salutem, hoc eodem affectu eundem te, ego sub his speciebus Vini & Panis depono, admetiorque immolandum, Patri æterno in gloriam, nobis omnibus in salutem, voluntati tuæ, dignitatique ad gustum, cordi tuo dolentissimo, ad compassionem & repræsentationem,

*Ad Elevationem,*

**I**n compensationem omnium contemptuum, insultationumque tuarum dulcissime JESU, quos inter latrones pendens, ab amarissimis hostibus tuis pertulisti, elevo te in his speciebus atque omnibus creaturis, tuis honorandum propono, teque cum omnibus, & pro omnibus adoro.

*Ultima dulcissimi IESU verba septem,  
Communioni accommoda.*

1. Pater dimitte illis, quia nesciunt quid faciunt.  
*Die Dominico.*
2. Amen dico tibi, hodie mecum eris in paradiso.  
*Feria secunda.*
3. Mulier, Ecce Filius Tuus, Ecce Mater Tua.  
*Feria tertia.*
4. DEUS DEUS meus, ut quid dereliquisti me.  
*Feria quarta.*
5. Sitio.  
*Feria quinta.*
6. Consummatum est.  
*Feria sexta.*
7. Pater in manus tuas commendo spiritum meum.  
*Sabbatho.*

*Deinde.*

**T**RADITUM à Christo moriente in manus Patris spiritum, tu corde tuo quam pretiosissimo ferculo ac scriniolo recipe, Patrique æterno defer, vel conserva una cum sacrosancto ejusdem Christi Jesu corpore & sanguine, quem nunc sumis. Ecce Pater æterne, spiritus Filii tui morientis vadit ad te in his speciebus sanctis, ecce illum, Filius tuus tradidit tibi. Ecce illum his in visceribus meis condit, & in scriniolo cordis mei deponit, ecce me tibi commendat, dicens: Pater ignosce illi, non enim scit quid facit. Vel alio die: Ecce mihi Matrem, me Matri commendat, vel ut exiget verbum dici accommodum.

*Post Sacrum.**Gratiarum actionis Pars I. ut supra.**Gratiarum actionis Pars II.*

**D**ulcissime Jesu, Jesu dulcissime, dulcissime Jesu, Ubi es? Ubi te inveniam? quam ad mundi plagam disces-

discessisti? Responde mihi, qua te regione, quo loco inquiram, ubi es? ubi pascis, ubi cubas? ubi latitas, indica mihi? An forte nec locum in diversorio, nec foveam in terra, nec nidum in arbore, nec spatium, in quo caput tuum reclines, habes? Ubi ergo te inveniam mi Jesu, an in cenaculo grandi strato? forte cum discipulis Pascha manducas, discipulorumq; tuorum pedes lavas? Sed te jam inde discessisse nuntiant, abiisse extra civitatem cum discipulis hymno gratiarum actionis pronuntiato. Ergo in horto es? loco orationis tuæ solitæ, quo alias frequenter cum discipulis consuevistis super montem Oliveti Patri supplicare? At balantes, sparsæque oviculæ tuæ nuntiant, te jam hic non esse. Orasti tu quidem hic in multam noctem, sudisti sanguinem, paululum etiam à mortis agone abfuisti. Sed à proditore discipulo hostibus osculo traditus, ab iisdem captus, ligatus, heu nescio quo à furente cohorte, ministrisque Sacerdotum ductus es. Nunquid ergo palatia Sacerdotum Annæ & Caiphæ te tenent, mi Jesu, ajunt, te hic pernoctasse quidem in obscuro specu, noctem per omnia miseram & calamitosam duxisse, & summo mane victum Pilatoque oblatum, in Prætorio dicunt. Quid Prætorium? mi Jesu plateæ, vicique Jerusalem, nescio quid clamant de te dicentes: Te hic & illic fuisse ductum, reductumque à Pilato ad Herodem, ab Herode ad Pilatum concursasse, habitum etiam nescio, qua de causa mutasse, hæsisse autem diu intra Prætorium, cumque Pilato longa habuisse seu colloquia seu judicia. Clamoribus autem omnia & tumultibus replentibus, quid de te fieret sciri non potuisse. Hoc ajunt: Strepitus ibi quosdam fuisse longos, vocatos lictores, armatos adfuisse virgis, & flagris, & spinis, quid factum nesciunt, tradunt te, mi JESU, flagellis, virgis.



spinisque cæsum, coronatum, ferto spineo, chlamyde amictum sordida, alapis cæsum, consputum sputis, incerta tamen omnia, cum interim & dimissus sit nescio quis malefactor & Rex, nescio quis salutaris, genuflexionibusque adoratus sit, post hac latam verè & promulgatam sententiam mortis in te, an alium dicere non valent plateæ Jerusalem, vario tumultu, diversisque motibus & vocibus concussæ. Filiæ Jerusalem dicunt, mi JESU, te jam extra civitatem ductum, usque in eum qui dicitur Golgotha Calvariæ locum, onustum cruce tua, comitatum latronibus. Ergone mi Jesu credam filiabus Sion? Ergone credam ejectum te Sanctum Sanctorum ex civitate sancta, nec usquam amplius comparere in ea? Credam mi JESU, credam, imo credo, vestigia enim cognoscuntur, & produnt te purpuratum, tuo sanguine stillante, de flagellis confisso corpore tuo. Ergo forte in monte hoc Dominus meus JESUS morabitur. Ergo forte mons Moria, mons amarus, mons mortis habebit te mi JESU, quem mons pinguis, mons olivarum detinere non potuit. Sed enim quid video? Crux stat madida sanguine sparsa, fervore tepet adhuc terra, insuper inscriptio est adhuc super crucem: JESUS NAZARENUS REX JUDÆORUM.

Te ipsum, ô JESU NAZARENE, Rex animæ meæ, non video. Eheu! nonne affixus fuisti cruci? nunquid clavi tenere te in tormento formidant, nunquid abfuerunt custodes & tortores. O crux infidelis custos thesauri, cur JESUM amisti, titulus adhuc dicit tibi eum creditum fuisse, sanguis, quo intincta es, eum in te clamat pependisse. Cur non tenuisti honorem tuum, ô lignum  
alias

aliâs semper ignominiosum, cur non tenuisti benedictum fructum tuum? O lignum alias maledictum, cur non tenuisti pretium tuum? O lignum alias vilissimum, ô oliva, ô ficus, ô vitis, quare deseruisti pinguedinem, dulcedinem, vinumque tuum? quod Deum & Hominem fortificat. O arbor, quæ omnibus cedris Libani mundo prostabas, jam viduata fructu, inter ramnos & tribulos connumeraberis. Heu! quis te deposuit de ligno, ô mi JESU? qui regnas à ligno, quare solium Regni, virgam directionis, Sceptrum potestatis deposuisti, securus eram quod invenirem te in cruce, utpote affixum, diligenter ab hostibus tuis cruci, & ecce tulerunt Dominum meum, & nescio ubi posuerunt eum. Ubi vestigia ejus sunt nusquam præsentia. Fuisse in horto inter fontem lachrymarum, sudor & sanguis clamat, in Domo Annæ, Caiphæ, palmæ, alapæ, colaphi, blasphemiarum, condemnationes, verbera, evulsi capilli, perstreperunt, in palatio Herodis joci, lususque militum fuisse, & pro stulto habitum jocantur. In Prætorio: Virgæ, flagellaque cruentata, fessus verberando carnis ex, sanguis pavimento sparsus, narrant JESUM fuisse. In Calvariæ monte: Crux & titulus crucifixum testantur, & ubi tandem es mi JESU? mea salus, mea redemptio, mea justitia, mea vita, meum pretium. Ubi es mi JESU? Rex meus, Pastor meus, Medicus meus, Magister meus, gubernator meus. Ubi es, mi JESU? Crucifixus amor meus, Rex dolorum, vir sciens infirmitatem, Agnus tollens peccata mundi. Ubi es mi JESU? ubi es? An fortè alicubi nova pateris tormenta, an forte maternus te sepelivit dolor, in lachrymoso corde suo, an inter amicorum piæ manus depositus jaces? vulneraque tua lavantur, & cor-

& corpus aromatibus ungitur. Ferunt te, mi JESU, Patri spiritum tradidisse, de cruce sublatum, & Josepho donatum, tumulo conditum, & saxo advoluto conclusum. O dolor! ut quid auctus es dolenti & amanti cordi meo? an parum fuit malis meis, quod pro miseriis meis dolentem te scio crucifixum & occisum, nisi etiam te occiso & crucifixo caream. Si vel mortuum te haberem, si vel in cruce pendulum videre possem, solatium esset cordi meo, & aliquantula pax dolori meo, nunc autem quid mihi est in cœlo, quid velle possum super terram, te Deo cordis mei sepulto, & condito in terram. An forte seipsam fallit anima mea, an forte imponit sibi decipitque seipsum cor meum. An forte habeo te, mi JESU, & vicinus es mihi, & intra me es, intra viscera cordis mei Amor latet? Ita est mi dulcis JESU, ita est, tu in corde es, & ego queror non esse in cruce. Tu ecce venisti modo in me, & ego dolore morior, quod non inveniam te. Ecce totus es mi JESU, ecce cum corpore, & anima, & sanguine, & divinitate, & meritis tuis, totus es in me, totus intra me, totus in visceribus, & corporis, & cordis mei. Ecce tu candidus & rubicundus, ecce tu electus ex millibus, ecce tu gloriosus totus, & Rex à cruce, Rex dolorum, Rex despectuum, saturatus opprobriis, saginatus patientia, sanguine affluens, verberibus, plagis & percussionibus dives, vermis & non homo, sine specie speciosus, sine decore decorus, sine forma super filios hominum formosus, mortuus vitam habens absconditam in morte tua. Ecce tu à planta ad verticem carens sanitate omnium sanitas. Ecce tu inglorius & inhonorius, honor noster & salus nostra. O JESU, cui in te ita licuit, quæ ista fera adeo pessima devoravit te, cujus quæso fuit hæc hora, in qua

qua contra te DEI filium & virtutem fortis esse, & invalescere potuit? Ah quanta est ista tua potestas tenebrarum, quæ in te Condito rem lucis, tantum prævaluit. Ecce quæso Leo sic contrivit omnia ossa tua, ecce quasi leæna raptis catulis furens deservit in Te. O membra Christi delicata, quomodo aruit quasi testa virtus vestra, caput depilatum & spinis confixum, frons concussa & collisa, oculi defecerunt à lachrymis, genæ lividæ & tumore ingravatæ, labia disrupta, contracti dentes, lingua felle, acetoque denigrata, guttur amaritudine plenum, fauces siti & siccitate scissæ, collum palmis contractum, barba illusa & evulsa, facies sputis sædata, pugnis tumida, unguibus lacera, colaphis cruentata, omni specie, reverentiaque destituta, aures abstractæ, nasus naresque faucibus, palpebræ ingravatæ, cælia evulsa, tempora spinis confixa, & quid de toto reliquo corpore dicam? in quo oculis sanitatem & integritatem non reperiēs, omnia vulnera, omnia verbera, omnia sanguis occupavit, membra in unum vulnus, omnia coierunt vulnera, omnes dolores unus dolor facti sunt, omnes plagæ in unam plagam coaluere. Ut meritò desideratus sis, quippe non inventus, non cognitus à Prophetis in Spiritu, ab animabus in passione, sed quasi leprosus reputatus, quasi absconditus creditus, quasi inter vermiculos contritus, quorum nemo est memor amplius, denuntiantes. Et in carne quidem talis factus, talis inventus est, talis repertus Dilectus meus, jam quid in anima? tenebras posuerunt latibulum suum, dolores interni animæ tuæ bone JESU, secretum hoc tuum, secretum tuum tibi dulcissime, dolentissimeque JESU animæ tuæ, dolores nemo novit præter animam tuam, abscondita hæc est à me scientia, & non potero ad eam. Denique si ea quæ in corpore sunt, vix invenimus

cum



cum labore, vix pensamus cum dolore, vix numeramus cum amore, vix honoramus cum amore, intima cordis secreta, & profundas animæ tuæ abyssos, fluctusque dolorum usque ad animam pertingentes, quis recensabit? quis inspiciet? quis cogitabit? Deus erat reconcilians mundum in Christo, anima Christi receptaculum erat omnium thesaurorum sapientiæ, scientiæ, bonitatis, virtutis, dignitatis, sanctitatis, amoris, amoresitatis, pulchritudinis, laudabilitatis, dulcedinis, perfectionis, denique Divinitatis. Et quis poterit cogitare sensum tantæ animæ? quo pertulit tædium, tristitiam, mœrorem, timorem, quo pertulit contumelias, calumnias, blasphemias, & alia sexcenta, quo pertulit contemptus, ignominias, opprobria, illusiones, confusiones, pudores, quo pertulit probra, dicteria, exprobrationes, quo pertulit iras, odia, invidias, quo pertulit duritiem, obstinationem, implacabilitatem, impœnitentiam, veritati manifestæ repugnantiam deliberatam, quo pertulit derelictionem, ingratitude, impudentiam, cæcitatem cordis, aggravationem, quo pertulit dolores dolentium, lugentium, mœrentium, timentium, erubescendum, contemptorū patientium propter se, quo pertulit injurias dignitatis Paternæ, & suæ, peccata infinites infinita, vilitatem, malitiam eorum, à quibus, pro quibus patiebatur, quo pertulit exiguum fructum & limitatum effectum tantorum dolorum suorum, quem par erat nullis stringi limitibus ex merito, si non aliter visum fuisset æterno Dei Patris beneplacito. Innumera alia quis excogitabit? quæ latere in anima tua dulcis JESU? dolorum cordis tui semina? Nemini hæc nisi animæ tuæ nota, cui etiam soli fuere dolorifera. Sit benedicta in æternum dolorosissima anima tua dulcis JESU, pro omnibus doloribus suis, sit benedicta in sæculum pro omnibus angustis suis, sit benedicta in æternum pro omnibus tribu-

bulationibus suis. Multo autem magis sit benedicta, sit exaltata, sit magnificata, dulcis anima tua, bone JESU, pro omnigenis virtutibus suis. Etenim, quamvis mirabilem te exhibuerit anima tua, ô admirabilissime & patientissime JESU in cruciatibus corporis tui, & in angustiis cordis sui, super omnia tamen reddidit te nobis servus suis, & mirabilem, & amabilem, & imitabilem, in copiosissimis & eminentissimis virtutibus tuis, quas tu, ô mirabilis virtutum Doctor, post omnem vitam tuam, & tota passione tua, & morte tua præcipue exhibuisti. Quid enim defuit in passione Tua patientiæ tuæ, humilitati, modestiæ, mansuetudini, taciturnitati, temperantiæ, verecundiæ, miserationis, fortitudinis, prudentiæ, magnanimitatis, liberalitatis, constantiæ, perseverantiæ in bono, religiositatis, obedienciæ, devotionis, orationis, resignationis, mortificationis, compassionis, longanimitatis, justitiæ, rectitudinis, veracitatis, zeli gloriæ Dei, salutis-que nostræ? quid defuit charitatis, non tantum patientis, sed & compatientis, non tantum dolentis, sed etiam morientis? Nihil defuit omnino, quippe qui omnem justitiam implevisti, usque dum exinanires te propter nos & cursum consummares, perficeresque mandatum, usque ad ultimum apicem, quod dederat tibi Pater in mandato perficiendum, opus redemptionis nostræ. Et tu perfecisti illud quidem, ô bone JESU, usque ad imum profundi, & supernum excelsi, ita, ut denique animam in manus Patris commendaveris, Spiritumque tuum omnium consummatorem ei tradideris & consignaveris.

Supereſt autem mi JESU, fructus Redemptionis tuæ, ut eum applies & effundas super animam meam, & super animas omnium fratrum meorum,  
homi-

hominum scilicet peccatorum. O mi JESU! ecquid prodest tanto labore, sudore, dolore, exinanitione per-  
egisse te salutem nostram, quid prodest, te mor-  
tuum esse pro nostris peccatis, si nihilominus con-  
tingat nos mori in peccatis, quid prodest fructuosâ esse  
fertilem, que passionem tuam, si nos fructum ejus non  
gustamus. Sed prius in deserto morimur, quam in  
promissionis Terram te verò Josue Duce ingrediamur.

Bone Jesu, tunc pati potes damna passionis tuæ, tunc  
dissimulabis evacuari dolores tuos, tunc permittes  
perire nos moriente pro nobis. Non sic Domine, non  
sic, sed sub umbra tua vivemus, & fructus tui dulces  
erunt gutturi nostro, sugemus mel de petra, oleum  
que de saxo durissimo, bibemus de spirituali petra, man-  
ducabimus manna, nidificabimus in cavernis maceriarum,  
habitabimus in foraminibus petrarum. Mors Tua Jesu,  
erat vita nostra, passio Tua salus nostra, ignominia Tua  
honor noster, crux Tua gloriatio nostra, ingeran-  
tur nobis poenarum, despectus Tui, vincula, fla-  
gella, spina, ipsa denique quia nihil stulto mundo  
probrosius, crux ingeminetur, & objiciatur, non nega-  
mus, non erubescimus, gloriam etiam in crucis no-  
mine prædicamus, gentibus stultitiam, Judæis scanda-  
lum, reprobis probum, sed electis Dei virtutem, ac  
sapientiam. Jesum adeo, ut absit nobis gloriari, nisi in  
cruce Tua Domine Jesu, absit ut sciamus, ut prædi-  
cemus, ut exaltemus aliquid nisi Jesum, & hunc Cruci-  
fixum. Hæc mea sublimior Philosophia, hæc mea ele-  
menta sermonum, hæc cogitationum seges, hæc verbo-  
rum flumen, hi bonorum thesauri, hæc amorum & de-  
sideriorum occupationisque exsaturatio, Jesus cruci-  
fixus, Jesus passus, Jesus contemptus, Jesus stultus,  
Jesus vermis, Jesus abjectio plebis, Jesus peripsema  
mundi, Jesus odium, & nausea carnalium. Jesus pudor  
super-

superborum Jesus pauper , Jesus ejectus, Jesus castigatus, Jesus latronibus peior , Jesus reus mortis , Jesus blasphemus, Jesus seductor, Jesus malefactor, Jesus Samaritanus, Jesus potator vini, Jesus dæmoniacus, Jesus scditiosus , Jesus filius fabri , Jesus filius Mariæ, Jesus Galilaus, Jesus Homo, non à Deo, Homo honore, luce, vita, nomine, misericordia, homine indignus. Iste est Jesus meus, & exaltabo eum, Deus meus, & glorificabo eum , fortitudo mea, & laus mea, iste Jesus. Iste factus est mihi in salutem, in vitam, in pretium, in gloriam, in præmium, in scientiam , in sapientiam, in beatitudinem, in omnia. Ipse est sermo ejus inter parvulos. Ipse sapientia mea inter perfectos. Ipse gloriatio mea inter superbos, ipse exaltatio mea inter magnos. Ipse mansuetudo mea inter humiles, ipse opulentia mea inter divites, ipse Dux meus in via , veritas in tenebris, vita in regione mortis. Ipse denique quanto pro me vilior, tanto mihi charior, ubi pro me turpior, ibi mihi pulchrior, quanto pro me infirmior, tanto mihi sublimior. Etenim vivo morte illius , honoror probis illius, induor nuditate illius, sanor livore illius, ditor paupertate illius, magnificor exinanitione illius, exaltor dignationibus illius, confortor infirmitatibus illius, cruditor stultitia illius , glorior pudore & confessione illius, sum & permaneo deficientia illius. Scis mi crucifixe Jesu , scis linguam hanc meam , scis loquelam meam, isti non sunt absconditi à Te , mista desideria mea & gemitus mei ante Te sunt semper. In Te est cantatio mea, ex Te gloriatio mea, de Te prædicatio mea, pro Te exultatio mea, ad Te vociferatio mea, post Te ambulatio mea semper, quies laus mea semper, scis ergo, quia omnia scis, imò scis quia omnia das, & facias, quia non mentior, & mentiri nolo, quia Tibi non possum , scis inquam quia Tu Jesus crucifixus



es mihi omnia, per omnia, super omnia. Tu mi Jesu, tu mi Crucifixe, tu mi votorum meorum Dilecte, tu mi honorum & divitiarum Thesauri, serva & auge in me, mihi propter te hanc voluntatem. Auge mi Jesu, auge fidem, spem, charitatem, sensum, gustum, fructum passionis, contemplationis, paupertatis, mortis tuæ. Inprime te mi Crucifixe, & vilifica te Jesu memoriæ meæ, exprime te intellectui meo, adprime te voluntati meæ, sensus mei sentiant te semper, scis quasi vita mea, pendens ante me jugiter, sit passio tua pro me, æterna sēges compassionis meæ super te. Calix dolorum tuorum inebriet semper me dolore, amaritudine, & absynthio. Crux tua sit mea crux, clavi Tui configant me, flagella tua flagellent me, & spinæ tuæ sauciant me, vincula tua ligent me, probra tua confundant me, deficiam tecum, moriar tecum, peream tecum, sentiam tecum, sensum tuum, & sine solatio perferam desolationes tuas, doleam cum dolente te, crucier à cruciatibus tuis, vel propter cruciatus tuos, moriar morte tua, vel pro morte tua. Denique te in carne passo & ego eadem cogitatione penitus semper obarmer, semper passionem tuam experiar, gustem experimentaliter, condiscam, & exercendo jugiter perseverem. Fructum passionis tuæ mi Jesu crucifixe pro nobis communica, & effunde illam mihi, communica fratribus meis, omnibus peccatoribus, communica tibi Ecclesiæ tuæ, communica omnibus filiis Adam, pro quibus tu omnibus mori dignatus es. Communica autem affluenter, assidue, & efficaciter, ut quid enim perditio hæc mi Jesu, tantum passionum & dolorum & meritorum thesauri, si nos indigni sumus quibus communices, & passio tua dignissima quam communices. Ad hanc  
autem

autem communicationem mi Jesu crucifixe , mi Jesu amor dulcissime , ecce me tibi in servum & ministrum , in instrumentum , si indignus sum , passio tua faciat dignum , si ineptus , dolores tui faciant ipsum , si inutilis , merita tuæ mortis facient utilem. Neque enim tu Domine invenis , sed facis nos tales , quales habere cupis , das quod jubes , & jubes quod vis , & facimus nos omnia per te , sine quo facimus nihil , per quem facimus omnia , quia tu es Dominus , qui opera nostra in nobis , & per nos operaris omnia. Ecce igitur ego tibi servus , ego mancipium , ego instrumentum , ego dispensator fructus passionis & mortis tuæ mi dulcis Jesu , ad omnes animas , in omnes gentes , per totum mundum , quia sapiens & stultus , dives & pauper , pusillus & magnus , opus tuum sunt omnes , redempti tui sunt omnes , liberati tui sunt omnes. Ecce ego mi Jesu , ecce ego mitte me , ad communicandum passionis tuæ fructum , ad prædicandum te Deum pro nobis crucifixum , utere , me , utere sive per ignominiam , sive per bonam famam , sive per vitam , sive per mortem , sive per exaltationem , sive per vilificationem meam , juxta puram , sanctam , adorandam , suavem voluntatem tuam. Utere , sub qualunque conditione , sub omni circumstantia , sub omni beneplaciti tui designatione. Sit hic mihi mi dulcis , mi Crucifixe , mi pro me passæ , & mortuæ Jesu , sit inquam hic mihi unus etiam fructus passionis tuæ communicatus à te , ut possim esse instrumentum , communicando in alios omnes passionis tuæ. Mi Jesu , fac necum hanc voluntatem tuam , ut ne confundar hanc potentiam meam , quam non haberem , neque fundarem , nisi propinatam , promeritam , communicatam mihi per passionem tuam , quod ergo meruit illa mihi ut velim , & petam à te , ut te

264 *DIURNALE SACERDOTUM.*

Jesum crucifixum, passum, mortuum, nec non crucis, passionisque, mortisque Tuæ fructum, sensum, gustum, spargam per universum mundum. Ecce ego Jesu, ecce Tuum instrumentum, ecce Tibi mancipium. Ecce Tu passus, Tu dolens, ecce Tu meritis, fructibusque, Passionisque, ac mortis Tuæ, super-plenus, age, perfice, utere, fac si vis quod vis, prout vis, quia vis. Ego testor miserationem Tuam, testor passionem omnem Tuam, testor omnes fructus passionis Tuæ, testor voluntatem Tuam, quia ego servus, ego mancipium, ego instrumentum Tuum, ad communicandam passionem Tuam, Tu dulcis Jesu, fac per me de communicatione passionis Tuæ unicam & solam voluntatem Tuam. Quia hæc est voluntas Tua, hæc est dignitas voluntatis Tuæ. Hæc est voluntas dignitatis Tuæ, Amen.

*Gratiarum actionis Pars tertia, ut supra.*

§. VI.

*Die sacra Iesu Christo resurgenti à mortuis.*

*Præparationis Pars prima.*

**C**ontinebit hæc quatuor. Primo. Intentionem communem. Secundo. Intentionem privatam. Tertio. Examen Conscientiæ, cum actu Contritionis. Quarto. Memento utrumque.

*Præparationis Pars secunda.*

*PRAXIS.*

**P**utasne mortuus homo rursus vivat, nisi fuerit Deus cum illo? Putasne erit aliquis inter mortuos liber, nec captivus tenebitur à morte? Putasne ex sepulchro quis revertetur, & victoriam mortis evacua-

crucis,  
yustum,  
su, ec-  
1. Ecce  
usque,  
e, per-  
Ego  
omnem  
stor vo-  
um, ego  
ssionem  
nicatio-  
Tuam.  
luntatis

ortuis.

tionem  
ivata-  
itionis.

si fuerit  
mortuos  
e ex se-  
evacua-  
bi

bit? Ergone cavet aliquis à morte animam suam, & gustatis doloribus mortis, impossibile erit cum teneri ab eis? A sæculo non est auditum, ut quis suscitaverit se ipsum de sepulchro, & jugum mortis confregerit, absorberitque mortem in vitæ suæ victoriâ? Defecerunt fortes in hominibus, donec surgeret homo de Israel, Homo Deus, Homo Filius Hominis, & Filius Dei, Christus Jesus, Ipse est expectatio Gentium, ipse desiderium collium æternorum, ipse primogenitus mortuorum, primitia dormientium, solus primus inter mortuos liber. Ne cæteris ô inimica mors super nobis, quia ecce surrexit de medio nostri Vir, qui computrescere faciet jugum tuum, quod aggravasti super nos à diebus antiquis. Ecce vir exsurgens nomen ejus, ô exsurge Domine Jesu! exsurge gloria mea, exsurge Psalterium meum & Cythara, exsurge diluculo, exsurge & portas mortis aperi, claustra sepulchra repera, vertex inferni confringe. Ecce confurgit, ecce resurrexit, & jam nobiscum est, ecce rediit Author noster qui ad horam recesserat à nobis. Quid gloriaris ô inimica mors super eo quod devoraveris eum & in sepulchro conclusis Frustra & Tu Judæe signas lapidem cum custodibus. In die virtutis suæ cum venerit dies Domini magna, confurget à mortuis & exhibit de sepulchro. Ecce jam est hæc dies quâ resurrexit Dominus, dicite in nationibus, & annuntiate hoc in universa terra, quia surrexit Dominus de sepulchro, ecce locus, ubi posuerunt eum, surrexit, non est hic. Ubi est nunc ô mors victoria tua? Ubi est glorificatio tua? O inferne. Ubi est ô mors stimulus tuus? Nonne absorpta est mors omnis in gloria resurrectionis? Nonne obtusus est stimulus tuus ô mors? Nonne evacuata est gloria Tua ô inferne? Ecce mortuus erat Dominus Jesus & revixit, sepultus erat & resurrexit, & insuper con-



vivificavit nos quoque resurrectioni suæ. Ergo in resurrectione tua Domine Jesu cælum & terra merito lætatur, merito relinquuntur tristes luctus, & sumitur cytharra, & tympanum, & gaudetur ad sonitum Organi, auditurque vox lætitiæ in terra nostra, quia Dominus regnavit à sepulchro, Catulus Leonis Jesus accubuit quasi Leo, & quis suscitavit eum? Surrexit Dominus quia Dominus est, quia potestatem habet ponendi animam suam, & iterum sumendi eam. Annon licet ei facere quod vult? Annon Dominus est vitæ & mortis, habens clavem in manu sua, & quis resistet illi? Quis similis tui in fortibus Domine, quis similis tui? Magnificus in sanctitate, terribilis atque laudabilis, & faciens mirabilia. Ecce quomodo conturbati sunt Principes Edom, quomodo robustos Moab obtinuit tremor, quomodo riguerunt habitatores Chanaan, in magnitudine brachii tui Deus, dextera tua Domine magnificata est in fortitudine, dextera tua percussit inimicum tuum omnem, & in multitudine gloriæ tuæ deposuit adversarios tuos. Et dixisti, ubinam sunt qui absorbebant fluvium, & non mirabantur, & habebant fiduciam, quod & Jordanis influeret in os eorum? Cessare feci ex hominibus memoriam eorum, & abstulisti à populo meo jugum ipsorum, mea, mea est ultio, & ego reddam ultionem hostibus meis, & his qui oderunt me, ac populum meum, retribuam malis secundum adinventionem ipsorum, ut labatur pes eorum. Laudate gentes Deum nostrum, quia gloriose magnificatus est, equum & ascensorem currus Pharaonis, & exercitum ejus, projecit in mare, electos principes ejus submersit in mari rubro, abyssi operuerunt eos, descenderunt in profundum quasi lapis, non remansit ex cis ne unus quidem. Non adjecit ultra

in refur-  
to letan-  
ur cytha-  
gani, au-  
inus re-  
buit quasi  
quia Do-  
am suam,  
ere quod  
bens cla-  
similis tui  
gnificus in  
ens mira-  
Principes  
tremor,  
, in ma-  
nine ma-  
cussit in-  
loria tua  
nam sunt  
, & habe-  
s eorum?  
n, & ab-  
, mea est  
s, & his  
nam mala  
patitur pes  
quia glo-  
m curru  
e, electos  
i operue-  
is, non  
jecit ul-  
tra

tra opprimere & captivare nos, universus interi-  
it, sicut in medio Madian. Benedictus sit Dominus  
Deus noster, in multitudine virtutis tuae, in magnitudi-  
ne brachii tui, in splendore fulgurantis hastae tuae, in alti-  
tudine consilii tui, & profundis abyssis cogitationum  
tuarum, vere Domine tu es Rex potens ad salvan-  
dum, redemisti, salvasti, vivificasti, eduxisti nos, con-  
fregisti sceptrum exactoris, & triumphasti adver-  
sarios tuos, oppressores nostros. Ob quod Do-  
mine immolamus tibi nos servuli tui humiles, paci-  
ficas hostias, sacrificia laudis, Sacrificia sanctifica-  
tionis, & ego quidem etiam unus est redemptis  
tuis, ecce in praesenti oblaturus accedo incruentum  
Sacrificium, tibi, & Patri tuo, & Spiritui Sancto,  
ex te ipso Deo vero & Homine ab inferis redivi-  
vo confectum. In quo, quatenus est Adoratorium,  
adoro cultu Patriae, te o Verbum incarnatum, Je-  
sum Christum, gloriose resurgentem ex mortuis,  
neque jam amplius mortalitati nostrae subiectum.  
Adoro etiam cultu Hyperduliae dulcissimam Paren-  
tem tuam, ex gloriosa resurrectione tua tantum,  
& non amplius laetificatam, quantum fuerat ex pas-  
sione tua contristata. Adoro etiam cultu duliae, An-  
gelorum beatorum ordines universos, qui de tua  
gloriosa resurrectione exultarunt universi, nomi-  
natim vero, Angelos illos sanctos, qui resurrectioni  
tuae nuntii fuerunt. Adoro denique Sanctos  
omnes illos, quos tu eduxisti in potestate tua, de  
lacu, in quo detinebantur, expectantes te salu-  
tem & lucem suam. Tum vero particulatim, ado-  
ro omnes illos, qui ex speciali beneficio tuo,  
in passione atque resurrectione tua resumpse-  
runt corpora sua de sepulchris, tecum cum

corporibus resurrexerunt. Jam verò in hoc eodem Sacrificio , quatenus est illud Gratiarum actorium ; Gratias Tibi ago, Deo meo, nostro Verbo incarnato, à mortuis redivivo , quod Sanctissimam Tuam naturam Humanam, morte dissolutam, iterum coadunasti, animam gloriosi corporis reuiniendo , illique per hoc etiam ineffabilis gloriæ dotes communicando. Gratias quoque Tibi ago, quod potentissima & Victrix anima Tua, descendens ad Patres sanctos illos, ex carcere illos eduxerit, beatificaverit omnes, quosdam vero insuper secum in corporibus suis resurgere fecit. Gratias etiam Tibi ago, pro omnibus apparitionibus post resurrectionem Tuam, à Te , ad solatium amatorum Tuorum , & ad roborandam fidem resurrectionis Tuæ, pro nobis toties factis atque repetitis. Gratias denique Tibi ago, quod post resurrectionem Tuam, morans per 40. dies in mundo, potissimum autem cum dulcissima Parente Tua. Tum etiam cum discipulis Tuis, eosque de regno Tuo , quod est Ecclesia Tua, instruere , potestatisque Tuæ gratias salutaris relinquere, penes eos & penes Ecclesiam dignatus sis. In hoc eodem Sacrificio quatenus Impetratorium est, peto à Te Deo & Homine Verbo incarnato, à mortuis redivivo , per hanc ipsam gloriosam resurrectionem Tuam , augmentum vivæ fidei, atque spei resurrectionis meæ per Tuam : Peto autem hanc fidem atque spem, in omni sua latitudine, annexioneque effectuum ejus. Peto etiam per gratiam resurrectionis spiritualis, ad gratiam sanctificantem, ad stabilitatem & augmentum ejus , ad novitatem & fervorem vitæ, immutationemque totius status mei interioris, in melius, & perfectius coram Te, non autem id soli mihi peto, sed peto etiam toti Ecclesiæ, meis in Spiritu, quos Tu scis, & vis, meis poenitentibus omnibus , præsertim hujus temporis,

ris, meis amicis, benefactoribus, consanguineis, adversariis, æmulis, ingratis, ac detractoribus. Denique in hoc eodem Sacrificio, quatenus est Satisfactorium, intendo & cupio expiare, omnes & singulas meas tepiditates, præsertim negligentias quadragesimales, inque beneficium Redemptionis, & societatem compassionis commissas. Speciatim intendo per hoc Sacrificium, expiare pigritiam meam in labore adducendarum animarum ad resurrectionem à peccatis, in novitatem vitæ.

Intendo etiam expiare irresolutionem meam, & non plenam cum Tua Divina voluntate conformitatem voluntatis meæ. Intendo etiam expiare omnem irreverentiam meam, in corpus meum, & in totum me.

*Preparationis Pars tertia, ut supra.*

*Affectus totius Sacri.*

**T**Oto sacro affectu exultantis Christi ipsius dulcissimæ Parentis, sanctorum Angelorum, & Patriarcharum, & discipulorum Domini de Resurrectione æstuo, & occupabor.

*Affectus ad Consecrationem.*

**Q**UO affectu Divinum Verbum animam Christi corpori ejusdem reunivit atque vitæ restituit, eodem affectu ego Christum in Sacrificio & vi Sacrificii immolabo, & vi Consecrationis ponam & producam sub speciebus,

*Affectus ad Elevationem.*

**Q**UO affectu eduxit Verbum è sepulchro redivivam Humanitatem suam, eodem affectu eundem sub speciebus gloriosam elevabo & adorabo.



*Affectus ad Communionem.*

**Q**uo affectu Christum resurgentem & gloriosum salutavit, excepit, adoravit dulcissima Mater, sanctorum Patrum turba discipuli ejus, hoc affectu eundem in sanctissimo Sacramento mihi non tantum apparentem sed etiam sese inviscerantem excipiam, sumam, manducabo.

*Post Sacrum.**Gratiarum actionis Pars prima.*

**F**iet per quinque affectus ad Jesum Christum in Sacrificio immolatum & in sanctissimo Sacramento receptum.

Dulcissime Hospes &c. ut supra.

*Gratiarum actionis Pars secunda.*

**C**ontinebit meditationem de Christo resurgente à mortuis, cujus capita erunt.

*PRAXIS.*

**S**uavissime, dulcissime, gloriosissime, redive, immortalis victor mortis & inferni Domine Jesu Christe, Redemptor humani generis, Pater futuri sæculi. Primitiæ resurgentium, fons & caput vitæ secundæ. Te omnis creatura, & quæ in coelo, & quæ in terra, redivivum ex mortuis salutatur, & glorificatur, salutatur te etiam cum omnibus creaturis tuis anima mea, sanguine tuo redempta, morte tua vivificata, resurrectione tua resuscitata, insuper etiam corpore sanguine tuo pasta, refecta & saginata. O Rex gloriæ Domine Jesu Christe, redux ab inferis, & mortis Triumphator. Magnifice adoro te, cum omnibus, & pro omnibus redemptis tuis, teque Dominum universorum, & datorem, auctoremque vitæ veneror, vere Domine habuisti potestatem ponere animam tuam & iterum sumere illam. Vere nemo

nemo poterat auferre animam tuam, sed tu ipse, cum dilexisses tuos (nos scilicet filios, fratres, ac servos tuos) usque ad finem dilexisti eos, & poluisti animam tuam dilectam pro nobis oviculis tuis, rursumque assumpsisti eam, & redisti victor à sepulchro, inter mortuos liber. Et hoc est illud, quod hodie omnes nos filii tui, filii ancillæ tuæ Ecclesiæ, exaltamus, & exultamus, gratulamurque. Gratulamur tibi Domine Majestatis, gloriosam & magnificam resurrectionem tuam, gratulamur tibi, quia eduxisti in fortitudine tua victos de lacu, in quo non erat aqua. Gratulamur tibi, quia non dedisti Sanctum tuum videre corruptionem in sepulchro, sed stolâ immortalitatis, & communicatione gloriæ, illud induisti, atque ab omni mortis, & immortalitatis injuria in æternum vindicasti, simulque etiam nobis servulis tuis spem, atque adeo speciem, & expectationem resurrectionis per te nostræ olim futuræ exhibuisti, ut quod jam videmus & gloriamur factum in te capite nostro, indubitanter expectemus, etiam futurum in nobis, in corpore scilicet tuo, idcirco etenim tu Domine non satis habuisti temetipsum educere de sepulchro, sed voluisti insuper in multis argumentis, evidentibusque indiciis, probare & affirmare in cordibus fidelium tuorum, certitudinem resurrectionis tuæ, ut fides firma resurrectionis tuæ, esset nobis solidissima spes resurrectionis nostræ. Unde & agunt gratias immensas corda omnium nostrum, tibi gloriæ Domino, & resurrectionis nostræ Antesignano, quia magnificasti in animabus nostris virtutem vitæ tuæ, & veritatem spei nostræ. Atque ob hoc ipsum etiam exultamus in te Deo nostro, & tibi Triumphatori mortis, & pro te debellatore inferni, exultamus; Quia te, quem nuper mortuum comploravimus, sepultum genuimus, probro & ignominia crucis absorptum lamentavimus, jam modo & vivum, & reducem, & gloriosum,  
gloria-

gloriaque & honore immortalitatis coronatum habemus, exultamus, cum sanctissima ac gloriosissima Genitrice Tua, Matreque nostrum omnium Maria, quæ Te vivum & triumphantem de morte recepit, excepit, salutavit, complexa est. Cujus animam, sicut in Tua morte gladius doloris pertransivit, sic in resurrectione Tua triumphus exultationis inundavit. Exultemus cum sanctorum Patriarcharum, Prophetarum, Patrum cœtibus universis, quos Tu ô Rex gloriæ, & desideratus eorum, eduxisti vinctos de laqueo, in quo non erat aqua, in quo sedebant Te expectantes liberatorem suum, quosque omnes in fortitudine dexteræ Tuæ liberasti, contemptis & contritis potestatibus inferni. Exultamus cum universis cœlis, & cœlestibus choris, quos hodie latificavit resurrectio Tua, & in plenitudinibus suis antiquis auxit, atque magnificavit. Exultemus & cum sanctis Apostolis, discipulis, fidelibusque Tuis, quos quantum mortis Tuæ acerbitas nuper dejecerat, tantum resurrectionis Tuæ gloriosa jucunditas, & jucunda gloria, erexit. Exultamus & cum universitate creaturarum omnium, quas omnis splendor Resurrectionis Tuæ instauravit, vivificavit, recreavit. Exultamus denique cum universa sancta Ecclesia Tua Catholica, quæ dum quotannis solennitatem gloriosæ Resurrectionis Tuæ recolit, Te multiplici fructu fidei suæ latificat, sese autem ad recipiendas de benedicta manu Tua resurrectionis Tuæ benedictiones præparat. Ad quas benedictiones mi Jesu, Rex gloriæ, & ego pauperulus servus Tuus, ancillæ Tuæ Ecclesiæ sanctæ Filius, cor meum Tibi aperio, & animæ meæ viscera refero. Complescat Tibi, quæso Domine, ut consoles animam meam, & repleas eam plenitudine bonitatis atque dulcedinis Tuæ: appare mi Jesu gloriosus & formosus animæ meæ, ut currat post Te in odorem unguentorum

Tuorum, confirma illam præsentia Tua, & immutabilitate status Tui constabilias eam, in omnibus quidem bonis Tuis, sed potissimum in constantia amoris Tui, & amoris voluntatis Tuæ. Aufer mihi Jesu omne id quod terrenum, quod carnale, quod sensuale, quod proprium, quod meum, quod temporale, quod creatum est in corde in eo, & in anima mea, & depone in ea hæc sola, quæ Tua sunt, quæ æterna, quæ coelestia, quæ immortalitatis & resurrectionis Tuæ propria, ut absorbeatur omnis mortalitas mea, per immortalitatem Spiritus Tui. Ordina mea secundum placitum Tuum, secundum exemplum Tuum, secundum ordinem Tuum, ut quam simillimus sim resurrectioni animæ Tuæ, resurrectioni gloriæ Tuæ. Aperi mihi sensum ad intelligendas scripturas Tuas, veritates Tuas, doctrinas tuas, actiones tuas, voluntates Tuas, arcana Tua, quantum necesse est saluti, profectui meo, & proximorum meorum, & gloriæ gustuique Tuo. Da mihi Spiritum Tuum Sanctum, rectum, principalem, & fac me idoneum, qui & inter oviculas Tuas connumerer ipse, & insuper pro aliis oviculis Tuis tanquam canis vigilans, & acer excubem contra lupos rapaces, contra fures, mactatores, contra mercenarios, proditores, & desertores. Da mihi Spiritum Apostolicum, illum inquam, quem Apostolis & tum præsentibus insufflasti, atque contulisti, & jam in cælos ab eis digressus, ex alto illo gloriæ Tuæ Regno, in linguis igneis demisisti, quo & ipse imbuar, induar, confirmar, inflammare medullitus, transformerque in virum alterum secundum cor Tuum, secundum exemplar Tuum, penitus, atque totus, & deinde aliis plurimis sanguine Tuo redemptis, Te Deum & Redemptorem eorum, Te gratiam, veritatem, vitam, justitiamque eorum, Te normam, regulam, ideam, speculum, exemplar, & Magistrum eorum. Te spem, gloriam, gaudium, mer-



mercedem, & omne bonum eorum, prædicem, annuntiem, inculcem, imprimam, implantem constanter, libenter, appositè, feliciter, fructuose, humiliter, instar veri & verè Evangelici Operarii, Apostolice imitatoris instar idonei, & te, Spirituque tuo instrumenti instar, fidelis & prudentis dispensatoris, non quæ sua sunt, sed quæ Domini sui quærentis, nec pecuniam Domini abscondentis, sed in ea operantis, & fructum multiplicis usuræ Domino suo representantis. Ad quod, da etiam mi Domine, valetudinem corporis, & virium, robur par, quo possim explere officia mea, & proposita mea, & desideria tua. Da vitam longam & sanam, laboribus & muneribus parem. Da munia & labores, laborumque occasiones idoneas, opportunas, tibi placentes, quas & agnoscam, & amplectar, & exequar, & prosequar, usque ad finem, qui sit purissima tua gloria, salus & perfectio nostra, confusio & humiliatio mea. Da mihi Domine, in anima mea scientiam, & sapientiam ferventem, & fervorem, & zelum sapientem, da felicem dexteritatem, tractandi & trahendi, verbo & exemplo, doctrina & zelo, charitate & patientia, fortitudine & modestia, humilitate & perseverantia, hominū corda, & animas ad te, & ad cognitionem, ad amorem, ad honorem, ad imitationem tuam, ut ita & ego ipse, & quam plurimi redemptorum tuorum mecum jugiter festivum Pascha celebremus, jugiter transitum tibi gratum de malo ad bonum, de bono in melius, de virtute in virtutem, de terra in cælum, de carne in spiritum, de peccato in gratiam, de cupiditate in charitatem, de vanitate in veritatem, de nobis in te Deum nostrum transeamus, & transformemur, simusque semper nova & recens, & azyma conspersio, sine omni fermento veteris malitiæ, & nequitia, in plena Spiritus novitate, sinceritate, veritate, ad gloriam tuam, & Patris tui æterni, & Spiritus S. Amen.

*Gratiarum actionis Pars tertia, ut supr.*

## §. VII.

*Die sacra Iesu Christo ad cœlos ascendenti.*

*Preparationis Pars prima, ut supr.*

*Preparationis Pars secunda.*

**C**ontinebit meditationem de Christi Ascensione, cujus capita hæc erunt; 1. Confitebris ascensionis Christi mysterium. 2. Gratulaberis his, qui illi interfuerunt. 3. Dolebis, te non spectasse nec interfuisse. 4. Gratulaberis Christo ascensum ejus.

## PRAXIS.

**J**esus ad Patremrediit, cœleste Regnum subiit. Nam cum 40. diebus à gloriosa resurrectione sua, nunc aliquibus, nunc pluribus discipulis suis manifestus apparuisset, eosque de ineffabili resurrectione sua ex mortuis, evidentissimis ac plane palpabilibus argumentis certos reddidisset, appetente tandem jam illâ hora, quâ transiturus erat ex hoc visibili mundo ad Patrẽ. Hominemque in terris sumptum, ad Paternæ gloriæ dexteram collocaturus, congregatis universis fidelibus discipulis tuis, ultimum illos in hac vitâ affatus, & solatus, elevatis manibus benedixit eis, & ascendit in cœlum videntibus illis omnibus, & sedet in dexteris Dei. O quam beati illorum oculi, qui abeuntem in cœlos Deum hominem contemplati, atque fixis obtutibus comitati sunt? O quam beatæ aures illæ, quæ ultima Dei hominis Christi Jesu verba audire meruerunt, ô quam beata illorum corda, quæ post Christum, cum Christo in cœlos abeuntia, illum ad superna cœlorû in multitudine virtutis suæ gradientem deduxerunt, inibique sedem sibi defixerunt. O quam beatæ animæ illæ, quas abiens in superna Deus Homo benedictione sua impletas, secum deduxit amoris compedibus vinculisque Charitatis suæ

suæ implexas usque ad conspectum Patris æterni. Quibus gratuler vobis vocibus ô animæ sanctæ, sanctissimi gregis Christi, beatum illud spectaculum ipsis etiam Angelicis mentibus destupendum? O corda fidelissimorum Dei Hominis fidelium, quid sensistis tunc, quando abeuntem cum gloria Deum vestrum in cœlos vidistis? O corda dilectissimorum Dei Hominis discipulorum, atque benefactorum, ecquid animi fuit illud in vobis, quod abiens à vobis ad cœlos Jesus, intra vestra pectora suscitavit? Quibus astuebas facibus, ô una solaque Tu discipula Dei Hominis & amatrix Magdalena? O corda Electorum familiarissimorumque Dei Hominis Apostolorum, quam dulcibus effluebatis redunbatisque in omnem partem sub discessum in cœlos Domini, Magistri, Pastoris, Regisque vestri Jesu Christi fluctuum affectibus? O Tu cor virginicum, ô cor maternum, ô cor Mariæ, ecquid Tibi, & Filio abeunti, & quid Filio & Tibi remanenti, intercessit? Hoc utique nec humana mens, nec præsentis quæ spectavit multitudinis aspectus, nec ipsi Angelorum chori, comprehendere suffecerunt. Tuum hoc folius ô Virgo Mater secretum. Solius hoc Filii Tui Christi Jesu arcanum fuit. Mihi aliud nihil, quam ut & Tibi abeuntis Dei Hominis Genitrici, & universo Filii Tui discipulorum gregi, triumphalis ejus Ascensionis spectatori, totis medullis animæ meæ gratuler, hoc quod videre meruerint ascendentem ad cœlos cœlorum Dominum, adimplentemque omnia Deum dominatorem universi orbis. Gratuler vobis ô animæ sanctæ, quia interfuistis, quia vidistis, quia contemplata estis Ascensorem cœli, Deum & Patrem vestrum. Multi enim Reges & Prophetæ desideraverunt videre tanta mysteria quæ vidistis, nec viderunt. Quod si tibi ô felix abeuntis in cœlos Christi spectatrix turba merito gratulor, quid jam faciam illi sanctorum  
 homi

hominum, Patriarcharum, Prophetarumque & Prophetissarum turbæ? Quæ non spectare tantum, sed etiam comitari, & eum triumphante Deo cælos triumphans ingredi meruit? Etenim ascendit Christus Jesus in altum, non solus ascendit, sed captivam duxit captivitatem secum, ex animabus iustorum, quos in visceribus terræ inferioris invenerat, sedentes in tenebris, quosque omnes in fortitudine dexteræ suæ eduxit, & tanquam vasa electa in civitatem sanctam Sion Hierusalemque cœlestem Victor introduxit. Quid faciam & vobis ô Principatus atque Potestates, universique ordines beatorum Spirituum, qui Deum Hominem, super Cherubim pennas volentem, cælosque virtute propria penetrantem, effusi obviam spectatores salutastis ac deduxistis, portasque æternales Regi gloriæ introeunti aperuistis, & eundem paulò à vobis in carne minoratum, jam ad sedem usque Paternæ Majestatis elevatum, hilariter, humiliterque adorastis, canentes canticum, quod nemini nisi Regi gloriæ, & Dominatori Spirituum canere consuevistis? Gratulor vobis, & gratulor millies, ô beatorum Spirituum fortunatissima agmina, vobiscum felicitis hujus triumphi spectator & collaborator esse tota mentis meæ latitudine, atque capacitate concupisco. Sed ego infelix & indignus, ascendentem Regem Regum, Dominumque gloriæ videre non potui, mirari non potui, comitari non potui, credere vix per gratiam ejus mereor. Ah me! quare non adfui, cum ille formosus in stola sua invenis. Homo Deus, in superna cælorum conscendit? Quare non excepi ejus ultima verba? Quare non ultimo aspexi sese omnibus suis manifestantem? Quare ultimo benedicenti suos, caput non reverenter inclinavi? Cur non sum Divinam illam am-



plexatus, osculatusque dexteram ? Cur ad pedes non sum prostratus Divinos ? O si ego tunc potuissemuisse illa particula terræ, in qua ultimo steterunt pedes ejus, & in qua vestigia impressa relinquit pedum suorum Divinorum. O si tunc Omnipotentiam, voluntatem, providentiamque Divinæ potuissem spectare Sapientia, exorasssem utique viscera ejus, Creatricis bonitatis plena, ut me vel pro illo momento, de abyssis nihili mei eduxisset, atque spectatorem Ascendentis ad cœlos incarnatæ Divinitatis constituisset, postremaque ejus benedictione benedici fecisset : Aut saltem sub vestigium pedum ejus extremum subjecisset. O quam tunc ego beatus essem, ô quam ego tunc felix fuisset, si vidissem, quomodo jubilabat Deo meo omnis terra, quomodo Psalmum dicebat nomini magno ejus, & dabat gloriam laudi ejus. O quam felix fuisset, si vidissem te, mi Jesu, cum ad cœlos te tua virtute subvehebas, quando omnis pulchritudo tua exaltabatur super sydera, quando species tua in nubibus cœli gradiens, à summo cœlo ad summum ejus occurrebat ? Tunc ego totus me ipsum non tantum oblitus, sed etiam exutus, atque totus vox Exultationis factus, ad omnibus tribus terræ dedissem vocem meam, clamans & jubilans. Omnes gentes plaudite manibus, jubilate Deo in voce exultationis, facite vocem jucunditatis, annuntiate usque ad extremum terræ novum Alleluja, magnificetur coram omnibus gentibus novum Halleluja, quia ascendit Deus in jubilatione, & Dominus in voce tubæ : Dominus nomen illius, liberavit populum suum, & de abyssis terræ suscepit eum. Cantate ergo Domino omnes populi Nationum, cantate ei Alleluja, cantate & benedicite nomini ejus, bene nuntiate de die in diem salutare ejus. Psallite illi, psallite, psallite, psallite sapienter, qui

qui ascendit super cœlos cœlorum ad Orientem , sedetque à dextris virtutis Dei. Hæc dixissem , sic provocassem omnes fines terræ, mi dulcis Jesu ! si te ascendentem in cœlos videre meruissem. Non merui, quia sic placuit tuæ voluntati, quæ potius eligit, ut nunc per fidem hoc crederem de te , gratulorque tibi , quam ut præsens spectator exultarem in triumphis tuis coram te. Sit & pro hoc gratiarum actio , & gratulatio tibi Deo Domino authorique meo. Patri vitæ meæ, & spei salutis meæ, sit benedictum nomen Majestatis tuæ, glorificent te abyssi terræ , magnificent omnes gentes, creaturarum visibilium subcœlestium : Exalcent te cœli cœlorum, jubilent tibi omnes animæ justorum redemptorum tuorum , dignificent te omnes Angeli atque Archangeli , Dominationes atque Principatus, Cherubim quoque ac Seraphim, adorent te, & superexalcent te, quoniam Dominus es , & Dominus nomen tibi. Ego autem cum his omnibus Regibus ac Senatoribus universæ creaturæ tuæ, infirmissimalicet portio infirmitatis creatæ , hac quali quali manu cordis mei, tibi Hæredi cordium, & Inspectori cogitationum, ad cœlos hodie quoque per fidem nostram , & totius Ecclesiæ tuæ recordationem ascendenti, offero, in pignus totam, quanta est, substantiam meam, cum omni latitudine atque capacitate sua, ad omnem usum tuum, quod quia parvum , imo quia nihilum valde est, adjungo his totam in terris conversationem tuam , adjungo totam in cœlos ascensionis tuæ gloriam, aliud abs te nihil benedictionis tuæ postulans , nisi ut facias mecum ; Adorandam , suavissimam, totamque voluntatem tuam , facias me devotem dignitatis quæ tuæ , facias me æternum lactantem gratiæ tuæ Nutricis meæ , facias denique & mecum, quid

quid vis, & fac me qualem cunque vis, ad purum gustum tuum, ad nullum præmium solatiumve meum, ad æternum honorem Divinitatis, humanitatisque tuæ. Quod totum sincerumque desiderium animæ meæ, inutilis ancillæ tuæ, ut tanto firmitus fiat, plusque tibi & simul Patri tuo æterno placeat: Jungo sanctissimo Sacrificio tuo, sacratissimoque Sacramento, quod de tuo corpore, sanguineque toti sanctissimæ Trinitati immolaturus accedo. Tibi cum Patre tuo, & Spiritui Sancto, utriusque Vestrum consubstantiali Deo, laus, honor, gloria æterna, & super æterna, in omnem æternitatem & ultra Amen, & Amen, & Amen.

*Preparationis Pars tertia, ut supr.*

*Affectus totius Sacri.*

**J**esu mi dignissime, qui propter salutem meam in cœlos ascendis. Nihil invenio, quod tibi te dignum ulcimi muneris loco donem, præter ipsum te. Te igitur ipsum tibi in hoc Sacrificio dare, offerre, donare & immolare volo, & statuo, accipe tu ipsum te, à me, pro me, ut sicut tu tibi in hoc Sacrificio gratus, & idem es, ita & ego affectui, gustui, amorique tuo gratus semper fiam, idemque tecum per unionem amoris æterni evadam.

*Affectus Consecrationis.*

**J**esu dulcis, quem in cœlo abeuntem nubes ab oculis mortalium subtraxit, te ego etiam in nubibus specierum istarum vestitum, ad sanctissimæ Trinitatis conspectum pro me, ad animæ meæ cœlum propter me dimitto.

*Affectus ad Elevationem.*

**D**ulcissime atque dignissime Deus meus, mi Jesu! exaltabo te nunc manibus meis sub his speciebus  
crea-

creatis, eo affectu, quo tuam sanctissimam Humanitatem ad superna coelorum extulisti; Petens, ut per gratiam tuam facias me cunctis operibus vitæ meæ. Exaltare, per singula momenta amplius, ampliusque, eminentissimam dignitatem tuam.

*Affectus ad Communionem.*

**I**llo te mi dulcis Jesu cordis mei affectu, tam dulciter expansis animæ meæ brachiis, tam effectuofo mentis gaudio excipere desidero, atque excipio in hoc sanctissimo tuo Sacramento, quo te Pater æternus tuus, venientem ad se in cœlum excepit, adque ad dexteram suam collocavit, tam hilariter, & tam plene patet tibi anima mea univèrsa, quam effusè patuisti tibi ingredienti, tota cœlorum Regia, ô cordis porta dilata te, ut sis vastior cœlo, cœlique Dominum capere possis &c.

*Post Sacrum.*

*Gratiarum actionis Pars prima.*

**F**iet per quinque affectus ad Jesum Christum &c. Dulcissime Hospes &c. ut supr.

*Gratiarum actionis Pars secunda.*

**C**ontinebit varii generis affectus atque meditationes circa Jesum Christum, partim præsentem in corde, partim abeuntem in cœlo.

*PRAXIS.*

**A**deste, adeste ocyus omnes vires, omnes partes, omnes potentia, omnes facultates, tam animæ quam corporis mei, & congregamini ad Dominum servi, ad Magistrum discipuli, ad Ducem milites, ad Regem subditi, ad Medicum infirmi, ad Magnificum egen-tes, ad Patrem filii, ad Sponsum sponsæ, ad Deum creaturæ. Ecce ipse venit ad vos, & visitat vos, valedicit-



que vobis , ultimum hoc est, quod est in medio vestrum. Cœlum illi locus est, ad Deum vadit, sicut à Deo exivit. Quam olim gratiam plus quam 500. fratribus ascensurus in cœlum facit ; hanc eandem vobis (ô universæ partes , potentia , actionesque meæ) facit, venit ad vos, relicurus vobis amplam benedictionem, salutarem admonitionem, vivam & victuram suæ præsentia dulcissimæ tui vobis imaginem. Audite auribus & intelligite corde, quid loquatur vobis Unigenitus Dei, Jesus Christus , vester Sponsus ! ô verba, ô amoris jacula , ô Dilectionis pignora , ô Charitatis æternaturæ Charismata , ô dulcis Jē ! Dulcedo super omnem Dulcedinem. Essentialis dulcedo Divinitatis, quam servasti vinum bonum usq; adhuc, usque ad hanc horā discessus tui à nobis ? Quid dabit tibi in hoc ultimo præsentia tuæ amabilissimæ solatio universus substantia meæ populus ? Quid tibi in ultimati pignoris vicem offeret ? ut recorderis ejus , dum veneris ad regnum tuum. Daret se tibi in monile, daret in murenulam, daret in inaurem , daret in frontale , daret in pectoris gemmeum ornatum, daret in annulum , daret in quidquid velles, si modo velles. Accipe mi Jesu, accipe totam membrorum , potentiarum, partium, actionum, verborum, cogitationumque mearum plebem , incipiens ab anima mea Amoris tui , ut per omnem æternitatem , cantent tibi in gloria tua , quod substantia mea , tota se , diligit te unicum & solum medullarum suarum Bonum. Jesu mi , amor mi, Amor amoris mei, vita animæ meæ , omne Bonum meum , tu abis in cœlum ad Patrem tuum in gloriam tuam. Ego hic & gaudeo de gloria tua, & mœro de solitudine mea. Quid enim deinceps respondebo vicinis meis creaturis tuis dicentibus mihi & suggillantibus

me

me quotidie: Ubi est Deus tuus? Qua ratione postmodum solabitur & me, & se, & omnes portiones suas, anima mea, cum quotidie amabili amaritudine confabulabimur nobiscum, & dicemus: Ubi est Deus noster, ubi estu mi Jesu, amor dulcis noster? O mi Jesu, hoc ultimum quod te video & habeo, nunc sit solatium omnium molestiarum mearum, sitque mihi dulcissimum memoriale tui? O mi Jesu, hoc ultimum Divino dulciq; aspectu tuo exsaturer. Hoc ultimum amplectar pedes tuos, osculer manus tuas, stringam amabile pectus tuum, desuaviem genas & labia tua, os vultumque tuum contempler. Converte adhuc oculos tuos regiè serenos ad me, ut intuear te, nec faciant à me avolare aspectum tuum, & memoriam mei. Sonet adhuc vox tua vel ultimo in auribus meis, vox enim tua dulcis, & facies tua decora. Exhibe te adhuc ori animæ meæ, & faucibus cordis mei in cibum atque potum salutis, ut & gustem te, & satiar te, & explear saginere te, faciamque mihi tolerabiliorem sterilitatem terræ hujus, vitæ in qua præsentis, in qua peregrinabor sine te, donec tu jubeas me venire ad te.

### *Munuscula.*

**N**On habeo mi Jesu, non habeo quidquam, vel te ipso, vel Patre æterno tuo dignum, quod dem tibi, ut quod committam fidei tuæ offerendum Patri tuo nomine meo. Scis enim, quia pauper & inops factus sum pridem nimis, nempe usque ab ipsa prima hora meæ de nihilo formationis. Hoc quod nunc te in corde meo præsentem habeo, quod coram te est, quod te amo, quod totus tuus sum, offero tibi, dono tibi, immolo tibi, ut totum

hoc, quantum quantum est, manibus tuis offeras ipsi tibi, ad purum, ad solum, ad nudum gustum tuum. Aliud quod ultimum, vel tibi, vel à te velim, cogitem, loquar, nescio mi Domine Jesu, anima mea in oculis tuis est, aspice sensum ejus, si tamen in ea sensus est aliquis te abeunte ab illa, qui es sensus ejus. Hoc volo mi Jesu, hoc desidero, hoc tota vilissimæ substantiæ meæ humilitate postulo, ut ab hoc postremo conspectu tui, ab hac ultima præsentia in terris tuæ, incessabiliter amem te, & triumphet de me amor tuus, æternum captivumque me habeat, & tanquam mancipio vero abutatur me, ad arbitrium suum, ad gustum tuum, ad nullum bonum præmiumve meum? Quod si parum, vel nihil tibi amoris tui placeo, (sicut revera unde placeam, nihil omnino in me habeo) totius inter nos conversationis tuæ meritis orna me tibi, & fac me talem, qualem vis & scis, dignum fac oculis tuis, amoris tui, Patrique tuo, cui tecum una cum Spiritu Sancto æternus honor, amorque à me, & ab omni creatura tua. Non sum mi extremum stringende Jesu dignus, ut amplius moreris mecum, quando expectant te cœli tui, & jam pateſcunt tibi regna illa, & portæ æternales. En jam potentia tua accincta præstolatur illuc deportare te. Et jam Angelorum chori parati stant istuc deducere te, salutare te, & adorare te inibi Deum, Regem, caputque suum. En jam sancti tui redempti & liberati tui expectant comitari te, ingredique tecum in regnum tuum. En jam Pater æternus desiderat te gaudium & salutem universæ terræ in cœlesti sua gloria resplendentem contemplari, & ad dexteram suam collocare. O igitur jam fuge Dilecte mi, fuge, fuge, assimilare capræ hinnuloque cervorum,

fuge

fuge super montem aromatum illorum æternorum,  
& fluente à facie tua aromata ejus super nos totos, us-  
que ad oram imam vestimentorum nostrorum, curre-  
musque recreati & tracti in odorem unguentorum  
tuorum ad te caput nostrum, nos membra tua lan-  
guentia absque præsentia tua. Mi Jesu dulcissime,  
illa terræ particula, quam in monte Oliveto ultimo  
sacratissimorum pedum tuorum vestigiis pressurus  
es, sit obsecro paupercula anima mea, ancilla tua, po-  
ne in ea ô Rex! ejus sacratos pedes tuos, & illi æterna-  
liter vestigia tua imprime. Non sum dignus amplius  
habere de te, quam imorum pedum vestigia. O  
satis superque hoc erit vilitati meæ, si vestigia tua  
portare contigerit animæ meæ. Tunc ego vestigium  
habebo cordis boni, si habuero vestigium pedis tui.  
Floridissime animarum sponse Jesu, tibi in cœlos  
abeunti, quæ paupertas atque vilitas animæ meæ an-  
cillæ tuæ præparare munera potuit, hæc offero im-  
primis tibi totum me cum omni latitudine, circum-  
ferentia, capacitateque substantiæ meæ, eamque totam  
tibi in odorem suavitatis, in corona gloriæ, in pignus  
amoris erga te mei trado, ut tu utaris eâ sicut scies  
& sicut voles ad omnem usum beneplaciti sancti tui.  
Offero tibi omnium eorum, qui tuam superglorio-  
sam in cœlos ascensionem speciali cordis affectu &  
olim celebrarunt, & hodie celebrant, olimque cele-  
brarunt in terra & cœlo. Offero inquam tibi omnium  
eorum corda, cordiumque motus erga te, & propter  
te, omnes & singulos ad suavissimum gustum tuum.  
Offero tibi totius Ecclesiæ tuæ triumphantis, juxta  
ac militantis, in ascensione tua jubilationem. Offero  
tibi sanctissimæ Virginis Genitricis tuæ, nostrum  
omnium Parentis pretiosissimæ animam totam animæ-



que ejus œconomiam totam, ac imprimis illam, quam habuit in hora Ascensionis tuæ dispositionem Offero tibi totam humanitatem ascendentem ad cœlos, gradientem in abundantia Divinæ dulcedinis, speciositatibusque usque ad Paternam dexteram, omnes cordiales animæ tuæ motus, quibus tunc beata anima tua agebatur, & omnes illas substantiæ tuæ affluentissimas redundantias, quibus in tota sua capacitate plenissimè circumfluebat. Offero autem tibi hæc omnia, tum ad purissimum Divini cordis tui gustum atque oblectamentum, tum ad super benedictæ Humanitatis tuæ in cœlo abeuntis (per omnia & singula corporis membra, per omnes & singulas animæ potentias) indignum ornamentum, ut quantum est ex affectu, desiderioque meo, quam gloriosissimus, speciosissimus que appareas Deus-Homo, Deo Patri tuo æterno.

### *Postulationes.*

**Q**uid à te petam mi Jesu, præ ignorantia & præ amore nescio, aut tu quod petere debeam possimque bene nosti, peto à te id, quod scis & vis mihi, juxta beneplacitum tuum, esse ac fore bonum, peto à te, ut me sanctissimæ Genitrici tuæ in specialem curam, speciali tuo affectu comendes, fac & trahe me illi, in mancipium, in filium, in hæreditatem, in hæredem, in sponsum. Illam autem trade mihi in Heram, in Matrem, in Hæredem, in Hæreditatem, in Sponsam. Peto à te præterea, ut recorderis mei, cum veneris in regnum tuum illud æternum, cum Spiritum Sanctum tuum de cœlis Ecclesiæ tuæ vivisque ac sanctis membris ejus demiseris, me quoque unum ex his esse jubeas ac facias, ad quod Hospes ille, Ignis ille, Sol ille, Magister ille, Protector ille, Dux ille, Medicus ille, Magnus ille veniet occu-

occupandos, inhabitandos, sanctificandos, donisque suis omnimodis replendos. Commenda quæso, & recom-  
menda me illi, mi Jesu, ut recordetur mei, ne prætereat me, sed donis suis rectis, mundis, sanctis, principalibus confirmet, & impleat me, ut ex hoc sciam te etiam in coelo meminisse mei, & curam agere animæ meæ ancillæ tuæ. Auderem adhuc & hoc petere abs te amore amoris mei, mi Jesu, ut cum primum assederis Paternæ dexteræ, postquam adoraverint te omnes populi Beatorum, primam beneficentiæ tuæ gratiam Rex coeli, & Majestatis omnis Imperator mihi pauperculo facere digneris. Verum hoc relinquo bonitati, ac sapientiæ tuæ, cum conscius sim abjectionis meæ, sufficere mihi, ut digneris me annumerare extremæ curæ tuæ, & postquam omnibus Sanctis tuis te pro capta cujusque communicaveris, tum demittas mihi reliquias gratiæ tuæ, quæ superfuerint forte voluntati tuæ faginantibus filios suos, amicos tuos, Dominos meos, beatissimo munificentia suæ convivio, & sic omnes particulæ substantiæ meæ colligant inicas Bonitatis tuæ, sicut catelli parvi solent delambere fragmenta modica cadentia de mensis filiorum Dominorum suorum.

*Gratiarum actionis Pars tertia, ut supr.*

§. VIII.

*Die sacro Pentecostes.*

*Preparationis Pars prima, ut supr.*

*Preparationis Pars secunda.*

**C**ontinebit meditationem de Spiritu Sancto. Ejus  
capita hæc erunt; 1. Confiteberis Spiritus Sancti  
Di-

Divinitatem. 2. Confiteberis Spiritum Sanctum esse donum. 3. Confiteberis sine Spiritus Sancti gratia omnia nihil esse. 4. Confiteberis Spiritum Sanctum missum esse. 5. Desiderabis eundem ejusque dona. 6. Offeres Sacrificium & cum eo te ipsum.

### *PRAXIS.*

**S**piritus Sancte, Deus de Patre Deo, de Filio Deo procedens Deus, te agnosco, te confiteor, te adoro, te invoco Deum, Factorem, Principem, Bonum, amorem meum. Tu enim sicut es Dei Patris, ac Dei Filii consubstantialis & coeternus, coequalisque amor: Quo & illi se tecum, & tu illos tecum amas, amando beas, beando imples, implendoque satias, ita etiam es omnium nostrum, hoc est, omnium creaturarum tuarum, & Amator, & amor, & bonum, & vitæ fons, & essendi Author, & Deus, tu ex Patre Filioque procedis, alius ab utroque persona non natura. Amas utrumque amore utriusque, hoc est te ipsum. Nec tamen illos & facis unum per te ipsum, qui es unum cum ipsis. Amat enim Pater se ipso Filium, Filius amat se ipso Patrem, & amando se ipsis, se mutuo spirant te amorem sui, amore sui spirant, non duplicem sed unum amorem, quia non spirant, te ut duo sunt, sed unum sunt, per te autem unum sunt, & ideo tu etiam & unus es, & unum idemque cum ipsis es. Et licet ipsi per te unum sunt, & tu unum cum ipsis, non sunt tamen iidem, nec tu es idem qui ipsi sunt, sed illi sunt alii à te, tu quoque alius ab ipsis, omnes autem estis idem & unum: Deus scilicet unus in natura, Trinus in persona. Hoc de te credo ô Spiritus Sancte! & credo per te, quia illuminor à te, tu quippe es qui illuminas & purificas fide corda nostra, ut sint capacia tui, quando ad ea venis Bonum eorum, Patris autem & Filii & tuum ipsius donum. Et hoc enim inter  
alias

alias laudes tuas in Scripturis tuis revelasti nobis, quod  
tu scis donum super omne donum, præcedens omne  
quodcunque est in creaturis quibuslibet bonum. Quia  
enim amor es, amor autem est bonum velle ei cuius  
amor est, ideo qui amat, bene vult amato, & dum illi  
vult bene, ante omnia bona quæ illi vult, vult illi amo-  
rem suum quo illi vult reliqua bona, quod circa inter  
omnia amantis & amoris dona quæ amato confert,  
primum est ipse amor; Atque ita quia tu amor es, necessa-  
rio etiam donum es, & quidem donum primum, & ante  
omne donum, quod donum dum nobis offers, omnia  
simul bona cum illo offers, sicut qui Solem aliquo infert,  
omnes ejus radios cum ipso infert, aut qui fontem  
donat, omnes etiam rivulos ejus simul cum ipso donat.  
Et hæc est origo omnis Boni nostri, si nimirum parti-  
cipes reddamur doni tui, quod donum tu es ipse qui es  
amor, qui es donum primum. O Amor ama me, & dona  
te ipsum mihi, & habeo satis, perinde ut ille qui habet  
mare, non posuit fluvios, sed sufficit illi, sic & mihi suffi-  
cit habere te solum, & aliud nihil ambio ex donis tuis,  
quia tu unus major es omnibus donis tuis, sicut mare  
majus est omnibus fluviis suis. Da ergo te ipsum Deus  
meus mihi, infunde ipsum cordi meo ô Spiritus Divi-  
ne: ô Spiritus alme, ô Spiritus Filii, ô Spiritus Patris,  
ô Spiritus S. sine tuo numine, nihil est in homine, nihil  
est innoxium. Quid enim sit in illo, si tu absis plenitudo  
omnium? Quid ut in illo? Quia nihil est ex te ipso. Sed  
quidquid est, totum est ex dono tuo. Quid sit in illo in-  
noxium sine te, cum hæc ipsa sit noxa ejus, damnabilis-  
que miseria ejus, si tu forte non sis inhabitator ejus? O  
S. Spiritus, quid mihi sum abs te, ô Divine Spiritus, quid  
mihi sum, si tu non es in me, sum utique merum nihil,  
vanitas plena, consummatum malum, perditio ultima.

Quod



Quod est rivus sine fonte, quod est radius absque Sole, quod est infans absque matre, quod est bonum absque mente, quod est umbra absque corpore. Hoc ego sum absque te ô Spiritus Sancte. Hoc etiam est omnis creatura absque gratia tua. Idcirco suspirat ad te Factorem suum tota substantiâ sua, ut servus, vivifices, & sanctifices eam, quoniam tu es domus, vita, sanctitas ejus. Atque in hunc finem nobis creaturis tuis orphanis suis, misit te Unigenitus Dei ad corda nostra, ut mundares ea, & faceres templum tibi, atque Filio, & Patri aeterno. Misit te non tanquam Dominus servum, neque tanquam Rex vicarium, sed tanquam Spirator Spiritum, Amans amorem, Donator donum. Misit te ut nos sanctificaret per te, utque tu esses fons, & Pater, & index sanctificationis nostræ. O beate, animæ illæ quæ dignæ sunt inhabitatorem habere te, ad quas non dignaris mitti, & super quas te effundis velut imbrem serotinum, velut pluviam voluntariam, velut aquam mundam, velut ignem consumentem, velut linguas igneas, velut pignus pacis Domini nostri Jesu Christi. O quis mihi dedisset tunc immistum stare turbæ illi sanctæ, pusillo gregi Christi, novellæ Ecclesiæ, in quam tu sacro Pentecostes die, in linguis igneis dispartitis descendisti & sedisti. O ignis Divine, ignis sancte, ignis desiderabilis, ignis vivificans, ignis accendens, ignis purificans, ignis transformans, ignis æterne. Complaciat quæso tibi hoc etiam exiguum cor meum, ut desleetas ad illud, & accendas illud, & purifies, & sanctifices, & inhabites. Complaciat tibi ô Deus donum, & Deus Spiritus, ô Deus ignis, ô Deus charitas, complaciat inquam tibi in anima mea ancilla tua. Respice ad illam, & descende in eam, & mane in ea. Annumera me vasis tuis, quæ musto novo, quæ vino novo, quæ primitiis Spiritus, quæ plenitudine gratiæ charitatisque tuæ dignatus

tus es. Nunquid enim unam tantum benedictionem habes, ô Benedictionum Pater, ô Gratiarum mare, ô Fons donorum, ne verearis paupertatem donis ornare, deflectas ad me, & irriges arentem terram cordis mei, tu qui pluis super iustos & iniustos, ut omnes facias iustos, es, qui Solem tuum oriri facis super bonos & malos, ut nullos sinas esse malos, descende super animam meam, & perfunde illam, illumina cor meum & clarifica illud in flammam, & & mundum fac tibi, ut stem coram te sanctus, vivus, mobilis, mundus, efficax, gratus, fidelis, ardens, verax, immutabilis, æternus. O Lux beatissima cordium, quibus te desiderabo votis, quibus te anhelabo tædiis, quibus ad te aspirabo cordibus? Ecce quantus quantus sum, totum sum ostium tibi. O dulcis Hospes animarum. Et quid est quod impedit te, ne possit requiescere pes tuus in me? Non loquar hæc, quasi me iustum sciam, cum contra me Testimonium dicant peccata mea, multa & magna nimis, sed quia ipsa peccata mea, ac miseriæ meæ, faciunt locum misericordiæ tuæ, provocantque bonitatem tuam, ut sanet infirmitatem meam, & auferat iniquitatem meam. Quia ergo Medicus es, invito te ad me, voce infirmitatum mearum, quia lux es, desiderant tenebræ meæ, quia aqua es, sitit te sitiens terra cordis mei, quia ignis es, expectat te pigrum frigus medullarum mearum, quia charitas es, indiget te læsa per concupiscentiam anima mea. Veni itaque ô Sancte Spiritus, veni ad animam meam, sana eam, illumina eam, vivifica eam, munda illam, fove & confirma illam, ut cognoscat veritatem tuam, suscipiat charitatem tuam, foveat vitalem gratiam tuam, teneat præsentiam tuam. Hæc sunt vota mea ad te, ô Pater, votorum meorum. Hæc sunt suspiria mea, quibus clamo post te, currentem ad animas iustas, abs te tibi præparatas, ut venias quoque ad animam meam, neque pertranseas eam, alioqui quæ mihi utilitas in adventu tuo, aut quis mi-

hi fructus fructuum tuorum. Si ego vacuus te sum, & sic nec de te, nec de bonis tuis, gustat & gaudet anima mea. Veni ergo ô Sancte Spiritus! & emitte cœlitus lucis tuæ radium. Veni Pater pauperum, veni Dator munerum, veni Lumen cordium. Noli expectare ut animam præparem tibi, quia illa ipsa expectat ut pares eam tui ipse tibi. Ecce parata est parari à te, sine quo neque hoc potest, ut parata sit parari à te. Tuum namque & hoc donum est, ut animæ, ad quas venire vis capaces fiant adventus tui, aptæque sint præparari à te in adventum tuum. Et quid amplius expectas vel exigis ab anima mea. Nihil illa aliud de suo præstabit tibi, nisi hoc forte, quod præsens erit adventui tuo, quanquam hoc ipsum non erit opus suum, sed donum tuum. Usque adeo pauper est anima mea sine omnimoda gratia tua, quam ut largi flue infundas illi, supplicat tibi totâ indigentia sua. Et verò, ut tanto amplius tibi omniscio Spiritui ostendat indigentiam suam, jam ad obtinendam sibi præsentiam tuam, ad te pro se ablegat magnam illam misericordiam & charitatem tuam, quam in Virginis purissimæ visceribus carne vestitam, deinde inter homines visam, tandem in Cœna & cruce immolatam, fecisti tibi & Filio, & Patri Hostiam suavem, Victimam gratam, acceptissimum holocaustum. Nunc ergo propter illam carnem, propter illum sanguinem, propter illam animam, propter illam humanitatem, propter illum Jesum Christum, propter illum Dei Patris Virginisque Mariæ Unigenitum, propter illum Hominem Deum de te conceptum, abste sanctificatum, tibi immolatum, respice ad animam meam, veni in eam, da illi copiosa & tibi placita dona tua, quibus placeat tibi, serviat gratiæ tuæ, amet voluntatem tuam, famuletur Providentiæ tuæ. Exaltet dignitatem tuam, perseveret in Charitate tua,

frua-

fruaturs gloria Tua, veni & in eas animas quas diligit bonitas tua, quas amari à me vis, quibus debeo ex voluntate tua charitatem tuam. O Bonitas, ô charitas, ô veritas, te da illis sicut mihi, da Te mihi sicut illis, utriusque autem infunde te, sicut disposuisti tu, sicut nos præparasti tibi, sicut placitum est ante te. Veni ergo, veni Creator Spiritus, mentes tuorum visita, imple superna gratia quæ tu creasti pectora.

*Præparationis pars tertia, ut sup.*

*Affectus totius Sacri.*

Spiritus S. Spiritus Paraclete, Spiritus Veritatis, qui Ecclesiam tuam omnibus temporibus usque ad consummationem sæculi à luce veritatis illuminas, & igne charitatis accendis, & providentiâ tuâ gubernas, & virtute protectionis, & gratia sanctificas, suscipe à me ser-vo tuo, istud quod Majestati tuæ oblaturus accedo sanctum sacrificium, eoque suavissimum bonitatis tuæ gustum, meo nec non meorum, ac tandem totius Ecclesiæ tuæ nomine, quam plenissimè satia, exple, recrea. Nosque omnes copiosissimis sanctificationis gratiæ tuæ donis, semper adimple.

*Affectus ad Consecrationem.*

Spiritus S. Deus, qui de purissimo pretiosissimæ Virginis Mariæ sanguine, corpus & sanguinem JESU Christo adaptasti, illudque summa in nos tua charitate conformasti, desidero & ego, atque propono, illius tuæ charitatis ad instar, idem corpus, eundemque sanguinem Domini mei JESU Christi, in Tuam & Filii, & Patris gloriam, ex hoc Pane ac Vino nunc consecrare, ad purum suavitatis Tuæ gustum recreandum efformare, Tibique immolare.



*Affectus ad Elevationem.*

**O** Sanctissime Dei Patris, Deique Filii Spiritus, peto hujus pretiosi corporis sanguinisque dignitatem, peto indignissimus ego, ut super me, super omnes meos, quos me specialiter amare voluisti, super omnes hos nunc præsentes, super universam Ecclesiam Tuam descendas, atque omnes nos gratiis tuis multis, magnis, necessariis, efficacibus, juxta beneplacitum tuum superimpleas, sicut in die Pentecostes primum illum Christi gregem adimplere dignatus es. Veni Sancte Spiritus &c.

*Affectus ad Communionem.*

**A** Peri, dilata, distende, suppone totam capacitatem tuam, ad accipiendum Spiritum S. cum omnibus donis ejus, cum tota substantia illius, ut in te adimpleatur illud verbum Christi: Ad eum veniemus, & mansionem apud eum faciemus. Quam ad rem, polce & usurpa tibi, illam cordis latitudinem, qua in die Pentecostes, omnes Christi discipuli & Apostoli, præcipue sanctissima Dei Mater Spiritus S. in igne descendentis primitias, & abundantiam exceperunt.

*Post Sacrum.*

*Gratiarum actionis pars prima per 5. actus, ut sup.*

*Gratiarum actionis pars secunda.*

**C**ontinebit meditationem de Spiritu Sancto, cujus capita hæc erunt: 1. Adorabis Spiritum S. præsertim in te, cum Filio, & Patre, ob præsentiam sanctissimi corporis Christi. 2. Postulabis dona ejus omnia, & fructus ab illo in te effundi, nec non Virtutes, atque in specie aliquas certas. 3. Dona Spiritus S. & fructum specialem specialiter posces.

PRA-

*PARS I.*  
*PRAXIS.*

295

**S**piritus Sancte Deus, de Deo Patre Filioque procedens, utriusque amor, amborum bonitas. Adoro te cum Patre, & Filio, in corde meo commorantem, atque per communionem SS. corporis Christi Jesu, præsentiam tuam mihi indulgentem, sis benedictus in Patre, & Filio, & in Te ipso. Sit benedictum nomen Sanctitatis tuæ, per æterna secula, ab omni creatura. Adoro te tota latitudine præcordiorum meorum, tota vi medullarum mearum, tota capacitate virium mearum internarum & externarum. Exalto te Deum, Dominum vivificantem, gratiæ fontem. Digitum Dei, Angelorum desiderium. Pignus Ecclesiæ Veritatis & Virtutis. Magistrum atque Patrem. Adoro Te Patrem pauperum, solatium, & opus, & refugium, & vitam miserorum, Deum totius consolationis, bonitatem, misericordiam, & salutem universorum, charitatem mundi, qua diligitur à tota Trinitate. Adoro te spem, vitam, sapientiam, lucem, robur, veritatem, lætitiā, bonitatem meam, tibi que me totum in possessionem, & voluntatem tuam omnem, æternaliter trado, & consecro, ut sim opus tuum, domus tua, sedes Regia, Regnum, locus, materia, instrumentum, depositarium, reclinatio, ludus, ager, hæreditas, prædium, omnia, & quidquid voles. Forme me tibi o Forma formarum, forma originalis, formans omnia, & continens universa, nusquam tamen contenta vel conclusa. Aspice in me creaturam tam infirmam, & contrafactum & pauperem, per omnia extrema opis indigentem, & inclinata super me viscera misericordiæ tuæ bonitatis, atque me donis tuis magnis, multis, perfectis, meæ ac alienæ salutis utilibus; Tuæ verò gloriæ deservituris, juxta tuæ Divinæ voluntatis pietatisque beneplacitum adimple, &

U 2

locu

PRA-

locupleta, ut semper sanctus, gloriosus, placitus in oculis tuis, ex Tuo munere coram Te incedam.

Postulationes donorum & fructuum Spiritus S. vide infra per dies hebdomadæ dispositas.

## §. IX.

*Die Sanctissimæ Trinitatis.*

*Preparationis pars prima, ut sup.*

*In secunda parte.*

**C**onfiteberis Deum unum. 2. Eundem Trinum.  
3. Offeres eidem sanctissimum Sacrificium & Sacramentum.

## P R A X I S.

**D**EUS eminentissime, Tu unus es, & præter Te non est alius, cui Divinum esse competat, etenim tam Tibi convenit unum esse, quam Deum esse, quia si unus non esses, Deus non esses, ac ideo nullus esses. Proinde, sicut Tibi tota capacitate substantiæ, potentia, actionisque meæ gratulor Divinitatem, ita quoque eadem mensura, congaudeo Tibi de Tua Unitate, ac singularitate, quod gaudium meum, ut proteſter efficacius, dedico Tibi, & destino sacrificium hoc sanctissimum, ad quod accèdere intendo, & quod nulli alteri, præterquam Uni ac soli Tibi debetur, perinde, ac Tu unus ac singularis es super omnia benedictus DEUS, Tibi soli honor & gloria, & gratiarum actio, & adoratio, & sacrificium. Amen.

Et quia tu ô DEUS admirabilissime, ita Unus es, ut tamen Trinus sis, & quidem tam mirabiliter unus in Trinitate Personarum, quam ineffabiliter Trinus in Unitate

Unitate Essentia, ideo tibi incognoscibili Deo, hoc unum confitetur anima mea, quia nihil amplius, nihilque dignius cognoscit de te, quam quia nihil cognoscit de te, dignum te, quidquid enim cognoscit de te, longe aliter in ipsa est, quam reperitur in te. Confitetur quoque tibi & hoc anima mea, quia nihil aliud habet, quo digne possit honorare & adorare te, præterquam, ut sacrificium tibi offerat de ipso te, accipe ergo de manu cordis mei DEUS meus, Sacrificium hoc tibi soli debitum, tum quia sacrificium est, tum quia ineffabili & tibi soli debito modo peragendum, tum denique quia talis actantæ rei est sacrificium, cujus oblatio nulli alteri, præterquam tibi uni deberi potest Deo meo, cui sit in Trinitate æternus honor, æterna gloria, æternum Sacrificium,

Jam verote, quoniam ô Unitrine Deus meus, solum sine fine, sine modo, sine lege, sine mensura, amare & adorare concupiscit ac debet anima mea, propterea offero tibi id, ad quod accedo ineffabile sacrificium, ab Unigenito Filio Tuo institutum, per Unigenitum tuum peractum, ex Unigenito tuo confectum. Dominus enim noster Jesus Christus ex semetipso, per sapientiam, charitatem, potentiam, misericordiamque illud instituit, & in nomine, personaque sua, ad odorem suavitatis, tibi Deo nostro offerri à nobis ministris suis præcepit. Accipe ergo ô ineffabilis Trinitas Deus! ineffabile sacrificium, quod tibi ex corpore & sanguine Jesu Christi offerimus, & immolamus, cui enim alteri illud offeramus quam tibi, cujus sapientia illud invenit, Bonitas instituit, potentia peragit? Cui alteri illud immolemus, quam tibi, cujus illud superadmirabile & superarcanum est domicilium, & veluti novum quoddam cælum? In eo enim sacrificio, tu superauctusta Trinitas Deus unus, tam veraciter, quam incomprehensibiliter



habitas, & operaris: Nam & tu ô Pater æterne, isthic æterno genitum Filium tuum generas: & tu ô Fili, ex Patre ibidem nascens, ibidem Spiritum S. una cum ipso Patre spiras. Et tu ô Spiritus S. à Patre Filioque hic spiratus, una cum illis, hoc admirabile sacratissimumque mysterium, & Sacrificium, Jesu Christo summo Sacerdoti. nobisque Ministris ejus cooperans, illud suavissime odoraris, in eodemque hominum amabilissime misereris. Beatos autem tuos in cœlesti gloria felicissima beatitudine adimpleres, universum creaturarum populum perducis, gubernas, & conservas. A quo tibi æterna sit laus & gloria in æternum & ultra, Amen.

*In tertia parte Præparationis.*

**P**etes à Sanctissimæ Trinitatis Personis gratiam, dignè offerendi hoc sacrificium.

A Patre. Ad gustum & consolationem Sanctissimæ Trinitatis, peto à te Pater, æterne Deus, ut des mihi, cum eo affectu, eaque donorum cœlestium copia, nunc, & semper, sacratissimum Missæ mysterium offerre, Eucharistiamque conficere, & denique Christum Dominum recipere, quo illum pretiosissimæ Virgini Parenti, & per illam universo humano generi, in Incarnatione dedisti.

A Filio. Ad gustum & consolationem Sanctissimæ Trinitatis, peto à te Fili, Redemptor mundi, Deus, ut des mihi cum eote affectu conficere, offerre, suscipere, quo tu ipse te in ultima cœna confecisti, in ara crucis obtulisti, in Incarnatione Parenti pretiosissimæ suscipiendum dedisti.

A Spiritu S. Ad gustum & consolationem Sanctissimæ Trinitatis, peto à te ô Spiritus Sancte, Deus, ut mihi tam mundum cor atque corpus efficias, propter Divinissimum sacrificium offerendum, Sacramentumque conficiendum ac recipiendum, quam mundum, purum,

rum,

rum, atque dignum effecisti in Parente pretiosissima, Virgine Maria, quando illa Verbum æternum exceptura, conceptura, atque purissimorum viscerum suorum sanguine, humanoque corpore, fuerat indutura.

*In quarta parte sicut in tertia superiorum Sacrorum.*

*Affectus totius Sacri.*

**Q**uoniam tu creatura cum sis Sanctissimæ Trinitatis, debes illi cultum sacrificii, sed indignus es, qui illi immoleris, igitur desidera, & propone eidem immolare Jesum Christum. Sanctissima Trinitas, Deus meus, cujus creatura sum, agnosco tibi à me deberi, omnimodum obsequium, cultum, & sacrificium, sed quia tu brutis non oblectaris honoribus, & in sacrificium me tibi immolari neque tu vis, neque ego dignus sum, ideo tibi Uni-Trino Deo, Domino meo, in sacrificium laudis offerre volo, & propono, Jesum Christum, Redemptorem & Dominum, & simul sacrificium meum.

*Affectus ad Consecrationem.*

**S**anctissimam Trinitatem ubique præsentem per immensitatem, fac in speciebus Panis & Vini præsentem, per Sacramentalem concomitantiam. Sanctissima Trinitas, quæ ubique es per Divinam tuam immensitatem, do tibi sub his speciebus Sacrificii, esse per Sacramentalem præsentiam, tu fac me tibi, & te mihi, semper præsentem, per sanctificantem gratiam, in unione illius affectus, quo tu Sanctissima Trinitas, tibi Jesum Christum, Deum Hominem in SS. Sacrificio immolari voluisti, quoque ille tibi sese immolavit, & immolat, cum quo & ego me tibi immolo, in sacrificium plenum, per manus Sanctissimæ Jesu Christi Humanitatis, pretiosissimæ Parentis, sanctorumque omnium hominum, & Angelorum, nominatim N. N. hodiernorum Sanctorum, &c.

*Affectus ad Elevationem.*

**A**dorationis affectum Sanctissimæ Trinitati intima annihilatione tui exhibere curabis. Sanctissima Trinitas. Deus & Dominus meus, adoro te sub his speciebus præsentem, adoratione, quæ uni tibi, à me, & ab omni creatura debetur, cujus etiam nomine, affectu debito, eam tibi, nunc semel pro semper exhibeo,

*Affectus ad Communionem.*

**R**oga Sanctissimam Trinitatem, ut ad te veniens mansionem apud te faciat, siquidem Verbum Verbi non tantum servasti, sed etiam consecratione efformasti, impleat ergo tibi promissum Veritatis. O Sanctissima Trinitas, dixit Dominus meus Jesus Christus, quod ad eum qui servaret aut faceret sermonem Verbi, esses amanter ventura, & mansionem apud eum factura, en ego confeci, & formavi, & servavi verbum Veritatis, sub iisque speciebus illud deposui, & cum iisdem intra viscera cordis corporisque mei servare volo, imple ergo jam promissum veritatis. Ama me, veni ad me, & mansionem tibi fac apud me gratissimam & æternam.

*Post Sacrum.*

**E**Licies varios ad Sanctissimam Trinitatem actus & affectus. 2. Coronam Sanctissimæ Trinitati dices, defectuosissimi hominis affectu, misericordiam ab ea mendicans. 3. Gratas ages &c.

*Actus*

*Actus Virtutum.*

**Fidei.** Credo in unum Deum, Patrem omnipotentem, factorem cœli & terræ. Et in Jesum Christum Filium unigenitum, consubstantialem Patri. Et in Spiritum S. Dominum & vivificantem, sanctam & individuam Trinitatem, cui me tota devotione committo.

**Spei.** Spero in Patrem, Filium, Spiritum S. Sanctam Trinitatem, unum Deum, & ab eo vitam æternam, ex gratia ejus, ex Jesu Christi meritis, ex mea cooperatione, hoc est sanctissimæ Trinitatis donatione & miseratione, opera mea bona, magis autem sua vera dona, sanctificante, & coronante, atque glorificante, me obtenturum, omniaque mala, tam corporis quàm animæ, juxta voluntatem ejus superaturum.

**Amoris.** Amo, & super omnia totis viribus cordis mei æstimo, Patrem, Filium, Spiritum S. Unum in Trinitate, & Trinum in Unitate Deum. Hac Fide, Spe & Charitate, in Sanctissimam Trinitatem, Deum meum, & summum bonum meum ferri, atque tendere volo, totis viribus, animæ, corporisque mei, pro omnibus punctis vitæ meæ, pro omnibus in cœlo & in terra, & sub terra, existentibus creaturis, in eaque fide, spe, charitate, vivere & mori desidero, in unione gratiæ Dei, meritorumque dulcissimi Domini mei Jesu Christi.

**Adorationis** Patrem, Filium, Spiritum S. Unum in Trinitate Deum adoro, & esto, tota substantiæ viriumq; mearum prostratione, ac submissione, tanquam Deum, Dominum, Authorem, Principium, Principem, Finem meum primum, summum, ultimum, tanquam creatura, servus, mancipium, opus, jumentum, Dei dominium. Adoro & amo te summa & beatissima Trinitas existentem in te ipsa, & unio hanc adorationem & amorem meum, cum amore quo amas infinitè te



ipsam, gaudens, & intimo exultans, de infinita perfectione beatissimæ Naturæ tuæ, excedente omnem captum intellectus, omnium creaturarum tuarum rationalium, & desiderans te adorari semper quoad fieri potest, in actu secundo, & amari amore quam proximè tuo infinito, & incomprehensibili quo amas te ipsam, & rogo suppliciter, ut iste pauperculus Amor meus, tuo infinito unitus, recreet & exhilaret, semper dulcissimum & amabilissimum cor tuum, propter gustum & consolationem beatissimi cordis tui, Amen.

Adoro & amo te, summa & beatissima Trinitas, existentem in sanctissima Humanitate Christi Jesu, & unio hanc adorationem & amorem meum, cum adoratione & amore, quo ejus anima beatissima te adorat semper & amat. Rogo supplex, ut hæc paupercula adoratio, amorque unitus sacrosanctæ illi adorationi & amori recreet, quam simillime dulcissimum &c. ut immediate superius.

Adoro & amo te, summa & beatissima Trinitas, existentem in beatissima Virgine MARIA, pretiosissima Parente & Domina mea, in Angelorum Hierarchiis, in omnibus Beatorum choris, in animabus Sanctorum & Electorum tuorum, vivorum & mortuorum, rogo supplex, ut hæc paupercula adoratio & amor meus, & singulæ actiones meæ hujus diei & vitæ totius, unitæ adorationibus & amoribus eorum, recreent & exhilarent, quam simillimè dulcissimum &c.

Adoro & amo te, summa & beatissima Trinitas, existentem in omnibus aliis creaturis, tam multis & tam præstantibus. Rogo supplex, ut mihi pauperculo servo tuo concedas, propter te, & propter merita Domini mei Jesu Christi & omnium Sanctorum tuorum, tam magnam multitudinem & præstantiam gratiæ, semper in oculis tuis, in Esse supernaturali & Divino, quam magna

magna est multitudo & præstantia creaturarum omniū, præteritarum, præsentium & futurarum, in Esse naturali, ut sic paupercula anima mea & corpus meum, his exornata muneribus recreet & exhilaret, semper dulcissimum & amabilissimum cor tuum &c.

Adoro & amo te, summa & beatissima Trinitas, existentem in omnibus locis, in quibus ad hanc usque diem, factum est, vel fit, vel fiet aliquid, contra vel præter sanctissimam voluntatem tuam, & intimè doleo, tam parvum respectum habitum, haberique summæ illius & Beatissimæ Majestatis tuæ. Rogo supplex, ut propter merita Domini nostri Jesu Christi, omniumq; Sanctorum, remittas omnia peccata nostra, præterita, præsentia, à futuris autem præserve, mihiq; & omnibus ac singulis tuis Electis, in libro vitæ descriptis, tantam abundantiam efficacissimæ gratiæ tuæ supernaturalis largiri digneris, ut si fieri potest, quolibet actu nostro, tantum dulcissimo & amabilissimo cordi tuo exhibeamus, gustum & consolationem, quanta est malitia omnium simul peccatorum, præteritorum, præsentium & futurorum, propter te Deum meum, & propter gustum consolationemque dulcissimi ac beatissimi cordis tui, Amen.

Adoro & amo te, summa & beatissima Trinitas, existentem in omnibus illis locis, in quibus ad hoc temporis punctum factum est, vel fit, vel fiet aliquid, gratum & placitum dulcissimo & amabilissimo cordi tuo; & intimè gaudeo, ita honoratam & amatam, honorari & amari, honorandam & amandam esse, summam & beatissimam Majestatem tuam. Rogo supplex, propter te, & propter merita Domini mei Jesu Christi, omniumq; Sanctorum tuorum, mihi & omnibus Electis tuis, tantam abundantiam supernaturalis gratiæ tuæ, efficacissimamque largiri digneris, ut quoad fieri potest, quo-

quolibet actu nostro, dulcissimo cordi tuo exhibeamus, quam simillimum gustum & consolationem, bonitate omnium simul actionum, præteritarum, præsentium & futurarum, propter te Deum meum & consolationem cordis tui, Amen.

Adoro te & amo te summa & beatissima Trinitas, existentem in omnibus illis locis & creaturis, quibus tu aliquando largita es aliquod donum tuum, & in quibus vetera conservas, novaque confers beneficia, naturalia & supernaturalia, mihi & aliis omnibus, pro quibus universis & singulis intime tibi gratias ago, illis præferis, quæ tribuisti & sacrosanctæ Humanitati Domini nostri Jesu Christi, & purissimæ ejus matri, & celestibus Spiritibus, sanctisque & electis tuis, vivis & mortuis, & pro iis, quæ adhuc tribues. Rogo supplex, ut propter te & ob merita Jesu Christi, omniumque Sanctorum tuorum, tam abundanter & efficaciter ornes animam & corpus meum, cum omni eo, quod in me est & erit, ut ego pauperculus servus tuus, semper quantum fieri potest, sim actuale sacrificium & holocaustum spirans, dulcissimo & amabilissimo cordi tuo gratissimum odorem, perennis & supernaturalis suavitatis, propter te Deum meum, & propter gustum consolationemque cordis tui, Amen.

Adoro & amo te, summa & beatissima Trinitas, existentem in omnibus illis locis, in quibus sanctissimum Sacramentum & Sanctorum tuorum in cælis tecum regnantium, aliquæ res vel reliquiæ sunt reconditæ. Rogo supplex, ut propter te & merita Jesu Christi, cum omnibus Sanctorum tuorum, tam grata tibi sint omnia opera mea, & ommissiones meæ proportionaliter, quam gratum est tibi, in illis locis sanctissimum Sacramentum corporis & sanguinis Domini nostri JESU Christi, cum omnibus Sanctorum tuorum reliquiis & rebus,



rebus, quibus ego eum quem par est honorem & amorem, ex intimo corde impendo, ut recreem & exhilarem dulcissimum & amabilissimum cor tuum, propter te Deum meum, & propter gustum consolationemque beatissimi cordis tui, Amen.

Adoro & amo te, sanctissima & beatissima Trinitas, existentem in iis locis, in quibus creaturæ tuæ, præsertim rationales indigent, una mecum novis beneficiis tuis, naturalibus & supernaturalibus, & in quibus implorant necessitatibus suis divinum auxilium dulcis & potentis dexteræ tuæ. Rogo supplex, ut propter te & ob merita Jesu Christi, & omnium Sanctorum tuorum, respicias benignè ex alto folio beatissimæ gloriæ tuæ, indigentiam omnem & petitionem creaturarum tuarum, easque propitius adjuves in necessitatibus, & exaudias in petitionibus ipsarum, & facias, ut beneficiis tuis de novo concessis, utantur ad honorem & gloriam quam maximam divinæ Majestatis tuæ. Et si forte quod absit, per inconsiderationem vel malitiam, aut alio modo bene illis non sunt usuræ, ego præ desiderio honoris gloriæque tuæ dirigo illa, & offero tibi, cum pretiosissimo corpore & sanguine, meritisque omnibus Domini nostri Jesu Christi & omnium Sanctorum tuorum, ad laudem, & gustum, & consolationem beatissimi cordis tui. Rogans te suppliciter, ut hanc oblationem meam, propter merita Jesu Christi & Sanctorum tuorum, in odorem suavitatis, libenter ac cum gustu tuo acceptes, & me cum omnibus illis, quæ tibi obtuli, benignè respicias, & paternam benedictionem, abundantem & efficacem de cælo demittas, quo fretus, ambulem semper rectè & serventer, in omnibus mandatis & consiliis tuis, & quamplurimos, præterea verbo & exemplo ad tuum perfectum amorem, citò, sæpè, constanter, copiosè, efficaciter & perseveranter traham,

& si



& si fieri potest, fiam quoddam rete tuum, mundum totum in virtute dexteræ tuæ comprehendens, & dæmonis servitio eripiens, & usque ad te perducam, & posthanc vitam, ipse recta ad te videndum perveniam, propter gustum & consolationem beatissimi cordis tui, Amen.

*Subjectionis.* Patri, Filio, Spiritui S. Uni-Trino Deo, Domino meo, Possessorique ac Regi absoluto, independenti, omni modo, me servum, subditumque, & quia sum, recognosco, & (si per impossibile non essem) facio, ejusque me potestati, arbitrio, regimini, voluntati, voluntariè, deliberatè, devotè, naturaliter, omni meliore, quàm ille dignus est, ac vult, ac ego debeo, voloque, ratione ac modo, subdo, subjicio, submitto, pro tota vita, morte, æternitate, pro qualibet prosperitatis, adversitatisque conditione, pro nullo alio præmio & commodo, nisi, ut exaltetur ille DEUS salutis meæ, & impleatur in me suavissima voluntas ejus, delecteturque, quam plenissime divinus gustus ejus.

*Gratitudinis.* Patri, Filio, Spiritui S. sanctæ & benedictæ in sæculum Trinitati, omnis boni fonti, gratias ago pro omnibus & singulis beneficiis, quæ unquam alicui creaturæ præstitit, præstat, præstabit. Gratias ago pro beneficiis mihi collatis, naturæ & gratiæ, pro beneficiis communibus & particularibus, live jam datis live adhuc dandis, per omnem æternitatem. Atque hasce gratias meas, ipsius Sanctissimæ Trinitatis Bonitati adjungo, ut propter eam ipsi placeant, ita, sicut bonitas ejus, & bonitas beneficiorum ejus ipsi placet. Gloria Patri & Filio & Spiritui sancto, à me, & ab omni creatura, sicut erat in principio &c.

*Contriti-*

*Contritionis.* Patri, Filio & Spiritui sancto, semper benedicendæ Trinitati, confiteor omnia & singula delicta animæ meæ, erroresque cordis mei, & pro iis omnibus & singulis, sub omni, sub qua Sanctissimæ Trinitati displicent, ratione doleo.

Doleo autem tantum ideo, quia summæ illi ac dignissimæ Bonitati ac Majestati displicent, inque offensam ejus bonitatis ac dignitatis vergunt, quam ergo summè amare, æstimareque debui, & quam nunc ex tota voluntate mea, summè amo, omnibusque præfero, ac præferre in æternum volo ac propono.

*Gratulationis.* Patri, Filio & Spiritui sancto, Unitati & Trinitati, volo, gaudeo, gratulor, quod sit id quod est, nempe Deus in Trinitate Unus, & in Unitate Trinus. Pater, Filius & Spiritus Sanctus, à se Ens, omni bono & perfectione plenum, beatum, nullius indigum, omnium potens, omnium dominans, per omnia; Actus purus, securitas, immensitas, Bonitas, plenitudo, Veritas, æternitas, & omnia illa, quæcunque est. Eidem gaudeo, volo, gratulor, quod omnis creatura in ejus potestate est, omnis ab illo est, & per omnia dependet, omnis sine illo nihil est, omnis in conspectu ejus nihil est, omnis ei comparata magis non est quam est. Hoc Deum meum, Trinitatem esse, plus gaudeo, plus volo, quam me omnimode beatum esse, quam omnis boni, cujus capax sum, possessorem ac fruitorem esse. Plus enim amo & cupio Trinitate DEO bonum ejus vel minimum, quam mihi bonum meum vel maximum.

*Postulationis.* Sanctissima Trinitas, Pater, Fili, Spiritus Sancte, Unus DEUS. Ego creatura & cura tua, peto à Paterna & Divina Bonitate tua, ut des mihi dona tua, quæcunque disposuit mihi dare sapi-

sapientia & voluntas tua, utraque adoranda, & mihi suavisissima sponsa mea. Nihil à te peto, mi Trinitas Deus, nisi, ut hoc facias, tam mecum, quàm cum omnibus creaturis tuis, quod facere nobiscum ab æterno ordinasti, & hoc etiam ipsum non aliter à te peto, nisi quia ut petam, tu ordinasti. Fac tu, Sanctissima Trinitas, quod vis, & me facito jumentum, sponsumque tuæ sacrosanctæ Majestatis, Bonitatis, Voluntatis, Dignitatis & Trinitatis.

## CORONA.

**I**ndues affectum indignissimi ac mendicissimi (sic ut revera es) hominis, atque in aliquot decadibus coronæ, cā qua par est indigentissimam creaturam humilitate, à sanctissimæ Trinitatis omnibus & singulis Personis, misericordiam (vel quod aliud donum voles) postulabis, in unione meritorum Christi.

Pater de cœlis Deus

Fili Redemptor mundi, Deus

Spiritus Sancte Deus

Sancta Trinitas, Unus Deus

Miserere nobis.

**O** Pater, per amorem corporis & sanguinis Filii tui.  
**O** Fili, per amorem corporis & sanguinis tui proprii.  
**O** Spiritus S. per amorem corporis & sanguinis à te, in visceribus sanctissimæ Virginis efformati, date mihi & toti mundo, potissimum autem amicis meis, amorem vestrum perfectum. Indulgete veniam peccatoribus, lucem æternam ostendite animabus purgatorii, inimicis meis privatis & communibus benefacite, date gratias efficaces consanguineis & pœnitentibus meis, date vestri cognitionem infidelibus, date salutem omnibus,  
sub-

subvenite mihi in omnibus operibus meis, necessitatibus, tribulationibus, negotiis, & officiis meis, ut vobis cum tota creaturarum vestrarum universitate serviam, id millies & æternaliter posco, per corpus & sanguinem Jesu Christi Domini nostri.

*Gratiarum actio, ut superius.*

**G**loria Patri & Filio & Spiritui Sancto, sicut erat in principio & nunc & semper &c.

§. X.

*Die Sacratissimi corporis Christi.*

*Prima pars Preparationis.*

**P**recognitio futuri operis. Quid facere aggredior? negotium omnium negotiorum maximum, introibo in sancta Sanctorum, hominum ad Deum Mediatorem agam, in conspectu curiæ cœlestis, coram sanctissima Trinitate, publicam totius mundi causam perorabo. Parum est, sed etiam quod concessum non est Angelis, quod ipsi Divinæ matri non est datum, quod omnis creaturæ merita dignationesque excedit, corpus & sanguinem Jesu Christi veri Dei, verbis producam, & cum sanctissima Trinitate operabor, hoc magnum Sacramentum: insuper etiam, manibus tractabo, intuebor oculis, ore contingam, manducabo, in viscera recondam, dispensabo, Deique mei creator, bajulus, conviva, arbiter, dispensator ero. O negotium negotiorum maximum! ô præstantissimum inter omnes humanas actiones opus! faceffite quævis alia negotia, omnes alio avocantes cogitationes, curæ, sollicitudines, abite. Hoc unicum anime age quod agis, ruat mundus



dus, pereant amici, quidquid pretiosissimum est,  
 unius horæ involvatur damno, non distrahatur cor tu-  
 um, majus præ manibus negotium est, ad hoc solum  
 omnes potentiarum sensuumque vires intende, hoc  
 tracta, cum illo jam inde occupari elige, cum quo bea-  
 tissimè æternum occupabere. Melior omnibus crea-  
 turis Deus, huic omnia creata postpone, plus tua inter-  
 est unicum Deum benevolum amicumque habere  
 quam quosvis mundi favores.

*Indignitatis confessio.* At quis ego sum Eminenti-  
 sine Deus, ut tantum opus aggredi audeam? Quis ego  
 sum & quises tu? Tu es Deus magnus & grandis ni-  
 mis, Deus Majestatis, Deus cui cogitatio nulla par, De-  
 us nunquam digne æstimabilis, Deus nihil horum  
 omnium quæ cogitantur aut sunt, sed super illa omnia.  
 Ego autem quis sum? Ego conceptus, & educatus, &  
 adultus in peccatis totus. Ego peccator, revera ma-  
 jor & vilior quam putem, & quam cogitare possum.  
 Ego canis putidus, ego labiis & toto corpore pollutus,  
 ego fœdissimorum scelerum mephytis. Ego mille ti-  
 tulus debitum infero caput, ego terræ exosum pon-  
 dus, & cœli odium, ego tanto vilior, quanto plurimum  
 peccatorum constringor reatu, eo magis indignus, quo  
 magis ingratus, ego vilissimorum vilissimus, quia ipsa  
 vilitas, nihil, peccatum. Et ista duo extrema tam dis-  
 persa, tam disparata, tam distincta, hodie conjungentur,  
 conviscerabuntur, tantus Deus, tantillo homini incor-  
 porabitur. O Sacramentum! ô mysterium! vere  
 mysterium arcanum, abditum, latens. Quis unquam  
 id beneficii genus ausus est optare, nunquam in cor ho-  
 minis descendit dignatio tanta. O Domine, si tu ob-  
 imensam dignitatem tuam non agnoscis te, sine saltem

ut mea vilitas agnoscat se, & quidem merito reformi-  
det conjungi tibi. O cor meum, quam audax & temera-  
rium es, quod vel cogitare audes accedere ad hoc Sacra-  
mentum? estne Tibi Seraphica, illa Cryftallo nitidior  
puritas? instar miraculi Ecclesia prædicat, quod Filius  
Dei non horruerit Virginis uterum, qui tamen à Spiri-  
tu S. pulcherrimo gratiarum, donorum, & virtutum  
omnium apparatu fuerat instructus, quomodo igitur  
te cubile Draconum, te prostibulum immunditiei, te  
sentina scelerum non horrescat. Quo solari radio ait  
Chrysostomus non splendidiorē oportet esse manum,  
carnem hanc dividentem, os quod igne spiritali reple-  
tur, linguam quæ tam tremendo sanguine rubescit? quo  
igitur ausu peccator impudentissime, manus tuas sædis  
sceleribus contaminatas, ad purissimam illam Christi  
carnem admovebis? qua temeritate linguam innume-  
ris peccatis commaculatam, ad manducandum cibum  
hunc Angelicum exerces? quo scelere in corde tot pec-  
catorum sordibus polluto, inimicissimum peccato Chri-  
stum repones? time iram Omnipotentis, & vel tam tre-  
menda mysteria temere contrectare ne aude, ne reus  
corporis & sanguinis Domini iudicium tibi manduces:  
vel tem. ipsum proba, & dijudica, si digne de hoc pane  
Angelico edas, & de sanguine bivas, scrutare cordis in-  
tima, & minimum expia nævum peccati.

*Examen conscientie.* Responde mihi anime,  
quantas habeo iniquitates, scelera mea & deli-  
cta ostende mihi. O mi DEUS, quibus ego  
Te peccatis offendi. 1. Quomodo præparatio, missa,  
gratiarum actio heri peracta. 2. (Si Religiosus) quomo-  
do paupertas, castitas, obedientia servata. 3. Si aliquid  
habes

habes contra fratrem tuum, vade prius reconciliari illi, & tunc venies offerre munus tuum ad altare. 4. Lingua Sanctissimæ Eucharistiæ ferculum, an commaculata verbo iracundo, contumelioso, murmuratorio, detractorio, sarcastico, gloriabundo, mendaci, turpi, maledico &c. 5. Horæ canonicæ an distractè, an debito tempore, an præpropere & mutilate recitata. 6. Meditatio, examen utrumque an omiſſa, an bene absoluta. 7. Temperantia in cibo potuque, in prandio, in cœnâ, extra prandium & cœnam &c. (si Religiosus) an sine fastiditate cibus aut potus sumptus. 8. An principali officio satisfactum, an cum recta intentione, & fervore dilectionis &c. Hæc & omnia totius vitæ peccata detestor supra omnia mala, quia tibi Deo meo displicent, cui ego placere quam maxime cupio, quia me indignum, usque & usque reddunt tua liberali & amica gratia, quia arctiorem illam unionem, ad quam anhele, retardant, quia impediunt gustum illum & suavitatem, & fructum huius Sacramenti, quem devote celebrantibus servis tuis impartiri soles. Utinam te nunquam offendissem dignissime perpetuo amore Deus. Utinam omnia desideria cordis tui ad amissum explevissem, doleo quam possum intensissimè. Petoveniam propono emendationem, ô utinam tibi jam inde perfectius serviam! Utinam ex intimo erga te amore omnes voluntates tuas perficiam!

*Intentio.* At etiam sic expiatus non audeo tantum opus aggredi, quia homo peccator ego sum, quia indignissimus unde quaque Quia tamen ad sacerdotalem statum me quoque vocare placitum est ante te, & nunc etiam visâ me sacrificari, pareo & ex omnibus possibilibus tibi placendi teque honorandi motivis, volo consicere corpus & sanguinem Domini nostri Jesu Christi, juxta ritum S. Romanæ Ecclesiæ, intendens ea omnia,

quæ

quæ S.  
Sacram  
quæ a  
primis  
tissimu  
esse De  
haben  
subabl  
ster.  
omnib  
pro om  
N. om  
ad hos  
que po  
quar.  
guam,  
purissi  
atque i  
deratiss  
us tolla  
mente  
nis affe  
cum il  
pauper  
di, zel  
meus d  
non ca  
bem q  
nis, su  
desider  
stro vit  
omni p  
præfer  
obsequ

quæ Salvator dilectissimus, in prima hujus sacratissimi Sacramenti confectione, & institutione intendebat, & quæ à me hodie sacrificaturo vult intendi. Atque imprimis offero Tibi Eminentissime Deus, hoc præcellentissimum sacrificium, ut recognoscam te supremum esse Dominum, universorum vitæ & mortis potestatem habentem, utque meam ac totius mundi demississimam, sub absolutum tuum dominium, subjectionem proster. Offero in gratiarum actionem pro N. & pro omnibus aliis beneficiis tuis, In satisfactionem pro N. & pro omnibus aliis peccatis & pœnis. In impetrationem N. omnium aliorum beneficiorum tuorum. Offero & ad hos fines; ut plenarium à te Jubilæum, & quascunque possum indulgentias ex thesauro Ecclesiæ consequar. Ut fomitem peccati sanguine Christi extinguam, & perfectam castitatem ab actu Virginalis ac purissimi corporis illius obtineam. Ut indignitatem, atque infamiam, ex præteritis peccatis residuam, à desideratissima amicitia tua me arcantem, amplius & amplius tollam. Ut fervore charitatis ab hoc igne conflumente succendar, & ut sortiar omnes Christi feræ passionis affectus. Ut Spiritum Christi imbibam, quo vivam, cum illa humilitate, charitate, castitate, obedientia, paupertate, corporis mortificatione, contemptu mundi, zelo animarum & gloriæ tuæ, cum quo Salvator meus dilectissimus vixit, ut jam non meo, non mundi, non carnis, sed Christi Spiritu spirem, idque solum probem quod ille. id duntaxat eligam quod ille. Ut à vanis, superbis, imundis, & iracundis cogitationibus & desideriis emunder, & sanctis adimplear, ut hoc emplastro vitiosos animæ habitus sanem, ut hæc potione ab omni peccato mortali & deliberato veniali æternum præserver. Ut submississimis adorationibus, & omni obsequiorum genere affectuumque effusione, Chri-



stum Dominum meum Regem colam, ut illum exaltem & superexaltem, ac toti mundo adorandum, laudandumque exhibeam. Ut amorem meum complerem, constringam, deosculer, ut ejus desideratissimo aspectu, præsentia, colloquio, exsatiar. Ut in amaritudine animæ meæ cum illo confabuler, eique omnes necessitates meas, dubia, gravitates, exponam, ut benedictionem in vita Religiosa (si Religiosus) & omnibus officiis meis, ab illo obtineam. Ut suavitatem & benevolentiam tuæ paternæ providentiæ, qua tuos gubernare soles, promerear. Ut dilectum votorum meorum in viscera mea recondam, & totus in illum transformer, ut jam non ego, sed Christus in me vivat. Ut solidam & constantem devotionem ad hoc sanctissimum Sacramentum, ad JESUM incarnatum, & passum, & pretiosissimam Parentem, impetrem (si Religiosus) ut vocationem ad Societatem, ad Religionem, vel ad Statum aliquem, juxta DEI voluntatem & præsertionem à peccato mortali impetrem N. N. Ut latissimam charitatem toti mundo exhibeam, præcipuè ut agonizantibus felicem mortem, peccatoribus poenitentiam, justis sanctitatis augmentum, afflictis consolationem, captivis redemptionem, pauperibus suaves tuæ providentiæ divitias, infidelibus conversionem, operariis in vinea tua felicem zelum continuem. Ut quam plurimas animas è purgatorio liberem, omnibus vero levamentum poenarum impetrem, ut omnibus amicis & inimicis meis, & quicumque pro me orant, vel orationibus meis commendati esse cupiunt, aut debent, beneficia maximè necessaria dones. Ut amorem & Spiritum vocationis, perseverantiam

in Re-

in Religione, ( si Religiosus ) & felicem mortem, ab absoluto vitæ & mortis Domino, mihi meisque obtineam, impetremque cœleste viaticum pro itinere æternitatis, tam mihi quam iis.

*Postulatio gratiarum.* Et in hos quidem ego fines sacrificare intendo, at quo honore tuo, quo gustu sacrificabo, dignissime D E U S, si me non prævereris in benedictionibus dulcedinis ? Anima mea velut terra sine aqua, nisi tu eduxeris mel de petra, oleumque de saxo durissimo, cor instabile & vagum, sicut parturientis, phantasias patietur, nisi à te Altissime, emissâ fuerit visitatio. A quo remedium petam, nisi à te, à quo omne bonum descendit.

O Pater luminum & D E U S totius consolationis, remove à me omnes Diaboli tentationes & impedimenta, ut sine ulla animæ distractione omnes animæ facultates impendam, ad hoc negotium maximum.

O æterna Sapientia, Fili Dei, suppedita intellectui meo, sancta dictamina digne tractandi, honorandi, amandi, manducandi corpus tuum, ut nihil omnino agam, quod displiceat tibi.

O Amor, qui semper ardes & nunquam extingueris, Sanctissime Spiritus, inflamma voluntatem meam, accende omnes affectus, ut sicut ferrum igni, ita ego uniar Christo Jesu Amori meo, ô quam ego illo tempore, quo verba sacrosancta proferam, quo sanctissimam Hostiam elevabo, dividam, sumam, cuperem esse Cherubim vel Seraphim, non propter meam sensuali-

tatem spiritualem, sed propter tuam dignitatem, amantissime Deus, ut quam scientissime quam devotissime tractem dignissimum hoc Sacramentum.

*Invitatio Sanctorum.* O Virgo beatissima, Genitrix hujus ipsius corporis, quod ego verbis producam, manibus tractabo, obsecro ad sis Sacro meo, & concede mihi tuas manus, tua labia, tuam linguam, tuos oculos, tuas considerationes & affectus, omnemque gratiarum, donorum, virtutumque tuarum apparatus, ut tam decenter, tam castè, tam reverenter, tam sanctè, tam amanter & devotè Filium tuum tractem, quàm tu illum tractasti. Tu scis, quod ego sim stultus & impolitus Corydon, obsecro appone mihi aliquem ex Cherubim, Magistrum Ceremoniarum, qui me doceat politiàm cœlestem, ne barbaro cum cœlestia agendi modo, justam curiæ cœlestis offensionem incurram.

Angelicæ militiæ Princeps S. Michael Archangele, per reverentiam Domini Jesu tui Regis obtestor, mitte legionem sanctorum Angelorum, qui mihi sacrificaturo assistant. At vos, per zelum honoris divini, sanctissimi Spiritus precor, velitis esse Subdiaconi, Diaconi & Ministri mei, custodite me diligenter sacrificantem, ne errem, ne cogitationibus vel passionibus distrahar, ne à malis genis inturber, ne mihi imprudenti minima particula corporis vel sanguinis Domini excidat, aliisque casus contingat. Quam enim commutationem vilis homuncio darem pro tanto damno? Omnes sancti Patroni mei, omnes sancti Sacerdotes, qui devotissime sacrificabatis, adeste, & orate pro me, ut decenter & sanctè hoc præstantissimum opus administrem, implete mihi vestræ devotionis participationem.

*Pre-*

*Præparationis pars tertia.*

1. **C**onfiteberis mysterium sanctissimi Sacramenti & Sacrificii. 2. Scopum ejus expendes, qui est, ut sumatur à nobis, & uniamur illi. 3. Excitabis in te desiderium & famem ejus.

*PRAXIS.*

**J**ESU dulcissime, qui de sinu Patris tui æterni, ideo ad nos miseros homines, in hoc terrestre exilium descendisti, miseriarum nostrarum in carne fragili participes esse voluisti, ut nobis ineffabilem Bonitatis miserationisque tuæ plenitudinem communicares: agnosco & confiteor Divinæ charitatis tuæ erga nos omnes miserationes tuas, & omnes dulcedinis tuæ, quos nostri causa profudisti atque nobis reliquisti, thesauros. Etenim, non contentus, quod omnia, quæ Patris æterni sunt, tua essent, quodque à sæculo esses gaudium Angelorum, & lignum vitæ, fructusque salutis, voluptatis & beatitudinis æternæ, omnibus beatis spiritibus, placuit insuper tibi, descendere in terras, nasci de Virgine, inter homines vivere, hominibus legem vitæ & præcepta disciplinæ tradere, pro iisdem hominibus laborare, fatigari, pati & mori, eosdem sanguine morteque tua redimere, & à servitute Diaboli, à corruptione mortis, à peccatorum jugo, à poenis inferni liberare, vitam æternam cœlestemque gloriam illis aperire, & ad omne bonum, tuo ipsius exemplo, illis præire, viamque sternere. Sed neque hoc satis fuit Benignitati tuæ, verum postquam salutis nostræ negotium, juxta Patris æterni voluntatem perfectè consummasses, teque in Sacrificium, super aram crucis, semel Patri æterno pro nostra salute obtulisses, & victor à morte



gloriosus resurgens Triumphator cœlos ascensurus es, invenisti apud inscrutabilem sapientiam tuam, modum, quo nos, usque in finem, infinita dilectione tua diligeres. Ergo statuisti & fecisti, ut nobiscum esses præsens in hoc mundo, usque ad consummationem sæculi, nos minimè relinquens orphanos, sed potius suavissimæ tuæ præsentiæ nobis pignus indulgens. Statuisti etiam, & fecisti, ut hæc tua nobiscum commoratio otiosa non esset, sed ut inter nos manens, cibis potusque animarum nostrarum fieres salutaris.

Eam igitur ob causam, ordinasti manere inter nos sub speciebus Panis & Vini, ut quotiescunque placeret nobis alimoniam æternitatis propinare animabus nostris, illam ex mensa tua, regalibus deliciis plena, sumere possemus, tuoque sacratissimo corpore & pretiosissimo sanguine, corda nostra nutrire, & animas nostras saginaremus. Super hæc verò universa, progressa est ulterius charitatis tuæ abundantia, iussisti enim præterea & statuisti, ut hoc ipsum corpus tuum atque sanguis, non tantum esset nobiscum, nec tantum nobis in cibum & potum cederet, sed insuper ut esset nobis æterna Hostia & jube Sacrificium, oblatioque munda. Iussisti enim nos, corpus & sanguinem tuum, vel potius te ipsum, per ministerium verborum nostrorum, & per Omnipotentiam Virtutis tuæ, in speciebus Panis & Vini consecrare & immolare, in odorem suavissimum Dei Patris tui, in gratiarum actionem pro beneficiis ejus erga nos, in commemorationem & representationem rerum à te, pro nobis, sive gestarum, sive toleratarum, in impetrationem novorum nobis necessariorum munerum ac beneficiorum. O Bonitas, ô charitas, ô misericordia, quid tibi pro tantis tuis erga nos miserationum tuarum profusionibus, Domine Jesu, non dico retribuam, sed respondebo? Majores sunt miserationes

tiones tuæ istæ super nos, quam ut sufficiamus, omnes pro iis dignas Majestati tuæ gratias agere. Si tradidero me tibi in servum, nihil est. Si me totum tibi dederò, & hoc nihil est. Si me in gloriam tuam totum vilificavero, etiam hoc ipsum nihil est. Si me per totam æternitatem soli gratiarum actioni consecravero, brevis erit & ipsa æternitas, tantæ obligationi meæ, tanto excessui charitatis tuæ. O mi Jesu, tuæné Sapientiæ atque Majestati venire hoc in mentem potuit, ut nobis te in cibum potumque dares, & à nobis jugiter sacrificari & offerri velles? Non erat satis Bonitati tuæ, carnem nostram assumere, & tuæ Divinitati associare? Innocentissimam carnem tuam, pro nobis, lethali bus tormentis excruciare? Animam sanctissimam pro nobis in mortem dare? nonne, inquam, erant hæc satis? Ut quid insuper opus erat ad inventionibus istis magnis? ut quid opus erat manducari Te à nobis? ut quid opus erat inviscerari & concorporari Te à nobis. Parum erat ablui sanguine tuo, etiam oportebat inebriari nos illo? parum erat corpore tuo redimi? etiam oportebat nos eodem saginari? Parum erat te pro nobis in ara Crucis, Sacrificio cruento immolari: oportebat etiam eundem te, pro nobis, à nobis, incruento Sacrificio sacrificari quotidie. Quibus stuporibus demirabor stupendam adeo Bonitatem tuam, plus quam bone & dulcis JESU. Si pro me universus Angelorum cœtus, si omnes sanctorum hominum ordines, si totus creaturarum populus pro me gratias agere tibi, teque exaltare voluerit, quantulum hoc erit, ut tu exalteris, qui tantum me extulisti, tantum te demisisti pro me, Bonitate & charitate tua. Ecce autem habeo quid retribuam tibi, pro his omnibus, quæ retribuisti mihi, docuit enim me hoc ipsum doctrix disciplinæ tuæ Sapientia tua, nempe cibum & calicem Salutaris accipiam, & magnipotens nomen

nomen tuum invocabo. Sumam te, mi JESU, ex altari tuo, & immolabo te in altari tuo, tibi ipsi Deo salutari meo. Ecce hoc est quod docuisti me, quod iussisti fieri à me, & imposuisti jugum præcepti super me, ut non vivam, nisi vivam te. Etergo, ne tanti erat vivere me, ut victurus manducarem te, nec viverem nisi manducando te & immolando te.

Quis hoc persuaderet cordi meo, vel Apostolus, vel Angelus, vel miraculorum patrator, nisi tu æterna Sapientia & Veritas JESU, cordi meo, corde ipso interior Magister, erudires illud, & docibile illud faceres. tibi, ad omnia verba & præcepta tua, quantumvis arcana & magna. Tu es, mi JESU, qui doces corda Tuorum scientiam hanc. Tu es, qui dilatas ea, ut capiant eam. Tu es, qui accendis illa, ut non tantum audeant, sed etiam ardeant exequi & perficere illam. Etenim fecit hunc quoque gradum miserationis, magna Bonitas tua, ut non tantum audere, sed etiam ardere nos jubeat, in immolationem & manducationem sui. Nimum erat, ô bone JESU, nimium certe si auderemus: quantum hoc erit, quod etiam desiderare, festinare, omni fame concupiscere, nos jubeas, minerisque nobis penuriam, vel abundantiam tui, juxta penuariam vel abundantiam desiderii nostri. Quoniam ergo non solum immolari, non solum manducari, sed etiam cum famescenti avaritia immolari, manducarique te vis à nobis. ô cibus potusque noster, mi dulcis JESU, accende, inflamma, conflagra & exure me igne desiderii tui, tu qui Pater desideriorum es, fiat mihi secundum verbum tuum, fiat mihi secundum ignitissimum votum meum, Amen. Veni Domine JESU, ecce patet porta cordis mei, ecce patet ostium animæ meæ, ingredi, ô benedicte Domine. Paratum tibi, paratum cor meum JESU, si parum,

rum, tu amplius para illud. Ardet tibi amor meus, si parum, amplius succende illum, ut ardeat ardore tuo, amore tui, tantum, quantum tu vis, quantum tu das, quantum tu dignus es: Exsurge ergo, ô gloria mea, exsurge psalterium meum JESU, Amen.

Veni Domine JESU & noli tardare. Ecce, tibi dicit cor meum, Domine JESU veni, facies mea exquirat te, & vultum tuum requirit. Audeo, aveo, ardeo, dulcissime JESU, recipere te, habere te, possidere te, vesci te, conjungi tibi, concorporari tibi, immolare te & offerre te, in odorem suavitatis, inque Sacrificium laudis, Patri tuo, & tibi, & sancto Spiritui Uni-Trino Deo, cui soli honor, laus & gloria in sæcula, Amen.

*In tertia parte Preparationis.*

**F**let 1. Invocatio Jesu Christi pro nobis sacrificati, B.V. Mariæ sacrificato Christo redemptæ, & corpore sanguineque illius nutritæ, Sanctorum omnium Christi Sacrificio redemptorum, & Sacramentorum nutritorum. 2. Jesu Christi Sacerdotis &c.

*Affectus totius Sacri.*

**A**ccedes ad Sacrum peragendum, illudque perages eo affectu, quo Jesus Christus, vel in ultima cœna incruentum, vel in cruce cruentum Sacrum seu Sacrificium suum peregit, seseque discipulis suis manducandum porrexit, & in sui commemorationem, eundem Sacrificii ritum, de se ipso ab illis fieri præcepit. Suavissime JESU, quo tu affectu, sanctissimæ Trinitati in ultima cœna, te & ipse obtulisti, & à discipulis tuis offerri præcepisti in Sacrificium, atque iisdem discipulis



lis tuis te donasti in edulium, hoc eodem affectu, eodemque ritu, & ego te in hoc Sacrificio immolare, inque Sacramento sumere cupio & propono.

*Affectus ad Consecrationem.*

**C**Ogita totum mundum, Ecclesiam, Regnum, (Religionem) animam tuam esse instar pupilli, sine Patre, Matre, tutore, evoca de cœlo Patrem amabilissimum, qui curam pupillorum gerat, eosque corpore & sanguine proprio pascat, non multum laborabis in eo advocando, paucula vix dices verba, aderit. O mi JESU, facta est anima mea sicut vidua & pupillus, non est qui adjuvet aut qui consoletur eam, ex omnibus charis ejus. Tu DEUS totius consolationis, adesto in auxilium, in præsidium, in solatium, in edulium ejus. Descende priusquam aut moriatur, aut fiat in prædam & gaudium inimicis suis. Ecce ad te oculi ejus, Ecce vultum tuum requirit. Ecce tibi dicit cor ejus. Ecce immolant te verba ejus, in unione & efficacia affectus illius, quo tu in ultima cœna te Patri æterno pro nobis obtulisti, atque simul etiam immolat se tecum, in Sacrificium plenum, per manus sanctissimæ tuæ Humanitatis, per manus tuæ pretiosissimæ Parentis, per manus Sanctorum omnium.

*Affectus ad Elevationem Hostiæ.*

**C**Ogita, vel roga Jesum Christum, ut expandat alas suas super te, & super omnes tuos, sicut expandit aquila super pullos suos. O mi Jesu, Amor & Amator noster, ecce nos pulli pupilli tui. Expande super nos alas misericordissimæ protectionis tuæ, ut protegas nos à sagitta volante, à negotio perambulante, in tenebris, ab incurso & dæmonio meridiano &c.

*Aff-*

*Affectus in Communione.*

**I**Maginare te esse veluti infantem lactentem, à Matre derelictum & expositum, languentem præ spirituum alimentique inopia, & fame perire. JESUM verò in Sacramento esse Patris æterni mamillam, Spiritu vitæ plenam. Utpote, in qua lactis Divini plenitudo corporaliter inhabitat, admove te ad hanc sacratissimam mamillam & trahe succos divinos. Indue affectum famelicorum & sitibundorum, vel potius fame, sitique pereuntium, ac illorum impotenti desiderio os cordis, corporisque aperies, & corpus Christi manducabis, sanguinemque bibes. O mi Jesu dulcissime, qui nosti famem, sitimque animæ meæ, qui nosti quam sit anima mea sicut exulta terra, sine rore & sine aqua, tota famis, tota sitis meæ aviditate, & potentia desidero te, & ad corporis tui cibum, sanguinisque potum sumendum festino, anhelo, ardeo &c. In sumptione calicis. JESU mi dulcissime, Sacratissima æterni Patris mamilla, accedo ad te infans ego, tu adimple vota & desideria mea Spiritu tuo: O uber mundi, exhibe te mihi, lacta me succo tuo, inebria me lacte tuo, ut nutriar & inebrier te totus, tu nosti, quoniam tibi soli inhiat anima mea; Tu nosti, quoniam sicut oculi & labia lactentis ad ubera Matris suæ, ita oculi mei ad te uberrimam Dei mamillam.

*POST SACRUM.*

**E**Xercebis varios virtutum actus. Excitatio fervoris. Jam quod quæsi, teneo, quod concupivi, habeo, Deum corde possideo, & sumo bono gaudeo, utere tempore, ô anima mea, & particula boni doni non prætereat à te. Aude magna petere à magno hospite, qui se ipsum tibi donavit, nunquid sua denegabit? Ideo pretiosus iste mercator cum cœlestib. mercibus venit, ut vendat, quo

fer-

ferventius orabis, eo plura emes. Habes thesaurum intra te absconditum, fode. Age, quid faceret avarus ad nummariam arcam admittis cum licentia, quidquid per quadrantem capere posset, in proprium usum exportandi. Epulare, anima mea, bibe, deliciare, habes multa bona reposita in annos plurimos, imò in totam æternitatem. Non prætereat te flos temporis, coronemus nos rosis, antequam marcescant. Nullius meriti expers sit diligentia nostra, quoniam hæc est pars nostra, & hæc est fors. Eja igitur anime mi, quodcunque facere potes, operare instanter, ne defrauderis de die bono. Da, & accipe, & iustifica animam tuam. Ante obitum tuum operare iustitiam, quia non est apud inferos invenire cibum. O si cognovisses & tu, quæ ad pacem tibi, fac quod potes, & intimo cordis affectu dic.

*Adorationis.* Agnosco te, ô divinissimum Sacramentum in pectoris mei sacrario, in ibique te tota cordis mei prostratione adoro & glorifico, imò etiam adoro te in omnibus mundi templis atque Sacramentis, in quibuscunque existis, & vel parum digne tractaris, vel etiam gravibus peccatis injuriisque inhonoraris. Adoro te corpus, & sanguis, & anima, & Divinitas dulcissimi amoris mei Jesu. O admirabile mysterium, ô tremendum Sacramentum, ô adorande & Divinis tantummodo sat digne redamande Amor meus amoribus. En assumo omnium creaturarum, etiam possibilem adorationes, & amorosos affectus, omnesque illos in te amor mi, quem hodie recepi, plena hilaritate effundo, eosque omnes tibi impendo, & affectum hunc in omne momentum & æternitatem, continuari cupio & continuo.

*Salutationis.* Saluto te, ô augustissimum Sacramentum! Ave dulcissime & gratissime, desideratissime & ex-

& exp  
Amor  
cula d  
gne te  
um cr  
vita se  
coelum  
Patres  
omne  
venien  
Cor  
mum  
esse, a  
mam  
la, qu  
digni  
ingrat  
duram  
digni  
vore  
digna  
te dig  
dissem  
sancti  
O si i  
se inf  
ra, &  
tius p  
nunc  
dit, r  
etiam  
te nu  
grati  
tias p

thesaurum  
ret avarus  
quidquid  
usum ex-  
are, habes  
in totam  
oris, coro-  
lius meriti  
t pars no-  
odcunque  
eris de die  
n. Ante  
t apud in-  
u, quæ ad  
lis affectu

um Sacra-  
tota cor-  
ciam ado-  
mentis, in  
ctaris, vel  
aris. Ado-  
dulcissi-  
um, & tre-  
stantum-  
moribus.  
osibilibus  
illos in te  
effundo,  
hunc in  
ari cupio

um Sacra-  
eratissime  
& ex-

& expectatissime, dignissime & honoratissime Hospes, Amorque mi JESU, ô quam te libenter in hac pauperi-  
cula domo mea degentem video. O quam cupio di-  
gne te tractare, saluto te omnibus salutationibus omni-  
um creaturarum, illâ quâ te sanctissima Mater tua in hac  
vita solita fuit salutare, quâ te Sancti tui cum primum in  
cœlum veniunt, & deinceps, salutare solent, illâ quâ Tu  
Patrem tuum cœlestem, & quâ Te Pater Tuus, unaque  
omnes Angeli & Sancti, ad cœlum in Ascensione Tua  
venientem, salutârunt.

*Confessio Indignitatis.* Agnosco honorificentissi-  
mum Sacramentum, indignissimum me, unde quaque  
esse, adventu tuo. Confiteor vilitatem meam vilissi-  
mam. Detestor omnia peccata mea, super omnia ma-  
la, quæ quanto plura, & graviora fuerunt, tantis me in-  
digniores tuis beneficiis fecerunt. Execror tetram  
ingratitude, & abominandam tepiditatem, quæ ob-  
durant cor meum, impediuntque, ne grandem hanc in-  
dignitatem, magis ac magis pœnitentia abluam, ac fer-  
vore charitatis restinguam, & ne tibi in præsentiarum,  
dignas gratias persolvam. Heu quia peccavi. Utinam  
te dignissime perpetuo amore Deus, nunquam offen-  
dissem. Utinam omnes lubentiarum tuarum gustus  
sanctissimi, totius antea actæ vitæ operibus exfatiassem.  
O si id quod factum est, aliquo possibili modo posset ef-  
se infectum, quam vellem peccata mea in rerum natu-  
ra, & in tua cognitione, ac odio, non extitisse, confiden-  
tius profecto irem in tuos amplexus, sanctissime amor,  
nunc autem conscius pudor, infamem animam confun-  
dit, rejicitque ad oscula pedum tuorum nitentem. Sed  
etiamsi, omnibus nostris meritis & demeritis superior,  
te nunquam offendissem, imò etiamsi omnes Sanctos  
gratia præcellerem, nunquam tuæ dignitati dignas gra-  
tias pro tanto beneficio referre possem, omnem possi-  
bilem



bilem gratitudinem, hæc Tua dignatio vincit, quia me creaturam tuam, sanctissimi Corporis tui Creatorem, bajulum, administratorem, insuper manducatorem & dispensatorem esse voluisti: Quid tandem retribuam Tibi pro omnibus quæ tribuisti mihi, non est quidquam pretiosius te ipso mi Jesu, itaque te ipsum cum tua Divinitate, Humanitate, gratia, donis, meritis, gloria, omnibusque tuis divitiis tibi offero. Offero & omnium sanctorum triumphantium, & militantium, ardentissimos gratitudinis, amoris, omniumque virtutum affectus, in unione tuorum affectuum, quos in terris æterno Patri exhibuisti: cum his veluti nullius momenti obolum, infiniti valoris pretio junctum, me ipsum, cum omnibus Tuis donis, omniumque quos pro tenuitate mea, perfectissimos elicere possum affectuum effusione, Tibi in simplicitate cordis mei offero.

*Fidei.* Credo dulcissime Amor mi Jesu, te in sanctissimo sacrificio, quod peregi, & in Sanctissimo Sacramento, quod recepi, esse cum Divinitate, Anima, Corpore, Sanguine, meritis, virtutibus, gratiis, vivum, totum, Omnipotentem, & Credo te cum Patre, Spirituque S. esse in anima mea. Credo autem, quia tibi credo, quia tu veritas es, & quia tu dixisti illud: *Hoc est enim corpus meum.* Tu es Domine Jesu, Deus meus, Dominus meus, Redemptor meus, salus mea, vita animæ meæ, tu ipse & non alius, quem sub hoc Panis & Vini velamento suscepi, atque obtuli, suscipe & tu me, viva fide credere cupientem in te, & suscipientem te, credo mi Jesu de te, de tuo sacrificio, de tuo Sacramento, hæc omnia, quæ Tu revelasti, quæ credit Ecclesia, quæ negat, vel ignorat hæresis incredula.

*Spei.* Spera in Deum anima mea, quoniam ecce suscepisti, & manducaisti illum, qui si dedit se ipsum, dabit etiam sua tibi, dabit bona naturæ, gratiæ, gloriæ, ex  
bo-

cit, quia me  
Creatorem,  
creatorum &  
retribuam  
t quidquam  
m tua Divi-  
loria, omni-  
nium san-  
dentissimos  
affectus, in  
terno Patri  
obolum, in  
m omnibus  
e mea, per-  
ne, Tibi in

, te in fan-  
tissimo Sa-  
te, Anima,  
gratias, vi-  
cum Patre,  
utem, quia  
xisti illud:  
Jesu, Deus  
salus mea,  
ub hoc Pa-  
triscipe & tu  
oientem te,  
Sacramen-  
t Ecclesia,

oniam ecce  
ipsum, da-  
gloria, ex  
bo-

bonitate sua, quia Deus est, ex meritis suis, quia Homo, Redemptor tuus est. Spero, dulcissime Jesu, miserationes tuas, quarum non est numerus. Spero misericordias tuas, quas in æternum cantabo tibi in terra Tua, Deus meus, & refugium meum, conforta me Rex Sanctorum, principatum tenens, & hac, & omni hora, & virtute, ac meritis, Sacratissimi Corporis, sanguinisque tui, quem modo in SS. Sacramento recepi, omnē inimicorum visibilibus, invisibilibusq; vim superem, tibi unico, ac summo bono meo, perenni, & immota spe, fiduciaque inhæream, & tecum in gloria tua regnem, laudemque magnum nomen tuum, in secula seculorum, Amen. Si Religiosus es; Spero in multitudine miserationum tuarum, remissionem omnium peccatorum, & salutem æternam. Copiosa apud te Redemptio, Salvator benignissime, peccata mea illam exhaurire non possunt, hæc te cogat Charitas, ad salvandum me, quæ te compulit, ad patendum pro me. Misericordia tua meritum meum, & si misericordiarum tuarum multæ, multus ego in meritis. Scio cui credidi: Promisisti Domine abrenuntiantibus mundo, propter te, centuplum in hac vita, & vitam æternam da quod promisisti. En ego verbo tuo fretus, omnes mundi spes derelinquo, omnes voluptates, honores, libertatem, inclinationes, & conatibus tibi placendi motivis, electionem status Religiosi, & vota mea ratifico, innovo, ac pro præsentī, singulisque momenti futuri temporis, voveo coram Divina Majestate tua, paupertatem, castitatem, & obedientiam perpetuam in Religione. Sumque ita erga te affectus, quanto pro me vilior, tanto mihi charior Jesus, ut etiam si mihi, ad voluptatem & absolutum dominium, tot deliciosissimi mundi, quot sunt possibiles, darentur, non desererem paupertatem, & mortificationem religiosam, & si omnia mundi bona haberem:

hoc momento illis amore tui renuntiarem, imo etiam cum æquali gloria tua, & pari merito meo, possem esse pauper & dives, vilis & honoratus, infamis & gloriosus, afflictus & deliciosus, eligerem, tamen paupertatem, contemptum, & mortificationem, ut me sapientissimæ electioni tuæ conformarem. O mi JESU! auge in me hunc erga te affectum, auge amorem, & Spiritum vocationis, & perseverantiam, è gratuito tuo dono largire.

*Charitatis.* Amo, amo, amo te sacratissime Amor mi Jesu, quoniam tu prior dilexisti me, & quidem adhuc inimicum tuum. Ah cur non amem te, qui es Amor, qui amas, qui amari vis, nec quidquam vel agis, vel agere vis, quam amare, ex toto corde, tota mente, toto me amare. Vide Domine JESU cognitor cordis mei, quod amem te, quod desiderem amare te, quod desiderem desiderare amare te. Et quando fiet istud, ut impleantur ad plenum universa desideria animæ meæ, cordisque mei? an forte adhuc parva sunt, & ideo differuntur, ut crescant. Heu me, quare non desidero te Deus meus tantum, quantum te desiderare desidero? Heu me anima mea, ad quid vivimus, si desiderare Deum nostrum, prout dignus est, & amare quantum dignus est, non possumus? O mi Jesu Deus meus, pars sola, & una cordis mei, adimple tandem aliquando, plenitudine tua, omnes recessus cordis mei, exple aliquando, totam capacitatem desideriorum meorum, & explendo adauge, ut amplius semper crescant, & finem non habeant. Amo itaque Te dignissime DEUS meus, quam intensissime, & appretiativissime possum. Amo propter dignitatem tuam, omnes perfectissimi amoris illecebras, in se continentem. Amo ex omnibus aliis, quæcunque perfectissima esse possunt, amandi te motivis, &

hunc

mo etiam  
possem esse  
gloriosus,  
apertatem,  
cientissima  
uge in me  
ritum vo  
dono lar-

me Amor  
dem adhuc  
ies Amor,  
is, vel age  
to, toto me  
ordis mei,  
od deside  
tud, ut im  
meæ, cor  
differunt  
o te Deus  
? Heu me  
eum no  
ignus est  
ola, & una  
ndine tua,  
otam ca  
adauge,  
habeant.  
m inten  
pter di  
lecebras,  
quæcun  
otivis, &  
hunc

hunc amorem æternum continuari, & in singula mo-  
menta innovari, magnisque incrementis augeri, cupio.  
O si te ab instanti conceptionis meæ cœpisssem amasse!  
O si primo rationis impetu mentem, animumque me-  
um, in te conjecissem! obstrinxissemque votis, nulla  
postmodum culpa dissolvendis. O si pueritiam, & ju-  
ventutem sceleris puram, in castissimis tuis amoribus  
exegissem! Heu optima vitæ pars, non amplius redi-  
tura unquam, ut velociter fugisti, nec vidisti bonum.  
Volo dignissime Deus, grandem hanc amoris jacturam,  
nunc, & singulis residuæ vitæ momentis, pensare. Ap-  
pretio, æstimo, adoro, laudo, magnifico te, perfectissi-  
me Deus. Sanctus, sanctus, sanctus Dominus Deus  
Sabbaoth. Benedictio, & claritas, & sapientia, & gra-  
tiarum actio, honor, virtus, & fortitudo, sit Tibi DEO  
nostro, in secula seculorum, Amen.

*Conformationis.* Veneror, approbo, laudo, & ab  
omnibus laudari cupio, judicia tua omnia, etiam occul-  
ta, tremenda. Idem volo probare & reprobare, idem  
velle & nolle, quod tu. Gratulor tibi omne bonum tu-  
um, mallem æternum in inferno ardere, quam mini-  
mam gloriæ tuæ diminutionem pati. Gaudeo, quod  
sim creatura tua, & quod tu sis Creator meus, recogno-  
sco, veneror, amo excellentiam tui Dominiî absoluti  
super me. Sum contentus, omni tua circa totam vi-  
tam meam dispositione, & permissione, id unicum ob-  
nix petens, ut peccata mihi convertas in bonum, Tibi  
verò ad majorem gloriam. O mi dilectissime Amor,  
jam te nolo amplius illo peccato offendere, heu jam sa-  
tis, superque peccatum est in Te patientissime Deus,  
non amplius, non amplius, volo abhinc voluntates tu-  
as ad amissum explere, (si Religiosus) volo omnes mi-  
nimas etiam regulas servare. Volo totis viribus ad  
perfectionem eniti, & perseverare in Religione. Volo



omnia adversa, quæcunque acciderint, patienter & læte perferre. Volo generosa virtutum opera, & continuas passionum, & corporis mortificationes facere, in testificationem amoris mei erga te. Utinam moriar in vincendo me propter te. Utinam non tantum ipse te amem, sed etiam quam plurimos, ad agnitionem tui, amoremque perducam. Sitio zelum animarum, sitio quam plurimos, quam ferventissimos zelatores earum. Utinam sint plurimi Sancti in mundo, qui te perfectissime Deus, melius præ cæteris, æstiment, ament, honorent, & alios ad amorem, & honorem tui perducant. Utinam omnes peccatores ad te convertantur, & nunquam amplius bonitatem tuam offendant. Pereant omnes scandalosi, qui resipiscere nolunt, nec secum alios in exitium trahant, pereant, qui amplificationis gloriæ tuæ obicem ponunt. Largire felicissimos negotiis honoris tui successus. Detestor omnia omnium peccata, super omnia mala, quæ zeli fervorem extinguunt, successum impediunt. O Domine, bene prosperare, noli obsecro, propter peccata nostra, prostituere dignissimum honorem tuum, nos ut libet punias, tibi ipse parce. Parce & pretio sanguinis Filii tui, nec illud, una cum animabus, nulli commutationi æquivalentibus, perditum velis. O animæ Divinæ naturæ agnata progenies, præstantissima creaturarum pars prima, ac præcipua cura Domini Jesu, magno empta dolore voluptas, dilecta affinitas nostra, gratiæ & gloriæ cœlestis capax, ut vestram beatitudinem cupio, Deo, Christo, vobis, & sanctis Tutelaribus vestris. Paratus sum, & cupio pro salute vestra, quosvis labores, & ærumnas perpeti, ut vos Christo lucrificiam.

At sine gratia Tua, quid boni fieri potest, ô Author omnium bonorum.

*Petitionis.* Quocirca peto à te, dona, ad meam, & proximorū salutē procurandā necessaria. Peto augmentum gratiæ

gratiæ habitualis, sanctificantis. Peto continuas gratias, efficaces, excitantes & cooperantes. Peto intensiores habitus virtutum, Fidei, spei, charitatis, iustitiæ, prudentiæ, fortitudinis & temperantiæ. Largire dona Spiritus S. Sapientiam, Intellectum, Consilium, Fortitudinem, Scientiam, Pietatem & Timorem tui. Largire fructus ejusdem Spiritus S. charitatem, gaudium, pacem, patientiam, benignitatem, bonitatem, longanimitatem, mansuetudinem, Fidem, modestiam, continentiam & castitatem. Largire opera misericordiæ spiritualis & corporalis. Largire etiam gratias gratuitas, ad salutem proximorum, & amplificandam gloriam tuam, multum conducentes, præcipue donum Fidei, sapientiæ & scientiæ, Interpretationis sermonum, concionum & colloquiorum, ac discretionis Spirituum, tribue gratiam orationis mentalis & vocalis, examinis utriusque, frequentis recollectionis, silentii, solitudinis, internæ compunctionis, devotionis humillimæ, & intimæ tecum unionis, pietatis erga dulcissimam Virginem, observantiæ erga S. Angelum tutelarem, cultus erga sanctos Patronos. Concede, ut perfectè (si Religiosus) observem regulas & vota. Auge in me amorem vocationis, & da mihi Spiritum Societatis aut Religionis, & aptitudinem ad omnia munia ejus. Da virtutes solidas, humilitatis, mortificationis heroicæ & continuæ, abnegationis in omnibus, charitatis fraternæ laboriosæ, resignationis plenæ, in sanctam voluntatem tuam, ad omnem (si Religiosus) nutum Superiorum, sitim insatiabilem contemptus & injuriarum. Efficem Domine, ut sim verecundus, simplex, sincerus, verax, constans, gratus beneficiorum, affabilis, mansuetus, immemor injuriarum, alienorum tolerans defectum, misericors, silentii & cubiculi & laboris amans. Da felicem & secundum scientiâ zelum, animas tuo amori lucrandi.

Da, ut te nunquam offendam. Da vitam meritis plenam, & tuo amore ferventem. (si Religiosus) Da perseverantiam in Religione, & felicem in optimo animæ meæ statu mortem, Amen.

*Benedictionis.* Benedictus sis millies, infinites dulcissime JESU in hoc, & pro hoc tuo sacratissimo Sacrificio atque Sacramento, quod in bonum animarum nostrarum, ex ardentissima excessivaque charitate tua erga nos, instituisti. Benedicta sit caro tua, anima tua, sanguis tuus, Divinitas tua, quæ modo venire dignata est ad me, & dignata cum omni plenitudine meritorum, donorum, virtutum, divitiarum, gratiarumque tuarum, sit super te, mi dulcissime JESU, Benedictio Patris tui æterni, & Benedictio VERBI, & Benedictio Spiritus Sancti, omnium Sacrosanctæ Trinitatis personarum, quæ cum tua purissima Humanitate venire dignatæ sunt ad me, sit super te, mi dulcissime JESU, Benedictio omnium coelestium Spirituum, Angelorum & hominum, & sit super te Benedictio omnium Iustorum in terra viventium, & insuper, sit super te Benedictio omnium creaturarum.

*Postulationis.* Benedic quoque, dulcissime JESU, toti corpori, animæ, sanguini, visceribus, vitæ, membris meis, in quibus es, & receptus hodie moraris. Benedic linguæ meæ, palatui, labiis, faucibus, gutturi, pectori, visceribus. Benedic illi horæ, momento, quo ad me venisti. Benedic illi tempori, quo apud me moratus es sacramentaliter. Benedic omnibus cogitationibus, consiliis, operibus, sermonibus, officiis, muneribus, motibus meis. Benedic toti mihi, & quantus quantus sum, amore tuo sancto, perfectè me adimple. O Pater æternæ, per amorem sanguinis Filii tui. O Fili, per amorem corporis & sanguinis tui proprii, ô Spiritus S. per amorem corporis & sanguinis à te, in visceribus sanctissimæ

Vir-



Virginis efformati, date mihi & toti mundo, potissimum autem amicis meis, amorem vestri perfectum, indulgete veniam peccatoribus, lucem æternam ostendite animabus purgatorii, inimicis meis privatis & communibus benefacite, date gratiam parentibus & consanguineis meis, date vestri cognitionem infidelibus, date salutem omnibus, subvenite mihi in omnibus operibus meis, necessitatibus, tribulationibus, ut vobis cum tota creaturarum vestrarum universitate serviam, id millies & æternaliter posco, per corpus & sanguinem JESU. Nunc me, ô æterne Pater, respice, nunc me respice Redemptor mi Fili Dei, nunc me respice, ô Sanctissime Spiritus, quia alias vobis abominabilis merito sum, nunc me respicite Corpore sanctissimo Christi Jesu pastum, sanguine potatum, à qua lotum, meritis vestitum. Gratiis exornatum, Divinitate circumdatum, ut propter hunc tam pretiosum, elegantemque ornatum, placere vobis commerear. Beate me muneribus vestris & gratiis sanctis, ut non sim penitus indignus tantis, quibus jam integer ornamenti. O nunc mihi amorem, nunc spem, nunc fidem, obedientiam, humilitatem, paupertatem, patientiam, castitatem, Spiritum orationis, prudentiam, modestiam, discretionem, efficaciam in agendo, fervorem, perseverantiam, omnesq; elargiamini virtutes, his enim omnibus, & his similibus opus habeo, ut hoc augustissimum Sacramentum in me continere, & vobis dignè servire possim. Sed est præterea, quod ulterius petam; Fac me, dulcissime Jesu, veritatis tuæ cognitorem, amatorem, professorem, voluntatis tuæ mancipium & sponsum, dignitatis tuæ zelatorem & devotum, sapientiæ tuæ discipulum, ministrum & socium, gratiæ providentiæque tuæ nutritium & infantem, Domini tui servum, dignationum tuarum Antelignanum, pretiosissimæ Parentis hæredem. Da mihi, dulcissime Jesu, ut



sim rete & hamus animarum, dirige ad me omnes, auxilii spiritualis indigas, da verbis meis lucem, pondus & flammam: da cordi meo discretionis & Prophetiæ, Apostolicumque Spiritum & zelum, da omnium & singulorum Spiritus Sancti donorum copiam, abundantiamque. Da conversationis, affabilitatisque congruæ donum, ad omnem conditionem hominum & proximorum. Da in omni occasione atque momento lumen, amorem, directionem, da lumen in intellectu, amorem seu efficaciam in effectu, da directionem & perseverantiam in omni actu. Da clavem scientiæ & apertum sensum, ad intelligendas scripturas. Da linguam eruditam in lege tua. Da oculum ad intima cordium penetrantem.

Noli me, dulcissime Jesu, facere mirabilem in oculis humanis, ac præsertim in meis, non sinas adversa mea, si quæ patior, sciri ab aliis, non sinas labores meos & difficultates agnosci, vel apprehendi aut æstimari, fac me linguarum Martyrem, reprehensionum locum, contemptuum subjectum, non utaris maligna lingua, judicio, censurâ, calamoque meo, ad probandam, li mandam, exspoliandamque virtutem alienam.

Aufer mihi pondus in sensualitate mea. Excæca oculum meum, quo intueri soleo ad ipsum me, & illum ad tui solius intensionem, intuitumque converte. Denique, dulcissime Jesu, fac me sanctissimæ Humanitatis tuæ conformem, Divinitati similem, voluntati unitum, Dignitati devotum, Bonitati immersum, Amore ebrium, Sapientia absorptum, totum totaliter in te transformatum, mihi plene mortuum tibi soli & te solo viventem ac spirantem,

*Diebus Sabbathi.*

*Præparationis pars prima, ut superius in aliis.*

*In secunda parte Præparationis.*

1. **H**onorabis variè Parentem pretiosissimam. 2. Vir-  
tutes, & gratias, & gloriam ejus, mysteriaque  
recensebis. 3. Deum in ea, pro ea, per eam, laudabis.
4. Invocabis ad tuum subsidium, præcipuè ad actum  
Sacrificii & communionis. 5. Petes ad prædictos actus  
ejus devotionem.

*PRAXIS.*

**S**ancta & immaculata, pura & Deificata, pretiosa &  
super omnes benedicta Virgo **MARIA**: quibus  
te laudibus efferam nescio, quia quem cæli cælorum  
capere non poterant, tu genitrici tuo contulisti, de pu-  
rissimo sanguine tuo, & de Spiritu Sancto concepisti,  
de integerrimo viscere tuo genuisti, & quem genuisti,  
adorasti, genitum ubere de cælo pleno lactasti. O bea-  
ta Mater & intacta Virgo, gloriosa Regina cæli, Do-  
mina mundi, Genitrix Dei, tu paradisi janua, tu osti-  
um cæli, tu reparatrix mundi, tu spes generis huma-  
ni, tu vitæ vena, fons gratiæ, aquarum viventium pu-  
teus, speculum absque macula, misericordiæ officina,  
tu advocata nostra, tu refugium nostrum, tu consolatio  
nostra, tu gaudium cordium nostrorum, tu messis  
bonorum nostrorum, tu officina salutis nostræ, tu  
summarius beatitudinis nostræ. Te saluto Principem  
meam, & veneror Dei mei & meam Matrem, te  
honoro Dominam meam, te benedico hæreditatem  
meam, te desidero hæredem meam, & te amo  
sponsam meam. Tu immaculatissime concepta &  
nata, debitam filiorum & filiarum iræ nec solvist,

nec

nec debuisti, quia neque contraxisti, sed Maternitatis Divinæ prærogativa (ad quam ab æterno prædestinata es) obumbrata, à debito contrahendi immunis remanisti, sola cum Filio tuo, de massa generis Adæ, primogeniæ Innocentiæ, originalisque iustitiæ hæreditatem retinuisti, habentibusque cunctis generis tui populis, tu sola in gratia obedientiæ constitisti. Tu natiuitate tua gaudium attulisti universo mundo, tu trimulam te Parentum tuorum, magis autem devotiss. oblatione, Deo in ancillam, in sponsam, in Matrem, in omnia præsentasti atque obtulisti. Tu prima Virginitatis votivæ Deoque desponsæ vexillum extulisti, sterilitatis opprobrium amore pudoris contempsisti, Materque ac Virgo existere perpetua meruisti. Tibi per vicem Angeli ministrarunt, in sacrario templi Divini commoranti, jam tunc te Principem suam agnoscences & venerantes, Tibi sanctissima Trinitas, Deus, per vocem Angeli sui salutationem transmissit, Incarnationis Filii Dei consilium intimavit, modum ineffabilem verbis ineffabilibus edocuit. Virginali integritati, pro qua zelabas perhonorificè cavit, consensum tuum obtinuit, obedientiam acceptavit, humilitatem respexit, fidem fecundavit, virtute obumbravit, Spiritu suo Sancto te Matrem Dei fecit. Tu Deo gravida sine gravamine, abiens in montana, senemque cognatam visitans, Joannem in utero salutatione tua sanctificasti, Matrem Spiritu Sancto replesti, ipsa laudes Deo propheticas cecinisti, domum Zachariæ ministeriis, virtutibus, benedictionibus, Arca Dei melior, quia verior adimplesti. Tu genuisti eum, quia te fecit, sine dolore puerpera, cum Virginitate Mater, cum integritate lactans, nutritivisti Nutritore munda, & panem vitæ nobis ministrasti, Majestatem ipsam atque dignitatem subditam habuisti, & ministrantem tibi Divinitatem incarnatam, annis triginta sustinuisti.

Tu

Tu v  
sta, &  
glori  
prop  
tis, su  
ctasti  
volun  
crific  
Filius  
à mo  
vum  
tus Sa  
ctis t  
Te po  
cum a  
chor  
omni  
hono  
omni  
tudo  
& De  
vinæ  
fidei  
tu m  
innoc  
Regi  
devo  
tudin  
justi  
discip  
tu co  
tu g  
lus.  
comp

Tu verba vitæ æternæ ex ore Verbi æterni, Filii tui hausta, in corde tuo conservasti, miraculis coruscum & gloriosum vidisti, & denique mortuum in laboribus propter obedientiam Patris, propter sitim nostræ salutis, super aram crucis deficientem, immolatumque spectasti, imo & ipsa in quantum in te erat, Divinæ illi voluntati atque beneplacito cordis tui submissione sacrificasti. Te gloriosa resurrectionis suæ ex mortuis, Filius tuus primam participem fecit, tibi ante omnes à morte Victor apparuit. Tibi ad cœlos ascendens, parvum Ecclesiæ gregem commendavit, atque in te Spiritus Sancti primitias, quas usque ad finem mundi Dilectis tuis communicares, in die Pentecostes effudit. Te post mortem tuam tertia diē redivivam ex sepulchro, cum anima & corpore, ad cœlos assumpsit, super omnes choros Angelorum exaltavit, uni sibi secundum fecit, omnium Dominam, & Reginam constituit, gloria & honore Dei genitricis coronavit. Tu vas auri solidum, omnis lapis pretiosus operimentum tuum. Pulchritudo & decor vestis tuæ, diffusa est gratia in labiis tuis, & Deus benedixit te in æternum. Tu charitatis Divinæ thesaurus indeficiens, tu amatrix populi tui, tu fidei Magistra, tu spei Dux, tu Virginitatis Primiceria, tu modestiæ speculum, tu humilitatis miraculum, tu innocentiae hæres, tu patientiæ Martyr, tu Martyrum Regina, tu obedientiæ Filia, tu orationis Alumna, tu devotionis Exemplar, tu paupertatis Gloria, tu fortitudinis specimen, tu temperantiæ Gymnasium, tu justitiæ sedes, tu prudentiæ norma, tu perseverantiæ disciplina, tu collegium sanctitatis, tu mare virtutum, tu complementum perfectionis, tu regnum sapientiæ, tu gratiarum & thesaurorum Dei complexio & abissus. In te Deus laudabilis, in te admirabilis, in te incomprehensus, in te dignissimus, in te omnipotens,

in te



in te Sanctissimus, in te rectus, in te verax, in te infinitus & immensus, in te sapiens & inscrutabilis, in te iustus & misericors, in te felix & beatus, in te perfectus & gloriosus, in te bonus & amabilis, in te Salvator & Vindex, in te Deus & Filius, in te Dominus & subditus, in te Creator & creatus, in te Trinitas & omnia, in te Deum amo, & laudo, & agnosco, & adoro, & veneror, & spero, & miror, & timeo, & glorifico, & exalto, & deprecor, & prædico, & invoco, & teneo, & possideo, & fruor. Per te Deo vivo, Deo servio, Deum sentio, Deum gusto, Deum sapio, Deum anheleo, Dei totus sum, Deo me trado, Deo devoveo, Deo dedico, Deo dono. Per te Deus mihi omnia, in omnibus Deus meus, & omnia Deus mihi, & ego illi. Deus est mihi Deus, & ad me conversio ejus, ad eumque conversio mea. Per te apud Omnipotentem possum omnia, omnia habeo, omnia sum, per te in igne non æstuo, in fame non esurio, in siti non sitio, in labore non deficio, in altis non extollor, in adversis non deprimor, in casu non frangor, in periculis non pereor, in morte non morior. Tuum est enim, ô Dei Mater! regnum, tua potestas, tuum imperium, tua salus, tua gratia, tua vita, tua beatitudo.

Tu omnia potes quævis, quia apud Deum omnia potes, & Deus omnia vult, quæ tu vis, & idcirco ad te oculi mei, ad te spes mea, ad te expectationes meæ, ad te vota mea, ad te cogitationes meæ, ad te delideria & suspiria mea, ad te omne consilium meum, ad te omnis providentia & intentio mea, ad te omne robur & sufficientia mea, ad te omnis egestas, necessitas, & insufficientia mea respicit, ad te intendit, fugit, apud te conquiescit. Idcirco in omnibus & singulis operibus & indigentis meis, ad te solam, unam, primam, post

post Deum sese convertit anima mea, & nunc & semper, tibi committens & concredens omnem inchoationem, tractationem, seriem, exitum, fructum, effectum, omnis consilii, omnis conatus, omnis desiderii, omnis propositi, omnis operis sui; Potissimum autem in hac hora, invoco te Matrem Dei, Sacerdotum Reginam, summi Sacerdotis Matrem, invoco inquam te, & invocat mecum omnis substantia & capacitas mea, ad hoc, ad quod accedere propono Sacrificium de Filio tuo, cum honore tuo, honori, amori, cultui, dignitati Dei Patris, Dei Filii, Dei Spiritus Sancti offerendum atque immolandum.

Invoco etiam ad ejusdem Sacrificii simulque Sacramenti, tanquam Regalis ac Divini convivii, pro me, ex sanguine corporeque Jesu Christi, Filii tui appa-  
ti & instructi, sumptionem atque manducationem. In omnibus necessitatibus meis peto, ut adjuves me semper, ô dignissima, dignissimi Dei Mater, sed præcipuè in hujus & Sacrificii oblatione & Sacramenti susceptione, adsis mihi, præsentem copioso, efficaci auxilio tuo, adsis mihi intercessione, precibusque tuis, adsis mihi meritis & gratiis tuis, adsis mihi devotione & exemplo tuo.

Sic offeram, sic manducem Filium tuum in hoc Sacrificio & Sacramento præsentem, sicut tu scis & vis, sicut Divina dignitas digna est, sicut Divina voluntas vult & dat.

*Tertia*

*Tertia Pars, ut supra.**Affectus totius Sacri.*

**I**llo affectu, quo Parens pretiosissima & fuit in hac vita, & nunc est in illa cœlesti erga Sanctissimam Trinitatem, dignissimamque Jesu Christi Humanitatem, hoc tu offer, eumque toto Sacrificii hujus decursu retinere propone. Volo & statuo, Sanctissimæ Trinitati offerre Sacrificium hoc, illo affectu, quo pretiosissima Parens Maria fuit, & est, & erit, erga Sanctissimam Trinitatem, dignissimamque ex se conceptam, & genitam Jesu Christi Humanitatem, eumque affectum, toto Sacrificio retinere propono, imo toti Sacrificio applico, uniendo illum affectui quo &c.

*Affectus in Consecratione idem erit totus,*  
*qui supra.*

*Affectus in Elevatione.*

**Q**uo affectu & exaltat ipsa, & exaltari cupit Jesum Filium suum pretiosissima Parens, super omnes creaturas, hoc tu quoque illum eleva & exalta, sub his speciebus. Dulcissime Jesu! quo te affectu cordis sui, pretiosissima Parens, corpore sanguineq; suo vestitum, & specie Humanitatis indutum exaltavit, exaltat, exaltari cupit, hoc ipso affectu te ego exalto, his speciebus Panis & Vini circumdatum.

*Affectus in Communionem.*

**P**retiosissimæ Parentis affectu & devotione, sanctissimum Sacrificium Sacramentumque sume, quo scilicet affectu, ipsa communicare solebat, post Christi ascensionem, simulque attende & intende, Christi corpus sumere, sub hac etiam ratione, quod sit particula corporis & sanguinis Mariæ. Mi JESU, quo te affectu Mater tua in Sacramento manducare consueverat, hoc

te ego

te ego quoque affectu illius nunc sumo, sub ea specialiter ratione, quod corpus & sanguis tuus, sit portio corporis & sanguinis ejus. Tu pretiosissima Parens, in hac hora juva me orationibus, orna gratis, dita virtutibus, ac devotione Tua tota &c.

*Post Sacrum.*

1. **J**ESUM Christum, immolatum, & sumptum adorabis. 2. Pretiosissimam Parentem ad gratias tecum agendas invitabis. 3. Gratias ei collatas gaudia & glorias recensebis. 4. Petes omne genus gratiarum per ejus merita apud Deum. 5. Implorabis ejus auxilium tibi, tuis, Ecclesiæ, &c.

O Generosissime flos Divinitatis, ô illi beatissime Jessei floris fructus, Jesu dulcissime, quem modo tibi, Patri, Spiritui Sancto, in commemoratione honoris, meritorum, & gratiarum pretiosissimæ Parentis obtuli, quemque in Sanctissimi Sacramenti convivio manducavi, te tota cordis prostratione adoro, tota mentis latitudine amplector, tota animæ gratulatione saluto. Saluto te principem cordis mei, bonum animi mei, satisfactionem desiderii mei, scopum sensus mei, finem propositionis mei, saluto te gaudium animæ meæ, partem hæreditatis meæ, coronam spei meæ, subsidium substantiæ meæ. Saluto vitam meam, spem meam, fortitudinem, robur, medelam, bravium meum. Tu es holocaustum meum, quem pro toto me, & pro cunctis debitis meis, æterno Patri, tibi ipsi, tuoque Spiritui immolavi. Tu apud te, apud Patrem, apud Spiritum Sanctum supples, & suffices defectus meos, & fac tibi, Patri, Spirituique S. in me plenitudinem, quam desiderat anima mea, & quam facere sibi in me expetit sufficientissima plenitudo tua. Sana infirmitates meas medicinis tuis, dita egestates meas divitiis tuis, illumina tenebras meas luminibus tuis, perface imperfectiones meas perfectionibus



bus tuis, corrige insipientias meas sapientiis Tuis, exhauri miseras meas miserationibus tuis, dissimula peccata mea indulgentiis tuis. Idcirco enim te, & immolavi, & manducavi, ut esses mihi hoc, quod esse vis mihi, & quod ut esses mihi, fecisti te sacrificium, oblationem, convivium, cibum, potum, orationem, motum, justitiam, suffragium, & misericordiam mihi. Idcirco immolavi & manducavi te, ut essem tibi hoc, quod esse me vis tibi, & quod ut essem tibi, fecisti me convivam, amicum, fratrem, sponsum, sacerdotem tuum. O Domine, quando explebis desideria mea in te? O Domine! quando satiabis vota tua in me? quando eris mihi, quod vis esse mihi? Quando ero tibi, quod vis me esse tibi? O quis det me tibi sine impedimento meo, à me effici tibi quod vis. Quis det dilatari me, ut capiam te? ignescere me, ut ardeam te? famescere me, ut esuriam te? depauperari me, ut diter te? ampliari me, ut magnificem te? Quis mihi det esse juxta regulam cordis tui, juxta gustum beneplaciti tui, juxta desiderium animæ tuæ? Fac mi Deus, fac cito, fac statim, fac quando vis, ut in me sint vota tua, ut sint in manibus tuis sortes meæ, ut in me sint viæ tuæ, ut sim juxta cortuum. Hoc à te per omne id, quidquid est bonitatis tuæ in te, quidquid est miserationum in corde tuo, quidquid est gratiarum in medullis, ac visceribus tuis, hoc à te tota mendicitate, quæ quanta sit, tu plane solus nosti, peto & supplico. Ecce vides desideria cordis mei, ecce patent tibi viscera animæ meæ, ecce hiant tibi abscondita omnia capacitatis meæ, vide, ingredere, penetra, adimple, posside. Hoc à te poscit dilecta tua, pretiosa tua, amabilis tua, Genitrix tua Virgo Maria, poscit hoc à te mihi, quia scit quod hæc sit voluntas Tua, & quia hoc exigit ab illa universa bonitas tua, quam effudisti in eam, & confirmasti super eam, ideo ut

pro-

propter eam & per eam miserearis creaturæ tuæ, hoc est omnium nostrum, qui nihil aliud sumus coram te, nisi perpetua indigentia bonitatis & gratiæ tuæ. Ideo hæc Mater gratiæ, Mater misericordiæ, Mater bonitatis, Mater dilectionis, Mater omnis sanctæ spei, constituta est à te, inter nos & te, ut per eam esset accessus & ad nos tuus, & noster ad Te. Hæc est enim excessio bonitatis Tuæ ô Deus, ut cum peccata nostra dividerent inter nos & Te, Tu sternens Tibi viam, ut aperires portam, tibi semper perviam ad nos, per quam & venires ad nos, & ad te traheres nos, & faceres nobis bene, & faceres nos Tibi bonos. O via, ô janua, ô porta cœli, ô porta per quam Salvator ingreditur, & salvandi perveniunt ad salutem, ô Maria sedes Trinitatis, vena miserationis, gratiarum derivatio, donorum scaturigo, sanitatum fons, salutis divitiæ, thesaurus omnis boni nostri. O Maria spes, & refugium, & anchora, & clypeus, & turris, & armatura, & solatium, & hæreditas, & Regina, & Mater, & Nutrix, & Patrona nostra. O Maria! quam Dominus adamavit, & amabilem fecit, ut per amorem Tuicaperet nos, tuque esses Rete, Sagena, Prædatrix animarum nostrarum, in gustum ejus, & in bonum nostrum.

Fungere jam, ô Maria! fungere officio, potestate, prærogativâque Tuâ. Age jam omnipotenti DEO meo, unigenito Filio Tuo, age quas potes, & scis gratias pro me, pro omnibus ejus in me miserationibus, quas effudit super me, ab omni prædestinatione sua, per totam seriem suæ circa me providentiæ, & in specie pro gratia,

qua me ornavit Sacerdotali, qua me exaltavit, & ad sacrificandum sibi hostiam laudis elegit, qua me satiavit, nutrit, & faginavit, in convivio suo sacramentali. Impetra mihi, à suavissimo Filio tuo, Deo meo, gratias omnes, quibus indiget inexhausta paupertas mea, impetra mihi omne genus virtutum, in omni gradu mihi competenti, simili tibi, placito Filii Tui voluntati, impetra mihi, ut sim fidelis Deo meo, nec arrogem unquam mihi, quod ejus est, meum autem non est. Impetra, ut sim gnarus voluntatis ejus, ejus devotus dignitatis, nutritus gratiæ, servus Providentiæ, Instrumentum misericordiæ. Impetra mihi, ut sim fortis, assiduus, & felix zelator gloriæ, doctrinæ, & Ecclesiæ ejus, ut sim amator, & sectator veritatis, possessor & professor crucis, dignationum ac stultitiæ, infirmitatum & opprobriorum ejus. Impetra mihi, ut sim amator tuus, & propagator amoris tui. Impetra mihi, quidquid scis, vel necessarium mihi, vel placitum voluntati Divinæ, ut impetres mihi. Impetra denique finalem perseverantiam mihi, in omnibus voluntatibus Dei, doctrinis Filii tui, exemplis Jesu Christi pro me crucifixi. Hoc à te peto ô Mater mea, quia tu es Mater gratiæ, quia tu es spes mea, quia tu es Mater Dei. Hoc à te peto, peto omnes miserationes Dei tui, quas ab ipso unquam percepisti, peto per omnes gratias naturales, ac supernaturales tuas, peto per omnes prærogativas, excellentiasque tuas, peto per omnia merita tua, peto per omnes Virtutes tuas, peto per omnes portiones, potentiasque corporis & animæ tuæ, peto per omnes actiones, locutiones, cogitationes, commotiones, facultates, conversationemque totius vitæ tuæ, peto per omnia mysteria vitæ tuæ, sive gaudiosa, sive dolorosa, sive gloriosa, peto per omnia instantia tua, peto per illum sanguinem, quem Spiritui S. ad formandum corpus Verbi incarnati

submi-

submi-  
nation  
ad ho  
omne  
prim  
sti, &  
inter  
conju  
volun  
ô Ma  
clesiæ  
necess  
devoti  
modo  
propte  
dilige  
his q  
prom  
atque  
rari, &  
peto  
meum  
meis t  
tronat  
simun  
munis  
potissi  
Divin  
ptione  
omnia  
gnissi  
solatio  
stume

subministrasti, per illum actum omnem, quo ad Incarnationem Filii Dei concurristi, per illum actum, quo te ad hoc mysterium obtulisti, & disposuisti: per illos omnes actus, quibus Christo Filio tuo, tota vita ejus, à primo conceptionis instanti, qualitercunque ministrasti, & obsequium præstitisti, peto denique, per omnem inter te, ac Deum Filium tuum connexionem, atque conjunctionem, peto autem juxta mentem tuam, juxta voluntatem Divinam. Non solum autem mihi peto ô Mater dignissima, sed peto etiam omnibus, totius Ecclesiæ Dei, cujus tu Regina es & Patrona, filiis, atque necessitatibus, peto omnibus tibi specialiter in Ecclesia devotis, & deditis, peto omnibus mecum quocunque modo in Deo connexis, peto omnibus quos specialiter propter Te diligo, & qui specialiter propter Te diligunt me: Peto Hereditati tuæ universæ, peto his qui singulariter ambiunt amorem tuum, & promovent honorem tuum, peto his, qui te iis modis atque rationibus honorant, à quibus amabilius honorari, & tu vis, & Divinæ voluntati placet, & inter hæc peto etiam omnibus, ad meam curam, officiumque meum pertinentibus. Quibus officiis, necessitatibus meis te Parens pretiosissima singulariter Matrem, Patronam, & Directricem cupio, eligo, & postulo, potissimum vero his, in quibus gloriæ divinæ, & boni communis, atque animarum amplius positum est, & adhuc potissimum his, quæ officium Sacerdotale tractationem Divinorum mysteriorum, oblationem sacrificii, summationemque Sanctissimi Sacramenti concernunt, ut hæc omnia semper digne, semper dignius, semper quam dignissime tractem, tradam, offeram, & sumam, ad consolationem tuam, ad laudem Filii tui, ad gloriam, gloriosumque Sanctissimæ Trinitatis.



*Gratiarum actio.*

**G**ratias ages Jesu Christo summo Sacerdoti, Re-  
ginæ Sacerdotum omnium, sanctis Sacerdotibus  
quod adesse voluerint &c.

## CAPUT XI.

Pii affectus in Festis Deiparæ, inter  
sacrificandum usurpandi.

§. 1.

*De Conceptione & Nativitate B. Virginis*  
*M A R I Æ.*

*Affectus totius Sacri.*

**I**n unione divinissimi illius affectus, quem tu ô San-  
ctissima Trinitas, Deus meus, habuisti, & ab æterno  
prædestinans, & in tempore faciens, immaculatissimè  
concipi (nasci) pretiosissimam æterni Verbi Parentem,  
offero tibi, ô adoranda Trinitas, hoc sanctissimum Sa-  
crificium, ad illum ipsum gustum, quem in prædesti-  
natione & Conceptione (Nativitate) Virginis habuisti,  
quemque ipsa Virgo concepta, (nata) primo suæ ad  
te conversionis actu, Divino tuo gustui exhibuit.

*Affectus ad Consecrationem.*

**Q**uo tuo gustu, Verbum æternum, Matrem tuam  
concipi (nasci) fecisti & vidisti, ad eundem ego  
gustum, Humanitatem tuam **JESU**, in speciebus istis  
concipi & formari, per verba ministerii mei propono,  
conor, facio.

*Affi-*

*Affectus ad Elevationem.*

**Q**Vam alte tu Deus extulisti pretiosissimam Parentem supra omnem puram creaturam, in ejus exitu, tam altè ego te Deum, olim de hac Virgine conceptum, (natum) & nunc sub hisce Panis & Vini speciebus contentum, supra ipsam pretiosam Parentem, & amplius exaltare contendo & exaltari desidero.

*Affectus ad Communionem.*

**Q**Vanto desiderio, mi JESU, Virginem exortam destinasti tibi in Matrem, omnemque ejus tam substantiam, quam vitam & vitæ actionem, tibi absorbisti & consignasti, & vicissim, qua affectus plenitudine, totam se Virgo tibi in omnem usum, obsequiumque primo sui exortus instanti consecravat ac devovit, eodem ego hoc sanctissimum Sacramentum sumo, cupiens eadem plenitudine in te transfundi, qua hæc Virgo, à primo ortus sui instanti, transfusa in tuam possessionem & hæreditatem fuit. Tibi vero, ô Virgo infantula, recens concepta, (nata) in conspectu Sanctissimæ Trinitatis, in sanctissimo Sacramento, cum Christi humanitate latentis & præsentis. Offero me ipsum totum atque trado, in hæreditatem & possessionem æternam, eo modo, quo infantulis donaria offerri solent, atque ego in hujus donarii mei oblatione, omnes creaturas reliquas, tam tempore, quam affectu, præcedere cupio.

§. II.

*Die Præsentationis beatissimæ Virginis*

MARIÆ.

*Affectus totius Sacri.*

**P**retiosiss. Parens, quâ tu devotione, puritate, promptitudine mētis tuæ, præsentasti te hodie in Templo,

æternisque obsequiis Dei mancipasti, & gratissimam gustui Divino, ex te ipsa oblationem fecisti, hac eadem ego servus tuus desidero, atque propono, hoc Sacrificium, cum illoque etiam me ipsum, hodie divinæ Majestati atque dignitati præsentare. Tu dulcissima Virgo, adjuva me, & ad sis mihi præsens, meritis & precibus tuis, devotione mentis tuæ, propter amorem Filii.

*Affectus ad Consecrationem.*

**D**omine Deus, cui se hodierna die dulcissima Virgo trimula, cum tota sua substantia carnis & mentis, devotissimè donavit, ego quoque, ejusdem Virginis Filium, cum tota ejusdem corporis & sanguinis substantia, sub his speciebus tibi & præsentare & immolare volo. Quo vultu Matrem se tibi devotentem suscepisti, simili me ejusdem Matris Filium, tibi immolantem suscipe.

*Affectus ad Elevationem.*

**O** Immensæ Majestatis ac bonitatis Domine Deus, iste Filius est in manibus meis, illius Matris ac Virginis Filius, quæ se tibi hodierna die triennem offerens, suavissimæ voluntatis tuæ gustu, inenarrabiliter recreavit. Da mihi, ut ego quoque servus tuus aliquatenus, aliquando recreem te.

*Affectus ad Communionem.*

**D**EUS, qui non munerum, sed cordium es avarus acceptator. Tu hodie Virginem sanctissimam, se te in munus offerentem, donantemque corde plenissimo acceptasti: da mihi etiam pauperculo tuo, ut Jesum Christum Filium tuum, simulque Virginis, sele mihi, ecce nunc in cibum potumque animæ offerentem,

tem, quam plenissimo, devotissimo, sincerissimoque corde acceptem, & propter hoc munus tibi gratior evadam.

§. III.

*Die Annuntiationis beatissima Virginis*

M A R I Æ.

*Affectus totius Saceri.*

**V**Olo & propono tuam, dulcissime JESU, æterni Patris Verbum, Incarnationem, sub speciebus Sacramentalibus, in sanctissimo Sacrificio renovare atque perficere, eo affectu, & in honorem ejus affectus, quo Sacratissima Trinitas & dulcissima Mater tua, eandem tuam Incarnationem perfici desideravit, reque ipsa perfecit, ad purum gustum Sanctissimæ Trinitatis, ad dulcissimæ Virginis honorem & totius humani generis salutem.

*Affectus ad Consecrationem.*

**J**ESU, dignissime Verbum Patris, quo te affectu dulcissima tua Mater, Spiritu S. cooperante, in visceribus suis incarnavit, suoque purissimo sanguine convestivit, hoc eodem affectu, ego te ipsum, nunc sub his speciebus incarno ac immolo.

*Affectus ad Elevationem.*

**Q**UO te affectu, dulcissime Jesu, pretiosissima Parens, in se incarnatum adoravit, hoc eodem affectu, ego te sub his speciebus adoro, omni creaturæ adorandum exhibeo, cumque omni, & pro omni creatura, adoro.



*Affectus ad Communionem.*

**O**Mnipotens, sempiterna, Dignissima Trinitas, Deus, qui gloriosæ Virginis, dulcissimæque Parentis MARIÆ corpus & animam, ut dignum Verbi habitaculum effici mereretur, Spiritu S. cooperante præparasti, in cujus visceribus etiam incarnati Verbi humanitate, plenitudine Divinitatis, corporaliter cum suavissima gustus tui oblectatione inhabitasti, dignare etiam, cum hac ejusdem Verbi Humanitate, quam ecc sacramentaliter ac spiritualiter recipio, in visceribus meis, plenitudine gratiæ tuæ habitare, meque ut tibi dignum habitaculum efficiar, semperque permaneam, donis tuis, dulcissimæque Virginis meritis copiosissimis, exornare. Exorna me, ô Deus plena mater, dignè te, dignè Filio tuo Jesu Christo, dignè Sanctissima Trinitate. Exorna me gratiis tuis, ut huic sacratissimo Sacramento recipiendo idoneus sim.

## §. IV.

*Die Visitationis beatissimæ Virginis*  
*MARIÆ.*

*Affectus totius Sacri.*

**D**esidero & propono te, dulcissime JESU, in hoc sanctissimo (ad quod peragendum accedo) sacrificio & affectu cordis immolare, Sanctissimæque Trinitatis gustui offerre, quo te in suis visceribus recens incarnatum, dulcissima Mater, in montana Judææ, in domum Zachariæ derulit, Joannemque Præcursorem tuum salutatione sua, virtute tua, sanctificavit.

*Affe-*

*Affectus ad Consecrationem.*

**J**ESU mi, consecrare & conficere te, sub his speciebus volo, ministerio vocis meæ, efficacia Virtutis tuæ. Tu me tibi consecra, & effice in æternalem servum, Matrisque tuæ in mancipium & jumentum, copiositate gratiæ tuæ, ministerio & subsidio meritorum, intercessionumque pro me dulcissimæ Matris tuæ, eo modo, quo consecrasti tibi Joannem, ministerio salutationis Matris tuæ.

*Affectus ad Elevationem.*

**J**ESU, qui à dulcissima Parente in montana delatus, Joannem sanctificasti, sanctifica etiam me, in montana elevatus à me, & Spiritu affectuque dulcissimæ Matris tuæ, cantabo hymnum laudis tuæ; Magnificat anima mea Dominum, & exultavit Spiritus meus in DEO &c.

*Affectus ad Communionem.*

**D**ulcissima Virgo & Mater, absolutissima hæres Dominaque mea, quo fervore & fructu, dulcissimum Filium tuum exurgens per montana detulisti, atque in domum Zachariæ intulisti, peto ego vilissimum mancipium, jumentumque tuum, ut hoc eodem affectu & effectu, eundem dulcissimum Jesum tuum, hisce speciebus Panis & Vini inclusum, in domum cordis mei deferas, in eoque deponas. O Domina, sanctifica me ut Joannem, reple Spiritu Sancto ut Elisabetham, imple benedictione & gratia ut domum illam, ut ego magnificem Dominum Deum tuum tecum, & dicam jugiter: Magnificat anima mea Dominum, & exultavit Spiritus meus in Deo salutari meo.

*Die Purificationis integerrimæ Virginis  
MARIE.*

*Affectus totius Sacri.*

**S**ANCTISSIMA Trinitas, Deus meus, cujus sese voluntati, die hodierna, Jesus Christus Redemptor meus, in templo præsentavit, ac pro nobis gratissimum in pignus obtulit, tuæ illi eidem voluntati atque dignitati, ego vermiculus tuus vilissimus, eundem Jesum Christum, sub Panis Vinique speciebus sistere, præsentare, ac immolare propono, eodem cupio, quo ille præstitit præstare affectu, sed amat charitas, amat immensitas, nos pusilli æmulamur cum mensura, quam nobis dispensat voluntas tua.

*Affectus ad Consecrationem.*

**V**IRGO sacratissima, quo tu affectu pignus tuum dulcissimum ac divinissimum, hodie templo illatum, altarique impositum, divinis oculis præsentasti, & voluntati immolasti. Simili cordis devotione, ego modo hunc Filium tuum, in hoc altari, sub speciebus his Panis & Vini, iisdem oculis, eidemque Voluntati Divinæ, præsentō, immolo atque nunc depono.

*Affectus ad Elevationem.*

**J**ESU mi, hodie à Simeone gestate & benedicite, elevare super altare, & pro pacis missione exorare, te ego quoque servulus tuus, manibus meis indignis gesto & elevo, cordis mei visceribus benedico, ac tota cgestatis meæ capacitate confirmari, finaliterque in gratiæ tuæ amicitiaque pace dimitti ac relinquere in æternum postulo.

*Affe-*

*Affectus ad Communionem.*

**D**EUS meus, per hoc sacratissimum Domini mei Jesu Christi corpus, & per hunc sanguinem, quem sumpturus sum, peto à voluntate tua, illam quam Simcon petiit & obtinuit, finalem pacem, illam quam dulcissima Mater in humili purificatione sua meruit, puritatem, puritatisque æternalem confirmationem illam, quam Dominus JESUS, infantulus in templo tuæ voluntati obediendi protestatus est, se habere ac retinere consummatam ac sempiternam voluntatem. Confirma me cum Filio tuo per Spiritum Sanctum in gratiæ tuæ pace, in mentis corporisque humili puritate, in voluntatis meæ ad voluntatem tuam æterna desponsatione atque sponsali transformatione, quia hæc est voluntas dignitatis tuæ, & dignitas voluntatis tuæ.

§. VI.

*Die gloriose Assumptionis beatiss. Virginis  
M A R I Æ.*

*Affectus totius Sacri.*

**M**I dulcissime atque amabilissime JESU, quo tu Divini cordis tui affectu atque gustu pretiosissimam Matrem, Incarnationemque tuam, de sepulchro suscitasti, atque in cœlos assumptam, inibi, super omnem creaturam exaltasti, hoc ipso cordis tui affectu atque gustu, & in ejusdem affectus gustusque tam tui, quam dulcissimæ Virginis renovationem ac honorem, sanctissimum istud sacrificium tuum immolare propono, agens tibi gratias, pro tanta abs te glorificatione Matris tuæ, & congaudens atque congratulans pretiosissimæ Parenti, ac Incarnatrici tuæ, adeo supereminentem abs te exaltationem suam.

*Aff.*



*Affectus ad Consecrationem.*

**S**uavisime JESU, quo devotionis affectu, dulcissima Parens tua, hanc vitam conclutit, & animam in tuas manus tradidit, & Sanctissimam Trinitatem in assumptione sua salutavit, hoc eodem ego nunc, immolandi tui in isto Sacrificio sub his speciebus actum perficere, ad gloriam Sanctissimæ Trinitatis volo, petens, ut vitam meam, ad instar dulcissimæ Virginis terminare, per gratiam Sanctissimæ Trinitatis, perque meritam assumptionis tuæ Genitricis possim.

*Affectus ad Elevationem.*

**M**ellitissime JESU, qua dulcedine, affectuosis finis pietatis, sanctissimam Virginem Matrem tuam MARIAM, de terra in cœlum, in cœlo super choros Angelorum extulisti atque exaltasti, hoc eodem pietatis affectu atque sensu, ego servulus tuus, & Matris tuæ, te, tuamque Matrem, cum hoc sanctissimo Sacramento elevo atque exalto, super omnem creaturam.

*Affectus ad Communionem.*

**G**ratiosissime Deus, Jesu mi, hæc paupercula creatura tua anima mea, petit à serenissima pietate tua, ut quoniam placitum est ante te, auferre de hac terra dulcissimam Parentem tuam, antequam omnino assumes eam, divertere cum ipsa digneris ad animam meam, ut à vobis benedicere, vobisque valedicere, ac tam suas, quam suarum omnium necessitates commendare valeat.

## CAPUT XII.

### *Alia Liturgica.*

**P**RO coronide sacrorum hîc distributorum, non possum non apponere Præparationem Missæ, Accessum, Applicationem Sacri, Affectum in Sacro ex Liturgicis verè aureis R. P. Thomæ Mlodrianouski Societatis Jesu in Polonia celeberrimi Theologi, Anno 1676. Cracoviæ editis, in quæ ex singulari providentia Dei casu incidi, dum hæc scriberem: Pono ejus dispositionem & formalia.

#### §. I.

#### *Præparatio Missæ & Accessus.*

1. **F**lat actus Contritionis, qui extendatur non tantum ad mortalia, sed etiam ad venialia peccata, ut ita purus ab omni inquinamento, ad Dei tui altare, accedere possis.

2. Si vacat; dicendus Accessus præscriptus in Missali. Item illa Oratio: Ego volo celebrare. Denique incidens in illam diem Oratio Ambrosiana.

3. Accipiendæ personæ variæ, & illarum nomine, adoranda Eucharistia.

Accipio personam omnium irrationalium creaturarum, cum omni sua farragine, in tua Domine omnipotentia contentarum, & earum nomine, te in sanctissima Eucharistia contentum, adoro, totiesque adoro, quoties omnia possibilia, in thesauro omnipotentia tuæ continentur.

Accipio personam omnium damnatorum, præcipuè tamen eorū, qui specialiter sunt damnati, ob Eucharistia abusum, & in supplementum omnium blasphemiarum, quæ

quæ sunt in inferno, contra Eucharistiam; acclamo tibi Domine: *Ladeitur sanctissimum Sacramentum.*

Accipio personam omnium Ethnicorum, de hoc mysterio nescientium, aut scire nolentium, & illorum omnium nomine te adoro, dignus enim es Domine, ut à toto mundo adoreris, ameris.

Accipio, Domine, personam omnium Hæreticorum & Schismaticorum, qua te blasphemantium, qua non credentium, quâ injuriosè tractantium, & eorum omnium nomine, te in Eucharistia contentum veneror & exalto.

Accipio, Domine, personam omnium malorum Catholicorum, qui se fructu & usu Eucharistiæ indignos reddiderunt, reddunt, reddituri sunt, & in eorum persona, jam tibi dedicata & addicta, te amo, te desidero, te recipio.

Accipio personam omnium sanctorum Catholicorum, qua consecrantium, qua communicantium tantum, & eorum Religione te colo, eorum desideriis, ad te sincerè, ut vides Domine, anhelò, anhelò etiam præcipuè eorum Communicantium desideriis, quorum multi si Sacerdotes fuissent, & quam impensius & sanctius tibi ad altare serviissent? has omnes & omnium tibi notas devotiones mihi approprio, tibi que eas impendo.

Accipio personam omnium animarum Purgatorii, quibus si daretur ad altare accedere, si daretur communicare, nonne majori amoris tui igne, quam flammis purgatorii arderent? hos amoris æstus concentro in cor meum, & illis æstibus ad te incendor.

Accipio personam omnium Sanctorum, jam in cœlo triumphantium, qui si desiderare aliquid possent, id etiam unicè desiderarent, ut illos Eucharisticè pascas. Tibi Deo meo notis illorum affectibus nunc ad te feror,

ror, co  
re.  
mum  
felicita  
quot M  
Fero  
sacrifici  
sima e

In t  
& nov  
Domi  
qua Sa  
tibi ill  
sancti  
animæ  
consec  
manus  
stia fer  
tuis, fa  
spitium

A  
L  
L  
impetr  
Qu  
hoc co  
Excell  
Unitat  
in qua  
tua de  
Ve  
tuam,

ror,

ror, celebrare desidero, teque mihi communione unire. Quis dignius, Domine, tractavit tuum sanctissimum corpus, tuâ sanctissimâ Matre? cui si obligisset felicitas, non tantum maternitatis, sed etiam Sacerdotii, quot Maria affectuum, illa tibi in Sacrificio profudisset. Feror in te Domine affectibus Matris tuæ, effundo tibi sacrificans mare illud affectuum, quos Mater divinisima eliciisset Sacerdos.

In te definit omnis dignitas creata & increata, prime & novissime Sacerdos, Domine mi JESU. Da mihi, Domine, communionem totius illius Sanctitatis tuæ, qua Sacrificium hoc & instituens, & in cruce efformans, tibi illud, Patri & Spiritui Sancto, obtulisti. Hâc tuâ sanctitate decoro Domine affectus & actus peccatricis animæ meæ. Decora, Domine, os meum, prolaturum consecrationis verba, ultinò exspirio oris tui, decora manus meas manibus tuis. Corpus tuum in Eucharistia ferentibus, decora omnibus divinis interioribus tuis, fæda viscera mea, ut commodum tibi evadant hospitium, & mancas mecum in æternum.

## §. II.

 *Applicatio Sacri & Invitatio Christi.*

**A**pplicandum erit Sacrum, secundum quod Theologi illud dividunt, nempe in quantum est.

Latreuticum seu Adorativum, Gratiarum activum, impetrativum, Propitiatorium.

Quoad primum. Offero tibi, Domine, Sacrificium hoc corporis & sanguinis tui, in adorationem supremæ Excellentiæ Dei Patris, Dei Filii, & Dei Spiritus S. Dei Unitatis, Dei Trinitatis. Immolo illud & tibi, ô Deus, in quantum Prædestinator es, & altissimæ inscrutabiliq; tuæ de me dispositioni, & quidem æternum duraturæ.

Veneror hoc Sacrificio infinitam misericordiam tuam, quæ secundum multitudinem miserationum tua-



rum delebat, delet, delebit, ut spero, multitudinem iniquitatis meæ.

Adoro hoc sacro Divinam Justitiam tuam, & eam munere hoc Eucharistico placo.

Accipe tremenda Justitia Dei, corpus & sanguinem Domini mei, & jam respice in faciem Christi, & non respicias, plures arenâ maris, iniquitates meas.

O inexhauste Thesauri, Providentia Dei Creatoris mei, ad te miser peccator recurrens, & tuarum misericordiarum benignissimarum mendicus, dono & devo-  
veo tibi Eucharisticum convivium, & tu mihi superim-  
pendas benignissimas protectiones tuas. Si ivero in  
cælum, tu illic es, si descendero in infernum, ades: nulli-  
bi non es, qui ubique es. Tuam hanc immensitatem  
præsentia, ex alto dignissimo hoc sacrificio, & adoro.

Adoro in super totum illud chaos, totam abyssum, & pelagus Divinum dignitatum, Attributionum, Excellen-  
tiarum tuarum, & adoro his ipsis perfectionibus Eucha-  
ristiæ adstrictis, in illaque modo ineffabili contentis.

*Quoad secundum.* Gratias Tibi Domine hoc sacri-  
ficio ago pro beneficiis datis Humanitati Domini mei  
Jesu Christi, itemque Domine & Hæredi meæ, cujus  
ego non sum dignus vocari filius (utinam condignum  
mancipium essem) Deiparæ Virgini. Gratias etiam tibi  
ago Domine, pro omnibus beneficiis, datis & dandis  
Electis tuis, præcipue iis, qui me in cælo jam existen-  
tes, communionem suam speciali, per impetrata mihi bene-  
ficia, dignati sunt.

O quot thesauros Domine beneficiorum tuorum effudisti in reprobos & damnatos.

Illinè tibi pro illis gratias agunt? Imo potius blasphemant te Domine. En sacrificium gratiarum actionis, pro omnibus beneficiis tuis, etiam genti illi maledictæ im-  
pensis.

Et quo-

Et quomodo Domine mi, obliviscar beneficiorum mihi indignissimo collatorum? Creasti me domine, post tot pericula & morbos conservasti, sanguine pretioso Filii tui redemisti, mundo per Religionem, vel statum meum, subtraxisti, Sacerdotem fecisti, donis tuis naturalibus & supernaturalibus ditasti. Quid ergo retribuam Domino pro omnibus quæ retribuit mihi? & retribuit multa, cum nunquam pro illis supplicassem, specialique sua providentia, me semper refovit, ideo hostiam & calicem salutaris accipiam, & nomen Domini invocabo, etiam has gratiarum actiones extendendo, pro beneficiis cuicunque, quantumvis irrationabili creaturæ aliquando præstitis, item extendendo gratiarum actiones, pro beneficiis, quæ nondum mihi dedisti, daturus es misericorditer, daresque si dignus essem.

*Quoad tertium.* Offerotibi Domine sacrificium hoc; ut impetrem, majus augmentum gloriæ accidentalis, tibi ipsi Deo meo, à te ipso, & post te in augmentum gloriæ accidentalis Domino meo Jesu Christo, beatissimæ illius & meæ Matri, totique Curiaæ cœlesti, præcipuè S. Patronis meis, & nominatim iis, quorum dies annua, ingressus in cœlum, erit dies agonis meæ. Vellem etiam Domine mi, impetrare patriæ meæ, Poloniæ tuæ, apertum sinum benedictionum tuarum, vellem impetrare in toto mundo amantibus te, augmentum amoris tui, omnibus in peccato mortali existentibus, actum amorosissimæ contritionis, omnibus infidelibus lumen fidei, omnibus nunc certantibus, aut postea pro fide certaturis, gratiam martyrii. Vellem impetrare omnibus nunc agonizantibus, & postea agonizaturis, finalem perseverantiam, omnibus tentatis subsidium, afflictis consolationem, immo vellem Domine, nullam esse in mundo creaturam, etiam inanem, cui aliquid, hoc infinitæ dignitatis sacrificio non sit à me impetratum.

Et quid mihi Domine mi, in particulari impetratum vellem? Da mihi DOMINE gratiam digne celebrandi, communicandi, viatico in extremo agone non carendi. Da mihi, Domine, confirmationem in gratia tua, ut non permittas me separari à te. Da mihi victoriam omnium, sed vel maxime earum tentationum, quibus de facili succumbo. Transforma me Domine in te, ut Deo meo plenus, vivam in æternum. Denique tam magnus est mearum miserationum saccus, ut ne numerum quidem mearum necessitatum inire possim. O dives Domine, miserere tam magni mendici, id omne & totum mihi da, quod me scis petere posse, petere debere. In particulari autem offero tibi, Domine, hoc Sacrum pro N.N.

Quoad quartum. Offero tibi Domine, infinitam hanc propitiationem divinissimi hujus Sacrificii, pro omnibus illis peccatis, pro quibus tu in cruce cruciatum Sacrificium tuum voluisti offerre, obtulisti.

Offero pro omnibus sceleratissimis facinoribus & peccatis meis, & notabiliter pro primo, quo unquam respondi me, ut offenderim te.

Offero & pro eo notabilissimè, quod notabilissime cum majori Majestatis tuæ indignatione perpetravi.

Offero & pro eo, quod forte oculus tuus divinus videt, nondum me adæquatè confessum esse, vel si confessus sum, nondum singularius pro illo temporalem diminui pœnam.

Offero tibi, Domine, pro omnibus Ethnicorum infidelitatibus, Hæreticorum & Schismaticorum blasphemis, fidelium irreverentiis, pro ipso item abominabilissimo Christicidio & AntiChristi peccatis, nam vellem nullas unquam esse offensas tui, & si sunt, nullas esse irrecompensatas.

Descendo etiam in infernum vivens, & offero tibi illud,

illud, n  
tem, da  
quas n  
adhuc  
pro N.

Sub  
Ætium

DA  
er  
Da  
quo af  
xisti.

Da  
mini su  
in uter  
Da  
Æu, pro  
tuisi.

Da  
in Eu  
in salu

E  
Esu  
tuum.  
toto c  
vel mi  
2.  
dic: D  
muni

illud, pro pœnis animarum purgatorii. Da illis libertatem, da saltem levamen pœnarum, præcipue verò illis, quas modo inibi tua iustitia punit, & ego eas ipsas adhuc in Purgatorio reperturus sum. In particulari pro N. N.

Sub hæc fiat applicatio Sacrificii, in quantum satisfactivum est, secundum quod devotio vel obligatio dicat.

### *Invitatio Christi.*

**D**A mihi, æterne Pater, Filium tuum, eo affectu, quo eum in salutem humani generis obtulisti.

Da mihi teipsum, ô Verbum æternum, eo affectu, quo affectu teipsum naturæ nostræ humanæ conjunxisti.

Da mihi, Spiritus Sancte, corpus & sanguinem Domini sumere, & da eo affectu, quo affectu corpus illius, in utero Virginali adaptasti.

Da mihi teipsam, Humanitas Domini mei, eo affectu, prout à Verbo terminata, hoc Sacramentum instituisti.

Da mihi, Virgo beatissima, unigenitum Filium tuum in Eucharistia inclusum, eo affectu, quo affectu illum in salutem humani generis genuisti.

### *§. III.*

### *Accessus ad Sacrarium & Altare.*

**1. E**Undo ad Templum, repetantur hæc verba: *Veni Domine Jesu, & noli tardare.*

Esurio, Domine, corpus tuum, & sitio sanguinem tuum. Te immolabo tibi. Amō te Domine, & doleo ex toto corde meo, quia te summum & infinitum bonum vel minimo peccato offendi.

**2. Vbi veneris ad templum,** adorando Eucharistiam dic: Da mihi, Domine, gratiam digne celebrandi, communicandi, sine hoc viatico salutis non moriendi.



3. *Aperiatur Missalis liber.* Et memor eris, quia liber scriptus proferetur, in quo totum continetur, unde mundus iudicetur. Vel petes: ut per doctrinam aperias cum Agno aliis librum.

4. *Lava manus* in lachrymis Magdalenz, Petri, Matris dolorosa: aque lateris Christi. reflexeque pete, ut sine pollut one mentis, & corporis, valeas verè inhi-  
missimus, Domino servire.

5. *Aperitur Hostia*, & benedicatur hic ager, ex quo hic panis, & vinum, sacrificii collectum. Bene precare & istis, qui hæc huic loco providerunt.

6. *Impone* tibi amictum, protestans quod præ corona aurea cligas tibi spineam, cum Catharina Senensis, peteque, ut te muniat Deus, ad expugnandos blasphemiarum, & tentationum contra fidem, præcipue in morte, incurfus.

7. *Dealbame Domine.* Sed quo? Vulneribus totius corporis Jesu, ut sanguine hujus Agni dealberis.

8. *Affectu S. Thome Aquinatis*, & affectu S. Ignatii, pete cingulum castitatis.

9. *Mercear Domine*, pete tibi gratiam contritionis, & fletus, in omni confessione, præcipue in agone, & ut multum pro Deo labores, recepturus mercedem laboris.

10. *Redde mihi Domine.* Desiderium excita cordiale, recuperandæ innocentiz baptismalis.

11. *Domine qui dixisti.* Renova proposita servandi præcepta & vota Religionis, ut consequaris gratiam.

12. *Elige* tibi semper Patronos, in quorum comitatu procedas ad dicendum Sacrum, præcipue Sanctos illius dici. Designa locum sacrificii tui, v. g. locum martyrii domum Beatissimæ, cunas vel sepulchrum Domini, locum in quo, quod sis moriturus, prævidet Deus.

13. *Ubi veneris ad Altare*, & feceris v. g. adoratio-

nem,

nem, vel reverentiam cruci, pete audientiam apud Sanctissimam Trinitatem, & Dominum JESUM.

14. *Ubi proximus ad Altare accesseris*, præcipue viciniore Eucharistiæ factus, pete, ut sicut S. Januarij sanguis, illius applicatus capiti bullit, ita ad viciniam hanc, totum cor tuum bulliat amore.

§. IV.

*Inchoatio Missæ usque ad Evangelium inclusivè.*

1. **A** *Pertio libri*, ut sup. num. 3. Et quia accedendo ad altare, vertit se sacerdos ad unam partem mundi, ad alteram procedendo, ad apertionem Missalis, ad tertiam mundi partem vertit se recedendo à Missali, ad quartam descendendo ad gradus, protestetur; quod in omnibus his mundi partibus Deum amet, & adoret, idque nomine quatuor illarum partium mundi.

2. *Recessus ab Altari* fiat, quasi ex indignitatis Tux consideratione, & quod Te judices accessu hoc indignum.

3. *Adoratio Eucharistiæ*, ut supra num. 2.

4. *Signum Crucis*, cum affectu imprimendi corpori etiam tuo vulnera Domini JESU.

5. *Introibo ad Altare Dei*. Nomine altaris intelligendo locum, in quo designasti tibi facere celebrationem, de quo n. 12. Interdum nomine altaris intellige altaria ab Ethnicis profligata, ab Hæreticis possessa, vel hoc ipsum altare, in quo ante te tam multi Sacerdotes celebrarunt. Nomine profligatorum, non hoc intendendo, quod etiam sit altare structum, tamen in illo celebrare velis, hoc enim est contra Canones, sed quod velles in illo loco innovari altaria, quod velles in illis celebrare Missam.

6. *Judica me Deus*. Judicio nunc misericordiæ, & discerne causam meam à reprobis, à qua gente non sancta,

& ab hoc iniquo, hoc est Dæmone, qui appellatur homo peccati, vel certè à me ipso, qui revera dolosè tibi servio, & non in toto corde erue me.

7. *Emite lucem* sanctorum inspirationum tuarum & illuminationum, quæ me deduxerunt in montem Ecclesiæ, & in tabernacula tua, Religiosum statum vel spiritualem.

8. *Confitebor tibi in Cythara.* In te JESU crucifixo Sacerdos sum, quanta hæc mea felicitas? Quare tristis es anima mea &c.

9. *Gloria Patri.* Directum ad singulas sigillatim personas, quasi præsens illas conspiceres. Sicut erat; compingendo omnes laudes, sicut erant, sunt, & erunt in sæculum.

10. *Introibo ut supra.*

11. *Adjutorium nostrum* &c. Imaginare te retrahi à mundo, carne, Diabolo, contra hos inclama; Adjutorium &c.

12. *Confiteor Deo* noscenti peccata mea. Beatæ Mariæ semper Virgini, cujus immaculatas aures deprecor, quasi scdandas hac mea confessione, quam illi facio. Beato Michaeli Archangelo ponderanti peccata. Beato Joanni, qui ne peccaret in cremum secessit. Sanctis Apostolis Petro amare flenti, & Paulo clamanti de se, quod primus peccatorum esset. Omnibus Sanctis, singulis in cælo volendo confiteri. Et vobis Fratres, viventes, quibus vellem publicè propalare nefandissimam vitam meam. Quia peccavi nimis cogitatione, verbo & opere, & vere nimis, quia super numerum arenæ maris. Mea culpa, nam mille infernos mereor, mea culpa, nam mille cælo sum indignus. Mea maxima culpa. Quia Deum summum & infinitum bonum, aliquando vel minimo peccato offendi. Ideo precor, iis-  
dem affectibus dicatur, quibus confiteor.

13. *Mise-*

13. *Misereatur* affectu cordiali, & apprime flammæ, desiderando omnibus peccatoribus contritionis actum, & gratiam resurgendi ex istis peccatis, ex quibus putant se non posse resurgere.

14. *Confiteor* Ministrantis dicatur: Te innovante omnes actus tuorum poenitentium, præteritorum & futurorum, vel si hoc officium non exerces, excita in te desiderium, quod velles innovare dolores, quorumcunque poenitentium.

15. *Misereatur* ut supra n. 13. & ad indulgentiam accipe manum Christi crucifixi, aut Jesu parvuli, aut Jesu resurgentis, & illâ te, & omnes poenitentes absolve, præcipue tuos, desideraque innovare in illis omnes gratias Sacramentales, præcipue tuâ operâ participatas.

16. *Deus tu conversus*, qui hætenus te à me, propter peccata mea averteras, vel Deus conversione substantiali in Eucharistia ponendus, vivificabis me, te ipsum, hoc est vitam æternam sumentem.

17. *Ostende, Domine, misericordiam tuam*, quæ licet jam sit mihi magna à te ostensa, adhuc parva est, ob multitudinem miserationum mearum. Domine exaudi orationem meam: cujus aures spinis sunt punctæ, ut citius exaudiar.

18. *Deus vobiscum* sit per gratiam, sui præsentiam scilicet, ut ejus præsentia memineritis, & in futuro, per vitam æternam.

19. *Oremus*. Innova affectus cujuscunque orationis, à quocunque Sanctorum, in hac vel in altera vita Deo oblata, incipiendo à primo Sanctorum Christo.

20. *Aufer à nobis* quæsumus, Domine, iniquitates nostras. Quia nos ipsi ab illis non auferimus, ut ad Sancta Sanctorum, hoc est: Eucharisticum altare, puris mentibus mereamur, ab omni culpa & pœna, introire.



*Oramus te Domine* per merita Sanctorum tuorum, quorum reliquiae hic sunt, quibus ego hanc felicitatem gratulor, quod sint substratae Eucharistiae, licet multae aliae reliquiae inhonoratae, vel non ita honoratae mancant. Pretiosius est enim auream Tumbam subterni Eucharistiae.

21. *Osculum Altaris*, fiat mente ad hoc Altare, in quo intendis dicere Sacrum, ut supra.

*Signum Crucis* fiat ut supra num. 4.

*Kyrie eleison* pro irrationabilibus creaturis, ut illis etiam misericordiam competentem impetres.

*Kyrie eleison* pro omni infidelitatis genere, ut illis Dominus misereatur per donum Fidel.

*Christe eleison*, pro Christianis. ut illis Dominus probis, det augmentum amoris, peccatoribus contritionem. *Kyrie eleison* pro omnibus Sacro tuo, vel re, vel mente praesentibus. *Kyrie eleison* pro te ipso.

22. *Gloria in excelsis Deo*. Affectu Angelorum illud canentium tempore natalis Domini: *Et in terra pax hominibus*: Poloniae, tot bellis afflictæ, & communitati in qua vivis. *Laudamus te*, laudibus quibuscunque tibi a quocunque impensis, impendendis. *Benedicimus te*, ob omnes afflictiones nostras & cruces. *Adoramus te*, ubicunque toto mundo praesentem. *Glorificamus te*, glorificationibus, quas tibi Sancti in caelo iam impendunt. *Gratias agimus tibi propter magnam gloriam tuam*, quam ex Theandricis actionibus Christi habes. *Domine Deus Rex caelestis*, rege me. *Deus Pater omnipotens*, etiam in conversione substantiae in corpus & sanguinem Filii tui. *Domine Deus*, affectu S. Thomae Apostoli, dicentis: Dominus meus & Deus meus. *Agnus Dei*, affectu S. Joannis Baptistae id dicentis. *Filius Patris*, affectu S. Patri dicentis: Tu es Christus Filius Dei vivi. *Qui tollis peccata mundi, miserere nobis.*

*nobis.* At quantum? quantum vis, scis & potes. *Qui tollis*, nullius ad te anhelantis sit irritum votum. *Qui sedes ad dexteram Patris*, affectu latronis sancti, petentis, ut memor ejus sit Christus, ubi venerit in regnum. *Quoniam tu solus sanctus*, & cur non sanctificas me? *Tu solus Dominus*, cujus me regimini in vita, morte, æternitate subdo. *Tu solus Altissimus*, cui subdo Reges omnes & Monarchas. *Jesu Christe*, affectu Beatissimæ, Gabrielis, affectu Bernardini, id nomen pronuntiando. *Cum S. Spiritu*, qui à te etiam procedit. *In gloria Dei Patris*, Amen. Ad quam, quando me Domine transferes?

*Osculum Altaris*, ut sup. immed. n. 21. *Dominus vobiscum*, ut supra immed. n. 18. *Per Dominum nostrum*, ut supra immed. in Gloria in excelsis.

23. *Orationes*, dicantur affectu Ecclesiæ, & ejus qui illas scripsit, & qui unquam legit.

24. *Lectio Epistola* fiat, quasi plane Epistolam, vel rem illam, ad Christianos directam, primum illis annuntiares.

25. *Munda cor meum.* Pete gratiam concionandi, aut saltem spiritualia loquendi, præcipue dum in confessione alloquendus erit peccator, & has gratias aliis etiam opta.

*Jube Domino benedicere.* Pete mandatum à SS. Trinitate annuntiandi Evangelium, & ut Dominus sit in corde tuo, ne scil. illum unquam mortali offendas, & in labiis tuis, ut de Deo ignitè loquaris, nec cadas linguâ.

26. *Signabis librum.* Petens, ut ab Evangelio accipias virtutem, ut ex capite pellas cogitationes malas, ex ore peccata, loquelæ, utque tibi dulcescat nomen Jesu in ore, & ut ex pectore cordeque tuo abigas omnia terrena, Deoque soli illud relinquis.

27. *Lectio Evangelii*, ut sup. num. 24. fiat affectu Sancti Sosii Diaconi, supra cujus caput legentis Evan-

Evangelium, apparuit flamma, eratque indicium, illum fore Martyrem.

*Osculum Evangelii* ex amore puro, volendo devorare Evangeliorum librum, & complacendo in tota Evangelii doctrina.

S. V.

*Credo & alia ad Canonem inclusi vè.*

1. **C**redo. Dic hoc verbum affectu Apostolorum credo componentium, vel affectu Patrum Nicænorum, vel quorumcunque professionem fidei, in occasione Martyrii edentium. *In unum Deum*, affectu damnantis omnem Idololatriam. *Patrem omnipotentem*, etiam in conversione Eucharistica. *Factorem celi &c. Et invisibilem*. Et hæc omnia quasi apportata præsentia Deo æterno Patri, tanquam opera manuum ejus. Convertite te ad Filium & dic : *Et in unum Dominum Jesum* &c. damnaque & redamna Arianam hæresin, affectuque Patrum Nicænorum, pronuntia istam dictionem. *Consubstantialem Patri*. Cui uni nomini, nulla perfidia subtilitatis humanæ, cuniculos agere potest. *Qui propter nos homines &c.* Age gratias Filio Dei, pro tanta ejus humiliatione. *Ex Maria Virgine*. Elicies actum credendi, quòd sit Virgo ante partum, Virgo in partu, Virgo post partum. *Et Homo factus est*. Nomine cœlestium, terrestrium & inferiorum, adora verbum incarnatum, idque in illa ipsa periodo terræ, in qua peracta Incarnatio. Et desiderata ita profundam & altam adorationem elicere, ut incipiendo ab una parte cœli, desinat ad aliam oppositam cœli partem. *Crucifixus etiam pro nobis &c.* Contristare illi, locaque omnia passionis mente osculare.

lare. *Et resurrexit.* Congaude illi. *Et ascendit.* Congratulare illi. *Et iterum venturus est.* Treme coram Iudice, converte te. *Et ad Spiritum Sanctum.* Pete, ut te vivificet, ne sis emortuum membrum Ecclesiæ. Ad illa verba; *Filioque procedit.* Damna Græcorum & Ruthenorum schisma. *Simul adoratur.* Elice unam orationem, trinam terminativè, hoc est ad singulas personas directam. *Qui locutus est per Prophetas.* Pete, ut per te in confessionibus, concionibus, colloquiis piis loquatur. *Et unam Sanctam.* Damna præteritas, præsentis & futuras hæreses. *Confiteor unum Baptisma.* Pete à Deo, ne infantes Christiani sine Baptismo decedant. *Et expecto resurrectionem.* Converte te ad animas, præcipuè eas, quarum corpora ubi dicis Sacrum, sepulta, annuntiaque illis, annuntia & corporibus illarum adhuc, sed certò expectari resurrectionem. *Et vitam,* desidera videre Deum.

*Signum Crucis. Dominus vobiscum. Oremus ut supra.*

2. *Suscipe S. Pater.* Nomine Patris, intelligendo Sanctissimam Trinitatem, quæ intelligitur etiam, cum dicitur Pater noster, & aliis Scripturæ locis. *Omnipotens &c.* Pete communicationem omnipotentis ut supra. Quam ego &c. Elice actum, quod revera sis deterior omnibus peccatoribus ipsis etiam Dæmonibus &c. *Pro innumerabilibus peccatis* contra te *offensionibus* contra proximum & *negligentiis* in contemptu gratiarum & inspirationum. *Et pro omnibus Circumstantiis,* non tantum in hoc loco, sed ubicunque existentibus, præcipuè iis, qui desiderant, ut pro illis ores. *Sed & pro omnibus,* ita, ut nullus vivus, nullus in purgatorio sit Christianus, qui de hoc Sacrificio tuo non particeps. Sed ut sit omnibus in vitam æternam, Amen.



3. *Ad missionem Aquæ*, pete à Domino, ut te in se transformet. *Deus qui humanæ &c* gratias age pro creatione. *Et mirabilis*, gratias age pro redemptione, pete consortium Divinitatis, hoc est, infusionem gratiæ habitualis in te, & omnes tuos, signansque aquam, unâ habeas intentionem benedicendi tuum ministrantem.

4. *Offerimus tibi*, hoc est Christi Ecclesia, & ego, qui etiam me replicatum vellem, ut tibi multipliciter serviam, planeque intende, non tantum pro fidelibus Christianis, ut in oblatione hostiæ, sed & pro totius mundi salute orare. Unde etiam in oblatione calicis, plurali termino utitur Ecclesia: Offerimus tibi, cum in oblatione panis singulari utatur. Offero tibi Deo meo, in oblationeque Panis fit mentio tantum Christianorum, in oblatione Calicis fit mentio salutis totius mundi.

*In Spiritu Humilitatis*, humilia te profundius inferno, cum post tot Sacra & Communiones nec dum sis sanctificatus.

5. *Veni Sanctificator*, affectu illius sancti Episcopi, qui nunquam celebravit, quin in illum descenderit Spiritus S. Tuo sancto nomini præparatum, es enim de Societate Jesu, aut Jesu nomini specialiter addictus.

6. *Lavabo*, ut supra n. 8. *Ut enarrem*. Petitio doni concionandi, spiritualia loquendi, præcipue in confessionibus. *Domine dilexi*. Excita in te planè intimum amorem decoris Ecclesiarum. *Ne perdas*. Petitio, ne in æternum damneris.

*Ego in innocentia mea, quâ*, h. e. Jesu & Mariæ mihi appropriatæ, *ingressus sum*. *Pes meus*, Gratias age Deo pro dono vocationis. *In Ecclesis*, præcipue tuæ Religionis benedic.

7. *Suscipe Sancta Trinitas*. Elice unum, trinum terminativè affectum. *Ob memoriam Passionis*: cui compatere, *Resurrectionis*, cui congaude. *Et Ascensionis*, cui con-

cong  
in lo  
inten  
mem  
Patro  
& eo  
profu  
denta  
quib  
8  
existe  
9.  
Dom  
Surf  
ceclu  
pro b  
tis. C  
gnun  
tunc  
omn  
ager  
nem  
tatis  
han  
Tri  
mo  
dan  
nati  
virt  
tuas  
De  
cæ  
pra  
me

congratulare. *In honorem B. Mariæ*, quem illi exhibe, in loco existentiæ illius in cœlo. *Et omnium Sanctorum*, intendente affectum, qui mereatur singulis dividi. *Quorum memoriam*, præcipue tuorum, ad Sacrum assistentium Patronorum, hodie primum in cœlum ingredientium, & eorum, quorum die moriturus es. Peteq; ut hoc illis proficiat ad honorem, nempe augmentum gloriæ accidentalis. *Nobis autem ad salutem*, resurgendi è vitiis, quibus maximè premimur. *Osculum Altaris*, ut supra.

8. *Orate fratres*, dirigatur ad fratres in cœlo jam existentes, populumque præsentem.

9. *Per omnia sæcula*. Reverentia æternitatis Divinæ. *Dominus vobiscum*, proximè per Eucharistiam futurus. *Sursum corda*, planè cum desiderio levandi animas ad cœlum. *Gratias agamus*. Extendendo gratitudinem pro beneficiis, etiam irrationali cuicunque creaturæ datis. Cogitate à gratitudine retrahi, & exclama. *Verè dignum & justum est semper*, id est, omni momento, ex tunc per æternitatem secuturo. *Et ubique*, partire te per omnes mundi atomos, & verum sit, te ubique *gratias agere Deo*. *Omnipotens*, pete, ut supra communicacionem omnipotentia. *Æterne Deus*, reverentiâ æternitatis Divinæ, totum id fac. *Per Christum*, quasi dans illi hanc gratitudinem & laudes, nomine tuo, Sanctissimæ Trinitati deferendas, & ut illæ pertranscant quodam modo per Christum. *Per quem Majestatem tuam laudant Angeli*, cum quibus laudo & adoro. Cum Dominationibus. Tremo cum potestatibus, sanctifico cum virtutibus. Amo cum Seraphinis, cum quibus turpes tuas voces pete immisceri. *Sanctus Deus Pater, Sanctus Deus Filius, Sanctus Deus Spiritus Sanctus*. *Pleni sunt cœli*, ad quos ascendit Jesus, & *terra*, ob Eucharisticam præsentiam, *gloriâ tuâ*. *Benedictus qui venit sacramentaliter*.

*Canon usque ad Pater noster.*

1. **T**E igitur, clementissime Pater, cujus clementiam cognosce, quia te Sacerdotem fecit, & post tot indevota Sacra, ad altare admittit. *Hec dona*. Excita in te omnem vim laudativam Eucharistiæ, omnesque laudes in his verbis velis contentas. *Pro Ecclesia tua sancta Catholica*, in qua gratias age, quod sis. *Quam pacificare* à tot diffidiis infidelium & politicorum, itemque tot bellis. *Custodire*, ne illam præcipue Saracenis minus minuat. *Coadunare*, ne hic quidem sit Ecclesia Catholica, illic secta Lutherana, illic alia, & tum primum Ecclesia Catholica, sed ut indisruptim ubique reperiat. *Vna cum famulo*, ex corde bene precare & Papæ & Episcopo.

2. *Memento*. Junge illud cum memento Christi in cruce, & Beatissimæ sub cruce stantis, & cum memento utriusque jam in cælo existentis.

Seriem autem eorum pro quibus oraturus es ita dispone.

*Ad caput Domini Jesu*, ora pro omnibus Principibus spiritualibus & politicis.

*Ad manum dexteram*, pro omnibus tuis Benefactoribus spiritualibus & temporalibus.

*Ad manum sinistram*, pro tuis per Confessiones, Communiones, Conciones, Colloquia, Doctrinam, Filiis in Christo.

*Ad Pedem dextrum*, pro omnibus peccatoribus, conculantibus legem Domini, sive fidelibus sive infidelibus.

*Ad Pedem sinistrum*, pro omnibus necessitate pressis, & in sua agonia, tentationibus, periculo, necessitate, ad Dominum recurrentibus.

*Ad cor*

*Ad prædicationem*

*gnus*

*Ero*

*sacrificii*

*biagen*

*ne anim*

*ta, pro*

*sua, rat*

*ximè p*

3. *C*

*commu*

*nume*

*das Ge*

*bis, vel*

*sum, vo*

*prædic*

*tantis.*

*verlion*

*cui bea*

*Apost*

*putavi*

*Domini*

*nio vo*

*Lini: p*

*i S. Pe*

*nostra*

*orio.*

*Corne*

*Chryse*

*tis, 70*

*Dam*

*Sanct*

*tutib*

*Ad cor Jesu, pro tuis amicis & inimicis. pro omnibus prædestinatis, pro tuis consanguineis, pro iis qui insignius Deum amant, vel amaturi sunt &c. &c.*

*Et omnium Circumstantium, vel qui tibi offerunt hoc sacrificium laudis pro se suisq; omnibus, idque gratias tibi agendo, pro beneficiis vel crucibus. Pro redemptione animarum suarum, petendo præsidia vitandi peccata, proficiendi in virtutibus. Tibique reddunt vota sua, ratione necessitatum, nunc se prementium, vel proximè pressurarum.*

3. *Communicantes.* Planè ex corde volendo habere communionem in virtutibus in meritis eorum (qui hic numerantur) Sanctorum, ut ita dignius ad altare accedas *Genitricis Dei*, secundùm tempus illam compellabis, vel stantem sub cruce, vel bajulantem in utero Jesum, vel fasciis stringentem. *Petri:* amare flentis, *Pauli:* prædicantis Jesum crucifixum. *Andrea:* crucem saluantis. *Jacobi:* quem in Hispaniis non proficiente conversione animarum Virgo beatissima solata. *Joannis:* cui beatissima Virgo commendata. *Thome:* Indiarum Apostoli. *Jacobi:* quem qui vidit, Dominum se vidisse putavit. *Philippi:* à quo Gentiles petierunt, ut viderent Dominum. *Bartholomæi:* excoriati. *Matthæi:* ex telonio vocati. *Simonis & Thaddæi:* Perfidis Apostolorum. *Lini:* primi sancti Petri successoris. *Cleti:* ante Linum à S. Petro designati Papæ. *Clementis:* In ponto Euxino nostro submersi. *Xisti:* prophetantis Laurentio de martyrio. *Cornelii:* Cyprianum corrigentis. *Cypriani:* à Cornelio correpti. *Laurentii:* in craticula ustulati. *Chrysogoni:* Epistola Anastasiam Martyrem consolantis. *Joannis & Pauli:* aulam continentium. *Cosmæ & Damiani:* Medicorum corporis & animæ & omnium Sanctorum tuorum, ita ut nullus sit in cælo, de cujus virtutibus & donis, non participem. *Usque omnibus, non*



tantum aliquibus, *protectionis Tua muniamur auxilio*,  
pete hic gratias, quas Theologi appellant specialis pro-  
tectionis.

4. *Hanc igitur oblationem servitutis.* Excita in te  
cultum patriæ, prout ille distinguitur cultibus aliis.  
*Diesque nostros in tua pace disponas.* Pete pacem Euro-  
pæ, Christianis in India, Poloniæ Religioni. *Atque ab  
eterna.* Elice actus desiderii, ut sis inter prædestinatos  
tam exaggeratum, ut si prædestinatus non esses, vi illius  
desiderii prædestinareris.

5. *Quam oblationem &c. benedictam,* & quæ major  
benedictio quam sacrari in corpus & sanguinem Chri-  
sti. *Adscriptam,* ut sit digna quæ in cælo scribatur, tan-  
quam à te oblata nomine Christi. *Ratam,* ut hoc sacri-  
ficium etiam quantum ex vi petitionis tuæ, habeat ra-  
titudinem suam, usque ad finem mundi, & uti ex templo  
præcipue in quo ordinarie celebras, nunquam desinat.  
*Rationabilem.* Cum ex Pane & Vino convertatur in  
rationalem Christi substantiam. *Acceptabilemque*  
etiam ex opere operantis. *Ut nobis corpus,* quod esu-  
rio. *Et sanguis,* quem sitio, fiat &c.

6. *Qui pridie &c.* Pete sanctificari manus tuas à ma-  
nibus Jesu crucifixi. *Et elevatis oculis,* quos tu dignus  
elevare non es, præ multitudine iniquitatis tuæ, pro qua  
fac actum contritionis antecedentem consecrationem  
ipsam.

7. *Consecratio.* Fac intentionem conficiendi cor-  
pus & sanguinem Christi, & pete: ut sicut tu convertis  
substantiam Panis in substantiam corporis, & Vini sub-  
stantiam in sanguinem Domini. Ita Deus convertat  
cor tuum in amorem sui, & magnum, & perpetuum.

8. *In Genuflexione.* Adoro hospitem novum, gratias  
age, quia hic est, & pete gratiam dignè celebrandi,  
commu-

communicandi, sine hoc Sacramento non moriendi, curaque ut ultimum esse prolationis verborum consecratorum conjungatur cum adoratione tua interna.

6. *Elevatio.* Tempori accommodata v. g. ostendendo mundo Christum infantem, ut illum agnoscat, crucifixum, ut illi condoleat. Ordinarie fiat elevatio hoc affectu. *Dono Domine tibi Sacrosanctum corpus & sanguinem Christi. Vel emitte Domine radios vulnerum tuorum, & infige illos cordi meo. Exalto Domine Te super omnia.*

10. *Repositio Eucharistiæ* fiat in corde MARIE, in corde animarum Purgatorii, in corde peccatorum, ut conterantur ordinarie in corde proprio.

11. *Genusflexio* Eucharistiæ sit salutativa & adorativa Domini, primum nunc in Eucharistiæ præsentis, gratias agendo illi quod hic sit, & petendo gratiam digne celebrandi, communicandi, sine hoc Sacramento non moriendi.

12. *Simili modo.* Per verbum præclarum Calicem, lauda calicem felicitandum præsentia sanguinis Jesu, *in sanctas* &c. affectu osculare manus Christi Domini,

13. *Consecratio* fiat ut ante. In elevatione calicis elice desiderium, quod velles in tuum calicem cadere gemmam ex cælo ad ornandum hunc sanguinem, ut cecidit sacrificante S. Lupo. *Genusflexio* Eucharistiæ, fiat tam digna, ut & corpori & sanguini Domini dividi & attribui possit.

14. *Vnde & memores nos tam beata Passio-*

*Passionis* &c. affectus ad *Passionem*, *Resurrectionem* & *Ascensionem*, ut supra.

*Offerimus* planè quasi præsens in cœlo Sanctissimæ Trinitati exhiberes munus. *Hostiam puram*, quæ me emundet. *Hostiam sanctam*, quæ me sanctificet. *Hostiam immaculatam*, quæ me præservet. *Panem sanctum*, quem esurio, & *calicem*, quem sitio.

15. *Supra quæ*. Pete, ut ex opere operantis sit hoc sacrificium ita Deo gratum ac Abel, ac Abraham, ac Melchisedech.

16. *Suppliceste rogamus*. Pete, ut per manus sancti Angeli, v. g. Tui custodis deferatur sanctissima Trinitati hoc sacrificium. *Ut quotquot* bene precare omnibus ad tuam orationem spectantibus. *Oculando altare* applica os ac famelicus solet, cibum vorare volens, aut saltem sanctifica vicinia hac, os quod tantum mysterium sumet, corpus & sanguinem Domini. *Omnis benedictione*. Quia interdum Deus in aliquibus benedicit, in aliquibus benedictionem subtrahit, pete in omnibus benedici.

17. *Memento mortuorum*. Ora ad manum dextram pro omnibus Devotis ad Christum crucifixum. Ad sinistram pro devotis ad Beatissimam, præcipue ad immaculatè conceptam. Ad extimam partem pedis dextri, pro pauperibus, ad intinam pro pridem Demortuis. Ad pedes sinistri intimam partem, pro iis quos à Te Deus vult juvari, ad extimam pro iis, qui jacent in Ecclesia ad quam celebras. Ad vulnera dorsi Christi, pro Salvatis post multa carnalia peccata, & pro iis qui nunc primum mortui. Ad caput CHRISTI, pro Mortuis gentis Tux, & pro iis qui diu sunt futuri in Purgatorio, ut illis Divina Providentia provideat eliberationem. Ad cor Jesu, pro iis qui

jam jam  
pro tuis  
ne fratru  
omnibu  
tium hin

18. M  
confiter  
Sienim  
tutibus  
ti Marty  
phano.  
focio po  
no, in  
dro, qui  
no, è Pa  
primus  
Matre.  
quæ exp  
verrit.

etatem i  
mento sa  
consolati  
um. Ex

19. P  
contine  
Hostia  
quæ ma  
cui veni  
Mediat

jam

jam jam irent ad cœlum, sed aliquid illis desideratur, pro tuis pœnitentibus, consanguineis tuis, in Religione fratribus, notis, ut ex affectu in S. Xaverium pro omnibus Indorum, præcipuè ab illo in fide descendendum hinc ex corde dic: Ipsis Domine &c.

18. *Nobis quoque.* Affectu volentis cum Augustino confiteri peccata etiam toti mundo. *Partem aliquam.* Si enim non possum esse Martyr cum illis, saltem in virtutibus participem. *Joanne*, ultimo veteris Testamenti Martyre. *Matthia*, supra quem cecidit fors. *Stephano*. Primo novi Testamenti Martyre. *Barnaba*, socio peregrinationis Apostolicæ sancti Pauli. *Ignatio*, in cujus corde repertum nomen JESU. *Alexandro*, qui convertit nobilitatem Romanam. *Marcellino*, è Papa Idololatra ex Idololatra Martyr. *Petro*, qui primus Arianis restitit. *Felicitate*, septem Martyrum Matre. *Perpetua*, post puerperium mactata. *Agatha*, quæ expeditam ad se corrumpendam Aphrodisiam convertit. *Lucia*, sanctæ Agathæ devota. *Agnete*, vix ætatem ingressa, & jam Martyre. *Cecilia*, Ape argumentosa in conversione juvenum. *Anastasia*, literis consolante Chrysogonum. *Intra quorum nos consortium.* Excita in te cordiale desiderium visionis beatæ.

19. *Per quem sanctificas*, quæ major sanctitas quàm continere Sanctitatis fontem? *Vivificas*, verè enim hæc Hostia vivificatur vivente in se Christo. *Benedicis*, & quæ major benedictio, quàm continere benedictum qui venit. *Genus lexio*, ut supra. *Per ipsum*, tanquam Mediatorem. *Cum ipso*, tanquam tibi æquali. *Et in*



ipso, cui per circuminfectionem es præsens. Quinque autem quæ fiant cruces, fiant ad sensus corporis tui. *Omnis honor & gloria.* Colliges omnes laudes Deo aliquando factas, aut faciendas, aut alicui creaturæ impenfas, aut impendendas, & hæc omnia Deo tuo precaberis. *Elevans* autem calicem una cum hostia, elice actum fidei circa Eucharistiam, & pete, ut in amore vivas, in amore & ex amore moriaris.

*Genus flexio ut ante.*

§. VII.

*A Pater noster usque ad finem.*

1. **P**er omnia secula seculorum fiat ut supra, adoratio æternitatis Divinæ. *Oremus* ut supra. *Audemus dicere*, dic plenè ex corde, quod nisi accessisset mandatum Christi, nunquam ausus fuisses appellare Deum, Patrem.

2. *Pater noster*, dicatur secundum varias paraphrases, quas in ipso autore sufficientes & pulchras invenies.

3. *Libera nos* quæsumus Domine ab omnibus malis. *Præteritis*, ne in similia incidamus. *Præsentibus*, ut ex illis eruamur. *Et futuris*, ut ab illis præservemur. *Da propitius pacem*, Poloniæ, domesticis meis. *Vi à peccato* etiam venialissimo simus liberi. *Et ab omni perturbatione* præcipuè quæ nunc nos vexat.

4. *Signabis te*, ut supra, & *Divides hostiam* in tres partes, quartus erit sanguis. Hinc singulis quatuor partibus mundi, assigna portionem.

*Intingens particulam*, & cum illa vel peccata tua, ut emunderis, vel cor & animam tuam, ut in Deo submergaris, vel omnes afflictiones & actiones tuas.

5. *Hæc*

5. *Hac commixtio.* Pete: ut hæc communio sit tibi per modum Viatici, nescis enim, an cras sis victurus, fiat ergo tibi ad vitam.

6. *Agnus Dei*, dicatur affectu S. Joannis: Primum dic: ut misereatur tui Christus, auferendo à te culpam. Secundum, ut misereatur auferendo habitus malos. Tertium, ut tui misereatur, liberando te ab æterna & temporali omni pœna, ut rectà ad cœlum ire possis.

7. *Domine Iesu Christe, ne respicias peccata mea*, facias actum contritionis. *Sed fidem Ecclesiæ tuæ*, quam totam profiteor, pacificare & condonare, dic ut supra. *Libera me per hoc Sacrosanctum corpus*, quod esurio, & sanguinem tuum, quem sitio. *Ab omnibus iniquitatibus meis*, pro quibus doleo ex corde. *Et universis malis*, præcipuè iis quæ nunc premunt, peteque cordialissimè & studiosissimè donum confirmationis in gratia per illa verba: *Et fac me tuus.*

*Indignus sumere præsumo*, qui me post tot communionem non emendavi.

*Prosit mihi adiutamentum mentis*, ne in delirio sit tibi placet, moriar. *Et corporis*, ne diuturna ægritudine aliis sum molestus. *Et ad medelam*, pro istis quæ me modo premunt corporis & animæ malis.

8. *Genus flexio* fiat tanquam jam ultimo adorativa utriusque simul in hac missa sub speciebus contenti.

9. *Domine non sum dignus.* 1. Ob peccata in sæculo commissæ. 2. Ob peccata post ingressum in Religionem commissæ. 3. Ob peccata quæ prævides Deus meus in posterum me commissurum. Vel primum dicatur affectu S. Elisabethæ dicentis; Unde mihi hoc ut veniat.

Secundum, affectu Centurionis. Tertium, affectu S. Petri dicentis; Exi à me, Domine.

10. *Corpus Domini nostri.* Accipe illud per modum viatici, & signa illo os sumpturum, manus tangentes, oculos de vicino intuentes.

11. *Ante sumptionem* eliciantur affectus breviter ii, qui continentur in præparatione ad Missam.

12. *Actus sumpta Eucharistia hi fieri possunt.*

Desinam Domine esse, si non debeo amare te.

Desinam Domine esse, si non gaudeo, aut non gaudeo unquam, adventu tuo Eucharistico.

Gratias tibi, quia venisti ad me, & unde hoc mihi?

Saluto te, hospes amantissime.

Osculor sacrosancta vulnera tua.

Quis nos separabit à Charitate Christi, quem in me habeo?

Tripudium: Vivit in me Christus.

Applica animam tuam ad Animam Christi, corpus tuum ad Corpus Christi, dona tua naturalia ad dona Christi naturalia, dona tua supernaturalia ad dona Christi supernaturalia, ut in simili fecit Elifæus, & fac id optando, ut à Christo sanctificeris.

Si haberem per impossibile perfectionem aliquam te dignam, quam tu non haberes Domine, & illa mihi ablata deberem desinere; Tu autem haberes perfectiones Deitati debitas, evaderesque absolutè Deus: vellem illam tibi dare, & ipse desinere esse. Qui actus fuit S. Augustini.

Fieri potest, quia damnabor, volo nunc satiari amore tui, qui actus fuit S. cujusdam Eremitæ.

Malo Domine, propter te amatum esse in inferno, quam propter te odio habitum esse in cælo, qui actus fuit S. Anselmi.

Vellem Domine, obstruere ostium inferni, ne ultra homi-

homines peccent & pereant, qui actus fuit S. Theresia.

Omnibus me omnes Sancti superent donis tuis in celo: vellem, nemo me superaret amore tui, qui actus fuit ejusdem Sanctæ.

Vellem incertus etiam salutis animas convertere, quam recta in celum ire, ita amo te, Domine, cum S. Ignatio.

Sordet mihi terra, dum celum aspicio, ut idem S. inlambat.

Clamabat servus tuus S. Franciscus Xaverius: Satis est, & ego ad te inlamo: Non satis Domine amoris tui, non satis amoris tui.

Amplius Domine, amplius laborem pro te, patior pro te, ut Sanctus idem vovebat.

Inno Domine, omnes actus bonos tibi oblatos, vellem pati martyria Clementis, Ancyranus & Gregorii Armeni, vellem in columna stare cum Simeone, discipuli cum Ignatio, & cor nomine JESU signatum habere.

Vellem hinc cum S. Francisco cordialiter dicere, Deus meus & omnia. Vellem hinc pasci à vulnere hinc lactari ab ubere, Vellem æstare usque ad refrigeria cum beato Stanislao. Vellem costam mihi attolli ad latius amandum te cum S. Philippo Nerio, rabioseque ex siti sanguinis tui calicem arrodere cum eodem. Vellem transigi mihi cor cuspide amoris, cum S. Theresia. Vellem cor meum mutare cum tuo, unaque tecum recitare officium, ut fecit S. Catharina Senensis, omnia & hæc alia inno tibi Domine, totaque æternitate continuo.

Suppleo Domine, omnes despectus tuos, quos aliquando in Eucharistia passus es ab Ethnicis, Hæreticis, Schismaticis, Catholicis in mortali, aut tepide Communicantibus.

Ama me, Domine JESU, ama me.

Bb s

Amo



Amo te Domine multum, plus, & hoc parum, plus adhuc, sed & hoc parum adhuc, super plus & super plus.

13. *Genuflexionem facies*, quasi jam adorans Eucharistiam in te contentam, & simul cum corpore Christi in te contento, adorabis sanguinem, invitans Christum ad te, sub vini speciebus contentum.

14. *Quid retribuam Domino pro omnibus.* Et quæ ista omnia? Deus meus & omnia. In gratiarum actionem. *Calicem salutaris*, hoc est, sanguinem tuum accipiam. *Laudans invocabo*, hoc est, invocabo Dominum. *Et ab inimicis meis*, carne, mundo, Diabolo, salvus ero.

15 *Sanguis Domini nostri* custodiat, ne peccato mortali vitam gratiæ amittam.

16. *Ante sumptionem calicis*, pete, ut promittat tibi sanguis Divinus, quod in te extinguet omnem libidinem, quod ingenerabit in te sanguinem martyrio etiam dignum, quod te roborabit contra omnia adversa, & amara mortis. & cum hac intentione sumptionem calicis, in tres divides partes.

17. *Post sumptionem calicis hi possunt elici actus:*  
Recreate Dominum in me contentum omnes S. Angeli, & hic localiter in me cantate illi Sanctus vestrum.

Omnes sancti Innocentes, effundite sanguinem vestrum pro Christo datum, in animam meam, illoque me decorate, decorate & innocentia vestra vos, qui sine sanguine Infantes decessistis.

Omnes Sancti Veteris Testamenti, præcipue toties cum Domino collocti, conversati, recreate pro me Dominum, docete me conversationem cum Jesu.

Omnes sancti Apostoli & discipuli Domini, facite me vivum Domini mei Evangelium.

Recreate pro me illum omnes Sancti Societatis, dulcescat mihi nomen Jesu, impetrate mihi, ut illud in agone devote pronuntiem. Ora hic Sanctos status tui, & invita ut recreent pro te Christum.

Omnes

Omnes Sancti, qui me specialius amatis, amate Dominum meum pro me, nescio enim amare illum.

Omnes Sancti & Sanctæ Dei, præcipue Sancti & Sanctæ agoniz meæ, sitis ad recreationem, sitis ad delicias Domino meo pro me.

Martyres, facite me saltem voto & vita martyrem.

Omnes S. Confessores & Doctores, loquimini pro me Domino JESU, quia ego nescio loqui illi.

Auge, Domine, gloriam accidentalem Sanctis & Electis tuis.

Da lumen animabus Purgatorii.

Justificatis auge gratiam, peccatoribus da justificationem.

Supplico tibi Domine pro afflictis, captivis, peregrinantibus, tentatis, ægrotantibus, & pro tota universim indigentium farragine.

Mihi autem, Domine, da amorem tuum, gratiam docendi populum tuum, & spiritualia loquendi, spiritum Apostolicum, felicitatem ad animas. Hic unusquisque proponat ea, quæ specialiter à Deo sibi dari postulat.

Subdo tibi Imperatorem, Reges & gentes Catholicas: Vice-Reges Indiæ, cum tota India, Reges hæreticos & schismaticos, totum Saracenismum, totum Judaïsmum, totum Ethnicismum, totum mundum.

Si vacabit; præcipue in Missis cantatis. Addes hæc: Amo te Domine amore viæ Sanctorum, qui vixerunt, & amore patriæ, quo nunc te in cælo amant. Amo te amore viæ eorum, qui nunc vivunt, & patriæ amore quo te diligunt. Amo te Domine amore viæ eorum, qui postmodum victuri sunt, & amore patriæ, quo te dilecturi sunt. Amo te amore Beatissimæ, quo te amavit in terris, amore illius, quo te amat in cælis. Amore item Christi in terris & jam in cælis.

Amo

Amo te amore tuo communi omnibus tribus Personis, amore item spirativo & amore personali. Amo Domine toto amore increato, & omni possibili creato. Sed & amor meus Crucifixus est. Amo & te, Virgo mea Mater, cum Thaide inclamo; Domine. qui plasmasti me, miserere mei, qui redemisti me, miserere mei. Mater beatissima Lauretana, Czeszochovia celebris miraculis, item in loco N. N. miserere mei. Oculi Mariæ aspice me. Manus Mariæ protegente me. Pedes Mariæ portate me. Caput Mariæ cogita de me. Cor Mariæ ama me.

Mitte me, Sanctissima Trinitas, ad conversionem animarum: Mitte Domine JESU, mitte Virgo beatissima. Gratias tibi Domine pro omnibus, quæ mihi dedisti, & quibus me afflixisti. Dispone me tibi, dispone mea tibi, gratias & tibi, Domine Jesu Christe crucifixe, & tibi beatissima Mater, disponite me ad vestra beneficia, disponite mea.

Agnosco, Domine, indignitatem meam. Respicias Jesu crucifixe canem mortuum, si respicias me. Renovabis miraculum Theophili, beatissima Deipara, renovando me.

Mendico gratiam vivendi secundum vocationem meam, & gratias quas mihi offers, & ut dignus sim quo utaris ad laudem tui, animarum bonum.

Benedic, Domine Jesu, & omnia quæ intra me sunt, æternum Patrem. Benedic, Domine Jesu, & omnia quæ intra me sunt, te ipsum. Benedic Domine Jesu & omnia quæ intra me sunt, Spiritum S. Miserere Domine Polonia tuæ, defende in illa Ecclesiam tuam. Complaceat tibi Virgo Mater in Rege nostro.

In fine dic mente Orationem S. Francisci Xaverii, pro impetrandæ gratiæ martyrii. Ave lignum crucis, ave crux pretiosissima, me tibi totum dico in perpetuum. & oro  
suppli-

suppli  
Indiar  
exanti  
dignifi  
infecti  
menti  
tiis glo  
18.  
cium C  
ore su  
larem,  
Purâ  
comm  
sint, p  
æternu  
19.  
adher  
non r  
lis fui  
mente  
illum  
men i  
20  
hæc C  
21.  
inde c  
De  
intra  
orand  
nes, i  
22  
qui i  
quen  
spe

suppliciter, ut gratiā pro te fundendi sanguinem, quam Indiarum Apostolus S. Franciscus Xaverius, post tot exantlatos labores consequi non meruit, mihi licet indignissimo largiaris. Adde: vel saltem serviendo peste, infectis, quod si ne hoc dono tuo dignus sum, Sacramentis omnibus sumptis, in gratia tua & circumstantiis gloriæ tuæ debitis, vitam immolare concede.

18. *Quod ore sumpsimus.* Apello, Domine, beneficium Communionis, nomine communi dicens. Quod ore sumpsimus, quia nescio quo nomine illud compellarem, tam illud ingens est & Divinum. Ad illa verba: *Purâ mente capiamus.* Pete, ut in posterum sanctius communices: memorque, quanta vulnera animæ tuæ sint, pete à sanctissimo Sacramento non temporale sed æternum remedium.

19. *Corpus tuum.* Pete, ut planè agglutinetur tibi, & adhæreat corpus & sanguis Domini. Pete item, ut in te non remaneat scelerum macula, sed ut evadas talis, qualis fuisti post Baptismum. Dum aptabis calicem, dic mente: Anima Christi. & dirige orationem non jam ad illum qui in altari fuit, sed ad eundem quidem, jam tamen intra te contentum.

20. *Post Communio,* legatur, quasi per os tuum, hæc Christus in te latens, adhuc intus dici vellet.

21. *Osculaberis altare* affectu lambentis illud, quod inde corpus Christi sumpleris.

*Dominus vobiscum.* Dic corpori & animæ tuæ, quod intra illa sit Dominus. *Oremus,* sit excitativum tui ad orandum, siquidem Deus in te est absconditus. *Orationes,* ita dirigantur ad Deum in te latentem.

22. *Dominus vobiscum* sit Auditores meæ Missæ, ut qui in me est, & vobiscum quam citissimè sit, quam frequentissime per Communionem. Ite missa est, & in conspectum Sanctissimæ Trinitatis delata.

23. *Ad*



23. *Ad Placeat tibi S. Trinitas.* Inclina te Sacrosanctæ Trinitati, Christifer factus, adeoque in te inclinando illi Christum, pete, ut ex opere operantis sit acceptabile, magnoque affectu dic, ut sit omnibus propitiabile.

24. *Benedictio populi* fiat digitis corpore Jesu sacrat, aut manu Christi crucifixi, aut manu Beatissimæ Jesum portantis, aut manu Infantis Jesu, secundum quod exigit tempus, particulariter benedictio impendatur illi, pro quo speciali intentione obtulisti Sacrum.

25. *Dominus vobiscum*, ut supra 22. Signatio sui ut alias optando sibi imprimere vulnera Domini. *In principio erat Verbum*, elice actum Fidei de Verbo incarnato. *Omnia per ipsum facta sunt.* Approba argumentum Augustini exinde deducens, Christum non esse creaturam. *In ipso vita erat*, quia ipsa in te est eucharisticè. *Lux hominum*, pete, ut te illuminet hæc lux. Pete, ne tenebræ æternæ comprehendant. Pete, ut sis homo missus à Deo ad salutem multorum. *Non erat ille lux*, non sim & ego aliquo honesti titulo aspectabilis in conspectu hominum. *Illuminat omnem hominem.* Illumina Domine præcipue nunc, nunc, ad usum rationis venientes, ut ad te convertantur. Dole, quod sui Christum non receperunt. *Recepi ego te*, da mihi potestatem *Filium DEI fieri.* *Et Verbum caro factum*, elicies actum, quem eliciisti in Credo ad illa verba. *Et homo factus est*, habita in me Domine, videam gloriam tuam in hoc mundo propagatam, in cælis manifestatam,

Amen.

CAPUT

## CAPUT XIII.

*De quotidiana celebratione Missæ.*

**S**At fusè tractatum de sanctissimo Missæ Sacrificio. Ne mireris. Est enim opus tremendum, excellentissimum & superans omne opus. Opus magnum Dei omnipotentis, creantis cœlum & terram, verbò, majus tamen illud, quo creatura quodammodo instrumentaliter verbis Christi, in propria persona prolatis, creat Creatorem, homo Sacerdos Deum suum, quod nulli unquam concessum, nec supremis Angelis, imò nec ipsi pretiosissimæ Genitrici Dei Mariæ. Concessum illi, ut immaculatè Virgo conciperet, novem mensibus portaret in utero, pareret, gestaret, nutriret, oscularetur, at illum ponere sub speciebus Panis & Vini non concessum. Solis Sacerdotibus N. Testamenti hoc commissum. *Grande mysterium*, ait Thomas à Kempis de Imitat. lib. 4. c. 5. *& magna dignitas Sacerdotum, quibus datum est, quod Angelis non est concessum.* Unde non miror illud P. Gasparis Tausch, Soc. Jesu, in aureo suo libello, intitulo Fontes Salvatoris. Quod si unus homo haberet merita omnium Sanctorum, etiam B. Virginis, majorem mercedem ei Deus hîc in mundo pendere non potest, quàm si det vel semel consecrare corpus & sanguinem. O verè opus magnum! Idèò quàm plurimos posui modos celebrandi, quos quilibet celebrans, non sine maximo fructu suo, & sibi commissorum, absolvere potest. Justum est, ut hac in parte quilibet Sacerdos sit sanctè avarus, & non negligat tantum thesaurum, sed potiùs quotidie sibi coacervet copiam ejusdem. Veruntamen, cum rari inveniantur Sacerdotes, vel maximè sæculares, qui quotidie celebrent, & magnè stiment hunc thesaurum, consultum videtur hic ponere motiva quotidianæ celebrationis, & refutationem Objectionum contra quotidianam celebrationem. Sit igitur

## §. I.

*Motiva ad celebrandum quotidie.*

I. **P**roclamatum oraculo D. Sapientia; ; *Prudentiores filii tenebrarum in generatione sua, filiis lucis.* Heu pudor! quanta cura, quanta sollicitudo hominum mundanorum, in coacervandis thesauris corruptibilibus? & Sacerdos negliget thesaurum indeficientem, immensum ac æternum in Sacrificio Missæ positum tam facile comparandum, id est Deum, in quo omnia? Justè ingemiscit divino Spiritu plenus Kempisus lib. 4. de Imit. cap. 1. *Dolendum valde, quod multi tam parum hoc salutare mysterium advertunt, quod cælum latificat, & mundum conservat universum.* Quantus thesaurus conservare mundum universum?

2. Sat movere deberet ad quotidie celebrandum, exemplum illius servi pigri in Evangelio, quem Dominus *servum nequam* vocat, ex eo, quòd accepto talento, non fuerit usus, sed foderit in terram. Quantum talentum commissum Sacerdoti, ut sit Mediator inter homines peccatores & Deum, utque sit actor causarum totius mundi coram Sanctissima Trinitate, ut ait S. Chrysostomus lib. 6. de Sacerdotio, verba sunt ejus: *Sacerdos pro universo orbe terrarum legatus intercedit, deprecatorque est apud Deum, ut hominum omnium, non viventium modo, sed etiam defunctorum peccatis propitiatus fiat.* Et idem hom. 6. in 1. Tim. 2. *Sacerdos quasi communis quidam pater est. Dignum igitur est, ut omnium curam agat, omnibus provideat, sicut & Deus, cujus fungitur vice.* Cogitet igitur Sacerdos, si Deus providentiam & curam subtraheret vel uno die, quid fieret in mundo? Idem sibi imputet, si negligat hanc curam vel uno die. S. Amb. adhuc plus exigit à Sacerdotibus in c. 3. Tim. *Sacerdotes die ac nocte pro plebe sibi commissâ oportet orare.* Nota die ac nocte.

3. Con-

3. Confundit & confundet aliquando non celebrantes quotidie Sacerdotes Job gentilis, de quo Job. cap. I. Quod habebat filios qui faciebant convivium per domos, unusquisque in die sua, pro quibus Job consurgens diluculo offerebat holocausta pro singulis. Nec sine ratione. Dicebat enim; *Ne forte peccaverint filii mei, & benedixerint Deo in cordibus suis.* Sic faciebat Job cunctis diebus. Si quis certè Parochis quotidie, seu cunctis diebus offerendum holocaustum. Ipsi enim sunt Patres, ut supra citatus S. Chrysostomus ait, qui habent tot filios, quot sibi commissos habent Parochianos. Nonne justè indies sibi occinere possunt. *Ne forte peccaverint filii mei,* sicut enim Pater pro filiis strictam reddet rationem, sic Parochus pro quolibet sibi Parochiano commissio, ejusque commissis peccatis reddet rationem. Quotidie à tuis filiis peccatur ô Parochie, quotidie placari debet Deus, ne tibi imputentur illorum, à quibus illos liberare, & conservare potuisses peccata, per quotidianam celebrationem.

4. Audite Fratres charissimi aliquo modo negligentes & desides in celebrando, qui sine causâ quotidianum omittitis Sacrificium. Audite S. Bonaventuram cum Venerabili Beda, tractatu de Præparatione ad Missam cap. 5. *Cum Sacerdos absque peccato mortali, in proposito bono, non habens legitimum impedimentum, ex negligentia celebrare omittit, tunc quantum in ipso est, privat Trinitatem laude & gloria, Angelos letitia, peccatores venia, justos & subsidio & gloria, in Purgatorio existentes refrigerio; Ecclesiam Christi spirituali beneficio, & se ipsum medicina & remedio, contra quotidiana peccata & infirmitates, quia sicut ait Ambrosius: Si quotiescunque effunditur Sanguis Christi, toties in remissionem peccatorum effunditur, deo illum semper accipere, ut semper mihi peccata dimittantur, quia*  
Cc  
sem



semper pecco, debeo semper accipere medicinam. Item: Privat se omnibus talibus provenientius ex sacra communione, que sunt peccatorum remissio, fomitis mitigatio, mentis illuminatio, interior refectio Christi, & corporis ejus mystici incorporatio, virtutum roboratio, contra Diabolum armatio, fidei certitudo, spes elevatio, charitatis exercitatio, devotionis augmentatio. & Angelorum convivatio. Item, non complet sibi in junctum magni dignitatis obsequium, nec officium exercet debita servitutis Dei, & tamen scriptum est: *Maledictus qui facit opus Dei negligenter.* Item contemnit Christi preceptum de observantia hujus Sacramenti, ideo Christus comminatur: *Nisi manducaveritis carnem filii hominis, & biberitis ejus sanguinem, non habebitis vitam in vobis.* Item abjicit viaticum sue peregrinationis, exponens se periculo mortis, quia nisi recipiat alimentum corporis Christi, & vite vegetationem, efficitur sicut aridum membrum, ad quod non transmittitur corporalis cibi nutrimentum. Ultimo quantum in illo est, evacuat divinum cultum, & latriam Creatori debitam, ingratus de beneficiis. Unde dicitur in Numerorum lib. *Si quis mundus est* (scilicet à peccato mortali) *& in univere non fuerit* (scilicet aliter impeditus) *& non fecerit Phasae, anima illa de populo suo exterminabitur, quia Sacrificium non obtulit Domino in tempore suo.* Ergo quantum potes, toto conatu, per exercitium boni operis, lachrymarum contritionem, & devotionis flammam, expelle à te omnem teporem & negligentiam, ne inveniaris respuere tantorum charismatum dona. Hactenus verba S. Bonaventuræ. Videte jam, quàm multis injuriam facitis negligentia vestra, qui omnes accusatum confurgent contra vos, in illo tremendo die furoris. An parum putatis Deum privare laude & gloria? Miseros peccatores in terribili statu peccati mortalis, privare vita? Justos quos Deus sitis, ex Sacrificio vestro singulari sub-

sidio & gratia decorare, eosdem hoc thesauro privare, & pro gustu Domino Deo maximum disgustum commovere? Quid dico de existentibus in purgatorio, inter quos fortè etiam parentes, fratres, sorores aut consanguinei vestri reperiuntur, crudeliter in gravissimis pœnis privare refrigerio? Certè crudelitas non infima. Optarem, ut unicuique Sacerdoti, quali monitor aliquis, quotidie Divinus Kempisius illud suum intonet lib. 4. c. 5. *Quando Sacerdos celebrat, Deum honorat, Angelos lauscat, Ecclesiam aedificat, vivos adjuvat, defunctis requiem prestat, & sese omnium bonorum participem efficit. procul dubio; conscientia urgente, quotidie celebrarent, consequenter multo facilius peccata evitarent, nauseamque contraherent. Sed videamus objectiones raro celebrantium.*

§. II.

*Objectiones contra quotidianam Missæ celebrationem.*

1. *Seculares Sacerdotes potissimum qui curam habent simul rei familiaris obijciunt. Tempus non habeo.*

Hæc non in frequens fors benignissimi Dei nostri: quo benignior est in homines, eo ipsi peiores, largitatem bonitatis Divinæ solvere nesciunt, nisi ingratitude & turpi parcitate. Magna bonitas & largitas liberalissimi Dei, tot horas concedentis homini; Viginti quatuor horas die ac nocte. Et ex viginti quatuor horis, Sacerdos hand impendit mediam horam diutissimo & abundantissimo Sacrificio, in quo per mediam horæ spaciū, immentum & æternum licet sumere thesaurum? Ex 24 horis, mundo, rebus terrenis, utinam non etiam Diabolo, & peccatis, liberali animo concessis Deo, & æternitati felicissime subrahere unam mediam horam? Vix fatutas insignis! o res dignissima omni confusione. Deus panem de cœlo offert, homo surdus contemnit, pauper Angelorum negligit suscipere, avaritia tenaciorum eligens saturari, cum tamen ille solidus sit hic instar fumi Pascua coelestia miseri perdunt, & ab ejusdem Dei conversatione discedunt, ne in temporalibus vei modicum patiantur detrimenti, aut ne se præparent parvo labore, aut nescio potius, quo instinctu, quare fugiunt? Cur sese à Deo sejungunt? Maximis spoliant opibus, & ornamentis, ut quid a nobis Divini vilipendunt, quas commentus est ipse Deus, ut ad te

traheret homines, eos nutrirer, in se ipsum transferret. Multi sunt, rationem non habent: Sæculares sanè aliquam adferant, Sacerdotes nullam, quæ digna sicut admittatur. Poterit enim Sæcularis dicere: Tempus non habeo. Uxorem enim duxi, familiæ cura mihi incumbit, nequeo toties me expedire à negotiis, & præparare communioni, forsan fatifaciet. Alter dicet: Operarius sum, nequeo victui lucrando deesse, mercator emptione, venditione, impediatur. At Sacerdoti nihil horum est, cum ipse dicatus sit cultui divino, Altaris ministerio consecratus. Ad hoc munus se obtulit, cum Ordinem sacrum suscepit. Unde & Clericus vocatur, id est, Dei & Ecclesiæ servitio mancipatus.

2. *Non sum paratus, & paratum oportet accedere.* Certissimum, imparatum accedere, nefas & scelus. In-tonat enim S. Apostolus 1. Cor. II. *Probet autem se ipsum homo, & sic de pane illo edat, & de calice bibat. Qui enim manducat & bibit indignè, iudicium sibi manducat & bibit, non dividens corpus Domini.* Si paratus non es, te para. Utique non integro anno, aut integra septimana opus pro præparatione. Certissimum, secundùm proportionem ad dignitatem & excellentiam Sacrificii, nec tota vita, nec centeni sufficiunt anni, ut digne homo peccator conficiat corpus & sanguinem Hominis-Dei, eundemque sumat, atque sic nunquam esset paratus, aut dispositus. Si enim haberes Angelicam puritatem, & S. Joannis Baptistæ Sanctitatem, non esses dignus hoc Sacramentum accipere, nec tractare, ait Kempsius lib. 4. c. 5. Unde etiam Sanctissimus quisque, post omnem possibilem & optimam dispositionem, in Sacro ante Communionem dicit. *Domine non sum dignus.* Secundùm autem proportionem ad nostram paupertatem atque fragilitatem, ea tantum exigitur à nobis, quam quantum ex nobis est, cum gratia Dei

Dei adferre possumus. Optimum brevissimum, ac facilem modum se disponendi, Kempisius lib. 4.c.7. toto, quem perlegas, & tuam excusationem inanem reperies. Præterea sacrum unum. est dispositio ad aliud, quomodo enim melius disponi potes, quam si ipsemet te disponat, propter quem dispositio fit. Si quotidie celebrabis, erit celebratio matutina custodia tibi contra peccata per totam diem absoluti Sacri. Si in continua reflexione perseveraveris, quæ hodie egeris, cessabunt manus à peccati, minoris actib. quia tractarunt Deum. Horrebit lingua spurcitas, detractiones, mendacia &c. &c. proferre, quia Deum è cælo evocavit consecratione. Oculi nauseabunt objecta peccaminosa, quia Deum viderunt sub speciebus. Fugiet cor ab illicitis desideriis, quia illum suscepit, in quo omnia desiderabilia & quidem licita &c. Vesper & antecedaneum tempus ante Sacrum, iterum dispositio ad futurum Sacrum. Ne sit excusatio calva, cape & dispositionem, & gratiarum actionem accuratissimam, ex Provisionibus senectutis P. Gasparis Druzicki mihi fol. 97. Cum non unicuique liber sit, ad manum eam hic appono.

Quater sancta Quaternio (id est sanctissima Trinitas, Deus & Homo, Dei Hominis Mater, & electi ac sancti Dei. His quatuor, propter diversum cultum, titulus communis dari potest quater sancta Quaternio) toto te, toto me, tibi actiones & passionem, seu mutationes totius vitæ, substantiarq; meæ, (inò & omnium, quantum in me est, creaturarum) unitas actionibus, & passionibus, & meritis totius vitæ Domini mei Jesu Christi, in realem, verbalem, cordialem, præteritam, præsentem, & futuram, omnimodam possibilem, infinitam, incessabilem, offero, consecro, trado, sacrifico. Gratiarum actionem, laudem, adorationem, amorem, venerationem, & actionemque tui. Itemque in preparationem



ad futuras Missas & Communiones, & Confessiones Sacramentales. Item in dispositionem ad gratias omnis Sacrificii, Sacramenti, beneplaciti, actuales, habituales, opportunas, efficaces, perseverantes, finales. Idem in satisfactionem pro defectibus omnibus quidem, at in specie Missarum, & Communionum & Confessionum mearum, pro omnibus meis tam culpæ quam pœnæ obligationibus, potissimumque omnibus pœnis spiritualibus. Item pro animabus in purgatorio. Item pro gratia fervoris in vita & morte, proque S. morte, & pro finali in bonitate, sanctitate, perfectione & statu perseverantia.

3. *Reverentia & Humilitas.* Timeo, ne se Diabolus hic transformet in Angelum lucis. Ipsius enim studium continuum, sub prætextu boni retrahere à bono, salute æterna. Et ubi potior salus quàm in Sacramentis? Scio quod dicant spirituales viri, posse interdum Communionem differri, ad conciliandum majorem reverentiam, tamen Sacerdoti non faciliè abstinendum à Missa, quia majori cautione quàm laicus differt communionem: quod tamen raro fiat. Ut Suarcz Theol. consultè Tom. 3. disp. 69. sect. 4. ad finem. *Non est negandum, ait, posse interdum hujusmodi frequentiam differri, ad conciliandum majorem reverentiã, id tamen potius debet esse rarum, & extraordinarium, quam frequens. Ne forte contingat illud Psal. 101. Percussus sum ut fanum. & aruit cor meum, quia oblitus sum comedere panem meum.* Huc usque magnus Theologus. Demus duos Sacerdotes hac Dominica celebrare, pari devotione, & dispositione, similiter altera Dominica pari diligentia se præparare, cavere item à peccatis, pari studio, unus verò humilitatis & reverentiæ causâ differat in sequentem Dominicam, alter celebret tota septimana. Haud dubio hic excellentius erit dispositus sequenti Dominica, quàm iste qui non celebravit, præterea superat illum maximis divitiis, quas sibi, totique Ecclesiæ accumulat. Quod de octo

iones Sa-  
ias omnis  
abituales,  
Idem in  
m, az in  
fessionum  
pœnæ ob-  
spirituali-  
pro gratia  
ro finali in  
everantia.  
se Diabo-  
enim stur-  
e à bono, à  
ramentis  
um Com-  
um rever-  
um à Mi-  
commu-  
neol. con-  
egandum,  
efferris, ad  
potius de-  
quens. No-  
t fenū, &  
nem meū.  
Sacerdo-  
& dispo-  
tia se præ-  
nus verò  
equentem  
aud dubio  
ica, quàm  
in maximis  
Quod de  
octo

octo diebus dicitur, eadem ratione de quatuor, duo-  
bus, uno dici potest, nempe cæteris paribus, qui celebrat,  
longe non celebrantem excellit. Vera religio est offerre  
Deo Sacrificium Filii incruentum. Vera reverentia est,  
sacra Myſteria venerari, quoad possumus devotè cele-  
brando. Vera humilitas est, agnoscere tantam in nobis  
infirmitatem, ut vel pedem figere nequeamus, sine præsi-  
dio Dei Authoris Sacramentorū. Et licet solum Dæmonis  
averteremus lætitiā, qui enixè curat ne celebremus, co-  
nandum eò nobis esse vehementius, cum certi simus, per-  
petuas ejus esse curas. ut damna in nos procuret maxima.

4. *Ad quid celebrandum nullus venit ad Sacrum?*  
Hæc obiectio est certè valde simplicis, aut hominis mi-  
noris fidei. Irgo frater mi non credis, quòd ibi absint tot  
millia millium Angelorum etsi tibi invisibiliū. Adsunt su-  
spiriis suis gemitibus inenarrabilib⁹ afflictiſſimæ animæ  
purgatorii. Adsunt si non corporaliter, saltem secundum  
spiritum mendicantes captivi, per te liberationē poscen-  
tes, à gravissima captivitate, adest totus mundus, supplicē  
libellum manibus tuis porrigens Deo. Adest Ecclesia S.  
per te amorem suum sponso suo deferens. Ades & ipse tu,  
nudus, miser & miserabilis, de te dici potest illud psalmi,  
licet alio sensu: *Oculi omnium in te sperant Domine*, Deus  
expectat honorem Angelus lætitiā. Ecclesia ædifica-  
tionem, vivi juvamen, defunctis requiem, tu ipse tibi par-  
ticipationem omnium bonorum.

5. Est illud commune. *Quotidie celebrans, aut Angelus, aut*  
*Diabolus* Contentio & ego huic obiectiōi: sed ideo quotidie ce-  
lebrandum, ut non Diabolus fiat sed Angelus. Experimentum ha-  
bemus in ultima Coena Christi Domini, dum ore Divino protulit:  
*Unus ex vobis Diabolus*, scilicet Judas Iscariotes, proditor  
& tamen eidem, & facultatem dedit celebrandi. Omnibus  
enim dixit: *Hoc facite in meam commemorationem*, eidem etiam  
porrexit sub speciebus, corpus & sanguinem suum, procul dubio  
ideo, ut ex Diabolo fieret Angelus, quod non factum sit, ejus ava-  
ritia, superbia, & pertinax voluntas in eazula, quæ omnia caveat  
Sacerdos. Utiq; commune bonis & crudis consuetudinibus, habitudi-  
natis

natis peccatoribus, vel maximè in materia carnis, in Sacramento poenitentiae, inungere frequentem communionem. Cur hoc remedio non utatur Sacerdos, si sentiat se esse Diabolum, & habitudinatum in peccatis. Utrique hoc Sacrificium est medicina & remedium contra peccata & infirmitates, ut ait S. Bonaventura sup. citatus. Sacerdotes utique vocantur Angeli, id est, Missi. Malach. 2. v. 7. *Sacerdos Angelus Domini exercituum est.* Missi enim sunt à Deo ad peccatores, à peccatoribus ad Deum, idè omni conatu studeant esse re ipsi Angeli, imò plus quam Angeli, quod fieri non potest, nisi per frequentem celebrationem, ubi Christus Dominus Filius Dei Sacerdoti incorporatur, & unum fit cum Deo, & in Christum mutatur, sicut dicit Christus Dominus apud D. Augustinum. *Non tu mutaberis in te, sed ego mutabo te in me.* O felicitas! pereant omnes occupationes domesticae, pereant omnes thesauri, maximus thesaurus Jesus, Filius Dei, celebres quotidie secundùm modum superius praescriptum, & senties in te Angelicam puritatem, amorem Seraphicum, zelum Apostolicum, fortitudinem Martyrum, resignationem Confessorum, senties dona extraordinaria Sanctis concessa. Poteris cum jubilo occinere. *Vivo ego jam non ego, sed vivit in me Christus.*

## CAPUT XIV.

*Unde sit, quòd quidam quotidie celebrantes  
in Spiritu nrm. l. proficiant, ex Theologis  
rationes petite.*

i. **H**Æc est causa, quòd tremens dico, quare multi  
quotidie celebrantes, & post multos Sacerdotii  
annos,

annos,modica ex hoc cruento Sacrificio & mirifico Sacramento dona cœlestia recipiant , quia parum parati, vitâ bonâ & consideratione sancta ad ipsum manibus offerendum , & ore sumendum accedimus. P. Jacobus Alvarez de vita religiose instit. lib. i. c. 8. poster. edit.

2. Ex modo accedendi ad Sacrificium Missæ, aut ad S. Communionem, pendet omnis ejus fructus & utilitas: Qualis enim est nostra dispositio, sive præparatio, talis erit & gratia quam recipiemus. Molina Institut. Sacerd. Tract. 4. c. 1. §. 2.

3. Raro Devotio in Altari conceditur , si mens ad fervorem non antea præparetur. Joannes Thirithemius Abbas lib. de Tripl. reg. claustr. Opera ejus in suo tomo edidit Joannes Busseus Soc. Jesu,

4. Malè devotioni suæ & attentioni sub Sacrificio consultum reperiet, qui immediatè à studiis, negotiis, colloquiis & curis externis, ad Missam sese contulerit, quamvis jam ante præparationem præmiserit. Ita P. Consalinerius Soc. Jesu in opusculo de celebratione Missæ, vocans gravem hanc esse illusionem, & addit: Mirum est, quod muscæ & harpyjæ, non ad polluendum Sacrificium, sed ad inquinandum hujus hominis mentem ad distrahendum involent & incurfent. Adde tamen limitationem ex Thoma à Kempis; Si in omni loco, & in omni actione, & occupatione externa, tam esses intimus, liber, & tui ipsius potens, ut omnia essent sub te, & tu non sub eis, ut esses Dominus actionum tuarum, & rector, non servus, nec captivus, ut transitoria sinistro oculo intuereris, & dextero cœlestia & c. tum inquam, non admodum videretur incongruum, ab externis negotiis ad Sacrificium transire. Lib. 3. de Imit c. 38.

5. Modus præparandi nimis imperfectus, & omnis internæ consolationis expers est, non nisi vulgares seu consuetas precandiformulas, aut vel post Missam



usurpare (e. g. accessum & recessum qui est in Missâ) ita Laudanus Episcopus in Opusc. Orat. Sacerd. Addo, nisi hæ orationes, cum peculiari devotione dicantur, per secundum orandi modum à S. Ignatio Fundatore Societatis Jesu traditum.

6. De mortalibus ante Missam vel Communionem confitendis, etiamsi quis contritus sibi videatur, est speciale præceptum, Trid. Sess. 13. c. 17. Quod si urgente necessitate confiteri non possit, quam primum confiteatur.

7. Qui cum conscientia peccatorum venialium, per confessionem aut per contritionem non deletorum communicare præsumit, exiguum fructum refert. Ita S. Thom. 3. p. q. 80. art. 10. Et Suar. Tom. 4. Dist. 11. Sect. 3. Affer. 3. Addens id verum esse, maximè de peccatis illis, quæ in habitum versa, altas in anima radices egerunt, potissimum quando sunt inordinatæ ad res creatas affectiones. Ut ergo fructum haurias ex quotidiana celebratione, & communionem, fac quod in te est, & diligenter facito, non ex consuetudine, non ex necessitate, sed cum timore, & reverentia, & affectu, accipe corpus Domini Dei tui. Thom. de Kempis lib. 4. c. 12. & c. 2. ait. *Ideo nova semper mentis renovatione ad hoc disponere te debes. Ibidem subiungit, ac se eadem die Christus primum in utero Virginis descendens Homo esset factus, aut in cruce pro salute hominum pateretur, & moreretur.*

Præterea serva præparationem remotam & proximam.

Præparatio remota est; 1. Continuum studium puræ & sanctæ vitæ. 2. Sublimis æstimatio & sensus de hoc mysterio, per exercitium fidei. 3. Frequens petitio gratiæ à Deo pro tanto mysterio dignetractando.

Præparatio proxima est; 1. Discussio conscientiæ, confessio vel actus contritionis. 2. Actus fidei. 3. Actus humilitatis. 4. Intentio. 5. Actus spei. 6. Actus charitatis. 7. Desiderium & fames. 8. Ornatus. 9. Postulatio benedictionis.

ctionis. Tandem tanto melius semper præparatus eris, quanto melius & humiliter præparationis tuæ defectum, tuamq; imbecillitatē agnoveris Thom. de Kemp. l. 4. c. 12.

## CAPIT. XV.

*Doctrina Theologorum circa ipsam Missæ celebrationem aut Communionem.*

1. **A**ctualis devotio in hujus Sacramenti usu, semper quantum possibile est, procuranda. Consistit autem devotio hæc, in ardentibus affectibus Religionis, humilitatis, fidei, reverentiæ, amoris, gratitudinis, resignationis &c. De hac devotione disputant Theologi, An ejus defectu impediatur effectus gratiæ Sacramentalis. Vide Suar. in 3. par. disp. 63. Sect. 3. Primarius & respondens operi operato non impeditur, secundarius & respondens operi operantis, etiam quoad augmentum gratiæ & gloriæ impeditur, & propterea, talibus gratiæ actuales, excitantes, efficaces, denegantur; quæ conferuntur cum actuali devotione celebrantibus aut communicantibus.

2. Exterior Sacerdotis celebrantis maturitas, reverentia, & pia corporis compositio, non tantum celebranti utilis est, & decora; sed etiam in audientibus fidelibus excitant æstimationem tanti mysterii, & devotionem, utiturque illâ Deus, tanquam instrumento, ad dandas audientibus fidelibus gratias excitantes, sic P. Ludov. de Ponte in vita P. Balthasaris Alvarez c. 6. §. I. refert, quendam permotum ad ingrediendum Societatem, ex Patris Balthasaris devotione, modestia, gravitate, & totius corporis compositione, in Missa cui intererat.

3. Antonin. Molina proœmio ad lib. de Instr. Sacerd. ait; Sapenumero videmus, sacratissima mysteria celebrari, tam modica gravitate & decore, sine modo, sine cerimonia, pronuntiatione, ut cum qui id intueatur, penitus ex-

affe-

affectu, dolore, concuti necesse sit. Certum quippe est, si gentilem mystam videremus, litantem idolis, ea celebritate, an levitate dicam, quàm plures Christiani offerunt Deo æterno Unigenitum crucifixum, quibus non sanis, jocisque eum exciperemus? Et quot lachrymas meretur, si nota ipsis essent sancta, quæ in Missa tam abjectè tractamus, nunquid certo nobis non illuderent & ipsi?

4. Ponderosa sunt verba Card. Bellarm. Conc. 9. Dominicæ quartæ Advent. & de Gemitu Columbar lib. 2. c. 5. Considerate, ait, quam triste & deplorandum sit spectaculum, videre Sacerdotem Divina mysteria peragentem, Angelorum choris undique septum, quæ ad ea quæ ipse operatur, & loquitur, stupent ac tremunt, & præ admiratione ingentes clamores excitant, & tamen Sacerdos, in medio positus, totus friget, & quasi stupidus, non attendit quid agat, non intelligit quid loquatur, & ita properat ad finem, ita signa involvit, ita verba præcipitat, quasi latrones post tergum haberet, & satis temporis ad fugiendum non esset: Et tamen, non propterea singultum conscientie patitur. Sic sacræ res contemnuntur, sic Deus irridetur, sic ridendi materia hæreticis datur. Clamamus in Sacramento Altaris, Christum ipsum esse, & interim nonnulli ita se gerunt, ita ista Sacramenta pertractant, quasi nihil minus verum esse putarent, & quasi Deum marmoreum, vel plumbeum haberemus, qui nihil sentiret, nihil videret, nihil audiret.

5. Quando Sacerdos ex præscripto Missalis genua flectit, non leviter genibus se incurvet, sed ut adorantem Deum vivum & verum, in Spiritu & veritate decess, usque ad terram, sese in genua dimittat. Ita Octav. Fran. Episcopus Tricar. in direct. discip. Eccles. ritu-

titulo de Divino officio, alias non satisfaciet præscripto, ut ait Gauand. in Thesaur. Sacerd. Rit.

6. Totum Sacrum, Missæ Canonem, aliasque orationes quæ ob mysterium ac Religionem tacitè pronuntiandæ sunt, sic pronuntiet, ut ipse quidem distinctum verborum sonum leviter percipiat, adstantium autem proximè nemo percipere distincta verba possit. Ita Episcopus Tricar. sup. citatus num. 17.

7. In faciendis Crucis consignationibus, præscriptam à Rituali libro formam exactissimè observet, ne circulos, aut quævis alia signa potius, quam Crucis signum formare videatur. Idem ibidem num. 29.

8. Ceremonias exteriores, aliàs mortuas Spiritu animabis, si eas pulchrè, attentè, graviter, & cum quadam dignitate perficias, si cum genuflectis, ita ut facias ut qui Deo submissionem proferis, vel cultum iatriæ defers. Si cum hostiam & calicem benedicis, ita signa illa sacra facias, ut qui Sacrificium Deo acceptissimum benedicis. Si cum Missæ verba profers, ita distinctè & clarè proferas, ut qui Deum ipsum alloqueris. Sic denique ista omnia ibi dicas & facias, ut dignum est voce & actione perfici, quæ Dei Spiritu S. Ecclesiam regente, approbata sunt & instituta. P. Jacobus Alvaretz de vita Relig. lib. 1. c. 9. §. 2.

9. Præscindendo à subiecto malitiam huius rei, non advertentem, & judicando rem ex Objecto, Sacerdos celebrans properanter ac indecore videtur, peccare mortaliter. Tum quia gerens personam Christi, repræsentat Christum tanquam aliquem minimum. Tum quia, si celebrare in corporali notabiliter immundo, est peccatum mortale, multò magis indecore celebrare erit mortale, cum major per hoc fiat irreverentia Sacramento & Sacrificio, quam per immundum corporale.

Tum



Tum quia per hoc vilificationi & ludibrio Sacrificium exponitur.

10. Pater Richardus Flaminus Soc. Jesu, aiebat subinde magnos Dei servos puniri quibusdam morbis, quorum nemo causam intelligit, idque fieri propter irreverentias quasdam, & defectus, quos committunt in rebus divinis intra Missam ex lib. Ingolstadt. Mis. de Virtutibus Soc. c. 18. §. 49.

## APPENDIX.

*Quam horrendum sit Sacrosanctum Missæ Sacrificium celebrare in peccato mortali.*

*Ex Revelationibus B. Birgittæ lib. I. c. 47. lib. 4. c. 135. & lib. 6. c. 9.*

*Colloquium Christi Domini cum B. Birgittæ.*

**I**lle Presbyter pro quo tu oras, cum accedit ad Altare, tunc avertit faciem meam ab eo, & adstant ad latera ejus dæmones, cujus & animam inhabitant, quia ipsa est mortua ante me.

Cum imponit sibi superhumera, hoc est amictum, dæmones obumbrant animam ejus, ut non cogitet, & non intelligat, quam terribile est accedere ad Altare meum, & quam mundus esse debet, qui mihi mundissimo adstare debet.

Cum induit se Alba, duritia cordis & indevotione induitur, quia cogitat peccatum suum non esse grave, supplicium æternum futurum non magnum; & quale gaudium est æternum, nunquam venit in mentem ejus.

Cum cingit se cingulo, tum ligatur voluntas ejus cum Diabolo, ita quod velit & proponat morari in peccato, & tunc dissolvitur charitas mea ab eo, quia voluntas ejus est ad omne id, quod Diabolus ei inspirat in mentem.

Cum imponit sibi manipulum, omnia opera ad Deum sibi sunt gravia, & onerosa, terrena autem levia.

Cum

Cum imponit sibi stolam, Diabolus grave jugum imponit collo ejus, & sic onerat animam ejus, quod non finit eum ingemiscere vel considerare peccatum suum.

Cum induit se casula, tunc perfidiā induit cum Diabolus. Quando autem legit Confiteor; Dæmones respondent; mentitus es, nos sumus testes quod confessio ejus est similis Judæ. Quia dicit aliud ore & aliud habet in corde.

Quando vero consecrat corpus meum, tunc fugiunt dæmones ab eo, & corpus ejus remanet quasi truncus, quia anima ejus mortua est ante oculos meos.

Cum autem corpus meum applicat ad os suum, ex presumptione illa, omnis turba dæmonum revertitur ad eum, qui charitatem nullam habet ad me.

Ecce tales Sacerdotes non sunt mei Sacerdotes, sed veri proditores, ipsi enim & me vendunt, quasi Judas, & produnt. Ego conspicio paganos & Judæos, sed nullos video eis deteriores.

Quia ipsi Sacerdotes sunt in eodem peccato quo cecidit Lucifer.

Maledictus sit cibus & potus eorum, qui intrat in os eorum, & pascit corpus in cibum vermium, & animam in infernum.

Maledictum sit ergo omne quod de terra ad utilitatem suam receperint, quia non laudant Deum & Creatorem suum.

Maledicti sunt à cælo, & terra, & ab omnibus creaturis insensatis, quia ipsæ obediunt Deo & laudant, isti perunt.

Maledicta sit hora, quæ incipit eis in inferno & nunquam finiet.

Maledicti sint anni eorum, quibus vixerunt inutiliter.

Maledictus sit visus eorum, quia non videbit visionem Dei in se sed tenebras & pœnas inferni.

Maledictus sit gustus eorum, quia non gustabunt de bonis meis æternis gaudium, sed amaritudinem æternā.

Ma -

Maledictus sit tactus eorum, qui non tractabunt me, sed ignem perpetuum.

Maledictus sit odoratus eorum, quia non odorabunt odorem illum suavissimum in Regno meo excedentem omnia aromata, sed foetorem in inferno habebunt a maiorem felle, & pejorem sulphure.

Maledictum sit corpus eorum, quod resurget in inferno sine fine arsurum.

Propterea juro in veritate mea, quia sum veritas, quod si sic moriuntur, sine fine damnabuntur. Væ talibus quod unquam nati fuerint: ipsi enim profundius cadunt in infernum quam aliquis alius.

*Sacerdoti indignè celebranti exhortatio.*

**H**Eu miser Sacerdos, qui mortuus cælo vivis in inferno, atque Diabolus habes in corde tuo, & ad Sanctum accedis, ad Altare, ad profanandum Sanctuarium Dei, & illudendum nomen sanctum suum: Ore benedicis & corde maledicis. In faciem benigni Salvatoris conspicias, dum verba Sacramenti immundo ore profers, & majestatem illam in quam desiderant Angeli prospicere, & omnis curiæ coelestis exercitus incensibili voce proclamat Sanctus, Sanctus, Sanctus, tu impie irrides, ac blasphemias, quando ore files & ore velut canis latrans, clamans, Domine non sum dignus &c. Et ponis illam sanctissimam carnem in os tuum immundum, & Spiritu S. in utero Virginis immaculato conceptam, eam quæ est mundi pretiū, dentibus tuis venenatis mordens, devoras, & proiecis in sterquilinum animæ tuæ, quasi in lutum platearū. Non minus est detestabile in os pollutum quam lutum sepelire Dei Filium, Patrem tuum, Creatorem & Redemptorem, pretium Redemptionis nostræ. O Judæis pejor & Juda deterior, horret infer-

nus

nus & contremiscunt Diaboli, cum tu temere præsumis corpus & sanguinem Christi indigne manducare, & si non morieris post sacrilegam sumptionem ut Judas, vives pro majori supplicio & graviore pœna, & si non convertaris, thesaurizas tibi iram in die iræ & revelationis justii judicii Dei, qui reddet unicuique secundum opera ejus & tanto districtior erit in judicio, quanto tibi ante judicium majorem patientiam prorogavit. Agnosce frater charissime Sacrosanctam regalem dignitatem tuam, quali honore sis insignitus: Quem Virgo & Mater genuit, tu verbis concipis, & quali mensa fruaris: carne & sanguine Domini nostri Jesu Christi pastus es: ô felix exercitium, ô sanctitudo manuum, ô lingua benedicta, ô pectus sacratum, ô venter beate, si hoc manè ea puritate mentis & corporis qua decet, recipies corpus Christi, eris altera Maria, cujus venter paradisu Filii Dei & sacrarium Spiritus Sancti.

### Oratio.

**B**enignissime Jesu fons amoris, Pater misericordiarum & Deus totius consolationis, qui pro salute humani generis corpus tuum Sanctissimum pignus futuræ gloriæ nobis filiis & hæredibus reliquisti, quod sola fide cernitur, & corde firmiter creditur, communiōe carnis & sanguinis tui nos Divinitatis esse participes voluisti, te humiliter deprecor ego cinis, pulvis, nihil, antequam accedam ad altare tuum quod est cœlum & paradysum, mihi concedere digneris tuam S. benedictionem, perfectam cordis contritionem, oris plenam confessionem, & operis completam satisfactionem, ut tuum S. Sacrificium, immaculatam hostiam cum lachrymis offerens in sublimi Altari tuo nive candidior, lilioq; purior digne recipere valeam in remissio-



406 *DIURNALE SACERDOTUM.*

nem peccatorum meorum omniumque vivorum, in refrigerium mortuorum, in gaudium Sanctorum, in latitudinem Angelorum & in totius Trinitatis gloriam sempiternam Amen.

*Roma ex Typographia Reverenda Camera Apostolica 1658. Superiorum permissu. Deinde Posnania 1659.*

**CAPUT XVI.**

*De Communione extra Sacrum.*

**P**Otest contingere, ut devotus Sacerdos se sola Communionem sacramentali extra Sacrum reficiat, sicut tempore infirmitatis, vel etiam Feria quinta magna, ubi plures sunt Sacerdotes ad Ecclesiam, & unus tantum celebrans; Non abs re erit, actus ad Communionem, & post Communionem ponere, sit itaque

§. I.

*Preparatio ad Communionem.*

**D**Uplex est ad Communionem Eucharisticam preparatio. Prima fit confessione de peccatis, satisfactione, jejunio, afflictione corporis, condonatione injuriarum, deprecatione si quem laesisti. Et hæc dici potest preparatio remota. Secunda est proxima, quæ nomine devotionis appellari potest, & hujus nunc actus aliquos practice explicatos, offero exercendos ante ipsam Communionem.

*Praconceptio futuri operis.*

**D**Eus meus, quis es tu & quis ego? Deus magne & grandis nimis, Deus majestatis, Deus cuicogitatio nulla par, Deus nunquam dignè æstimabilis, Deus nihil horum omnium quæ cogitantur, aut sunt, sed super illa omnia. Ego autem quis sum? Ego peccator, ego miser, ego nihil, & quid jam vilius cogitem, cum nihil vanius sit? Illud quod omnium vanissimum, quod ipsa vanitas est, hoc sum. Et ista duo extrema tam dissita, tam disparata, tam dissimilia, hodie conjungentur, conviscerabun-

buntur, tantusque Deus tantillo homini incorporabitur. O Sacramentum ! ô Myſterium ! Vere Sacramentum, verè myſterium, arcanum, abſconditum, abditum, latens. Quis enim capiat Deo jungi hominem ? Corpore Dei paſci hominem ? O Domine, ſi tu ob immenſam dignitatem tuam non agnoſcis te, ſine ſaltem, ut mea vilitas cognoscat ſe, & quidem meritò reformidet conjungi tibi O cor meum, quàm audax & temerarium es, quod vel cogitare audeſ, accedere ad tale Sacramentum. Ergone ego adibo, cupiam, capiam illum, quem cœli coelorum capere non poſſunt, qui omnibus deſideriis major eſt, qui lucem habitat inaccessibilem. Obſtupescite cœli ad conjunctionem iſtam, Deus homini. Homo Deo conjungendus eſt : Deus hominem paſcit ? Deus ſit cibus hominis ? & Homo Deo paſcitur, facitque ſuum cibum Deum.

*Fides.*

**C**Redo mi dulciſſime Amor, mi Jeſu, te in ſanctiſſimo Sacramento, quod recepturus ſum, eſſe cum Divinitate, corpore, anima, ſanguine, meritis, virtutibus, gratiis, vivum, totum, omnipotentem, & credo, quia tu dixiſti illud ; Hoc eſt enim corpus meum.

*Intentio.*

**O**ffero tibi dulciſſime Amor, mi Jeſu, Communionem hanc quam facturus ſum, ad majorem nominis tui honorem & gloriam, ad magis tibi placendum, & me uniendum, ad hoc ut per præſentiam & unionem tui Sacraſſimi corporis & animæ, liberer à gravibus malis corporis & animæ, quibus premor, & quæ mihi ingruunt, ut de liberaliſſima dextera tua accipiam, donum puri cordis, caſti corporis, orationis, Humilitatis, &c. Ut gratias tibi agam pro omnibus beneficiis tuis tota vita mihi præſtitis, & præſtandis, ut colam laudemque te Deum meum, ſanctosque amicos tuos, præſertim pretioſiſſimam Virginem, Dominam,

Matremque meam , Angelum custodem , Patronum menstruum, & hujus diei. Ut Ecclesiæ , regno , civitati, loco isti, tuam singularem protectionem impetrem , ut juvem proximos meos tam vivos quam defunctos, præfertim qui mihi commendati sunt, vel commendati esse deberent, ut consequar indulgentias ex thesauro Ecclesiæ concessas. Ut habeam memoriale præsens amarissimæ passionis tuæ, ut spiritum in me languentem & tepentem excitem, calefaciam, & transformem totus in te, tuque maneat & vivas in me, ut spiritum tuum imbibam, quo vivam cum illa humilitate, charitate, castitate, corporis mortificatione, contemptu mundi, zelo animarum, gloriæque tuæ, cum quo tu vixisti, ut pro inimicis meis, tam publicis quam privatis, tibi aliquid dignum offeram, ut gratiam tuam abs te illis impetrem, ut officiorum, negotiorum præpositorum felicem successum obtineam.

### *Abrenuntiatio.*

**A** Brenuntio dulcissime Jesu, quem in sanctissimo Sacramento quam dignissime recipere cupio, omnibus iis, quæcunque tibi aliquo modo in me displicere possunt. Faceffite à me omnia peccata, vitia, prava desideria, inclinationes, motus, propolita, abite & exultate pestes, omniaque opera tenebrarum, nunquam reditura, lux enim æterna, & sol perpetuus nunquam occasurus, mihi jam jam exorietur. Exuo dulcissime Jesu, omnes imperfectiones & defectus, ut nudus totus in conspectu tuo compaream, & sic in æternum permaneam. Possunt hic recenseri in particulari aliquot mala. Ut superbia, tepiditas, curiositas, sensuum lenitas, evagatio mentis, libertas loquendi & agendi, neglectus orationis, hisque omnibus renuntiandum

ex

ex corde cum dolore , & proposito ad illa non redeundi.

*Ornatus.*

**O** Merita & virtutes dulcissimi amoris mei Jesu Christi, adesto misero mihi, nunc si quando vestris est opus splendoribus, quando splendor ille gloriæ æternæ vester scilicet Jesus, ad me venire apparat. Adeste, & me vestris illis gratissimis coloribus exornate. Adesto & ardentissime amoris mei Amor, adesto, in cor meum, erumpe, illud occupa, posside, in te ex toto transforma. Adesto ô profundissima Humilitas, & in corde meo sedem perpetuam sige, meque digno Deo venturo humilia. Adesto vera contritio, & cor meum, atque adeo me totum purissimè purifica, ut sim purus totus, dignus Jesu venturo totus. Iterum advoco vos, & millies adjuro merita & virtutes amoris mei Jesu. Adjuro te Amor, te humilitas, te contritio, te cordis puritas, adeste omnes, irrumpite in me, occupate, possidete, ornate, in vos ex toto transformate, & dignum me in habitatione Jesu facite.

*Invocatio Creaturarum.*

**V**Os advoco & invito creaturæ omnes, qui à dulcissimo amore meo Jesu creatæ estis, ad exornandum me, atque ad adjuvandum, in hac tremendi corporis & sanguinis Christi Jesu perceptione. O quid cessatis, & tardatisque venire adornare me, cum Dominus vester & meus, ecce venturus sit ad me. O cæli! non ornabitis me in usum Jesu, qui ornatis mundum propter usum meum? O stellæ! non ornabitis me Christo, qui ornatis noctem mihi? O Sol! non ornabis me Deo, qui ornas orbem meo oculo? O Elementa! non ornabitis me, quæ omnia ornatis propter me? Terra tu suppeditas campis, arboribus, agris, flosculis, bestiis, tot



& tam varios ornatus propter me, & renues propter Jesu exornare me? O ignis! accende meam animam, & aqua ablue cor meum. O odor affla mihi suavitatem tuam. O gustus palato meo totus infide. O Harmoniæ suaves impersonate mihi & colores depingite me digne Christo, de Deo.

*Invocatio Sanctorum.*

**V**Os quoque purissimi & vicinissimi Deo, principia viarum Domini, angelici Spiritus invito, obtestor, & adjuro, ut me exornetis meritis, gratiis, donis, divitiis, & beatitudinibus vestris, quo sic ornatus, digne recipere aliqua ex parte possim Dominum meum, vestrumque Jesum Christum. Et vos hæc etiam cura tangere debet, utpote qui honorem Dei vestri impense amatis, me vero parem non esse dignè illum recipiendi probe cognoscitis. Juvate igitur & exornate me ô sancti Seraphim, Caerubim, Throni, Dominationes, Potestates, Principatus, Virtutes, Archangeli, Angeli, orna me tu sanctissime Angele custos. Orna me tu sanctissime Angele, qui huic Templo, huic Altari specialis custos sacratissimi Sacramenti à me nunc recipiendi, à Christo es deputatus.

*Invocatio dulcissima Virginis.*

**A**N verò sine te, sine tuis auxiliis, sine tuis ornamentis, ego pauper servus tuus, dulcissimum amorem cordis tui, Jesum recipere præsumam? O augustissima Mater & Virgo, absit à me tantum audaciæ scelus, aut recipere Filium tuum in sanctissimo Sacramento nolo, aut abs te ornatus volo. Si igitur illum à me recipi vis, ornare me illi recipiendo velis. Exorna me igitur meritis ac virtutibus tuis, & gratiis, & gloria, & beatitudine tua, & me sic comptum, Filio tuo advenienti si ste, sic me exorna, ô dignissima Mater, Filio tuo, quemadmodum te Spiritus S. exornavit eidem Filio ad te venturo, & in visceribus tuis incarnando. Talem & non alium ornatum peto à te piiss. Mater, peto autem illo tuo, quo tu eundem à Deo petebas affectu; Obsecro Virgo de-

men-

mentissima, ne contemnas, neque confundas hanc petitionem meam. Sed omnino etiam fiat mihi secundum desiderium meum, & secundum votum tuum.

*Reformidatio.*

**D**Ereliquit me dulcissime Amor, mi Jesu virtus mea, & lumen cordis mei atque robur mentis mea, non est mecum. Formido enim & terror, tremor Majestatis tuae, occupaverunt & ceciderunt super me. Non sum dignus solvere corrigiam calceamenti tui, & dignus ero in sanctissimo Sacramento recipere te. Quomodo audebo accedere ad te? Unde mihi tantum dignitatis, ut venias ad me? Ad Virginem Matrem non prius venisti, quam Spiritus S. superveniret in eam, & virtus Altissimi obumbrasset illi, & tamen jam illa fuerat gratia plena, quomodo igitur potes ad me, & Spiritu S. & virtute Altissimi, & plenitudine gratiae destitutum, venire? Cur te mihi obtrudis Domine invito, trementi, & vilitatis meae conscio? Ignosce Domine, quod formidem recipere te, quia tu es Deus meus magnus nimis, ego autem sum homuncio vilis nimis, ex nulla parte par, sustinendo tibi, declina à me Domine, quia peccator sum, quia nihil sum. Non audeo resistere voluntati tuae Domine, & tamen etiam non audeo te admittere ad me Domine. Consentire timeo, & dissentire pertimesco, quis enim restitit tibi & pacem habuit? Aut quis sum ego, qui respondeam Deo pro mille? Site cupio recipere, audacia est; Si renuo ad te accedere, miseria, est. Coarctor nimis, & angustiae mihi sunt undique, sed tamen melius est me incidere in manus Domini, quam pertinacem esse in conspectu ejus. Non tamen Domine exspecta consensum meum plenum, sed irrumpe in animam meam, quando cunque tibi placuerit, quia absolutus & omnipotens meus Dominus es.

*Resolutio.*

**F**iat mihi amor mi Jesu secundum verbum tuum. Jam veni Domine Jesu, ingredere benedictae Domini, quid

foris stas, & perstas. Attollite portas Principes vestras, & elevamini portæ æternales, portæ cordis mei. Ecce enim introibit Rex gloriæ. Hæc est porta Domini, & Sanctus Sanctorum intrabit per eam. Paratum tibi cor meum Jesu, paratum cor meum. Exsurge igitur gloria mea, mi Jesu, exsurge psalterium & cithara mea, mi Jesu. Jam veni mi Jesu, & noli tardare. Tibi dicit cor meum, Domine Jesu veni, facies mea requirit te, & vultum tuum exquirat. Audeo & aveo dulcissime Jesu recipere te, habere te, possidere te, vesci te, conjungi tibi, concorporari tibi.

### *Tædium.*

**U**squequo Domine dulcissime amor mi Jesu, tene animam meam, & non venis ad eam, ecce jam tædet ipsam vitæ suæ. Domine descende, festina, veni, priusquam moriatur vita mea in me, & antequam extinguatur lucerna spiritus mei. Odiosa est mihi omnis quies sine te, omnis dulcedo amara, omnis consolatio insulsa, longa est mihi omnis mora, aut tolle me, aut veni ad me. Ubi est expectatio mea, ubi est Dominus meus, ubi est qui dicebat; *Ecce venio cito.* O Domine! quousque modicum, modicum expectata, quousque istud? Expecto ecce modicum jamque transit, & tu non compares. Ades Domine, ades, desidero te millies, moriar sine te, veni, ostende mihi faciem tuam. Ades mi Jesu, ades ocyus, & tædium cordis mei præsentia tuâ releva, nolo Angelos, nolo quidquam tuum, te volo, tu veni.

### *Fames.*

**C**aligant ecce oculi mei præ inedia dulcissime Amor Jesu, & non est tibi cura, fames oppressit animam,

& non venis! ô ubi es qui dicebas! *Caro mea verè est cibus, sanguis meus verè est potus.* Quomodo verò est quando non est, aut si est, cur & non mihi? Fameſco & non cibas me, ſitio & non inebrias me. Ecce ostenduntur mihi cibi, ſed quia non tu, non verè cibi. Nolo illos, tuum cibum, te cibum volo, aruerunt fauces, ſubſtantia mea redacta eſt in nihilum, & tu ô cibus meus non venis, das eſcam omni carni in tempore opportuno, ego autem cur hic fame pereor? Nunquid ſanguinem taurorum, aut hircorum bibam? Aut ſi eſuriero, cui dicam, ſi non tibi, cujus eſt orbis terræ? O Deus! qui paſcis me à juventute mea, da mihi panem hunc vitæ ſuperſubſtantialem quotidianum, ut mortem non guſtem in æternum.

*Invitatio Chriſti.*

O Sancti Dei omnes, ô S. Angeli, ô diviniſſima Mater Maria, nunc ſaltem aſteſte, & operam mihi veſtram non denegate? Abite ad ſanctiſſimum hoc Sacramentum, & Dominum veſtrum, Amorem meum, qua ſcitis, & ſoletis reverentia, pro me adorete, & ad cordis mei habitaculum invitate. Adoro te, dulciſſime Jeſu, adorationibus Sanctorum, & adorationibus ſanctorum Angelorum, & adorationibus beatiffimæ tuæ Matris, & eas in æternum continuo. Invito te ad cordis mei domunculum, tibi deſideratam, apertam, & pro paupertate mea paratam, veni igitur ô ſanctiſſimum Sacramentum, veni amor mi Jeſu, venite merita, gratiæ, dona, gloria, beatitudo. Veni amor mi Jeſu ad ſervum tuum, ad domum tuam. En cor meum area eſt, materia eſt, tu architectus es, omnipotens es verbum, omnia creans es. Vis palatium, vis mundiſſimum, viſ te dignum, ædifica illud & erit. Veni mi Jeſu,



#### 414 *DIURNALE SACERDOTUM.*

fu, veni millies, veni, fuge Dilecte mi, Formose mi, veni unice mi, columbule mi veni, veni similis capreae hinnu-  
loque cervorum. Veni saliens in montibus, transiliens  
colles, veni ascensor cœlorum, ascensor Cherubinatorum,  
qui ambulas super ventorum pennas, veni, en te deside-  
ro, veni, te concupisco, veni, tui amore langueo, veni mi  
Jesu, veni & desiderium meum imple, implendo auge, ut  
plus te appetat, te habeat, te habere in æternum gaudcat.

#### *Communio.*

**A** Præparatione ad ipsum tandem actum commu-  
nicandi veniendum est. Quæres; quos jam anima  
exercebit actus? Optandum esset, illo in momento ani-  
mam non exercere, sed esse actum. Quod si non potest.  
Exerceat igitur plurimos, si neque id, nullum exerceat,  
sed tantummodo attendat quid agat. Si vero præterea  
agere aliquid volet, actus ejus Thymiaa erit, actus sci-  
licet actuosissimus ex multis conflat, Humilitate, desi-  
derio, fide, æstimatione Dei, meritis Christi & Sancto-  
rum hoc modo.

#### *Thymiaa.*

**D**eus magne, dulcissime Amor mi Jesu, credo te hic  
existere: Valde cupio te hic recipere, amo te amo-  
re maximo, & super omnia. Te æstimo, non sum dignus  
ut ad me venias, sed si tu prius me vestias, satis sum di-  
gnus, jam venias, credo, amo, æstimo, adoro, recipio.

#### § II.

#### *Gratiarum actio post Communionem.*

**S**i quando se urbaniores, civilioresque anima ex-  
hibere Deo & Jesu Christo debet, certè post san-  
ctissimæ Eucharistiæ sumptionem. Item, si unquam  
omnia affectuum & confidentiarum suarum ad Deum  
genera potest exercere, certe post sacram Communionem

nem. Non enim tam prope sunt Angeli Deo, nec Deus tam illis propinquus, atque est Communicans & communicanti Deus. In tanta igitur & propinquitate Dei & sui, quid non faciat anima? Quid non audeat, speret, præsumat, ubi illi Deus quodammodo est incorporatus. Ubi sanctissima Trinitas, quidquid in cælo, hoc etiam in illo operatur, non solum quod extra, sed ad intra etiam, non solum tunc Christus in anima residens Angelos beat, & sanctas non solum animas creat, non solum omnia conservat, gubernat; Sed etiam tunc Pater in anima, & Filium generat, Pater & Filius Spiritum S. spirant, ita ut anima eo tempore, quo adhuc Sacramentum in ea durat, sit Divinitatis arca, sit vivum conclave, & rationale cubiculum ipsius sanctissimæ Trinitatis, conscium omnium abditissimorum secretorum illius, ut sunt, generare Filium & nasci, Spiritum S. spirare & procedere. Ergo anima post Communionem, mirum est si tibi præsens es; Si aliquid aliud cogitare non solum audeas, sed etiam possis. Mirum inquam, quod non vel tota abripiatur à se, vel tota transformetur in Deum, tota in affectus abeat excessivos. Et felices animæ illæ, quæ aliquid tale vel faciunt, vel patiuntur. Ergo talis non sum, quia peccator & indignus sum. Tu tamen piissime Jesu, etiam næ talibus donis cunulare potes, si vis, quia in oculis tuis facile est ditare pauperem. Fias, fiat.

### *Innominata.*

**P**Rimus igitur post Communionem tuam affectus, ô homo! erit innominabilis, quo scilicet statim, atque hostiam concluderis, ibit anima in quandam velut extasim, & absorbebitur, vel ad unicum momentum in Divinitatis abyssu, non secus ut guttula aquæ absorberetur in

toto oceano, & ibi per hoc totum momentum in luce Dei, te Deo recipientem recipe, conferens utrumque sicut in se est, apprehendas.

### *Adoratio.*

**A**Gnosco te ô divinissimum Sacramentum in pe-  
ctoris mei sacrario, inibique te tota cordis mei  
preparatione adoro, ac glorifico. Adoro te corpus &  
sanguis dulcissimi Amoris mei Jesu Christi. O admi-  
rabile mysterium, ô timendum Sacramentum, ô ad-  
orande & Divinis tantummodo amoribus sat digne  
redamande Amoris meus, in assumo omnium creatura-  
rum etiam possibilem adorationes, & amorosos affe-  
ctus, omnesque illos ante te Amoris meus Jesu plena  
hilaritate effundo, eosque omnes tibi impendo, & af-  
fectum hunc in omne momentum, & æternitatem  
continuari cupio, ac quantum possum, continuo.

### *Salutatio.*

**S**aluto te ô augustissimum Sacramentum. Ave dul-  
cissime & gratissime Jesu, desideratissime, & expe-  
ctatissime, dignissime & honorabilissime Hospes, amor-  
que mi Jesu, ô quam te libenter in hac paupercula do-  
mo mea degentem video. O quam cupio digne tra-  
ctare, & digne salutare te. Saluto te omnibus saluta-  
tionibus omnium omnino creaturarum, illâ quâ te  
sanctissima Mater tua solita fuit in hac vita salutare,  
quâ te omnes Sancti tui, quam primum in cælum ve-  
niunt, & deinceps salutare, solent illâ, quâ Patrem tuum  
cœlestem, & qua te Pater tuus cœlestis, unaque omnes  
Angeli & Sancti, ad cælum in ascensione tua gloriosa  
venientem, salutarunt.

*Tracta*

*Tractatio.*

**Q**uibus te ô amorosissimum Sacramentum excipiam & tractabo modis? Quomodo te dulcissime Amor mi Jesu recipiam, quod apponam convivium? Quo vina propinabo? Quos triumphos, quæ spectacula exhibebo? Non est in me quidquam mi Jesu ad ista omnia sufficiens plenius temetipso. Itaque mi Jesu: Te ipsum te ipso tracto, tu tibi ipse convivium, tu recreatio, tu tripudium, tu triumphus, tu spectaculum, tu beatitudo, tu omnia tibi esto. Quod si quid à me etiam peculiariter vis; Affectum cordis mei, omnimodè tibi trado, & amplius nihil aliud, quam ad te solum, idque summe & adeo extremè afficiatur.

*Quies.*

**Q**uietisce in me ô piissimum Sacramentum. Ego sim sedes pacis & requietionis tuæ. Ecce abstraho meas cogitationes, voluntates, phantasias, potentias, ab omnibus aliis quantum possum. Omnes inquietudines tibi non placentes sileant mihi. Sufficiat mihi Amor mi dulcissime Jesu, quod te habeam, quod te in Sacramento susceperim. Nihil in hac vita melius desidero, sed te unico summo Bono meo, amoreque contentus sum. Exuo affectum omnem ad omnia, & ad te unum, tanquam centrum, tanquam ad naturalem locum meum, toto impetu tendo, festino, ruo. O quis det ut & tu Amor mi Jesu, in me & apud me quiescere, & cubare digneris, quam diutissime, quam suavissime.

*Benedictio.*

**M**illies & infinities sit benedictum ô benedictum Sacramentum! Benedictus sis infinities Jesu dulcissime Amor meus, benedicta sit caro tua, sanguis tuus,



418 *DIURNALE SACERDOTUM.*

tuus, anima tua, Divinitas tua, quod venire dignatus es ad me. Benedicta sint omnia membra corporis tui, omnes guttulæ sanguinis tui, omnes potentia, vires, gratia, dona, meritaque animæ tuæ. Benedicta sit unio Hypostatica. Benedicta sit sacratissima Divinitas, & omnes Divinitatis personæ, quæ cum carne & sanguine concomitanter ad me venire hodie dignatæ sunt. Benedictio tibi sit dulcis Amor, Christe Jesu, omnium creaturarum, visibillum & invisibillum. Sit super te benedictio Patris æterni, benedictio Verbi, benedictio Spiritus Sancti.

*Postulatio prima.*

**B**enedic tu quoque dulcissime Amor, mi Jesu, toti corpori, animæ, sanguini, visceribus, vitæ, membris, in quibus es receptus, & hodie moraris. Benedic linguæ meæ, palatui, labiis, pectori, visceribus. Benedic illi horæ, momento, quo ad me venisti. Benedic illi tempori quo apud me moratus es sacramentaliter. Benedic omnibus cogitationibus, conciliis, operibus, sermonibus, officiis, muneribus, motibus meis. Benedic toti mihi, & quantus quantus sum, amore sancto tuo perfecto, & in te ipso appetiatio, me adimple.

*Postulatio secunda.*

**O** Pater! per amorem corporis & sanguinis tui Filii, ô Fili! per amorem corporis & sanguinis proprii. OS. Spiritus! per amorem corporis & sanguinis abs te in visceribus sacratissimæ Virginis Mariæ Matris efformati, date mihi & toti mundo, potissimum autem amicis meis, amorem vestrum perfectum. Indulgere veniam peccatoribus, lucem æternam, ostendite animabus purgato-

gatorii: Inimicis meis privatis & communibus benefa-  
cite. Date gratiam parentibus & consanguineis meis,  
date vestricognitionem infidelibus, date salutem omni-  
bus, subvenite mihi in omnibus operibus meis, necessi-  
tatibus, tribulationibus, ut vobis in tota creaturarum  
vestrarum universitate perfecte serviam, id millies &  
æternaliter peto, per sanguinem & corpus Jesu Christi.

*Postulatio tertia.*

**N**unc ðæterne Pater aspice, Redemptor mi Fili  
Dei nunc me respice. O S. Spiritus quia alias vobis  
abominabilis, merito meo sum. Nunc igitur me respici-  
te corpore sanctissimo Christi pactum, sanguine pota-  
tum, aqua lotum, meritis vestitum, gratiis ornatum, Di-  
vinitati circumdatum, ut propter hunc tam pretiosum  
ornatum, placere vobis commercer. Beate me mu-  
neribus vestris, & gratiis sanctis, ut non sim penitus  
indignus, tantis quibus nunc integror ornamentis.  
O nunc mihi amorem, nunc spem, nunc fidem, obedi-  
entiam, humilitatem, castitatem, Spiritum orationis, pru-  
dentiam, modestiam, discretionem, efficaciam, in agen-  
do fervorem, perseverantiam, omnesque virtutes clar-  
giamini, his enim omnibus, & his similibus opus habeo,  
ut hoc augustissimum Sacramentum in me continere, &  
vobis digne servire possim.

*Confessio miserie.*

**P**rosteor sanctiss. Jesu, me omni bono, maxime vero  
meo, quo me tibi gratum reddere possem spoliatum,  
ac destitutum esse, ac me omni virtute & devotionis Spi-  
ritu, omni constantia, & firmitate carere. Sed ad te  
benignissimum amorem meum confugio, ut per te ob-  
tineam vestem Salutis, omni placita tibi, utili mihi  
virtu-

virtute contextum. Enego filius prodigus, sed tamen tuus; nudus & spoliatus omni indumento sanctitatis, coram te asisto. Noli quæso Pateramantissime aspectu tuo nuditatem meam confundere, sed indue me veste digna oculis tuis Domine, qua indutus tibi placeam. Revera enim Domine mi Jesu, in ignominiam tuam redundat te tam locupletum Patrem, tam lacrum tamen Filium tuum habere. Vestis bestias, volucres, pisces, campos, parata, omnia, me quo vestias, non habebis? Ego quidem, si mihi vestis eligendæ potestatem facias, non alia veste, quam tua, nec aliis insignibus quam tuis. Cruce scilicet & afflictione, patientia ac humilitate indui volo, imò vero, non aliam mihi cupiam obtingere, quam te Deum meum Jesum Christum crucifixum, ut sic impleam illud Apostoli: Induimini Dominum Jesum crucifixum.

### *Continuatio Actuum præteritorum.*

**C**Upio dulcissime Jesu, prædictos omnes actus, à me iterum, iterumque fieri, in æternumque repeti, & durare, cum omni efficacia, & conatu, non solum quo facti sunt, sed quo fieri possunt, ut tibi Domino meo æternaliter placere, & amore tuo ardere, imò & in amorem tuum converti, omnesque convertere possim.

### *Complexio Christi.*

**N**On sum, ô mirissimum Sacramentum dignus, digne complecti, comprehendere, attingere te, sed tamen cupio complecti, & ut id faciam digne, opto mihi manus purissimas Sanctorum, ac Beatorum omnium, opto Angelicas, opto Matris Virginis, opto ipsummet amoris mei dulciss. Jesu, quibus te ô tremendum mysterium complectar, constringam, contineam,

gesti  
gelo  
corp  
ctar.  
Jesu!

IN  
Ide  
mon  
si qu  
Scio e  
scio p  
tatis u  
dextr  
mis v  
nis tu  
undec  
rum e  
ego to  
levissi  
vinco  
rum  
quam  
me ho  
tor me  
me? C  
inimic  
Deus  
dit, &  
ctans.  
versus  
Hoc

gesti-

gestitem, contrectem. O quis mihi dabit linguam Angelorum, quis Seraphicam, ut te, ô Jesu mi! tuumque corpus ac sanguinem, digne contrectem ac complectar. O si te habeo prout desidero, ô mi Amor, mi Jesu! quis mihi nocere, quis quid mali inferre poterit.

*Audacia.*

IN præsentia tua ô sanctissimum Sacramentum, grande & magnum, provoco omnes mundi, carnis, Dæmonis, peccati, inferni, & cujuslibet mali technas, vires, ut si quid possunt, te præsentem, & pro me stantem, audeant; Scio enim nihil esse vires eorum & fraudes contra me, scio potentiorum esse animum, cum tenuissimo voluntatis unguiculo, omnibus eorum quantumvis fortibus dextris, robustis brachiis, validis lacertis, exercitissimis viribus, proinde; In præsentia corporis & sanguinis tui mi Jesu, securus, totus & munitus sum, totus undequaque. Quod si id quod modo locutus sum, verum est, & est utique verissimum. Unde igitur est quod ego toties communicans, tam facile, tam turpiter, à levissimo quovis hoste, & vix hostis nomine digno, vincor & prosterior? Cur potentior est vanissimum terculamentorum dextera ad terrendum me, quam tua Omnipotentia ad confortandum me? Possunt me hostes mei tribulare & impetere. Tu autem amator meus, non potes consolari, crueri, & protegere me? O Domine, erue me de manu hominis mali, & inimici mei nequam, ne forte aliquando dicat: Ubi est Deus tuus, quem in Sacramento toties recipere te credit, & gloriaris? Ne dicat: Os illud blasphemiam ruans, semper est ibi Deus ejus, & tamen prævalui adversus eum, etiam Deo suo esset confusus & munitus. Hoc utique Domine, in gloriam non esset tuam, tu



autem gloriam tuam amas valde, quia gloria tibi soli & nulli alteri debetur.

### *Ratio Conscientiæ.*

**A**Deste omnes sensus mei, vires, potentiæ, partes, Occupationes, officia. Dominum Deum vestrum & meum amorem, vestrum & meum Jesum, nunc in sanctissimo Sacramento, mihi præsentem agnoscite, & adorare. Oportet enim me rationem vestri Domino meo reddere. Quomodo vobis usus sum usque huc. Ideo enim Majestas illius ad meam venit vilitatem, ut videret ordinem domus istius, utque ponat rationem cum servo suo. Ades igitur intellectus, memoria, imaginatio, oculi, aures, lingua, dicta, facta, cogitata, commissa & omissa. Quomodo orationes quotidianæ, exercitiaque peracta, quomodo lectio spiritalis? Quoties revocata in diem ad sese, Deumque suum mens? Quoties particulare neglectum examen (de quo habes in bona die à me edita,) quoties in hoc vel illud peccatum &c. quænam sit emendatio, vel depravatio secuta, post præteritam Communionem &c. Hic singularem reddes rationem, velut iudici, velut Domino, velut Patri, Magistro, Superiori.

### *Attentio.*

**A**Udiam quid loquatur in me Dominus meus, loquetur enim pacem in plebem suam, loquetur ea quæ sunt correctionis & salutis. Ascende igitur dulcissime Jesu, Magister mi, cathedram cordis mei, & loquere quid me velis facere.

Ecce enim audit servus tuus, & conservare ac ea conferre vult omnia verba tua in corde suo, diligenter & exacte. Hic igitur audiat anima loquentem sibi Christum,

stum, & quid illi interius dixerit, vel cavenda, vel corrigenda, vel facienda, annotet memoriæ causa, ad eaque singulis in exercitationibus se referet. Et si Christo Domino interius loqui non placuerit, ad libellum Thomæ de Kempis recurre, & inibi vox Christi audienda, & voluntas erit cognoscenda.

*Proposium.*

Ecce dulcissimum & amerosissimum Sacramentum quod hodie recepi, proposui, & statui in tua præsentia, & hac vice statuo custodire iudicia tua. Volo exacte statim adimplere voluntatem tuam sanctam, dulcissime Amor mi Jesu, qui me voluntatem tuam scire, & facere vis, dato etiam posse. Adjuva me gratiæ tuæ efficacia auxilio, ut non sum sciens & non implens voluntatem tuam, sed potius; Ut nullum etiam minimum mandatum tuum, ne jota, neque apicem unum solvam, aut præteream. Verum cuncta quæ tibi placita sunt, plenissime & ferventissime & constantissime usque ad mortem impleam.

§. III.

*Præparatio ad Communionem maxime pro illis qui non quotidie communicant aut celebrant.*

Constituatur sibi homo aliquot dies ante Communionem, in quibus sanctissimis considerationibus operam det ad minimum saltem, tribus diebus. Unum diem Deo Patri; Secundum diem Deo Filio; Tertium diem Spiritui S. & beatæ V. ut ita disponant cor tuum ad suspiciendum corpus Christi Domini, sicut ipsi desiderant. Et his diebus, quantum possibile est, abstinere ab omni peccato, etiam minimo veniali, quantum fieri potest, etiam ab occasionibus eorum, ut est; Risus immoderatus, lusus &c.

Pridie vero vesperi, laudabile est non cœnare, aut minimum moderatam & sobriam cœnam sumere, nec post illam fabulis vacare, vel hominum congregationibus interesse, ut quietus sis, & purus, ut expeditior sis ad bonam noctis illius partem, in istis exercitiis impendendam, quæ magis magisque animum præparant in diem subsequenter. Quando decumbis ante somnum, in bonis cogitationibus & imaginationibus persevera, Deum rogans : ut ista nocte liberet te ab omnibus phantasiis & illusionibus Satanae, ut majori cum puritate corporis & animæ, postridie mensam Dominicam adire possis. Sed & quotiescunque expergiseris, mox ad eandem cogitationem & orationem recurre. Mane vix adhuc oculis apertis, puta te in brachiis Christi crucifixi jacere, & memoria Dominicæ passionis te occupa, in quo toto isto die præcipuum studium pones, considerans immensum & ineffabilem amorem, quo Filius Dei sese pro nobis in ara crucis obtulit, & dorsum suum percutientibus dedit, pro furtis nostris flagellandum, charitatem quoque, qua motus sese nobis in hac mensa propinat, in remedium omnium defectuum nostrorum.

## CAPIT. XVII.

*Modus distribuendi sacram Communionem.*

**D**um dicis ; Misereatur &c. Indulgentiam &c. pete corde à Christo Domino, ut nullus de manu tua corpus ejus sacrilegè sumat.

Dicens : Ecce Agnus Dei. Desidera notitiam & amorem Christi per totum mundum.

Dicens ter. Domine non sum dignus &c. Cogita, te indigniorem esse omnibus Communicaturis in tractando corpore Christi, & projice te infra pedes Judæ, in ipso inferni centro.

Semel

Semel pro semper. Applica omnem intentionis dimensionem respectu horum verborum, quotiescunque proferendorum: Corpus Domini nostri Jesu Christi.

Non dimitte oculos à Venerabili, dum illud porrigis, ex motivo videndi Christum in cælo.

Hæc verba: Corpus Domini nostri Jesu Christi &c. pronuntia in actuali Fide, Spe & Charitate. Ita, ut dum profers: Corpus Domini &c. hanc habeas cogitationem. Quod credo, dum profers: Jesu Christi; Hanc habeas cogitationem.

Quem Amo. Dum profers: Custodiat animam tuam, in vitam æternam, Amen; Hanc habeas cogitationem, quam spero.

## CAPUT XVIII.

### *Auditio Missæ.*

SANCTISSIMO Missæ Sacrificio assistens, attentè cum-primis dignitatem tantæ oblationis considera. Omnia enim quæcunque Christus Dominus tuus, verus Deus & Homo, ex eo instanti quo conceptus est in utero Virginali, ad illud punctum quo Spiritum in cruce paternis manibus commendavit, sive interiora illa, sive exteriora fuerint, nullo temporis momento, ab operatione Deo placita vacans, operatus est, & omnia prorsus, quæ ex gestis per tres supra triginta annos oriebantur merita & præmia, non ficta aliqua, ut in fabulis persona, sed ipse ille, qui olim actor fuit in Hostiam Divinæ acceptabilem Majestati offeret, hac fere pro te miserrimo supplicans ratione. En quidquid sum, quidquid gessi, sicut tuæ Divinæ benignitatis partus est, ita tuæ gloriæ volo dedicatum esse. Si gratiam ullam putas referendam, ego beneficio tuo satis abundo. Sunt mihi egentes ac mendici fratres, in eos si quæ mihi debeantur merita, precor, ut conferas illis omnia mea



dona, illos meo loco constituo, tibi que recomendo. Hoc igitur diligenter considerato. Ardenter concupisce divinissimam Trinitatem, per hujusce Sacrificii condignam tua ex parte præsentationem, quam maxima, gloria, honore, & delectatione quasi afficere. Delectatione quidem; Quia dubium non est, quia Deus optime perspectas habens elevatissimas Jesu Christi virtutes, quantum in reliqua vita, tum præcipue in supremo illo actu, immanissimos inter cruciatibus ostendit, longe majorem ex iis, ut nos loquimur, jucunditatem, quam ex Judæorum, sceleratorumque impietate, modestiam hauserit. Quare sicut Principes repeti volunt historias, quas aliquando cum voluptate spectant, ita Deo placet jucundissimum illud Domini nostri Sacrificium sæpe repræsentare. Gloriâ verò; Quia hoc maxime modo Salvator noster significavit, se omnia referre accepta Deo, sicut sciebat olim Sacrificia, ut ea homines, bonorum omnium Authorem Deum esse, grati testarentur. Quare majus est, & Domino Deo honorabilius, unicam ejus Majestatis Missam offerre, quam infinitos mundos, cum infinitis divitiis, vel nescio quid, Deo inferiora illi devolvere. Potes etiam considerare, summum Sacerdotem tuum Christum Jesum, in hoc sacratissimo Sacrificio, honestissimos renovare triumphos, quos ex hostibus suis victor retulit. In tabulis alii, vel in parietibus suos appingunt, ut quoniam triumphare semper non possunt, frequenter reportati honoris recordatione præsentem delectentur. At Christus, qui potuit quæcunque voluit, & qui honor æternus ideo debetur, quod cum retulerit victoriam, cujus fructus est æternus, viam quoque excogitavit, quæ perpetuum ageret triumphum.

Dum verò ad tremendum hocce Sacrificium accedes,  
existi-

existima te ad funestum Calvariae spectaculum, una cum Virgine sanctissima, S. Joanne Evangelista, aliisque sanctis mulieribus ire, anhelus desiderans, ut vel minima salvifici roris guttula, in tuorum emundationem peccatorum applicetur. Tum recogitans, hoc unicum Sacrificium esse, quo & pro peccatis admissis satisfacere, & pro beneficiis divinitus pauperulae unicae tuae collatis, grates condignas referre, & ampliores coelestis gratiae divitias impetrare potes, tua indignitate atque imbecillitate in memoriam revocata, pete humiliter gratiam, ad dignè versandū in negotio tantae dignitatis ac Majestatis.

Inter audiendum Missae sacrificium, servanda in primis erit decentia interior & exterior. Interior quidem, ut anima, illiusque vires, liberae sint ab omni labe, & ab alia quavis cura sevocatae, in hac una occupentur, hoc unum quid ages agas. Exterior, ut totum corpus decenter habeatur, sicut habendum convenit in conspectu praesentis Altissimi, te non divinis solum, sed humanis etiam oculis, tanquam aulicum assistentem considerantis.

In ipsa Missae celebratione. Has considerationes ruminabis. Ab initio ad oblationem, desideriorum antiquorum Patrum recordaberis, & ipsum Dominum nostrum, paulo post verè affuturum, humiliter praestolaberis, attentè interim ea quae recitantur, auscultando, ut fructus aliquis ex ipsis excerpatur, & Spiritui S. aditus pateat, si dignetur per vocem Sacerdotis ad nos accedere.

Ab oblatione usque ad consecrationem exclusivè, preces conjunctae Christi Domini meritis & cruciati- bus, simul cum Sacerdote Deo erunt fundendae, & quasi libelli supplices, pro nostris & proximorum variis necessitatibus offerendi.

Revocanda etiam erit in memoriam Passio Domini nostri JESU Christi, (juxta illud, 1. Cor. II.

## 428 DIURNALE SACERDOTUM.

*Quotiescunque manducabitis panem hunc &c.*) eum intuendo, tanquam præsentem cruci affixum. Singulis vulneribus, quæ se in eo offerunt, singula postulata hac ratione accommodando. Inprimis in suo sanctissimo sanguine, propria anima offeratur abluenda, & iis ornanda virtutibus, quibus ipsi placere valeat. Secundo; In intuitione capitis spinis compuncti. Principes ac cæteri rerum tum humanarum tum Divinarum moderatores ei commendentur, & pro dolore quem ipsi spinarum aculei infixerunt, liberet eos ab avaritiæ, & ambitionis aculeis, eosdemque confirmet ad constanter ferendam curarum acerbitem, quam administratio sedula adfert. Tertio; In intuitione dextræ manus, commendentur consanguinei, affines, amici, bene meriti, ut suis donis cumulet ipsos, ac compenset ea ratione, quam noverit optimam. Quarto; In consideratione manus sinistræ, commendentur ii, qui nos odio & quacunque ratione insectantur, ut eis bona rependere dignetur. Quinto; In consideratione dexteri pedis, commendentur illi iusti, ut ipsis constantiam ac perseverantiam impartiat. Sexto; In intuitionem sinistri pedis, oretur pro iis qui jacent in peccato lethali, ut eos ad dexteram velit transferre. Septimo; In inspectione lateris aperti, commendetur sancta Ecclesia, ut Spiritum suum Sanctum, & sanctitatem ei largiatur. Octavo; In consideratione crucis, commendentur viri religiosi, ut in perfecta sui victoria ipsum Deum sequi valeant. Nono; In consideratione blasphemiarum & irrisionum, quibus appetitus est in cruce pendens, oretur pro hæreticis, ut ad veritatem conversi, desinant ipsum blasphemare. Decimo; In consideratione sitis quam perpeffus est pendens item in cruce, commendentur ii, qui nostras preces expetunt, ut ne voto fraudentur, quicunque item calamitate aliqua premuntur, ut omnibus præsto sit suo auxilio. Tem-

Tempore consecrationis exercendo actum Fidei cum omnibus custodibus Angelis hominum, tum in Templo præsentium, cæterisque omnibus Cœlitibus sacratissimum corpus Servatoris tui tot vulneribus pictum, coctumque, ut mellius tibi panis fieret, supplex adorabis, desiderando tanto illud affectu & demissione venerari, & in æternum venerabitur. Id enim in Altari & ad dexteram Patris est, atque adeo honore colendus.

Deinde cum sacra attollitur Hostia, renovatâ olim sublevatâ crucis memoriâ, per manus Virginis Matris Sanctorumque omnium offeres Sacrificium, acceptabile, Christum Dominum, verum de Deo Deum, simul temetipsum in holocaustum perfectum, quod Deus suo cœlesti igne absumere dignetur. Rogabis vero affectuosissime, ut non te putidum propter scelera, in quibus putuisti, canem, sed faciem unigeniti Filii sui, & caput charissimum, nivêâ cervice deflexa, pretiosissimâ resolutionem in mortem, aspicere æternus Pater dignetur, & propter dilectâ sobolis, sic tui causâ attritâ humanitatem, miserere dignetur, super ulcerosi plasmatâ infirmitatem. Nec verò tu miser peccator, in hoc placabili negotio pietatis lucidiores super Solem oculos Divinæ offendas pietatis, humiliter supplicabis, ut oculus Domini Sabaoth, qui puritas & veritas est, quidquid in te videt, non nisi per hæc amorosas quas repræsentas, manuum, pedum, ac lateris rimas videat, quas cœlestis optice ingeniosus Magister Amor, velut tubos, per quos ab alto Dominus peccatores contueatur, miro artificio tornavit. Potes etiam elicere actum conformationis voluntatis cum Divina sic: Domine sicut vis & ego volo, quod recte statui non revoco, sed tibi offero.

Cum verò sacer calix elevatur, ad pedes Sacerdotis prono affectu accumbes, supplicans: Ut salutaris in tuam animam gutta delabens, te cæcum per scelera,



ut cordis Dominici Transfixorum Longinum illuminet, & contra rectores tenebrarum harum corroboret.

Post elevationem recordaberis fidelium Defunctorum, hoc etiam sanctissimo Sacrificio, proque eis oblato, & usque ad tempus Communionis, cum omni cœlesti præsentem exercitu, præsentem Dominum, qua poteris ratione adorabis. Tempore Communionis spiritualiter communicabis.

A Comunione usque ad finem, Gratias Deo cum Sacerdote ages, & infinita Christi merita pro innumerabilibus beneficiis, quibus quotidie cumulamur, offeres.

## CAPUT XIX.

### Concio.

CUM Sacerdotis vel maximè Parochi sit, non solum exemplo, sed & verbo docere plebem, multum interest, ut fructuosè loquatur ad populum, at non nostrarum virium est emollire dura corda peccatorum, hoc opus solius dexteræ Excelsi, qui tamen non deest se invocantibus, & ad hoc se præparantibus. Infallibile enim; *Petite, & accipietis.* Petamus & nos, & accipiemus: Sunt aliqui, qui in quolibet Sacro, in Elevatione, à Patre luminum per Jesum incarnatum, & sub speciebus latentem, donum cum fructu concionandi petunt, & assecuti sunt. Alii in quolibet Missæ sacrificio, sub tempus Communionis, tenentes in ore corpus Christi, petunt ab illo, ut benedicat linguam eorum, detque efficaciam, penetrandique vim ad corda hominum. Alii quolibet Sacro, ante Evangelium, dicentes: Munda cor meum, rogant donum concionandi. Alii ex latere amorosissimi vulneris Jesu, sugunt Concionatoris Spiritus, & concionis quam habituri sunt eventum. Alii

alios

alios habent modos comparandi sibi à Deo donum concionandi, quos vide in Liturgia P. Młodzianowski. Interim, unicuique gratiæ Divinæ cooperandum, legendo, meditando. Non enim puto fructuosiores posse dici concionem, quam quæ ex meditatione originem habet. Si meditando puncta concionis, te ipsum primò commoveris, facile sic & alium commovebis. Primarium interim habeat concio tua scopum, quo cum illa tendere v.g. quod vitium eradicare, aut quam virtutem plantare velis.

Ascensurus umbonem, præmissa ipsius Ecclesiæ oratione; Munda cor meum &c. Jube Domine benedicere &c. Actiones nostras quæsumus Domine &c. Veni Sancte Spiritus. Adde: ô dulcissima Virgo, dignare offerre merita tua, merita dilectissimi Filii tui, merita omnium Sanctorum, dilectissimo Filio tuo ut offerat amantissimo Patri suo, pro me misero peccatore, ut concedat mihi gratiam efficaciter concionandi cum fructu; In hunc finem tu quoque dulcissima Mater, stilla guttulam lactis tui, super linguam meam, ut in Spiritu lenitatis, & veritatis, proferat Verbum Dei. O Jesu desideratissime, dignare offerre merita tua, merita beatissimæ Matris tuæ, & omnium Sanctorum tuorum, dilectissimo Patri tuo, ut concedat &c. O Pater amantissime, suscipe merita dilectissimi Filii tui, beatissimæ Matris &c. &c. Potes etiam invitare Angelum custodem, tam tuum quam auditorum tuorum, ut te adjuvent. Habeas quoque Patronos concionis tuæ dicendæ, qui esse possunt; S. Franciscus Xavierius, & S. Antonius de Padua, quos sic invita; O SS. Patroni concionis meæ dicendæ, vobis illam trado dignemini per me inutile instrumentum, hanc concionem dicere cum illo zelo & fervore, quo vos aliquando concionati estis, & hoc

qu

quidem fiat ad maiorem Dei gloriam & salutem ac lucrum animarum vestrique honorem.

Ab initio concionis dic, Pater & ave, credo. In concione, cave ne quem de vitio nomines, est enim contra fraternam charitatem, & Spiritum lenitatis, qui debet esse in Sacerdote, nisi aliud exigat necessitas.

Finita concione. Cum plurimi sint Auditorum tuorum, vel maxime simplices, qui nihil præter orationem Dominicam sciant. Elice cum illis actus sequentes, ut illos pedetentim addiscant, & elicere possint, utpote;

Fidei. Credo Domine, te Deum meum esse, Trinum in personis, & Unum in substantia. Credo, quod Iesus Christus sit verus Filius Dei, qui pro nobis descendit de cælo, conceptus, natus, passus, crucifixus, & mortuus est. Qui etiam venturus est, iudicare vivos & mortuos, Bonos adscribet cælo, Malos addicabit inferno. Credo, quod Deus misericors, in sua sancta Ecclesia Catholica, constituit septem Sacramenta, seu septem signa visibilia, per quæ gratiam suam præstat hominibus; Nimirum, Baptisimum, confirmationem, &c. Credo omnia quæcunque credenda proponit sancta Mater Ecclesia Romana, quia à te ô infinita & essentialis Veritas revelata sunt. In hac & pro hac sanctissima fide & Ecclesia Romano-Catholica vivere volo & mori.

Spei. Spero in te Deo meo, quia non rejicies me à te, quem sanguine tuo redemisti, sed potius spero adoptionem in gratiam tuam, ô salutare mi! ô Jesu mi.

Amoris. Amo te, Deum meum, supra omnia ex toto corde meo &c. quia summum & infinitum Bonum es. Ex amore tui, condono omnibus inimicis meis, ut & mihi miserrimo peccatori condones omnia peccata mea, quæ contra tuam Bonitatem commisi. Ex amore tui doleo ex toto corde meo, de omnibus pecca-

peccatis meis, purè propter te. Quapropter dico; Confiteor &c. Post confiteor seu confessionem generalem elice actus oblationis, ex revelationibus haustos. O Pater æterne, offero tibi sanguinem dilectissimi Filii tui pro peccatis meis, & peccatis totius mundi. O Jesu dulcissime! offero tibi cor purissimum, delicatissimum, Virgineum beatissimæ Virginis Matris tuæ. O Mater dulcissima! offero tibi amabilissimum cor dilectissimi Filii tui, pro peccatis meis vulneratum. O S. Spiritus! offero tibi cor meum, ut illud accendas, igne amoris tui, sicque in æternum te amem. Tandem, mente supra Auditores tuos dic Orationem Ecclesiæ; Respice quæsumus Domine super hanc familiam tuam, pro qua Dominus noster Jesus Christus, non dubitavit manibus tradi nocentium, & crucis subire tormentum. Qui vivis & regnas &c.

## CAPUT XX.

### *Modus baptizandi.*

**P**Ræter modum præscriptum in Agendis, potes sic meritoriè & cum singulari fructu baptizare. Si in primis contingat baptizare immediatè post Sacrum, invita Christum Dominum in te commorantem, ut nunc specialiter & personaliter per te dignetur hunc baptizare infantem, & illi conferre, non tantum gratiam sanctificantem pro nunc, ut sit in Sacramentis, sed ut præterea huic Neobaptizato conferat cum sanctificante etiam gratiam perseverantem & finalem, ut hic infans nunquam in vita perdat hanc gratiam sanctificantem susceptam. Post expletas ceremonias gratulare, & opta infanti vernaculâ linguâ, augmentum sanctitatis, ut crescat in illa, & plurimos vivat annos.



nos. Hoc multum exhilarat parentes absentes (quando rescunt) & paternos adstantes. Deinde, recedens à Baptismo. Incorpora te huic infanti, & Deum sic lauda; Domine Deus meus, incorporo me huic infanti, & nomine ipsius. Amo te super omnia omni amore superdignissime Deus, laudo & adoro ac gratias ago pro dono Baptismi. Similiter, mi super omnia amabilissime Deus, anticipa ex amore tui, nomine omnium infantum nasciturorum, usque ad finem mundi, te nunc amo, laudo, benedico, adoro, omnipossibili fervore amoris, laudis, benedictionis, adorationis, & rogo te, fac illos Sanctos & perseverantes in Sanctitate. Hunc ultimum actum potes sapius elicere etiam quotidie, est enim magni meriti.

## CAPUT XXI.

*Prandium.*

Cum sis persona spiritualis, hic te planè spiritualement ostende, quod Deus tuus non sit venter. Itaque dum paratur mensa, dic coronulas tres, per sequentes versus, modo supra posito tempore matutino.

1. Mater Dei memento mei.

2. Jesu Fili Dei miserere mei.

3. Ne projicias me à facie tua.

Si habes usum absolvendi examen particulare (cujus modum vide in bona die à me edita) hic illud absolvere potes.

## §. I.

*Dispositio ad Prandium.*

Antequam ad prandium accedas, ut in Humilitate permanas, cogita, quid sit cibum sumere, cibum  
aut

aut potum sumere quid est ? nisi bestiam agere, bestiam pascere, belluæ servire, belluam esse. O nobile & dignum homine officium ! Post sublimes cogitationes, post tot divinas affectiones, post commercia celestia, post Angelis supparem vitam, post meditationes æternorum, subito catenis necessitatis, & violentia famis, & obligatione naturalis defectionis, detrahi ad opera gulæ & ventris, & sensus saginam facere, & bestialium saporum voluptate, animæ celestem splendorem, tanquam aureum vas, luto & stercore illinire. O beatas cibi potusque sive delicias, sive suppetias ! Præstaret porcis dare pastum quam ventri proprio, illo enim obsequio forsitan nec corpus maculam conciperet, & anima fructum haberet, hac autem servitute, & corpus inficitur, dum reficitur, & animæ. Suprema portio dum absorbetur, brutescit. Ad pastum ergo trahat te reluctantem pura necessitas. Condiat tibi cibum nauseabundus pudor, fuget te à comestione indignitas in miseriam & in sordes degenerantis Ministerii.

Præterea tam ante prandium, quam ante cœnam, dic unum Pater & ave, in honorem immaculatæ Conceptionis beatissimæ Virginis, ad obtinendam puritatem animæ & corporis.

Offer comestionem tuam Deo, in unionem comestionis Jesu Christi Filii Dei in carne, desiderando cum tali amore & gratitudine erga Deum, cibum sumere, quo ipse sumpsit.

§ II.

*Ipsum Prandium seu Refectio.*

**M**ensa accubiturus, memor Div. in te beneficentiæ & liberalitatis, propriæque omnimodæ indigentia

✠

& ingratitudinis , tanquam mendicus stans ante januam magni Patrisfamilias , demissis modeste oculis , complicatis pie manibus , mente in cœlum elevata , debita cum reverentia , attentione & devotione , absque indecora festinatione , consuetam promitte benedictionem.

Mensæ jam accumbens , continuare propone , puram præfixam ante intentionem , & circumspectè devotè , temperanter , & decenter , consueta corporis alimenta sume , memor illius D. Pauli 1. Cor. 10. *Sive manducatis, sive bibitis, omnia in Dei gloriam facite.* Et illius D. Basilii moniti in citatum Apostoli locum: in Regul: Brevior. inter 169. *Is manducat & bibit ad gloriam Dei, quando beneficiorum erga se memoriam conservat, & talem animi affectionem retinet, quæ etiam ex compositione corporis declaretur, ut non omnino securus manducet, sed ut qui habet Inspectionem Deum propositumque habet manducandi, non ut ventris mancipium propter voluptatem, sed tanquam Operarius DEI, ut in operibus firmior esse possit.*

Mensa tua non sit sine assistentia pauperis, nec pudeat te illi præcipuum & supremum cedere locum, nisi te pudeat Christum habere ad mensam, qui est in pauperibus. Ad hoc habeas Patronum certum, qui te juvet, & cujus affectu quàm optimè, humillimè trahes pauperem. Potest esse S. Gregorius Magnus, qui in hoc opere excelluit. Omni laude dignus mos in Alma Academia Cracoviensi, ubi ex certa fundatione, ad mensam communem Doctorum & Professorum, pauper primum locum ad mensam habet, ad cujus adventum omnes assurgunt, cum applausu; Pauper venit, Christus venit. Felix ille qui habet ad mensam Christum Dominum. Tu eundem habe-

habebis, si pauperem habueris, ad cuius accubitum plurimos Deo gratissimos actus elicere poteris. Utpote;

Credo tibi dulcissime Jesu, qui dixisti, quæcunque minimis sunt tibi fieri, ex hac fidei virtute, volo cibare hunc pauperem.

Spero tibi gratam fore hanc cibationem pauperis, quare eandem tibi ex virtute Spei offero.

Et ex virtute amoris hunc pauperem cibare volo, quia te amo, & pauperem propter te, & te in paupere.

Ex virtute quoque religionis, ut te honorem in paupere.

Ex virtute misericordiae, ut illius subveniam egestati.

Ex virtute obedientiae, ut obediam ordinationi sanctissimæ Matris Ecclesiæ, quæ vult ut partem aliquam proventuum meorum habeat pauper.

Ex virtute Humilitatis, volo illi primarium cedere locum, tanquam tibi Jesu Deo, Redemptori, & Amori meo.

Volo illum cibare affectu tuo, quo tu dulcissime Jesu cibasti esurientes in deserto. Affectu S. Gregorii Magni, quo ille cibavit pauperes, & in pauperibus Jesum meum. Volo illum cibare, ut me miserrimum peccatorem cibus præsentia tua dulcissimâ, in ultimo agone vitæ meæ; Et ut &c. &c. Est enim una actio meritoria, sicut arbor bona, plurimarum radicum variarum scilicet virtutum, cuius tamen potior radix sit amor Dei. Sic quoque hæc arbor, habet plurimos ramos, seu intentiones, aut fines, omnes tamen fructiferos. Cum hilaritate pauperi cibum appone, tanquam ipsi Christo Domino.

Ex eodem scypho cum ipso bibe, ex virtute Humilitatis.



tatis. Sicæcus sit pauper , cochleari tuo proprio ciba illum, affectu dulcissimæ matris, quo ipsa cibavit infan-  
tulum suum Jesum.

Colloquia vana ut procul sint à mensa tua , sit lectio sacra Authorum spiritualium & ædificantium , præcedat tamen sacra Scriptura. Ut dum corpus edendo reficis , animæ quoque suum alimentum præbeatur. Ad lectionem diligenter attendendo , selectiora nonnulla observare conando , affectusque congruos suaviter subinde interferendo , juxta mentem D. Basilii qui Reg. brev. inter 120. asserit , ad ea quæ mensa accumbentibus leguntur; *Majore multo delectatione attendendum , quàm cum quando edimus aut bibimus, atque ut appareat mentem nequaquam distrahi ad corporis voluptates; Sed majorem in modum in verbis Domini se oblectare, quod faciebat ille qui dicebat: Quam dulcia faucibus meis eloquia tua , super melori meo.* Si vero desit lectio , statim ab initio protestari potes , te in alimentis percipiendis non voluptati indulgere , sed necessitati , pro Divino beneplacito velle servire , omnesque sensualitatis cibos delicatiores expetentis illecebras , aut communiores fastidientis obmurmurationes contra voluntatem tuam esse, semperque fore, optare insuper, si Deo placeret , omni ciborum suavitate carere , aut vilissimo aliquo ferculo aut pane cibario famem sedare.

2. Pete gratiam sic corporis vires reparandi , ut mentis integritas , & angelica castitas nullum patiatur detrimentum , idque cum magna humilitate , & de propriis viribus diffidentia , quæ brevissimis spiriis possunt expediri , e. g. his ; O si tam devotè , temperatè , modestè possem corporis vires

res reficere, ô bone Jeshu, sicut tu olim in terris. Desidero id ardentè, purè ad majus tuum obsequium, & beneplacitum, & spirituale meum proximorumque emolumentum, impensius procurandum. Nosti Domine fragilitatem meam in concupiscentia gulæ reprimenda, adjuva me, & perface desiderium meum.

3. Cogita, quot sint Sancti in mundo charissimi Deo, & tamen sustentationem vix, aut non habent. Et tibi peccatori Deus misericors sustentatione sufficientissima providit, vere dignus omni amore & cultu. Et quoties te ei vicissim exhibes ingratum, donis ejus abutendo, intemperantia excedendo, tam tepide ei serviendo.

4. Quot pauperes & innocentes, te meliores, Deoque gratiores, fame sitique premantur, qui delicias reputarent communiores escas, quas tu subinde naukas.

5. Quam intolerabili fame & siti animæ Electorum Dei, nondum satis expiatorum in Purgatoriis, (pro quibus te mortificando aliquem bolum sepone) & reproborum in gehennæ flammis, excrucientur, à quibus te immeritum, tam benignè præservat, & porro præservare paratus est Deus.

6. Absque pravâ ulla attenta præconsideratione erumpe, non coactè sed liberè nunc in hos, nunc in illos pios affectus. E. G. Antequam singula fercula gustes, aut bibas, eliciendo actum gratitudinis, vel amoris, vel zeli Deo placendi. Vel masticando cibum & deglutiendo. O mi Deus; utinam sic consummar amore tui. Ah! utinam totus inutem in amorem tui. Vel bibendo; O! utinam tot millenis cordibus te amem, quod guttæ in hoc potu: Scis Domine, quia scio amorem tuum. S. Gertru-

dis comedendo quemlibet bolum in sanguine Christi intingebat.

7. Ne obliviscaris aliquos, saltem faciles, valde autem meritorios Deoque gratos intermiscere actus mortificationis, cujusmodi sunt; 1. Ex apposis semper, aut plerumque, in iis maximè, in quod immoderatus fertur appetitus, quantumvis modicum, non vilissimum, sed potius selectissimum sensualitati subtrahere, & Christo in suis minimis, pro nobis pauperi facto, relinquere; Quod abstinentiæ genus, quo occultius & purius, eo fructuosius plurimum à spiritualibus Magistris commendari solet. 2. Stricte sensus omnes custodire, maxime oculos ab omni inordinata evagatione, & linguam ab omni minimo jocofo otiosoque verbo, vultum ab omni inordinato nutu, motu, cohibere. 3. Uno devoto pede asside, vel insipidum elige cibum, præ sapido &c.

8. Sub finem, uti & sub initium mensæ, memor Divinæ in te liberalitatis, animo sursum elevato, refectionem ventris concludito, piis suspiriis mentis, auctorem omnium bonorum Deo gratias agendo, defunctis requiem, vivis maximè benefactoribus gratiam ex animo precando, alacrius deinceps Deo servire statuendo.

9. Sub lectione Martyrologii: Deum mirabilem in Sanctis suis, suspiciendo, laudando, magnificando, Sanctis tantam gratiam & gloriam congratulando, per eorum merita eos imitari desiderando, ad similem mortem & gloriæ coronam anhelando. Demum ad Deo gratias agendas, novo pietatis affectu te accingendo, quos ea quæ par est reverentia, attentione, devotione persolves viva fide, cum sicut Patrem liberalissimum præsentem agnosceado, submisse reverendo,

rendo, filiali cum fiducia ad sinum paternæ ejus providentiæ confugiendo.

Ne autem gulæ laqueos incurras, (qui quinque sunt secundum S. Gregorium 5. Moral. 27.) hæc age;

1. Consuetam refectionis horam non prævenias, nec statim in appositas escas ut musca invola, sed paulisper ad Deum suspirando, pro dono continentix & castitatis obtinendo, pro gratia ferventius; Deinceps Divinam Bonitatem erga te tam liberalem redamandi, & glorificandi impetrando pro Benefactoribus remunerandis.

2. Lautiores ac pretiosiores cibos quam necessitas aut status ferat, ne appetas. 3. Nec communes exquisitis præparatos desideras. 4. Mensuram moderatæ refectionis non excedas, tantum videlicet cibi sumendo, quantum ad vires corporis pro ratione status aut officii tibi incumbentis corroborandas satis esse deprehenderis, secundum dictamen rectæ rationis. 5. Inordinatum in quovis, quantumvis etiam vili edulio æstum, & nimiam aviditatem inhibeas, juxta illud Eccles. 27. *Noli avidus esse in omni epulatione, & non te effundes supra omnem escam, in multis enim escis erit infirmitas, & aviditas appropinquabit, usque ad choledram. Propter crapulam multi obierunt, qui autem abstinens est, adjiciet vitam.*

3. Præterea cave, ne lautiolem tractationem stomacho tuo arridentem nimium extollas, aut contraviliorem querulosè deprimas, ac de ea murmures, quorum utrumque pio Christiano, ad cœlestes epulas & delicias anhelanti, indignum est, cum & de mala ciborum præparatione conqueri vilissimorum sit servorum, & ingratorum filiorum, & de exquisitiore



442 *DIURNALE SACERDOTUM.*  
corundem lautitiâ multum loqui, gulosorum ventris  
mancipiorum.

S. UNICUS.

*De Benefactoribus.*

CUM immediatè superius mentio fuerit facta de  
Benefactoribus, consultum videtur, praxes aliquo-  
rum Actuum pro Benefactoribus ponere. Sit itaque  
ista;

Gratias ago Domine Paternæ providentiæ tuæ,  
quia mihi clementer benefactores providisti, è quo-  
rum manu quidquid habeo, è manu tua habeo. Etiam  
temporalibus rogo Domine, non me destituas præsti-  
diis. Offero tibi Domine meo & illorum nomines,  
sed magis nomine tui nominis omne illud quod in  
nomine tuo benefactores mei fecerunt mihi. Depu-  
ro Domine omnia beneficia illorum, ut purè in no-  
mine tuo fiant. Oro Domine ad sanctas manus  
tuas panem multiplicantes, multiplica Domine bene-  
factoribus meis, temporalia illorum bona.

Faciant benefactores mei bene mihi peccatori,  
multo magis facerent alicui dilecto tuo. Benedic er-  
go illis, sicut benedixisti domui Obed Edom in adven-  
tu arcæ. Sicut benedixisti viduæ sustentanti Eli-  
sæum, nam etiam illis præcepisti Domine, ut pascant  
me. Unio Domine beneficia illorum cum benefi-  
ciis tibi à Martha præstitis, sed maxime cum benefi-  
cio lactis tibi à Virgine Masre præstiti, & cum  
omnibus curis ab illa & à sancto Nutritio tuo im-  
pensis pro tui sustentatione, dum nobiscum in carne  
degres. Gratias tibi pro beneficiis naturæ & gra-  
tiæ quæ benefactoribus meis contulisti, auge hæc  
Do-

Domine illis. Diverte Domine à benefactoribus meis aeterna, Purgatorii & vitæ hujus mala. Detestor Domine peccata benefactorum meorum, inno-vo illorum merita, & omnium, qui his bonis illorum ante usi & postea usuri sunt. Sancti qui usquam beneficiis alienis vixistis, orate pro benefactoribus meis, nam quid ego illis à Domino indignus impetrare possum. Honoro vos Angeli custodes benefactorum meorum, instruite me, ut vestris clientibus, meis autem Patronis digne & laudabiliter in rebus animæ servire possim.

En & benefactores mei Virgo Mater imitantur viscera misericordiæ tuæ. Totum nos voluit Deus habere per Mariam, voluit & me habere benefactores meos per Mariam. Gusta Domine providentias benefactorum meorum, puta indulgentissime hæc omnia tibi facta. Tu enim promisisti Domine, quia quicquid minimis tuis facient, tibi facient. Nonne & ego licet minor minimis tuis, tuus non sum. Respi- ce Domine super hanc familiam benefactorum meo- rum, pro qua Dominus noster Jesus Christus &c. Deus qui charitatis dona per gratiam Spiritus San- cti tuorum Fidelium, meorum autem benefactorum cordibus infudisti &c. &c. videatur residuum in Mis- sili, subdantur coronulæ ex actu; Requiem æternam. Pro benefactoribus & pro subditis illorum.

## CAPUT XXII.

### Recreatio.

Bestiæ post pastum ludunt, & tibi scilicet bestia-  
rum perfuncto opere, indulgendum est ali-  
quid,

quid, reſectæ an infectæ beſtiæ tuæ, corpori tuo. Homo idè creaturis utitur, quia per uſum earum ab eis ſtipendium ſervitutis accipit. Ad hoc enim factus eſt homo, ut creaturis ſerviat, in eo in quo illæ non poſſunt fungi officio ſuo. Officium creaturarum eſt Deum glorificare, hoc illæ præſtare aptæ non ſunt, quia rationales non ſunt. Ergo mercede conducunt hominem, ut pro iis glorificet Deum. Atque ita homo ſervus, & operarius, & mercenarius eſt creaturarum, & ex juſtitia tenetur pro creaturis glorificare Deum, pro quo mercedis loco accipit uſum creaturarum. Vide jam homo, quantis nominibus ſervus ſis Dei, qui pro cunctis creaturis, ac pro te ipſo ſervire teneris ei. Sic ergo creaturis utere, ſic te oblecta, & recrea ex illis, ut per hoc noveris ſervum te eſſe illarum. Si itaque placet recreationem abſolvere in hortis aut campis ridentibus, aviculis cantantibus, ſive in re familiari te recreare volueris, & deliciari, in re viſione jumentorum tuorum. Erige te, & hos vel ſimiles elice actus. Quanta benignitas tua mi Deus, turpem ornando terram, tantum ei tribuens decorem, & quidem ab æterno illum deſtinavi, pro mea recreatione, ſit in æternum benedicta hæc benignitas & providentia tua. Quanta potentia tua, qui tam parvas aviculas, tam ſuavem excitare melodiam facis. Cantate, laudate, aviculæ meæ canticum laudis, & gratiarum actionis Creatori veſtro, & Deo meo, immunes à peccato, qui vobis providit annonam. Saltantes agnellos videns: Lauda Deum tuum pro illis, & pro omnibus creaturis cum confuſione tui. Sic vel ſimili modo: O mi Deus amantiſſime, amo, laudo, glorifico benedico, exalto, adoro te pro omnibus creaturis tuis; Miſerre nobis, ſicut ſcis & viſ & potes. Quantum ego ra-

tionalis creatura, tot donis vallatus disto à creaturis tuis. Terra ad nutum tuum tantum profert decorem. Quid ego? niti spinas & tribulos peccatorum, laudante oviculæ & jumenta irrationalia. Et ego miser peccator, cheu quoties pro cantico laudis tibi maledictum peccati propino! Offero tibi ornatum, lætitiā, melodiam harum innocentium creaturarum tuarum, ad optimum purum gustum tuum, pro maximo disgustu, quem tibi ego, infelix peccator, toties peccatis meis provocavi. O Deus suavissime!

Sivero per colloquium tuam vis absolvere recreationem, hæc observa. Nihil omnino in colloquium adferendum, nec æquo animo audiendum, quod vel à longè proximi cujuscunque famam imminuere, fraternam charitatem lædere, aliorum teneriores conscientias contristare possit, nihil quod animi elationem, aliorum despicientiam, sæcularem levitatem, aut quamvis aliam quantumvis venialem Divinæ Majestatis offensam sapiat. Monitum S. Bern. in formula S. vitæ: *Cum loqueris, verba tua sint rara, vera, ponderosa, ac de Deo.* Si Secularis loquitur tecum, ac vana proponit, quam citissime potes, succide sermonem, & transfer te ad ea quæ Dei sunt. Nam qui de terra est, non mirum si de terra loquatur, sed qui profitemur se esse Apostolicum, Religiosum, Sacerdotem, cœlestem, loqui debet Apostolica, religiosa, pia, cœlestia, & circumcidere verba terrena, nam ex abundantia cordis, os loquitur. Sacerdos quoque dicitur Sal terræ, quidquid salelem tangit, eo conditur. Sic fratres charissimi, sint colloquia nostra talia, ut quilibet à nobis sale Humilitatis, pœnitentiæ, resignationis, contritionis, amoris Dei, & proximi &c. conditus recedat.



## Recreatio Religiosorum.

**S**I apud Seculares spirituales, Argi oculi in recreatione desiderantur, ne cadant. Certe multo majori diligentia, observantia, & cautela opus apud Religiosos. Majus enim sibilucrum putat cacodæmon, Religiosum stravisse, quam in turbido mari fluctuantem Clericum aut Sacerdotem, qui nullo clauditur claustro, Remis devotorum simul cohabitantium sociorum caret, de quibus Psalm. *Ecce quam bonum & quam jucundum habitare fratres in unum.* Majori ergo diligentia, & astutia, techno, ac dolo utitur adversarius, quo capiat Religiosos, sicubi, certè in recreatione. Consulto itaque faciunt aliqui Religiosi, ut mox post consuetam corporis refectionem, ad cellam, vel Oratorium se conferant. Commodissimum est enim, refectione corpore, silentium tenere, ad commodum locum pergere, ut ibi sibi & Deo vacet. Quod antiquitus sualit Thom. à Kempis lib. 2. de Devo. claustr. c. 7. in hunc modum; *Prandio facto, ori tuo franum impone, quia tunc promptior est homo ad loquendum, & videndum.* Memor sis pauperis Lazari ab Angelis in finem Abrahamæ deportati, quia hic in egestate magna, & doloribus. Dives autem divitiis, scurrilitatibus vacans, sepultus est in inferno, nunquam inde exiturus. Quare sancti Institutores Religionum, post corporis refectionem, silentium custodiendum esse consueverunt, ne videlicet, roborato corpore appetitus intoleat, & spiritus distractione attenuatus deficiat, ne etiam dum linguam solvimus, vanis sermonibus effluamus. *Sedit populus manducare & bibere, & surraverunt ludere*

dere. Exod. 32. certe non lufum bonum & tolerabilem, sed illum quo & Deo injuriam, & sibi excidium intulerunt. Ita multi, si post cibum & potum linguam laxent, & animi remissionem excipiant, solent incauté non parum offendere, & distractionibus cordis immergi. Optimè dixit S. Gregor. 1. mor. c. 5. *Penè semper epulas sequitur loquacitas. Cumque venter reficitur, lingua defranatur.* Post prandium ergo discedere, & aliorum declinare conspectum, & taciturnitatis fune constringi, bonum est. Evitabit enim illud Spiritus Sanctus. *In multiloquio non deerit peccatum.*

Non tamen culpanda apud alios Religiosos recreatio post sumptum cibum, per colloquia, ut est apud Patres Societatis Jesu, ex sancta institutione S. Patris Ignatii. Tempus enim illud, quod sumptionem cibi sequitur, ad serias occupationes est ineptissimum, quare meritò remissione aliquantulæ (quam nullus negabit in vita laboriosa maximè per speculationes esse necessariam) concedendum, & ex eo simul non parum commodi, ad spiritualem vitam eliciendum. Dum curas enim & labores parum remittimus, alacriores & robustiores ad easdem curas reassumendas evadimus. Augetur enim hac mutua colloctione fraterna charitas, & sanctus in Christo amor, qui velut afflatus excitat ignem ex scintilla minima, sic ut mutuis beneficiis, ita & amabili conversatione provehitur. Et erigunt deinde sese ad res cœlestes desideria, quia cum res spirituales illis colloquiis sæpe tractentur, non possunt non mentes earundem rerum amore succendi.

Non

Non tamen placet, imò periculosissimum est, si Religiosi bini, vel terni, vel quaterni, in cellam alicujus, vel ad angulos domus, abeant, & seorsim ab aliis colloquantur, & remissionem assumant. Præsertim, si adolescentiores sint, quibus, pro ratione ætatis, non admodum est fidendum. Hi namque ex cibo ad laticiam laxati, & sine teste quem revereantur, sermocinationibus occupati, quid mirum si excedant, & quid toto manè sanctis operibus lucrati sunt, per contentionem aut distractionem aut ineptam confabulationem amittant. Est enim pestis crudelissimæ religionis indicium; Singularitatis scilicet, licet prætendantur colloquia spiritualia, timendum illud Apostoli; Ne dum Spiritu incipiant, carne consumant, circuit enim Diabolus tanquam leo rugiens, facile inveniens solitarias oviculas, sine pastore quas devoret. Quare sanctissime S. P. Ignatius instituit, ut post refectiorem omnes (non tres aut quatuor) simul in locum publicum (non privatum, non ad angulum) à quo non sit absens Prælati, se conferant.

Obijciat forte quis. Talis recreatio periculosa, ne coincidat cum illa, de qua Spiritus Sanctus; Sedit populus manducare & bibere, & surrexerunt ludere, consequenter timendum, ne offendatur Deus, sed facilis responsio, si viderint apud Religiosos non convivia & comotationes celebrari, sed sobria ac religiosa refectiōe vitæ necessaria corporibus suis uti. Et si aliquis esset tam procax, ut aliquid minus religiosum præsumeret, adeo Moses, id est Prælati, vel qui vicem ejus gerit, qui immodestum arguit, ejusque inverecundiam compefcat. Talis recreatio etiam à sanctis Patribus cremiculoribus, qui vitæ rationem asperimam sectabantur, admissa est; Quod ex S. Hieron. perspicuum est.

Ep. 22. ad Euthym. Post hoc concilium solvitur, & una-  
quaque decuria cum suo parente pergit ad mensam,  
quibus per singulas hebdomadas vicissim ministrant.  
Nullus in cibo strepitus est, nemo comedens loquitur,  
vivitur pane leguminibus & oleribus, quæ solo sale con-  
diuntur. Vinum tamen senes accipiunt, quibus &  
parvulus sæpe fit prandium, ut aliorum fessa sustentetur  
etas, aliorum non frangatur incipiens. Dehinc con-  
surgunt pariter & hymno dicto, ad præsepia redeunt,  
ibi usque ad vespertinam, cum suis unusquisque loquitur,  
& dicit: Vidisti illum & illum? Quanta in ipso sit gra-  
tia? quantum silentium? Quam moderatus incessus?  
Si infirmum viderint, consolantur, si in Dei amore fer-  
ventem, exhortantur ad studium. Hæc ille.

Quomodo autem se gerendum, pulchrè scribit Pa-  
chom. in reg. 14. his verbis: Si egressus fueris à ci-  
bo, ne loquaris in redeundo, donec ad locum tuum per-  
veneris. Ibi modeste sedebis, non in adstantes reclina-  
tus, sed rectus, non parieti affixus scopulis, sed tantillum  
separatus, ut aliquid mortificationis sentias, ut cer-  
tes, corporis imbecillitas non ferat, decenter applicatus.  
Sedebis autem, non socium querens, quo cum libenter  
loqueris, sed iuxta illum senem, sive juvenem, sive Lite-  
ratum aut laicum, quem sors ingredientium & prius  
sedentium obtulerit. Si socius à latere stans senior  
sit, aut dignitate major, aut cum loqui incipientem  
expecta, aut tacentem ut minor interroga. Si aequalis  
sit aut minor, poteris tu sine immodestia nota alloquium  
inchoare.

Nota tamen, quidam in hac remissione omnino esse  
reticenda, quædam vero dicenda. Reticenda sunt, qui  
statui religioso minime congruunt, nec Dei adstantis  
præsentia conveniunt. De nulla igitur re aut persona  
detra-



detrahes, neminem verbo pungas, de nulla re cum illo contendas, rumores & novitatis ædificationem non afferentes nequaquam narrabis, non indecenter ridebis, non vociferando verba facies, & breviter, universos linguæ defectus abscindes. Dicenda vero sunt, quæ minime Spiritum lædant, & aliquantulum naturæ nostræ recreationi proficiant. Nimis ergo seria & gravia tunc omittenda sunt; Hæc enim ad consultam spectant, aut si aliquid serium se offerat (quod non semel se offert) amicabiliter, jucundeque tractandum. Aliquid ex lectione mensæ, quod magis arrisit, commemorabis exemplum ædificationis, vel antiquum vel modernum, & narrationem adduces, aliquis Scripturæ locus, quomodo sit vernacula lingua vertendus, disputabis. Virtutes nunc viventium, vel Prælatorum, vel Seniorum, si ipsi non audiant, laudabis; Et quam sint dignæ imitatione. Propones aliquid indifferens, etiam interdum in colloquium admittes. Hæc & alia hujusmodi sic conferantur, ut non quasi concio intituatur, aut quasi disputatio legatur, sed quidquid illud fuerit, quod in sermonem vocatum est, hilariter & festive tractetur. Ita enim natura, Oratione & assidua præsentia Dei, & lectione frequenti, & ministeriorum pondere prægravata, se exonerat, & vires ad resumendos labores recuperat.

e cum illo  
nem non  
ter ride-  
r, univer-  
ero sunt,  
m naturz  
o seria &  
consultam  
quod non  
ctandum.

rist, com-  
antiquum  
quis Scri-  
ertendus,  
elatorum,  
Et quam  
differens,  
æc & alia  
cio insti-  
quid illud  
ter & fe-  
& assidua  
teriorum  
cumen-

## PARS II.

**P**ervenimus tandem Deo sint laudes ad meridiem,  
ad secundam videlicet partem diei, quam sic inchoa-  
to. Ut primam partem, utpote : à visitatione venera-  
bilis Sacramenti, ut si quid in sumpto cibo, vel in mu-  
tuo colloquio erratum fuit, ibidem doleas, veniamque  
humiliter poscas, ac gratiam ad sanctè vivendum, &  
strenuè laborandum, in sequenti parte diei, postules.

### CAPUT I.

*Modus visitandi Venerabile post prandium.*

#### §. I.

*Oblatio gressuum.*

**S**icut manè obtulisti gressus tuos ad venerabile Sa-  
cramentum, sic & hanc oblationem eodem modo  
instituas, solummodo mutando unionem gressuum.  
Quæ sit : In unione gressuum, quos misericors Fi-  
lius Dei fecit ad montem Calvariz. Cætera ut manè.

#### §. II.

*Ipsam iter.*

**C**ogita, quàm cruenti & dolorosi fuerint gressus Je-  
su amoris tui ad crucem, quorum tu causâ es. Ita-  
que cum amore Jesu, & detestatione peccatorum perge  
ad salutandum Jesum amorem tuum in venerabili Sa-  
cramento ab omnibus derelictum, ad perum putum  
gustum ejus, in recompensationem illarum amaritudi-  
num, quas passus in morte sua.

#### §. III.

*Ipsa in loco Visitatio.*

**E**Andem incipe ut manè. Deinde pro actu festinationis, & aliorum actuum, pone hos sequentes; Ave Domine Jesu Christe, verus Deus & Homo, qui ex voluntate Patris, cooperante Spiritu Sancto, te mihi nascens in socium, convalescens in edulium, moriens in pretium, regnans in præmium dare dignatus es, ego pulvis & cinis, indignus conspectu tuo, ob innumera peccata, de quibus in edulium doleo, te Dominum ac Deum meum, hic verè præsentem, omnium creaturarum possibili affectu, saluto, laudo, glorifico, & ab omnibus, in omnibus, supra omnia adorari, laudari, & glorificari desidero, in æternum & ultra. Agnosco, & amplector charitatem tuam erga me, qua me cum Patre & Spiritu S. ab æterno sic dilexisti, creasti, redemisti, justificasti, vocasti, huc usque tam ingratum deduxisti & conservasti, & ut spero, glorificabis in æternum, & ex toto cordis affectu gratias ago, atque in Sacrificium laudis, & gratiarum actionis, omnium Sanctorum obsequia, & me ipsum tibi in unione tuorum infinitorum merituum offero, totus tuus esse & permanere desidero, sicut tu totus meus esse dignaris. O Jesu Deus cordis mei, & pars mea in æternum. In te o ineffabilis Veritas credo, in te unica mea Spes spero. Te o infinita Bonitas amo, & amare desidero propter te, supra omnia in æternum. Gaudeo de omni perfectione, beatitudine & gloria tua, meque tibi totum, usque in mortem & annihilationem mei, resigno. Utinam semper sic te amassem, & nunc amarem, & nunquam offendissem, nec offenderem posthac in æternum. Doleo

Doleo de omnibus peccatis meis, quia tibi quem supra omnia diligo, displicent, cupio & propono, serio emendare, & pro illis satisfacere. In satisfactionem, me & omnem vitam meam, tuo obsequio offero, veniam cum finali gratia precor, & spero per te ô bone Jesu, in cuius meritorum abyssum me demergo, tu æterna charitate tua, supplere digneris imperfectum meum, meque tuis indutum meritis, sanctissimo tuo penitus in omnibus conforma beneplacito, nec in æternum permittas me separari à te (hic interferi potest communio spiritualis, pro cuiusq; devotione brevissimis affectibus) v.g. Hæc ut efficacius consequi merear. Veni ô bone JESU, fons omnis gratiæ in cor meum, posside & reple illud gratia tua, & conforma illud sanctissimo cordi tuo in vita, in morte, in æternitate, ô JESU, Dominus meus & Deus meus, sim totus tuus, & tu meus in æternum. In te vivam, in te moriar, in te perennem, misericordias tuas decantans, & cum Cherubim & Seraphim, incessabiliter tibi voce proclamans; Sanctus, sanctus, sanctus Dominus Deus Sabaoth. Similem veniam & misericordiam omnibus pro quibus mori dignatus es, præsta de sanctis requiem, vivisque gratiam concedens, ut tibi perfectissime, sicut scis & vis, placeant, te ament, & glorificent, una cum Patre & Spiritu S. nunc & semper.

Benedic iterum Filium Dei, Deum verum pro te incarnatum, per mysteria dolorosa, cum genullexione. Sis millies benedictus dulcissime Jesu, quod pro me miserrimo peccatore volueris sanguinem sudare, sis millies benedictus Amantissime Jesu, quod pro me miserrimo peccatore volueris flagellari, &c. &c. addendo ut mane. Salve Virgo ante partum, salve Virgo in partu, &c. Similiter ut mane repete; Regi sæculorum immortalis, & invisibilis &c. in honorem Dei Filii. Adde coronulas parvas octo modo manè tradito recitandas.



1. Deo gratias.
2. Requiescant in pace.
3. Sit nomen Domini benedictum.
4. Fiat voluntas Tua.
5. Adveniat Regnum Tuum.
6. A peste, fame & bello libera nos Domine.
7. Spero.
8. Laudetur Sanctissimum Sacramentum.

Has coronulas absolve, præmissa tamen oblatione eadem sicut manè præter primam quidem coronulam, quam dices ex virtute gratitudinis pro beneficiis præsentibus.

§. IV.

*Recessus à Venerabili.*

**O** Jesu Deus cordis mei, infinitè amabilis, totus considerabilis, esto mihi Jesus, nunc & in hora mortis meæ, intra mellifluum cor tuum absconde me, nec permitte me in æternum separari à te. Te fruar in vita solatio, in morte viatico, post mortem præmio, & omnes mecum, per lachrymas, sudorem, & sanguinem tuum. Dignare Domine Jesu &c. ut manè.

Sanctissima Virgo Maria, vosque omnes Sancti &c. ut manè.

Accepta benedictione, perge domum. Gressusque ut manè offer, sed in unione gressuum, quos dulcissima Mater absolvit, visitando S. Elisabeth.

CAPUT II.

*Lectio libri spiritualis.*

**S**icut primam partem diei, post visitationem venerabilis Sacramenti incepisti à meditatione, sic secundam partem à lectione libri alicujus spiritualis spiritum excitantis. Ante initium lectionis, poteris suspi-

rare

rare ad Dilectum animæ tuæ sic vel simili modo; *Audiam quid loquatur in me Dominus meus, loquetur enim pacem in plebem suam, loquetur ea quæ sunt misericordiæ, correctionis, salutis.* Ascende igitur Dulcissime Jesu, Magister mi, Sapientia æterna, cathedram cordis mei, loquere, quid me velis facere, ecce enim audit servus tuus, & conservare vult, ac conferre omnia verba tua in corde suo diligenter & exacte, Vel cum S. Ephrem de patientia Tom. 2. *Domine Jesu Christe, aperi aures & oculos cordis mei, ad audiendum & intelligendum sermonem tuum, faciendamque voluntatem tuam Domine, quoniam incola ego sum in terra. Non abscondas à me mandata tua, revela oculos meos, & considerabo mirabilia de lege tua. In te enim spes mea Deus meus, ut tu mentem meam illumines.* Non te ducat curiositas ad lectionem, sed Spiritus S. Amor Dei. Non quærat itaque in hac lectione curiositas, sed utilitas, non quod pruriat auribus, sed quod affectum compungat ac moveat, legatur. Non ad solam notitiam, sed ad opus quod lectum erit, ordinetur. Tempore hujus lectionis non multa legantur, plura cogitentur, plura deliberentur, & quonam pacto etiam fieri oporteat, apud se quisque meditetur. Si ea quæ legeris fixa in memoria non hæserint, ne nimium soliciteris, sola lectio animum reficit, & nescio quomodo sine fixa recordatione Spiritum promovet. (Quo maxime indiget sacerdos, ut alios accendat & commoveat) Quod Dacrianus Monachus, aptissima similitudine docuit, in speculo Monach. habetur Tom. 5. Bibliothecæ. *Non turberis, inquit, si bona quæ legis, aut audis, universa in memoria non retineas. Nam quemadmodum vas, quod sæpius aqua perfunditur, purum permanet, etiam si aqua effusa statim effluat, ita si mentem benevolam*

doctrina spiritalis crebro pertransierit, quamvis ibi non persistat, ipsam tamen mentem nitidam, Deoque placentem reddit & conservat. Utilitas tua singularis, non in hoc sita est, ut doctrinæ verba memoriæ commendes, sed ut doctrinæ, verhorumque effectus in te remaneat, id est, ut tu ex doctrina puritatem interiorem, paratamque voluntatem adimplendi mandata Divina consequare. Nec obest, si debilis sis memoriæ, annota scripto sensus practicos, ut illos exequaris sensim. Præterea, non mutetur singulis diebus liber, sed aliquo longo tempore, unus autor, idemque legatur. Non enim lectio, ut ait S. Bonav. in spec. p. 2. 6. 7. *quasi casu reperta edificat, sed reddit instabilem animum.* Sit etiam lectio ipsa temperata, cui finem consilium, non lassitudo imponit. Nam ut immoderata jejunia, & ardor abstinentiæ, enormes immoderataque vigiliæ intemperantiæ coarguuntur, idque nimietate sui pariunt, ut hæc ipsa postea nec mediocriter quidem fieri possint, ita studium lectionis intemperans in reprehensionem cadit: quodque laudabile est in tempore suo, sit de nimietate culpabile verbo, in bonis quoque rebus, quidquid modum excesserit, vitium est. Tandem sicut lectio incipit ab oratione, sic eandem quoque interrumpat oratio jaculatoria, quæ illud quod à Domino audimus bonum esse, vel malum, à nobis aut faciendum, aut vitandum esse, quasi respondentes statuamus. Lectionem itaque finiat oratio, qua & pro doctrina nobis oblata, gratias agamus, & quod dictum est, in illa, præstare desideremus. Si hac ratione quam exposuimus spiritali lectioni te dederis, mens tua tanquam saluberrimis & suavissimis cibis refecta, & fortis ad operandum bona, & ad resistendum malis evadet, & non semel defectus orationi minus fervidæ & distractæ supplebit. Quantum ergo melius tractare chartas libri spiritalis, quam luforias,

ex qui-

ex quibus distractio, scurrilitas, ira, invidia, avaritia, & innumera nascuntur vitia, præter jacturam temporis pretiosissimi, & irrevocabilis.

## CAPUT III.

*De Cultu SS. Patronorum.*

Cum multis egeat homo, vel maximè Sacerdos, qui non solum sibi, sed & animabus sibi commissis, in hoc turbido & periculoso mundi mari consulere debet, consultum, ut sibi provideat tales, qui sint potentes tam se, quàm sibi commissos, è tanto liberare periculo. Hi sunt Sancti, quorum suffragiis possumus accendi luce variarum virtutum, quâ nobis commissos ad felicem pertrahamus portum.

Bonum itaque, ut sibi Sacerdos eligat certos Sanctos pro Patronis, tam sui ipsius quàm muneris ipsius. 1. Totius vitæ Patronum, & hic sanctus nominis ex Baptismo, quem invocare potest saltem semel in hebdomada, si non quotidie, & quolibet solenni festo, sic vel simili modo: Sancte N. cujus patrocinio & nomine, jam ab ipsa hora Baptismi me Deus munivit, respice ex illa æternæ securitatis urbe, me hic inter quotidiana æternum pereundi pericula exulem, & juva ut felicem hujus nominis catalogum, nomine meo augeam, in libro vitæ. Tolle à me quod me impedit, & impetra id quod mihi magis expedit ad salutem, nec me desere, usque dum una tecum coram Deum videam, & amen in æternum.

2. Eligat sibi præterea Patronum anni, mensis, hebdomadæ.

3. Patronos officii aut muneris sui, meditationis, qui potest esse S. Josephus. Experientia constat illum multum prodesse. Sacris S. Ignatium aut S. Philip. Nerium & Sanctum ejus diei quo celebras, si fuit Sacerdos. Concionum; S. Antonium de Padua & S. Franciscum Xaverium.



rium. Auditionis confessionis, S. item Ignatium & Philippum Nerium. Confessionis faciendæ, S. Petrum Apostolum, S. Mariam Magdalenam &c. Pro servitio peste infectorum, S. Rochum, S. Carolum Borromæum. Cibationis Pauperum, S. Gregorium Magnum. Noctis, S. Angelum Custodem. Felicis transitus ex hac vita, S. Josephum, S. Barbaram. Ad Judicium seu Tribunal Divinum, S. Michaelem Archangelum, S. Ivonem. Ad evadendum Purgatorium seu ex illo quantocyus ex eundum, S. Laurentium. (Revelatione enim constat, S. Laurentium qualibet feria sexta liberare animam ex purgatorio) Nunquam tamen Matris misericordiæ obliviscaris, ad quam ubique plurimas invenies orationes, pro omni necessitate, vel maxime pro felici puncto quo pendet tota æternitas, inter plurimas sit hæc una; In exitu animæ meæ de hoc mundo, occurre illi Domina, & suscipe illam, consolare eam vultu sancto tuo, aspectus Dæmonis non conturbet eam, esto illi scala ad Regnum cælorum, & iter rectum ad paradysum Dei, sustine devotos ante Tribunal Christi, suscipe causam eorum in manibus tuis, sic S. Bonav. in psalt. Virgin. Sint tibi quoque Patroni cujuslibet dici, per quos gratias ages Deo pro certis beneficiis, à quibus quotidie, per modum mendici Eleemosynam petes, & per illorum merita satisfacies pro certis debitis aut propriis aut alienis, c. g.

## §. I.

*S. S. Patroni diurni.*

**D***ie Dominico.* Omnibus quascunque exercebis actionibus, Sanctissimam Trinitatem, Deum & Dominum tuum clementissimum, omni quo poteris affectu & demissione venerabere. Gratias ages Divinissimæ Majestati illius, quod Te in agnitionem glorio-

gloriosissimæ dignitatis suæ, tot aliis posthabitis misericorditer produxerit, & in delizioso Apostolico statu posuerit, ubi toties eum ipsum, in quo omnes Patris deliciæ, manducare conceditur. Impetrare quoque intendes, tum veniam scelerum, ignorantiarumque tuarum, & Paternam pauperulæ animæ tuæ à Patre misericordiarum benedictionem, & ut fiat habitatio sancta, & sedes æternæ gloriæ illius, nihilque in eo templo suæ dignitatis inveniatur, quod oculus Majestatis offendat? Tum, ut secundum magnitudinem bonitatis suæ, & multitudinem miserationum suarum, digne recordari tui mendici, servuli sui longe exulantis, in regione umbræ mortis, & quam plurima ad gustum semper benedictæ voluntatis suæ agere patique concedat. Tum, ut misericorditer conservet animam miserrimi operis manuum suarum, & comitante gratia sua, inter tot discrimina vitæ corruptibilis dirigat gressus cæcutientis, per viam pacis, ad patriam perpetuæ claritatis. Satisfacies pro delictis totius vitæ applicando ad eam intentionem, saltem ter singulis mensibus, indulgentiam quam lucrari potes communicando.

*Feria secunda.* Honorabis præcipue Sanctos tui status, S. Philippum Nerium, S. Carolum Borromæum &c. &c. Gratias ages pro dono Creationis & Redemptionis. Impetrare cupies veram Humilitatem & Patientiam. Satisfacies pro animabus tui status in Purgatorio detentis.

*Feria tertia.* Honorabis S. Petrum & S. Paulum, & omnes viros Apostolicos, jam in cœlesti Jerusalem beatos concives. Gratias ages pro eo beneficio, quod te arborem aridam, huc usque DOMINUS DEUS in hujus sancti status Apostolici

viridario, superesse patiatur. Impetrare voles spiritum Apostolicum & lucrum animarum. Satisfacies pro peccatis omissionis, quibus infelix homo, tot bonorum spiritualium lucra prodegisti.

*Feria Quarta.* Honorabis SS. Patronos mentruos. Gratias ages pro beneficiis naturalibus. Ingenii, valetudinis &c. Impetrare studebis, profectum in amore Dei, summi Boni tui, & puritatem mentis ab affectu omnis creaturæ. Satisfacies pro animabus purgatorii,

*Feria Quinta.* Honorabis Sanctos sanguine Christo Domino & sanctissimæ Matri illius junctos. Gratias ages pro eo, quod tibi cani toties redeunti ad votum, huc usque acceptabile tempus poenitentiae prorogatum sit. Impetrare intendes, puritatem Anglicanam. Satisfacies pro Parentibus & cognatis.

*Feria Sexta.* Honorabis quam demissimè propter te despectum, & ad mortem usque humiliatum Jesum Christum, dulcem amorem tuum. Gratias ages pro omnibus donis, gratiisque supernaturalibus. Impetrare intendes ardentem sitim, & vires sufficientes ad supportandas, quas Dominus imposuerit, aut permiserit crucis, tribulationes, persecutiones. Satisfacies pro delictis linguæ & cogitationis,

*Sabbatho.* Honorabis SS. Virginem Matrem & Dominam clementissimam. Gratias ages pro omnibus beneficiis, quæ à Deo tuo per munificentissimas manus illius tibi misero peccatori collata sunt, ardentè desiderando, ut ipsas per æternitatem continuare possis. Impetrare intendes, sanctissimam illius contra incursum Diabolicos, nunc & in hora mortis protectionem, & in Deo Dominaque tua, quam maximè honoranda & superexaltanda, lumen, ardorem, auxilium. Satisfacies pro tepiditate in oratione, aliisque spiritualibus exercitiis.

Vel etiam sint tibi Patroni cujuslibet diei pro certa virtute plantanda, & vitio extirpando, donaque Spiritus S. & ejus fructus obtinendos, e. g. Antequam autem descendas ad Patronos uniuscujusque diei, potes quotidie præmittere coram Deo electionem tuorum Patronorum, hoc vel simili modo:

» In nomine Patris, & Filii, & Spiritus S. Ego pro  
» continuis & quotidianis meis advocatis, Intercessori-  
» bus, Protectoribus, hodie mihi eligo beatissimam Vir-  
» ginem Mariam, Joannem & Mauritium (Sanctos no-  
» minis tui) N. N. sanctum Patronum diei, Angelum  
» meum custodem, S. Michaellem Archangelum, S.  
» Ivonem &c. &c. & omnes Sanctos, qui hoc die ad im-  
» mortalem gloriam evocati sunt, omnibus illis humi-  
» lem reverentiam, profundamque inclinationem fa-  
» cio, & omnes necessitates meas illi commendo, prin-  
» cipium atque finem actionum mearum, & animam  
» meam in hora mortis, Amen.

*Die Dominico* tibi, ô sancte Joannes, S. Mauriti, S. P. Ignati, S. Valentine, S. Laurenti, totum me committo & commendo, humiliterque supplico, ut per amorem illum & reverentiam, quam Domino nostro Jesu Christo exhibetis, omnes actiones meas dirigere, & ad finem creationis meæ me perducere velitis. Imperate mihi veram perseverantiam in vera fide Catholica, & in bono incepto. Peccati acedix veniam obtineam, donum Sapientix possideam, in Spiritu proficiam, Amen.

*Feria secunda.* Tibi S. Joannes, S. Mauriti, S. Joseph, S. Barbara, S. Valentine, S. Laurenti, omnia opera mea, quæcunque facturus sum, committo & commendo, & devotissimè pro, ut per vestram intercessionem



bene omnia cedant, atque Domino nostro Jesu Christo, in memoriam passionis & mortis illius offeratis. Mihique felicem transitum ex hac vita, munito sanctissimis Sacramentis, Pœnitentiæ, Eucharistiæ & extremæ Unionis impetrate, & veniam peccati gulæ, & donum perfectum Intellectus, in me cognoscam, Amen.

*Feria tertia.* S. Joannes, S. Mauriti, S. Stanislae Kostka, S. Valentine &c. S. Angele Custos, impetrate mihi gratiam à Salvatore hominum, castitatis & puritatis. Custodite me ab omnibus peccatis, periculisque præsentibus & futuris, docete me per custodiam sensuum, ad veram tendere perfectionem, veniam peccati luxuriæ habeam, perfectum consilii donum vestra intercessione possideam, Amen.

*Feria quarta.* S. Joannes, S. Mauriti &c. S. Francisce Seraphice, impetrate mihi à Spiritu S. perfectissimum amorem Dei mei & proximi, ut amore Jesu mei moriar, qui amore mei dignatus est mori. Impetrate quoque veniam invidiæ, perfectum pietatis donum vestro favore habeam & conservem, Amen.

*Feria quinta.* S. Joannes, S. Mauriti &c. S. Augustine, S. Valentine &c. per amorem Jesu Christi in venerabili Sacramento, impetrate mihi perfectissimam humilitatem in omnibus, & coram omnibus, gratiam timendi Deum meum, serviendi illi, & tantum amandi eundem, quantum obligatus sum, cognoscam inspirationes bonas, easque exequar, peccati superbiæ veniam obtineam, perfectum scientiæ donum vobis deprecantibus acquiram, Amen.

*Feria sexta.* S. Joannes, S. Mauriti, S. Laurenti, S. Valentine &c. rogo vos per crucem sanctam, impetrate mihi passionis & crucis Domini nostri devotio-nem & amorem propriæ voluntatis, omniumque sensuum

suum mortificationem. Dei optimi, meique ipsius cognitionem, vitiorum extirpationem, contra tentationes pravasque inclinationes fortitudinem, in adversitatibus constantiam, veniam iræ accipiam, perfectum fortitudinis donum vestro favore habeam & conservem, Amen.

*Sabbatho.* Dulcissima Virgo Maria, S. Petre & Paule, S. Joannes & Mauriti, S. Maria Magdalena, S. Valentine, Laurenti &c. impetrate mihi à Domino Jesu Christo, Redemptore animæ meæ, contritionem dolorosam supernaturalem, nunc & in omni confessione, post quodcunque delictum, & in hora mortis meæ, lachrymarum donum, maximè in ultimo agone vitæ meæ, cordis, conscientiae & intentionis, in omnibus actionibus meis puritatem, vitæ innocentiam, totius vitæ rectitudinem, beatissimæ Virginis gratiam & favorem, cum placuerit Domino venire, auxilium in hora mortis experiar. Veniam avaritiæ, perfectum timoris Dei donum, vestris meritis possideam, Amen.

*Pro Clausula* quotidie adde: S. Maria morientium tutela, S. Angele à Deo mihi assignate, omnes Sancti, quibus in morte Christus, vel B. V. vel Sanctorum aliquis apparuit, & ad bene moriendum juvit. Omnes Sancti, qui eos, in horrendo mortis agone versantes, soletis singulariter adjuvare, assistite mihi in agone meo, & orate pro me, ut tunc mihi propitius appareat Jesus, qui veniet me judicare.

§. II.

*Ad Spiritum S. pro donis ejus nunc per 7. dies hebdomadæ intimatis obtinendis.*

**D**e Dominico. Pro dono Sapientie sic ora; Spiritus Sancte Deus, de Deo Patre, Filioque procedens,  
utri-

utriusque amor, fons bonitatis. Effunde in me, ô suavissime Spiritus, donum sapientiæ, & cum eo fructum charitatis, gaudii & pacis. Nam quid mihi profunt omnia bona, si à me absit sapientia? Quomodo autem illa mecum sit, nisi tu dederis eam, qui solus intelligis viam ejus, & ipse solus nosti locum ejus, quippe qui scrutaris etiam profunda Dei solus. Nisi ergo tu dederis eam servo tuo, vix mihi erit, scienti enim bonum & non facienti, peccatum est illi, nemo autem facit bonum quod novit, nisi cui bonum sapit. Sapere autem bonum Sapientia est. Hæc est enim sapientia; diligere, gustare, experiri & sapere summum Bonum, & in eo aliud omne bonum. Nam qui non sapit summum Bonum, is utique non sapit? & cui in summo Bono omne bonum non sapit, neque is sapit, quia à summo Bono summum Bonum non sapit. Summum enim Bonum est, quod omne bonum in se continet, & sine quo nihil bonum est. Hac ergo Sapientia summi Boni imple me, ô Spiritus sapientiæ. Ah quis mihi det, ut impleas in me illud, quod per Prophetam dixisti; Requiem dabit tibi Dominus, & implebit splendoribus animam tuam. O Requies, ô Splendores, Requies opulenta, Splendores Sanctorum, quibus sanctæ animæ non illuminantur solum, sed etiam satiantur ac impleantur. Et quia implentur, requiescunt, in quiete nihil aliud agunt, nisi amant, & gaudent, & in pace sunt, atque ita sapiunt & in sapientia, & in fructibus sapientiæ sunt. Hujus ergo sapientiæ radium deriva in animam meam. O tu Spiritus Sancte, Spiritus suavis, Spiritus sapiens, ut anima mea delectetur in Deo bono & vero, ut nihil illi sapiat extraneum Deo, nihil sit illi bonum nisi Deus, nihil amet præter Deum, in nihilo gaudeat nisi in Deo, nihil sit pax ejus, nisi Deus. Ecce, ô Spiritus S. suppono tibi animam meam, cum omni capacitate atque latitudine ejus.

ejus. Descende in eam, & imple, & occupa, & posside. Descende in eam cum donis tuis, imple illam fide tua, occupa illam spe tua, posside illam charitate tua. Creator mundum te dignum in ea, & te Spiritum rectum, quo rectè inter creaturas atque Creatorem incedat, innova in visceribus ejus. Pone illam semper coram oculis tuis, neque unquam expellas, aut projicias eam à facie tua, nec sanctitatem charitatis tuæ æternæ auferas ab ea. Redde illi lætitiā Salutaris tui, & te Spiritu principali confirma illam, ut nunquam dominantur ei nationes servituti natæ, sed illa quidem serviat semper tibi, cui servire regnare est, ipsi autem serviant omnia, sive cœlestia sive terrestria, sive amica sive inimica, sive Spiritus sive caro, sive mors sive vita.

Pro his, proque aliis omnibus bonis & gratiis tuis, ô Spiritus S. Deus, tibi supplico, totâ animâ, toto corde, totis viribus meis, tota fortitudine mea, ut facias mecum omne id, quod de me, in me, per me fieri disposuit æterna, omnipotens, sancta, laudabilis, suavissima voluntas tua. Tu nosti quid velis mihi, tu scis quid expediat rebus meis, tu vides quid placeat tibi, tu nosti, qua sinceritate loquar hæc tibi Factori omnis boni mei, & Scrutatori omnis secreti mei. Tu ergo fac mecum omnem bonitatem tuam, omnem suavitatem, omnem voluntatem tuam, eamque semper quàm citissimè, quàm copiosissimè, quàm plenissimè, ad gloriam tui magni & sancti Nominis perfice. Quam postulacionem meam ego non pro me solo, sed pro omnibus etiam illis, quos te conscio & largitore in charitate tua diligo, tibi offero. Exaudi illos omnes in desideriis meis, sicut & me vicissim in desideriis illorum, ut in gratiarum tuarum plenitudine, omnes tibi hic servientes, omnes etiam misericordias tuas cantemus tibi Deo nostro, cum Patre & Filio ejus, in æternum, Amen.

*Nota*



*Nota: Hæc clausula quotidie repetatur.*

**F***eria secunda. Donum intellectus roga.* Effunde in me, ô vere Spiritus, donum Intellectus & Fidei fructum, ut oculus mentis, radio lucis tuæ purificatus, par sit cognoscendæ atque penetrandæ veritati tuæ, eamque non tantum credat fideliter, sed etiam penetret sublimiter, ac efficaciter. O Spiritus Veritatis, emitte lucem tuam & veritatem, quæ me deducant & adducant in montem sanctum tuum, & in tabernacula tua, in quibus tu pascis animas quas invenis, hoc est, efficis gratuito munere dignas te, & capaces tui. Emitte lucem tuam super mentem meam, ut ubique te præsentem, & perfectiones tuas cognoscam & videam. Nulla sit creatura tam magna, in qua te maiorem non advertam, nulla tam parva, in qua tu totus mihi non splendeas, æque sis mihi communis in miris, & mirus in communibus, Sapientia, Bonitas, Potentia, Immenitas, Charitas, Justitia, miseratio appareant mihi, ubicunque sunt recondita à te. Neque in creaturis tantum, sed multo magis in Scripturis tuis, atque in Fidei mysteriis cognoscam te, & bonitatem tuam, & sapientiam, & charitatem, & justitiam, & longanimitatem, & quidquid in eis conclusisti arcanorum tuorum, in salutem Electorum tuorum intelligam, & intuear hæc omnia, juxta arbitrium & magisterium tuum, quo sine nihil scio, nisi tenebras meas: quanquam neque has ipsas scio, nisi tu modo illumines me, ad cognoscendum eas. O Paternæ Spiritus, ô Verbi Spiritus, ô Amor Spiritus, da mihi intellectum, ut discam mandata tua. Da mihi intellectum, & instrue me, da mihi intellectum & vivam, vivam veritate & non vanitate, vivam tibi & non mihi, vivam ego non jam ego, sed vivas in me tu, qui es omnium vita, vivam & non moriar, quia in ipsa morte vivam, eritque ipsa mors mihi vitalis, vivam & beatus ero, quia mundus corde ero. Beati autem

tem mundo corde, quoniam ipsi Deum videbunt. Deum autem videre vita est. Hæc est vita æterna, ut cognoscamus Patrem, Deum verum, & quem misit illum Jesum Christum, & Patris Filiique Spiritum Sanctum. Hæc est fides mea, hæc fiducia, hæc fidelitas, hæc subjectio, hæc obedientia, hæc victoria, hæc est enim victoria, quæ vincit mundum, fides nostra, ut vir obediens, Deo atque propter Deum, loquatur victorias. Pro his, proque aliis omnibus bonis & gratiis &c. ut sup.

*Feria tertia. Donum Consilii* pete. Effunde in me, ô rectissime Spiritus, Consilii tui donum, & simul cum eo Longanimitatis fructum. Imbue me consiliatrice prudentia, ut semper quoties opus est, tam mihi, quam proximo meo, incidat mihi prompte ac opportunè consilium bonum, circumspectum & voluntati meæ consonum. Da mihi animum semper rectum, sagacem, cautum, providum, maturè festinantem, festinolentum, ad subitos eventus præmeditatum, ad occultos exitus atque casus impavidum, inter prospera & adversa æqualem, à longe omnia qui in rem ubique sunt prævidentem, moræ & dilationum tolerantem, in rebus succedentibus non electum, in hærentibus non dejectum. Da mihi cautelam in sermone meo, da gratiam oris, da perspicacem ad interiora oculum, da inter dolosos & candidos mutabiles & constantes discretionem. Da sedatos affectus, pacatum animum, compositum corpus, amabilem aspectum, decentes mores, famam necessariam, opinionem ubi & apud quos opus est, propositum rectum, puram mentem, conscientiam tibi soli servatam, teque solo contentam. Pro his &c. ut sup.

*Feria quarta. Donum Pietatis* postula. Effunde in me, ô divinissime Spiritus, Donum Pietatis, quo adjuvante gratiâ tuâ, me rectè habeam ad Deum, & ad omnia propter Deum, pietas enim ad omnia valet,  
sub.

subjice me per pietatis tuæ donum, inprimis ipsi tibi DEO meo, subjice deinde cuivis propter te DEUM meum. Superiori meo. Exæqua me compari meo, & exhibe benignum inferiori meo. Simul vero cum Pietatis tuæ munere, largire mihi bonitatis atque benignitatis tuæ fructum. Nihil ut in meo sit animo non bonum, nihil in moribus non benignum, sed voluntas mea æque prona sit ad volendum bene, atque prompta ad faciendum benigne, proximo cuilibet propter te; volens simul, & re ipsa exhibens eam, quam vult charitatem, beneficentiamque indigenti. Pro his &c. ut supra.

*Feria quinta. Donum scientiæ mendica.* Effunde in me, ô purissime Spiritus, donum scientiæ, mansuetudinisque fructum, & gratiâ operandi polleam, & artes actionum sciam, ut in eis nec effundar, nec confundar, nec offendar. Sciam & impendi agendis, & minori actibus, & supereminere actionibus, & dominari rebus, & tibi inharere, & voluntati tuæ subesse. Sciam quid agas tu, & quid velis, magis velim & amem, quod vis, & amas, & jubes, & disponis tu. Proinde mihi accedant ea, quæ circa mentem meam sunt, atque ea, quæ juxta mentem meam eveniunt. Non metiar ex eventu, sed ex voluntate tua, tam meas, quam alienas operationes atque voluntates: ambulem in his semper, quæ sunt grata in oculis tuis; qualiacunque sint coram alienis oculis, alta, humilia, docta, rudia, grata, insuavia, laudata, reprehensibilia, magna, parva, nullius vel omnium sensui accommoda, dummodo in manu Providentiæ tuæ disposita atque ordinata. Non mihi displiceant inimici mei sed tui, sed neque hi, nisi mores eorum, qui etiam displicent tibi. Injuriam non me irritent sed erudiant, neque iram impetumve in me concitent, sed me mansuetudinem doceant, & ad te respicere, ac in te

conquiescere compellant, crescat in me, sed non inflet me scientia rerum, atque cognitio necessaria. Tu dispone, ut ad cognitionem meam tempestive summittere que deveniant, sive legendo, sive audiendo, sive cogitando, sive aliis mihi ignotis, atque tibi notissimis, & consuetissimis docendi nos de omnibus viis, & modis. Pro his &c. ut supra.

*Feria sexta. Donum fortitudinis efflagita.* Effuade in me ô efficacissime Spiritus! donum fortitudinis, cum fructu Patientiæ, quo pericula corporis, atque animæ, propter te & contemnam, & aggrediar, & vincam & perferam. Nihil sit mihi arduum propter te, nihil difficile, nihil molestum, nihil intolerabile, præterquam peccare in te. Cætera omnia dura, dolorifera, vilia, contemptibilia, difficilia, hoc ipso mihi placeant, quia talia sunt; hoc ipso me ad subeundum provocent, quia formidabilia sunt: hoc ipso me confirment, quia patientiam & dolorem acunt. Nihil sit mihi timori ô Deus meus, & universa virtus mea, nihil inquam sit mihi timori, præter te ipsum, & præter timorem cujusvis creaturæ. Te solum timeam Deus meus, alia verò omnia nihil timeam, sed tantum timere creaturas timeam. Timeam timere omnia, præter unum te, qui solus veretimendus es, super omnia & quem solum formidare, est Fortitudo vera, atque Magnanimitas maxima. Pro his &c. ut supra.

*Sabbatho. Donum timoris Dei pete.* Effunde in me sanctissime Spiritus donum timoris Dei, quo timeam nomen majestatis ejus sanctum atque terribile, & declinem ab omni malo, neque desuam in concupiscentiam delectabilium tam carnis quam mentis meæ vanitatem, sed potius confixus salubribus amoris tui telis, stem firmus inter filios Dei, non pœnam peccati metuens à Patre, sed peccatum ipsum in Patrem abhorrens:



rens, non manum parentis fugiens, sed offensam, neque hæreditatem, sed gratiam in oculis ejus invenire laborem. Atque simul cum pretioso isto dono timoris tui, largire animæ meæ fructum modestiæ, sensualitati fructum continentiæ, corpori fructum castitatis: ut in tempore tuo constitutus, possideam omnes tam internas quam externas vires meas, in sanctificatione, efficiar- que per omnia immaculatum & sanctum templum tuum. Pro his proque aliis bonis &c. ut sup.

## CAPUT IV.

Devotiones singulorum dierum  
hebdomadis, ex fundamento Hu-  
militatis.

*Die Dominico.*

*Vilitatis propriæ protestatio.*

**P**rotestor coram te Eminentissime Deus meus, hac hora semel pro semper, & pro omni beneplacito tuo, me ex me nihil esse omnino, nihil posse, nihil habere, nihil velle, nihil mereri, præter purum nihil. Omnis malitiæ, & imperfectionis, stultitiæ & infirmitatis, ruinæ & vilitatis fontem æternum. Cum hac de me ipso scientia & veritate, vivens ac moriens, per omne momentum inveniri, ac permanere volo, præsentemque protestationem meam, perinde ac si quolibet sequenti momento à me facta esset, pro omni momento factam esse & valere cupio. Ideo & hanc veritatem toto me, totis viribus, totis potentiis, totis circumstantiis, momentisque, atomis denique meis totis & omnibus, incessabiliter, & æternaliter protestari volo, ipsoque facto nunc, iterum, & millies, milliesque protestor. Nihil sum mihi, nihil sum tibi Domine Deus meus, tu autem es omnia tibi, omnia mihi. A te & à me, per omnia amandus, amabilis, amatus super omnia, superdignissimus Deus meus.

*Ferris*

*Feria secunda.**Spiritus humiliati & contriti Symbolum.*

1. **N**ihil sum ex me ipso, & origo mea nihilum. 2. Ex me ipso non sum, sed totum ab alio, me ipsum accepi gratis, nempe ab omnipotente Deo, Factore coeli & terræ, cujus ideo servus, jumentum, & figmentum manuum sum. 3. In peccato conceptus, & ad peccandum projectus, atque præceps nutritus sum, sed & stultitia, atque malitia, simul de utero egressa est mecum, & inventus sum naturâ filius iræ. 4. Ideo peccavi infinita, enormia, fæda, in oculis Domini; & thesaurizavi mihi impœnitens cor, atque iram Dei, in diem iræ. Nescivi quod benignitas Dei adduceret me ad pœnitentiam, sed magis divitias bonitatis ejus contempsî. 5. Et qui ex me peccavi super multitudinem arenæ maris, iramque, & damnationem, & sepulturam in ardoribus sempiternis, merui, eliberare me, nec pro peccatis meis dignum quid facere, aut asserre potui. 6. Sed opus habui sanguine Unigeniti Patris Domini mei Jesu Christi, a quo per crucem, & mortem, ex servitute diabolî redemptus, & à peccatis mundatus sum. O quomodo vulnera mea erant ad mortem, pro quibus Filium Dei necesse erat vulnerari & mori. 7. Neque tamen etiam nunc quidquam sine gratia Dei possum, sed gratia Dei sum id quidquid sum. Non enim sum sufficiens cogitare aliquid boni & recti ex me, sed omnis sufficientia mea ex Deo est, qui si amoverit manum suam à me, illico conturbor, & in malum præcipitor, & plusquam fui filius gehennæ iterum fio. 8. Mors in manibus meis est, sed non vita: possum enim excludere à me gratias DEI, sed eas mereri non possum, sed vita & gratia in voluntate ejus, qui est Pater misericordiarum

rum solus. 9. Non sum iustus, sed & si nihil mihi conficius fuero, tamen in hoc non iustificabor, qui enim iudicat me, Dominus est, in cuius conspectu non iustificabitur omnis vivens, nec quisquam respondebit unum pro mille. 10. Univerſa vanitas & vilitas ego homo vivens, substantia mea tanquam nihilum ante te Deum meum. Si dixerō, mundus sum à ſorde, mendax sum. Si elevabo caput quasi iustus, testimonium dicent contra me iniquitates meæ, & confusio, pudor, & pœna operient faciem meam, & caput meum in ſempiternum. 11. Si vivam mors expectat me. Si mortuus fuero, infernus est domus mea. Sed & omnis vita mea tribulationem & dolorem invenit, flagellum linguæ iniquæ circumdedit eam, & oculus hominis iudex est ejus, laborem, & tentationem, & amaritudinem poſſedi. Gemitum & angustias hæreditavi. Dixi, jam gloriabor, in pace quiescam & exaltabor, & ecce stabunt contra me gigantes, aperient super me os suum, percutientes me lingua, devorabunt nomen meum, comedent carnes meas, satiabuntur pœnis meis, & non erit qui requirat animam meam ab ipsis. 12. Insuper etiam Humiliatio mei in medio mei, perditio mea ex me. Hereditas mea gehenna, tantummodo ex DEO auxilium & ſolatium meum, qui aufert Spiritum meum cum placuerit ei, & nunquam ſciam, ſimne amore ejus an odio dignus. Nec quisquam mihi polliceri poteſt perſeverantiam, niſi dederit eam ipſe, apud quem in meritum & pretium non cadit, ſed miſeretur, cujus miſeretur, quem vult, indurat, quia licet illi, quod vult facere.

*Feria tertia.*

*Corona Humilitatis.*

**C**onstitue te è diametro Divinitati contra positum, & quasi ab imo terræ centro, ad illius inacces-  
sibilis Majestatis verticem, qui tenebras posuit latibulum suum, quantum poteris suspiciens, quantumque sit inter Deum tuum & tuam vilitatem firmatum chaos, desiderans te cum S. Augustino, primum à nihilo recessum, aut verius ipsum esse nihil cogitabis. Deum autem primum & summum Ens, totaliter ac ultimè à nihilo recedens, agnosces. Et per hoc non nihil, quis tu sis, & quis ille collustratus dices.

*Domine Deus magne nimis & superexultate.*

<b>E</b> go sum abyssus nihili,	Tu abyssus Entitatis.
Ego Barbarissimus.	Tu Politissimus.
Ego contumeliarū Sentina.	Tu Honoratissimus.
Ego Desolatissimus,	Tu Socialissimus.
Ego Execratissimus,	Tu Exoptatissimus.
Ego Fædissimus,	Tu Pulcherrimus.
Ego Gracilissimus,	Tu Robustissimus.
Ego Homo,	Tu Deus.
Ego Ingratissimus,	Tu Gratissimus.
Ego labilissimus,	Tu Solidissimus.
Ego Miserrimus,	Tu Beatissimus.
Ego Nequissimus,	Tu Optimus.
Ego Obscurissimus,	Tu Clarissimus.
Ego Perversissimus,	Tu Rectissimus.
Ego Querulosissimus,	Tu Quietissimus.
Ego Rudissimus,	Tu Scientissimus.
Ego scelerum Officina,	Tu Sanctissimus.
Ego Timidissimus,	Tu Tutissimus.
Ego vanissimus,	Tu Verissimus.
Ego id solum sum quod nihil & peccator sum	

Tu autem id es quod es, & nihil eorum quæ extrinsecus  
sunt, es, Hh 3

*Feria*



*Feria quarta. Corona charitatis.*

**I**N sequenti charitatis corolla duo sunt advertenda. Unum, quod sit supplementaria. Amat enim Deum homo, vel certe affectum Amantis induere debet, pro omni re & creatura, tam quæ Deum amare potest, tam quæ amat, quàm quæ non amat. Alterum, quod sit ad amabilissimam Christi amoris crucifixi vulnera applicata. Unde etiam secundum seriem globorum coronæ stigmatum Christi recitari potest, modo sequenti:

*Vulnus primum, Cordis.*

**V**ulnus sacratissimi cordis tui, dulcissime JESU, sit mihi remedium peccatricis animæ meæ, & incentivum amoris Divini, Amen. Amo te, amabilissime Deus meus, amore illo, quo te omnes prædestinati tui, tecum jam in cælo regnantes, amant, amare volunt, amare debent, amabunt in omnem æternitatem, Amen.

*Vulnus secundum, Pedis dextri.*

**V**ulnus sacratissimi pedis dextri, dulcissime JESU, sit mihi remedium &c. ut sup. Amo te, Beatissime Deus Domine meus, amore illo, quo te omnes Prædestinati tui in hac vita amant, amare volunt, amare & si fortè negligunt, tamen debent, & amabunt in omnem æternitatem, Amen.

*Vulnus tertium, Pedis sinistri.*

**V**ulnus pedis sacratissimi sinistri, dulcissime JESU, sit remedium peccatricis &c. ut sup. Amo te, concupiscibilissime Deus, amore illo, quo te omnes peccatores amare debent, amare nolunt, nec amare infelices digni sunt, suppleat oro minutus amor meus defec-

defectum illorum, impetretque illis, ut & ipsi te aliquando amare incipiant, amentque in omnem æternitatem & ultra, Amen.

*Vulnus quartum, Manus sinistra.*

**V**ulnus sacratissimæ manus dexteræ tuæ, dulcissime JESU, sit &c. ut sup. Amo te, excellentissime Deus meus, amore illo, quo te omnes inanimatæ & irrationales, & possibiles creaturæ amare deberent, sed natura impediente non possunt. Suppleat amor hic meus defectum istum, ut plenus sit Amor tui ab omnibus creaturis, tibi debitus. Maxime quia istæ creaturæ tuæ, pleræque ex imperio tuo mihi serviunt, ob quod dignum est, ut te pro illis amem. Amo igitur te, amareque volo pro ipsis, in omnem æternitatem, Amen.

*Ad vulnus lateris & cordis iterum.*

**V**ulnus sacratissimi cordis laterisque tui, dulcissime JESU, sit remedium peccatricis animæ meæ, & incentivum amoris Divini, Amen. Amo te, felicissime Deus, amore beatissimæ Virginis, Jesu Christi Domini mei, amareque te vellem si possem, Amore tuo, quo tu teipsum æternaliter & adæquatè amas. Quod quia non possum, ama tu teipsum Deus meus, & hoc amore tuo supple tibi omnes defectus amorum nostrorum, qui te minus amant quam debent, quam possunt, quam volunt, quàm tu dignus es.

*Ad Vultum CHRISTI passi.*

**A**b sorbeat quæso, dulcissime JESU CHRISTE, medullas & viscera animæ meæ, suavissima & melliflua dulcedo Amoris tui, ab omnibus quæ sub cælo sunt: ab amore amoris tui moriar, qui amore amoris mei dignatus es in ligno crucis mori, Amen.

*Vel aliam Corollam Amoris dicere potes.*

**H**Æc corolla in tres decades est distincta, quâ Amorem tuum dilectissimum Jesum supra omne quod in cœlo & in terris est, efferas, illum ad tria majora gratia te interrogantem auscultes.

**Filia aut Fili amas me? ad quod  
amabile quæsitum intimo animi  
sensu respondebis.**

1. Tu scis, ô Domine speciose præ filiis hominum, quia amo te, præ oculis meis, & præ omni, quod est aspectu delectabile. Averte oculos meos, ne videant vanitatem.

2. Amo te, suavissime Jesu, præ omni dulcedine & gustus suavitate, amore tui, ab omni excessu & sensu libertate ciborum temperabo, ut gustem quam suavis sit Dominus.

3. Amo te, ô Sponse, qui pasceres inter lilia præ omnibus odoramentis & florum fragrantia, trahe me in odorem unguentorum, id est virtutum tuarum.

4. Amo te super omnem harmoniam & musicorum concentum, ut sonet vox tua in auribus meis, eas lubens occludam detractionibus & obscœnis canticis.

5. Amo te super omnes spurcas & brutas carnis voluptates.

6. Amo te præ omnibus corporis mei commodis.

7. Amo te præ omnibus mundi divitiis.

8. Amo te præ omnibus honorum titulis.

9. Amo te præ valetudine & omnibus corporis mei membris.

10. Amo te plus vitâ & animâ meâ.

## 2. Fili vel Filia amas me?

1. Amo te ex tota memoria mea, nec unquam potero tui oblivisci, qui mei dignatus es recordari, ubi expendenda omnia beneficia tibi præstita.
2. Amo te ex tota mente; tui duntaxat cognitioni, ac operum tuorum inhærendo.
3. Amo te ex toto corde flagrantissimo voluntatis æstu; in te jugiter exardescendo.
4. Amo te ex totis viribus; omnes corporis & animi facultates, in amore tui impendendo.
5. Amo te præ omnibus propinquis, amicis & benefactoribus; quia infinitis tibi præ his obstrictus sum.
6. Amo te tenerius quàm Parens Filium unigenitum, aut Filius Parentem dilectissimum.
7. Amo te ardentius quàm sponsus sponsam.
8. Amo te plus quàm cælum, quod sine te infernus mihi videtur.
9. Amo te plus quam mundum universum.
10. Amo te præ amore omnium Creaturarum.

## 3. Fili vel Filia amas me?

1. Utinam nihil amem præter te. Nam minus te amat, qui tecum aliquid amat, quod non propter te amat.
2. Utinam amem te amore casto, ut te amarunt & amant sanctæ Virgines.
3. Utinam amem te amore constanti, sicut te amarunt & amant omnes sancti Confessores.
4. Utinam amem te amore forti, sicut te amarunt & amant omnes Martyres.
5. Utinam amem te amore filiali, sicut te amarunt & amant omnes sancti Apostoli.

6. Uti-



458 *DIURNALE SACERDOTUM.*

6. Utinam amem te amore ardentissimo, sicut te amarunt & amant Cherubim & Seraphim.

7. Utinam amem te amore perfectissimo, sicut te amavit & amat sanctissima Virgo & Mater Maria.

8. Utinam amem te amore, quo te amarunt, & amant, & omni æternitate amaturi sunt, omnes cœlestes civitatis incolæ.

9. Utinam amem te, quantum amasti me.

10. Utinam amem te, ut amore tui moriar pro te, qui mori voluisti pro me.

*Feria quinta, corona de sanctissima  
Dei voluntate.*

**S**ANCTE Deus, Sancte Fortis, Sancte Immortalis. Ego vilissima creaturæ portio, in mea, in omnium creaturarum tuarum persona.

*Obsecro fiat semper*

Adoranda,	Sanctissima,	Purissima,
Observanda,	Potentissima,	Dignissima,
Admiranda,	Sapientissima,	Constantissima,
Amanda,	Optima,	Pulcherrima,
Benedicenda,	Suavissima,	Simplicissima,
Tremenda,	Profundissima,	Rectissima,
Optanda,	Efficacissima,	Perseverantissima

*Voluntas Tua.*

In me, de me, per me, & in omnibus creaturis tuis, sicut in cœlo & in terra.

*Feria sexta. Alia de eadem.*

1. **A**DORANDA voluntas Dei, agnoscam te, amem te, concupiscam te, exequar te, prædicem te, exaltem, glorificem, magnificem te.

2. Sanctissima voluntas Dei, serviam tibi, vivam tibi, vivam in te, vivam te, pascar te, reficiar & inebrier te,

te, quiescam in te, impinguer à te, absorbear & transformer, transeamque totus in te, delecter in te, immergrem in te, inhæream tibi, perseverem in te, immoriar tibi.

3. Potentissima voluntas Dei, affice me, vivifica me, illustra me, accende me, instrue me, governa me, purifica me, sanctifica me, confirma me, posside me, dominare mihi.

4. Efficacissima voluntas Dei, sim tua materia, tuum instrumentum, tuum mancipium, tuum regnum, tua hæreditas, tuum jumentum.

5. Rectissima voluntas Dei, me finge, me rege, me forma, me reforma, me instaure & annihila.

6. Suavissima voluntas Dei, movear à te, agar à te, patiar à te, impeller à te, cogar à te, fingar, refingar à te, violer à te, comprehendar & constringar à te, penetrer à te, sigiller & confirmer à te, annihilèr à te, convertar in te, absorbear & hauriar, devorerque à te.

7. Dignissima voluntas Dei, in te omnes meæ vires, omnes meæ fortitudines, omnis anima mea, omne cor meum, omnes potentie meæ, omnes sensus mei, omnes actiones meæ, omnes habitudines meæ, omnes particulæ meæ, omnes intentiones meæ, omnes intentiones meæ, omnes attentiones meæ, omnes intellectiones meæ, omnes volitiones meæ, omnes memorations meæ, omnes imaginationes meæ, omnes sensationes meæ, omnia consilia mea, omnia proposita mea, omnes commotiones meæ. Omne, quicquid à me, in me & per me est, totus ego, quantus quantus sum, in te, inquam, omnia mea tendant, occupentur, maneant, delectentur, in omnem vitam, in omne tempus, in omnem æternitatem.

*Sabbatho actus Amoris.*

**A**stimo te & amo te, Summa ac Beatissima Trinitas, existentem in teipſa, & unio hanc æſtimationem ac dilectionem meam, cum amore quo tu amabilissime Deus meus amas temetiſſum, gaudens & intime exultans de infinita perfectione ſuperbeatiffimæ Naturæ tuæ, excedente omnem captum intellectus omnium creaturarum tuarum rationalium etiam poſſibilem, deſideransque te æſtimare ſemper, quoad fieri poterit in actu ſecundo, & amare amore quam proximo tuo infinito, & incomprehenſibili Amori, quo amas æternaliter teipſum. Rêgo autem ſuppliciter, ut iſto pauperculus minutulus amor meus, tuo dulciſſimo & diviniſſimo Amori unitus, recreet & exhilaret ſemper dulciſſimum & amabiliſſimum cor tuum, propter guſtum & conſolationem benediſſimi ac beatiffimi cordis tui, Amen.

## CAPUT V.

**Præſes ſublimandarum Actionum**  
 Paſſionumque noſtrarum ad modos à R. P.  
 Caſparo Druzbicki poſitos in Negotiatione ſpirituali  
 & Proviſionibus ſenectutis factas, & in dies  
 ſeptimanz diſpoſitas.

## §. I

*Die Dominico.*

*Præſis, valorem actionum paſſionumque totius vite, ad multos fines compatibles extendendi.*

**P**er omnes & ſingulas actiones ac paſſiones totius vite meæ, quas omnes, nunc de manu Dei voluntariè accepto.

1. Volo

1. Volo laudare, dignificare, adorare, amare & venerari Sanctissimam Trinitatem, Deum Patrem, Filium & Spiritum Sanctum, Jesum Christum, Deum Dominum ac Redemptorem meum, pretiosissimam Dei Parentem, Virginem Mariam, sanctos omnes Angelos ac homines, nominatimque N.N.

2. Volo imitari quam perfectissimè omnibus, & in omnibus, Sanctissimam Trinitatem, Jesum Christum, præcipuè pro me passum, contemptum, pretiosissimam Parentem, Sanctos omnes.

3. Volo agere gratias Deo, ex cujus gratia Jesu Christo, ex cujus merito, sanctissimæ Virgini, Sanctisque omnibus, ex quorum precibus illa facio ac patior.

4. Volo mihi mereri gratiam sanctificantem, gloriam & vitam æternam, remissionem peccatorum, quæ nunc retracto, & pœnarum quas merui. Totum id, quod Divina voluntas vult, augmentum charitatis & virtutum omnium Benedictionem in officiis & necessitatibus meis.

5. Volo impetrare mihi & amicis meis N.N. gratias actuales, frequentes, efficaces, finales. Gratias sanctificantes, gratias gratis datas, congruè ad salutem. Gratias proficiendi heroicè in omni sanctitate statui propria, auxilia in consiliis, necessitatibus, officiis, temporalium sufficientiam, præservationem à malis animæ & corporis, perseverantiam in bono finalem.

6. Volo impetrare Ecclesiæ Dei conservationem & pacem, propagationem & incrementum, vigilantiam Pastorum, copiam Apostolicorum Virorum, exterminium scandalorum & scandalizantium atque hostium.

7. Volo satisfacere & satis pati pro peccatis meis, & pœnis eorum, quæ nunc retracto pro pœnis peccatorum alienorum, amicorum carne & spiritu, inimico-

rum,



rum, Superiorum & subditorum, pro pœnis animarum in Purgatorio.

8. Volo omnes & singulas, & me per omnes ac singulas, sacrificium & holocaustum Deo facere. Omnia ex voluntate mea deliberata, omnia pro hoc & pro omni reliquo vitæ meæ mortisque momento, omnia ad gustum & gloriam voluntatis Dei, æternæ meæ suavissimæ ac semper adorandæ sponsæ (modum desponsationis cum voluntate divina habes infra) in unione sanctissimæ Jesu Christi in mundo conversationis, nec non dulcissimæ Virginis. In unione meritorum & orationem Jesu Christi, dulcissimæ Virginis & Sanctorum omnium.

### *Feria secunda.*

*Praxis, actiones nostras plurimum intentione virtutum faciendæ.*

**D**ignissime Deus, volo ab hoc tempore deinceps omnia facere, eo motivo, eoque modo, quo tu vis, & quia tu vis, illa fieri à te, & à me, propter omnium mandatorum, consiliorum, & beneplacitorum tuorum impletionem, propter virtutum omnium Theologicarum & moralium supernaturalium, donorumque & fructuum Spiritus S. in omni congruo mihi gradu allocationem, exercitationem, incrementum, propter gratiæ gloriæque tuæ in me confirmationem propter instituti mei perfectam impletionem, propter totius mundi auxilium, propter omnium Sanctorum, omnium Angelorum, dulcissimæ Virginis, Christi Jesu, tuum verò, Sanctissima Trinitas Deus, in primis honorem & imitationem. Super omnia verò propter omnimodam tui gultus recreationem, adorandæ voluntatis executionem, summæ Bonitatis dilectionem, eminentissimæ dignitatis exaltationem, mei denique universalem annihilationem, quia hæc est voluntas dignitatis tuæ, & dignitas voluntatis tuæ, Amen.

*Feria*

*Feria tertia.*

*Praxis, actiones nostras sublimandi in meritis Jesu Christi, & Parentis pretiosissima Maria.*

**P**retiosissima Parens mea Maria, tibi ego omnes actiones meas hujus totius dici, mensis, anni, vitæ meæ præteritæ, præsentis & futuræ commendo, easque tuis sanctissimis manibus, & meritis, & gratiis, & donis exornandas, atque Sanctissimæ Trinitatis conspectui pro me offerendas committo, quatenus enim à me sunt, indignissimæ ejus conspectu sunt.

Similiter omnes actus meos mi Jesu, in vita, vulneribus & corde tuo depono, ut in eo detenti sublimentur, & sic dignæ sanctissimæ Trinitati, tuis & pretiosissimæ Parentis manibus offerantur. Vel, In manus tuas, Domine Jesu, & in tuas, ô dulcissima Mater, omnia opera mea, aut hoc præsens opus meum illudque utriusque vestrum meritis & toti in mundo conversationi unio, ornandumque & Sanctissimæ Trinitati offerendum trado.

*Feria quarta.*

*Praxis, appropriandi sibi omnia bona creata Deoque illa ad gustum offerendi.*

**D**EUS, cui soli humana corda loquuntur, & qui solus gratis salvare nos vis, potes, soles, debes. Ego N. paupercula creatura tua omnium tuarum quarumcunque inprimis rationalium creaturarum usque ad Angelos, usque ad pretiosissimam Parentem Virginem MARIAM, usque ad sacrosanctam JESU CHRISTI Humanitatem, procedendo omnes in genere, specie, numero, tibi quomodocunque placitas, aut in omnem æternitatem placituras actiones, passiones, mihi nunc

ex dono gratiæ tuæ, ex beneplacito voluntatis tuæ voluntariè & deliberatè assumo, proprio, atque ad purum & nudum gustum dignissimæ suavitatis & suavisimæ dignitatis tuæ offero, illisque meas etiam pauperculas actiones, passiones ac Entitates omnes conjungo, & tam pro hoc præsentî momento, quam pro tota vita mea reliqua, quam pro mortis articulo, quam denique pro toto æternitatis decursu, illas omnes cum hoc appropriationis actu habere intendo, tuæque summæ Majestati quantum digna est substerno, substernereque in æternum & ultra volo. Tibi Deo meo sit honor ab omni & pro omni creatura, creaturæque atomo in sæcula sæculorum, Amen.

### *Feria Quinta.*

*Praxis, spiritualiter discedendi ex actionibus atque passionibus alioqui inutilibus futuris, tam nostris quam alienis.*

**D**omine Deus meus, qui omnia opera nostra operaris in nobis, operaris autem propter gloriam tuam, & bonum nostrum, neque quidquam in nobis otiosum esse? omnes actiones, passionesque omnes meas Angelorum, beatorum & omnium Entium creatorum quocunque modo te Deo nostro dignas, ipsis autem creaturis cæteroqui vel neglectas, vel inutiles, vel non necessarias, ego videns & agnoscens paupertatem meam, & simul nusquam exulare cupiens gloriam tuam, utilitatemque nostram, has omnes, tam meas, quàm omnium creaturarum actiones atque passiones, etiam atomicè computatas, tibi Deo meo præsen-  
to, honori gloriæque tuæ consecro, pro me, & pro omnium creaturarum capacium bono temporali & spiritali, hujus & alterius vitæ offero, iisque omnes defectuositates

tates meas (& earum) qualescunque suppleri cupio & intendo, in unione meritorum Jesu Christi, atque pretiosissimæ Parentis, & Sanctorum omnium, idque facio semel pro semper, & pro omni æternitate, ad purum gustum tuum Sanctissima Trinitas, Deus meus.

### *Feria sexta.*

*Paradigma, nos communicandi cum creaturis, & transformandi in eas, ac pro eis Deum collaudandi.*

**M**I Deus, volo me omnem creaturam esse, omnem cujusvis creaturæ materiam, potentiam, actum, passionem, effectum, circumstantiam, atomum, capacitatem meam esse, & re ipsa quoad possum, plena voluntate mea, & me illam & illam vicissim me facio, omnesque illas in unum me complector, & sic me in omnibus, omnes in me, pro me, pro omnibus in tuum summè plenum, plenè summum, omnimodè tibi debitum, creaturæque possibilem amorem, cultum, dignificationem voluntatis tuæ, omnem gustum, atque expletionem, per omnes atomos, & momenta, per omnes naturæ gratiæque ordines & gradus, exerceo, expendo, exhaurio, do, dono, dedico, offero, sacrifico, holocaustifico, annihililo, semel pro semper, & pro omni æternitate, in unione meritorum Jesu Christi, & dulcissimæ Virginis & Matris ejus, Sanctorumque omnium, Amen.

### *Sabbatho.*

*Praxis, defectus Divina laudis, in & pro omnibus creaturis, supplendi.*

**A**Gnosco Deus meus, infinitè plurima in laude tua, tibi, à me, & ab omnibus creaturis debita, deperire malitiā, ignorantia, fragilitate, imprudentia, defectuositate nostra. Cupio mi Deus supplere, & re ipsa quantum possum, suppleo defectus istos omnes nostros amore tui, æstimatione & dignificatione presenti  
 I I aQuali,



actuali, qua te Deum nostrum amo & superamo, dignifico & superdignifico, adoro, superadoro, cupio & supercupio, laudo & superlaudo, secundum totam amabilitatem tuam & amativitatem nostram, secundum totam dignificabilitatem tuam & dignificativitatem nostram, secundum totam concupiscibilitatem tuam & concupiscivitatem nostram, secundum totam laudabilitatem tuam & laudavitatem nostram, secundum omne quod debetur & quod debemus tibi, possibileque est nobis, & tu dignus es, ut ita tibi Deo nostro, sit laus plena, sit gloria perfecta, sit exaltatio pro nostro posse adæquata, ex nunc in æternum, semel pro semper, majori quam unquam fervore, atomicè: in unione sanguinis, meritorum, conversationis Jesu Christi, dulcissimæ Virginis & Matris, Beatorumque omnium, Amen.

## §. II.

## Die Dominico.

*Modus, in bonis spiritualibus, per dilatationem extensionemque desideriorum, crescendi.*

**O** Sanctissima Trinitas, desidero te Deum, & summum, & omne, & solum bonum meum, desideris omnibus meis, quæcunque ego juxta omne beneplacitum tuum elicere, tota substantiæ meæ totalis & partialis capacitate possum, tam in genere, quàm in specie, quàm in numero desideriorum. Neque solum te his desideris meis desidero, sed etiam omnium omnino singularumque creaturarum etiam possibilem, omnibus genere, specie, numero possibilem distinctis desideris, præcipue vero, omnium Sanctorum, tum hominum, tum Angelorum, tum dulcissimæ Virginis Mariæ, tum Sanctissimæ Jesu Christi Humanitatis, omnibus absolutim erga te Sanctissimam Trinitatem desideris, præteritis, præsentibus, futuris, idque in omni istorum

no, digni-  
pio & su-  
amabili-  
um totam  
nostram,  
& concu-  
bilitatem  
ane quod  
t nobis,&  
na, sit glo-  
quata, ex  
quam un-  
merno-  
Virginis

rationem  
& sum-  
desideriis  
neplaci-  
& partia-  
n specie,  
m te his  
omnino  
, omni-  
tis desi-  
n homi-  
nis Ma-  
, omni-  
deside-  
ni isto-  
rum

rum desideriorum intensione, in omnibus intensionis gradibus, & ab omni & singula creatura, etiam ætomicè sumpta, & etiam ab ipsa dulcissima Virgine & Matre, Jesuque Christi Humanitate elici possibilibus, tanquam actu de facto in præsentia, nunc pro omni temporis momento, semel pro semper elicitis, in millies, millies, infinities majori possibili omnimoda proportionem. Neque solum in intensione, sed etiam extensione inquam, per omnia & singula subjecta desideriorum istorum, perq; atomos & indivisibilia spiritualia & corporalia, tum vero extensione ad omnia loca, & spatia etiam imaginaria, ad circumstantias & atomos spatiorum, locorum, temporum, reliquarumque circumstantiarum Deo possibilem. Extensionem quoque ad omnia tempora, & ad omnia omnium temporum instantia, & omnia quoque momenta æternitatis, tam ante, quam post. Præterea, intentione, & motivo, & objecto & ratione desiderationis, omni quidem possibili tibi Deo meo atque complacita, sed nominatim illa omni, propter quam tu ô Sanctissima Trinitas, es desiderabilis & desideranda in te, & per quam nos sumus, aut esse quovis recto modo possumus, desiderativi tui, & desiderantes te, sive illa ratio intentionis motio sit quidpiam ad intra in te, & ipse Tu, sive sit aut esse possit aliquid ad extra diversum à te, sed tamen profectum à te, & propter te. Et cupio hunc actum à me, & ab omni eo, quodcumque tu non es, mihi voluntate charitatis meæ insubstantiato, in omni atomo sui, & in omni circumstantia spectato, replicari & repeti, imo quantum in me, replico, repeto, & repeti gaudeo, mihiq; ex hoc propter te complaceo, omnipossibiliter, in singula per omnem æternitatem momenta, tantum quantum Tu ô Trinitas DEUS! & nos omnes Creaturæ tuæ desiderare volumus, debemus, possumus, quia tu dignus

dignus es, & quia nos debemus, & quia nos adjuvante, imo dante, & faciente te nobiscum, ac per nos, possumus, communicando hunc actum inprimis Jesu Christi ac Redemptoris nostri omnibus meritis & gratiis, unaque dulcissimæ Virginis & Matris Mariæ ac Sanctorum omnium, ad Christum Jesum incarnatum, & incarnatam Sapientiam, Verbum, Filium Dei, tanquam ad caput pertinentium intercessionibus, deinde universæ Divinitatis tuæ Bonitati, ac bonitatis Divinitati, atque dignissimæ & substantialissimæ dignitatis, ad gloriam omnimodam & omnipossibilem, & omniparem Patris æterni ingeni, Verbi, Filii increati, incarnati & unigeniti, Spiritus S. ex Patre Filioque procedentis, ab omni Æternitate, & in omnem æternitatem, & ultra.

*Feria secunda.*

*Modus hic potest arbitrio contrahi hoc - vel simili modo.*

**S**anctissima Trinitas Deus meus, cupio te amari, & amatum fuisse ac fore, per omnia omnium temporum æternitatumque instantia, à me, & ab omni creatura, creaturæque portione, & atomo, & momento. Vellem Domine Deus meus, in te toties, per omnia singulaque momenta & indivisibilia mea, amore digno, te debitoque tibi, à me succendi, quoties ab intra, vel ex intrinseco, quælibet mobilia corpora & Entia spiritalia mota sunt, moventur, movebuntur per omnem durationem, perque omnia instantia durationis eorum, Quoties Domine folia & rami in arboribus, herbæ, & gramina in campis, segetes in agris, animalia in terris, aëre & aquis, vitalia in animalibus, guttæ aquarum in fluviis, lacubus, fontibus, & mari, & nubibus, meteora quælibet in aëre, sensationem in cognoscentibus, intel-

lectio-

lectiones & volitiones in Angelis & hominibus, toties ego te Domine pro me, & pro omnibus creaturis tuis amo, superamo, & superamare volo, propono, peto in æternum.

Quidquid Domine inerat, inest, inerit, inesse possibile fuit ac erit unquam intensiōis ac fervoris, in omnibus qualitatibus, actibusque creaturarum omnium, naturalibus juxta ac supernaturalibus, totum hoc intensiōis istius conglobamentum cupio, & quantum possum, ac tu donas, facio inesse actui vitæ meæ, nominatim vero huic præsentī meo actui, quo te ô Trinitas Deus, ô increatum pro me Verbum, credo, spero, amo, veneror, timeo, adoro, desidero, laudo, magnifico, gratias ago, summè summum bonum meum appeto, de omnibus bonis tuis tibi gaudeo, gratulor, & placeo.

Domine pro omnibus granis & atomis terræ, aquæ, aeris, ignis, luminis cœli, reliquarumque creaturarum in his contentarum, te dignifico, te laudo, te timeo, te spero, te adoro, te amo, toties replicando actuali voluntate mea, hoc omnes & similes affectus atque actus, in te, quot sunt & esse possunt, prædicta grana, prædicti atomi. Sanctissima Trinitas, istis omnibus actibus, affectibusque, quos hac die aut hora, hocque in loco, tempore & occasione, vel quovis alia præterita, præsentē, aut futura in te eliciunt, aut elicient, sub quacunque pia motione, ad inventionem, industriam, formalitatem, circumstantiam, omnes creaturæ tuæ, omnes pii & boni servi tui, omnes prædestinati, omnis triumphans & militans Catholica Ecclesia; afficior ego quoque pauperculus vermis, in te gratulando illos, tibi offerendo, infinities volendo, & repetitos perfectiores ac plures esse cupiendo, de illis & per illos tibi congaudendo, propterque illos omnes authores eorum amando, honorando, appretiando.



NB. Antequam sequentes actus elicias, reflecte te, num consentias.

**Q**uidquid est Domine, aut fuit, aut erit, aut esse possibile est, unquam & uspiam vilitatum, ac humilitationum naturalium, & voluntariarum, supernaturaliumque; iis omnibus, ego mi Jesu, mi Deus, coram te, & propter te, & tibi, humilio & vilifico me, meamque totaliter substantiam ita, ut atomus in me non sit ulla, non sit motus animi mei ullus, qui non sit coram te, propter te, & tibi omnipossibiliter humiliatus, & vilificatus. Humilio me, Domine, Humilitate JESU CHRISTI, Dei - Hominis, Domini mei, humilio me Humilitate dulcissimæ Virginis & Matris MARLÆ, Angelorum, Sanctorumque omnium, Humilitate totius Ecclesiæ, humilitate omnium hominum, omnium creaturarum reprobarum & damnatarum, humilitate omnium rerum, in cœlo, & sub cœlo, in terra & intra terram existentium, humilitate vilitatum, sordium, sæcium, sentinarum, putredinum, corruptionum, purgamentorum, excretionum omnium, humilitate denique omnis & totius nihili, ita ut his omnibus humilitatibus ac vilitatibus instar spongiæ penetrer, undique instar piscis innatem, in eis totus instar volucris voluter & volitem circumdatus, ut denique totus, per omnia, in corpore & anima, omnique substantia, capacitate, motu, atomo, instanti horum omnium, non solum humilis aut vilis, sed ipsissima humilitas, vilitas, abjectio, contemptus & contemptibilitas, confusio & odiositas efficiar. Tibi Deo meo ad gustum, mihi autem ad debitum omnimode explendum, & exæquandum: ut quantum tu dignus es, tantum ego vilis sim in æternum, exclusa sola in tuam Domine bonitatem & voluntatem & dignitatem peccati malignitate, & indignitate.

*Feris*

*Feria tertia.*

*Modus, merita cumulandi per ratihabitionem actionum atque passionum, bonorumque omnium tam alienorum quam propriorum.*

**D**EUS cujus gloriæ & servire debent, & serviunt omnia. Omnes actiones, passionisque tam meas, quam aliorum, reliquarum creaturarum quocunque modo bonas, quocunque modo à me & ab eis habitas, & etiam per omnem æternitatem habendas, Ratas habeo, atque tibi Deo Domino offero, iisque omnibus te dignissimum laudo, adoro, benedico, dignifico & amo super omnia. Item pro eis omnibus tibi tanquam earum fonti gratias ago, ac eas tibi restituo, & in te fundo, ratificans eas & congaudens tibi ex eis, in tota earum Entitate, bonitate, latitudine, sensu ac circumstantia. Et cupio omnes ac singulas elicitas fuisse, esse, fore, ex purissimo gustus tui tibi adæquati intuitu, millies milliesque majore proportionem fervoris ac charitatis, ex tota latitudine capacitatis omnis creaturæ, in unione totius Sanctissimæ JESU CHRISTI, beatissimæ Virginis, Sanctorumque omnium tuorum conversationis, specialiter autem ratas habeo omnes meas & aliorum mea occasione habitas exercitasque coram te & propter te actiones & passionis, magis vero ratas habeo sanctorum hominum & Angelorum, beatissimæ Virginis Mariæ, Matris JESU CHRISTI, Dei-Hominis, capitis nostri. Cæterum super omnia ratas habeo omnes actiones & passionis tuas ipsius, ô DOMINE DEUS noster, sive ad intra, sive ad extra, in te, & à te repertas, ratas habeo omnes communicationes tuas, per quas tu tibi in te, & per

quas nobis tu ex te communicas perfectiones tuas, & omnia quæ tu es, & quæ sumus nos, & per quas nos ad te refluimus atque recurrimus, tanquam ad fontem nostrum. tibi ex omnibus, & in omnibus Deo nostro gloria, æstimatio & laus per omnia momenta, per omnes atomos, per omnia instantia temporis & æternitatis, usque in æternum & ultra. Fiat, fiat,

### *Feria quarta.*

*Potest idipsum brevius & simplicius transigi hac praxi.*

**R**atas habeo omnes actiones & passiones meas, quocunque modo habitas, & quomodocunque bonas, ratas etiam habeo easdem omnium omnino creaturarum, incipiendo à Christo Domino, ad ultimum usque atomum creatum, ratas habeo in specie etiam illas, quæ sunt occasione mea aliquando in te Deum meum exercitæ, & ratas habeo omnes & singulas, in omni earum latitudine, sensu, circumstantia. In unione meritorum Jesu Christi, beatæ Virginis Mariæ, & Sanctorum majori quam unquam fervore spiritus, milliesque millies majori proportionem fervoris, charitatis, dignificationis, quia hæc est voluntas tua, & dignitas voluntatis tuæ Sanctissima Trinitas, Deus meus, Amen.

### *Feria quinta.*

*Modus crescendi in merito per retractationem malarum actionum tam nostrarum quam alienarum.*

**D**eus dignissime, qui nos creaturas tuas in gloriam tuam creasti, sed à nobis infinitis modis ac malitiis quotidie offenderis. Doleo quantum possum, pro omnibus ac singulis peccatis atque malitiis, in te, pri-

nes tuas, &  
r quas nos  
ad fontem  
Deo nostro  
ata, per o  
& æterni-

anfigi hoc

nes meas,  
docunque  
n omnino  
o, ad ulti-  
o in specie  
ndo in te  
s & singu-  
tantia. In  
his Maria,  
e spiritus,  
ris, chari-  
, & digni-  
us meus,

nem ma-  
rum.

gloriam  
ac mali-  
tum, pro  
in te, pri-  
mum

num quidem à me, deinde ab omni creatura commis-  
sis, atque etiam committendis. Nolo mi Deus; nolo  
ullam malitiam à me, ab omnique creatura alia com-  
missum esse ac fore, eam ex nunc retracto, detestor &  
execoror, quia te Deum dignissimum agnosco, amo,  
æstimo. Nolo te in æternum offendere, nolo te of-  
fensum esse. Nolo offendi te, à præterita, præsentē, fu-  
tura vita & damnata creatura. O quis det, ut te omnes  
laudent, & ut omnia mala ab eis commissa, & commit-  
tenda, non sint commissa, non sint committenda. Sed  
potius, ut omnia sint in laudem tuam quam maximam  
conversa. Deus meus vides voluntatem meam, vides  
quod cupiam, ut nihil sit in creaturis tuis malum in  
oculis tuis. Cupio & propono quantum in me erit,  
impedire mala omnia & displicita tibi. Offero tibi to-  
tam vitam Jesu Christi, beatissimæ Virginis, Sancto-  
rum omnium & singulorum, offero omnia eorum me-  
rita, offero totum me, cum omni capacitate mea, ad  
resarciendam læsam malitiis nostris bonitatem, digni-  
tatemque tuam. Offero tibi hoc in particulare opus  
meum &c. &c.

### *Feria sexta.*

*Modus augendi merita, non intendendo nec in-  
tuendo meritum.*

**D**omine Deus meus, quidquid facio, quidquid pa-  
tior, quidquid faciam patiarve unquam, quocun-  
que modo, id totum, puro, nudo, gratuito amoris tuo  
consecro. Non meritum cupio, sed tuum gustum in-  
tendo. Ipsum meritum quod consequor, tuo gustui  
consecro, ipsum quod mereri non intendo, aut quod  
tuo gustui consecro, non propter majus meum meri-  
tum, sed propter plenius suaviusque tuum beneplaci-  
tum, tibi dignissimo Deo, semel pro semper consecro.



& tibi, & si non absque spe, attamen proinde, ac si absque omniâ te præmii ac boni spe, gratis, purè ac nudè servio, servireque in æternum volo. Sufficit mihi placuisse tibi, non tamen quia placuisse tibi bonum mihi, sed quia gratum ac placitum tibi. Amo te, quia mihi places, ut tibi placeam, ut mihi placeas, non quia id bonum mihi, sed quia id bonum tibi, quia dignum te, quia bonum, & gratum, & placitum tibi, & denique ut sit bonum, gratum, gustabile, placitumque tibi.

### Sabbatho.

*Modus merendi ex occasione actuum sensibilium & insensibilium, rationalium & irrationalium creaturarum.*

**D**omine Deus meus, vellem hodierna die tot actus amoris elicere, quot sunt scintillæ elementi ignis, tot item actus doloris, quot guttæ elementi aquæ, tot actus conformitatis cum voluntate Divina, quot sinus auræ, tot actus humilitatis, quot terræ pulveres, arenæ maris. Quoties cadunt guttæ roris & pluvie, quoties cadunt nives, folia decident, toties Domine provolve me ante te, in cælo, Eucharistia, ubique præsentem. Quoties Domine inclinantur arbores, folia, flores, arista, toties Domine vellem subdere me Legi tuæ. Quoties garriunt aves, loquuntur homines, toties vellem profiteri fidem meam. Quotiescunque moventur pulsus arteriæ, alæ, pedes, toties Domine vellem moveri in te, accedere ad te. Quoties, Domine, animata audiunt, aurisque sensu aliquid percipiunt, quoties reddunt horologia horas, horæ itrepunt, toties vellem Domine vocem tuam intus audire. Quoties oculi aspiciunt, palpebræ nictitant, toties desidero videre te. Quoties, Domine, homines & alia animata respirant, quoties adsunt venti, toties Domine opto suspirare

ad

ad te. Quoties Domine cor meum movebitur, cor omnium hominum, cor item animatorum, toties, imo toties, millies, millesies vellem cor meum: unire tibi. Et hoc ad optimum, purum, putum gustum tuum. Seraphicè, Marianè, Christiformiter, omnipossibiliter, omnistudionaliter, Domine Deus meus.

## §. III.

*Decem actus singulis diebus exercendi.*

IN unione sacratissimæ Jesu Christi conversationis, Inec non omnium dulcissimæ Virginis meritorum, dulcissime dignissimeque Deus meus, Trinitas Sacratissima, Pater, Fili & Spiritus S. majori quam unquam fervore Spiritus, milliesque millies majori perfectione, ad purum gustum tuum, ad nullum præmium. 1. Volo omnia facere propter te, propter utilitatem Ecclesiæ, propter solatium animarum. 2. Despono me tibi, ô suavissima Sponsa, Providentia, Sapientia, Voluntas, Deus. 3. Dedico me eminentissimæ Dignitati tuæ exultandæ, utere me ad humiliandum me, ad exaltandum te valde. 4. Amo te super omnia & super me. Proximum verò etiam mihi inimicissimum & inutilissimum, sicut me propter te. 5. Doleo de omnibus peccatis meis, quibus bonitatem ac dignitatem tuam offendi, & statuo emendare me. 6. Annihilo me sicut revera nihil sum coram te, & pulverizo me sub pedibus omnis creaturæ propter te. 7. Veste dignationum tuarum Jesu Christe vesti me, & propter eum totum perfectè indivina me. 8. Condoleo Jesu Christo patienti, pauperi, contempto, stulto, crucifixo pro me, & volo illum imitari per omnia propter te. 9. Pretiosissimam Parentem Virginem MARIAM, æstimo super omnia te uno DEO minora, propter te. 10. Gratias ago & gaudeo tibi de omnibus donis tuis propter te, utque ex omnibus  
sit

fit tibi gloria, mihi autem faciei confusio quam maxima, desidero toto me, propter te, teste pretiosissima Parente, Virgine Maria, ego N. N. creatura tua, à primo instanti conceptionis meæ usque in æternum & ultra. Quia hæc est voluntas tua, & dignitas voluntatis tuæ, Amen.

## §. IV.

*Postulationes quotidiana.*

**D**EUS, & gratiarum Largitor & misericordiarum Pater, qui apèris omnipotentem benignissimamque dexteram tuam, & imple omne animal benedictione. En ego vilissimum Majestatis tuæ jumentum, & ultima creaturæ tuæ portio, videns planeque palpans paupertatem ac mendicitatem meam extremam, ad te donorum omnium Largitorem, bonorumque abyssum, cum omni quæ creaturæ possibilis est, submissione, Majestatisque tuæ divinæ reverentia, nec non egestatis, vilitatis, infirmitatis, nihilitatis, ignorantie, malitiæ, inconstantieque meæ, humili confessione accedo, & ad thronum gloriæ gratiæque tuæ supples provolvor, gratiasque mihi quidem valde magnas, necessarias, & dignitate mea infinitè superiores, apud te autem faciles & parvas, humilimè, ferventissimè, avidissimèque efflagito. Interponens pro me apud te, omnium iustorum, omniumque prædestinatorum preces & merita. Beatissimæ quoque Virginis Dei Matris Mariæ, sanctorum Patronorum meorum, sancti Angelii custodis mei intercessionem. Ipprimis verò Unigeniti tui Jesu Christi Domini mei ac Redemptoris, omnia vitæ, mortisque mysteria, puncta ac merita, omnem eorum valorem, Hypostaticæ etiam unionis & personæ Verbi dignitatem, tuam ipsius denique Excellentissime Deus bonitatem, naturam, perfectionumque omnium

quam ma-  
retiofissima  
a tua, à pri-  
eternum &  
as volunta-

icordiarum  
gnissimam-  
nal benedi-  
umentum,  
neque pati-  
extremam,  
norumque  
lis est, sub-  
ta, nec non  
ignorantia,  
essione ac-  
z supplex  
magnas, ne-  
es, apud te  
nè, avidis-  
oud te, o-  
rum pre-  
Dei Matris  
andi An-  
verò Uni-  
emptoris,  
merita, o-  
nionis &  
ue Excel-  
onumque  
omnium

omnium ac dignitatum superplenam plenitudinem.  
1. Postulo igitur à te, misericordissime Deus, ut si quod  
in me salutis impedimentum, peccandique occasionem  
ac peccati maculam vides, eam quamprimum à me re-  
moveas. 2. Postulo à te, clementissime Deus, veram  
& finalem pro peccatis omnibus & singulis pœnitent-  
tiam ac contritionem. 3. Postulo à te, Deus meus,  
ut omnes pravy habitus meos in me extirpes. 4. Po-  
stulo ut omnes immoderatos passionum motus refræ-  
nes. 5. Postulo, ut corpus & animam ab omnibus  
immunditiis, ab omnibusque actionibus etiam tan-  
tum materialiter malis, ab omnibus actibus immerito-  
riis, denique ab omnibus tepidè factis bonis purifies.  
6. Postulo, ut des mihi gratiam ita vivendi, ut semper  
(quantum fragilitas mea patitur) sim absque culpa &  
pœnæ obligatione. 7. Postulo, ut des mihi gratiam  
abstinendi ab omnibus & singulis, inprimis verò deli-  
beratis peccatis. 8. Postulo, ut des mihi in omnibus  
operibus meis cognitionem & internum lumen con-  
sequi. 9. Postulo, ut des mihi semper juxta habitum  
virtutis, mensuramque gratiæ abs te mihi communi-  
cata, quin & intensius & perfectius ipso habitu operari.  
10. Postulo, ut des mihi ad tuum gustum divinum do-  
na multa & magna, quæ magnis Sanctis tuis contulisti.  
11. Postulo, ut des mihi exactè & promptè, guberna-  
tioni, regimini, & inspirationi tuæ mediatae vel imme-  
diatae in omnibus respondere. 12. Postulo, ut in o-  
mnibus actionibus meis habeam rationem naturæ, per-  
fectionis, mortificationis. 13. Postulo, ut des mihi  
gratiam semper & semper ferventius tibi serviendi, ma-  
gis tibi placendi, perfectius te cognoscendi & exal-  
tandi, me verò profundius abjiciendi. 14. Postulo, ut  
des mihi longam vitam, plenam sanctitate mea, & in-  
genti fructu proximorum. 15. Postulo, ut des mihi  
gra-



gratiam proposita omnia bona exequendi, & constanter ac illuminare in eis perseverandi. 16. Postulo, ut des mihi ad extremum usque vitæ instans, plenum sensuum & rationis usum, utque te etiam in extremo vitæ puncto diligam super omnia, cupiam super omnia, & ex motivis puræ ignitæque charitatis de peccatis dolendo, in manus tuas spiritum meum traham. 17. Postulo, ut des mihi gratiam discernendi spiritus, tam in meipso, quàm in aliis. 18. Postulo, ut des mihi gratiam facile, & citò, res, quas à tua Divina Majestate peto impetrandi. 19. Postulo, ut des mihi cor misericordiæ plenum, quo aliorum bonis sine invidia faveam, infirmitati & miseriis sine furo compatiar, facile omnia excusem, tegam, laudem, aut saltem: nec meæ nec alienæ censuræ narrando subijciam. 20. Postulo, ut des mihi gratiam capiendi homines, ad bonumque à malo suaviter, prudenter, efficaciter deducendi. 21. Postulo, ut dirigas ad me, vel me ad tales homines, qui maximè egent, & remoti sunt, destituti que sua vel aliena culpa, ab auxilio spirituali, utque mihi des gratiam, eosdem homines efficaciter, & cum patientiæ meæ exercitio adjuvandi, ad teque Creatorem ac Dominum adducendi. 22. Postulo, ut des mihi gratiam Apostolicam ad conversandum, concionandum, confessiones audiendum, consulendum, ut des mihi industrias, praxes, inventionesque prudentiæ spiritualis, animarum periculis occurrendi. 23. Postulo, ut in me impedimenta, meæ æternæ salutis à me, ab illis, à Diabolo objecta, potenter removeas, mihi que cum omni hominum genere, gratiarum agendi, & salutariter tractandi concedas. 24. Postulo, ut iis animabus, quæ vel peculiari de causa à me juvari debent, vel minimum ad exsolvendum tuæ Justitiæ habent, vel à nullo penitus vivorum in particulari ju-

juvan  
clarit

Pro

Q

omnia  
spiciat  
diosè  
tus ap  
tempu  
itaque

I

In T  
te, ver  
Catho  
Apost  
Eccler  
dicio  
consp  
subm

P

n  
Sanct  
tia, n  
rum  
quan  
despo

ju-

juvantur, quam citissimè miserearis, & ad vultus tui claritatem videndam, illas admittas, Amen.

## CAPUT VI.

## Protestationes semel aut sæpius in mense faciendæ.

**Q**ui eas, quæ sequuntur, Protestationes cum singulari suæ animæ profectu facere desiderat, ante omnia recollecto oportet sit animo, secumque ipse dispiciat, quidnam & cui protestetur. Id verò compendiosè faciet, si titulum cujuslibet Protestationis penitus apprehenderit. Possunt etiam fieri relatione ad tempus agonis, & nunc pro tunc ratihaberi. Prima itaque Protestatio sit

*Fides.*

**I**N nomine Patris, & Filii, & Spiritus S. Dei unius in Trinitate, & Trini in Unitate. Ego N.N. coram te, veracissime Deus, protestor me esse Christianum, Catholicum-Romanum, velleque in hac una, vera, Apostolica fide vivere & mori. Credendo quæcunque Ecclesia Catholica credit, meumque iudicium ejus iudicio per omnia submittendo, prout de facto, nunc in conspectu Divinæ tuæ Majestatis sciens, volens, libens submitto.

*Spes.*

**P**rotestor, fidelissime Deus meus, me salutem æternam à te Domino Deo, ita per merita Christi Jesu, Sanctorumque suffragia sperare, ut nec sine tua gratia, nec sine cooperatione mea, me illam consecutum præsumam, neque etiam propter peccata mea, quantumvis multa & gravia, me eandem adepturum desperem.

Cha-

*Charitas.*

**P**rotestor, perfectissime Deus, te Deum Dominum meum esse summum excellentissimumque Bonum, & ipsissimam Bonitatem, ob quam dignissimus es omni amore, æstimatione, appretiatione, & super omnia prælatione. Unde & ego vilissimus licet, te tamen amo & æstimo super omnia, omnemque rem tibi penitus postpono, & eam propter te despicio, Deus meus, serua in me hunc affectum & amorem appretiativum tui, ut in me semper sit, semperque crescat, donec ad plenam illam nunquam interruptam, nunquam excidentem, nunquam languentem tui dilectionem perveniam.

*Religio.*

**P**rotestor, Sanctissime Deus, te esse Deum decorum, & Dominum dominantium, cui soli, omnis & semper divinus cultus, adoratio, devotio, honor, majestas debetur. Quare ego creatura tua te Deum meum, Deum verum agnosco, te Trinum adoro, te Unum credo, in te spero, te amo, æstimoque super omnia, tibi me subijcio, tibi me plena submissione trado, nulliusque alterius, quam tuam voluntatem, per te vel tuos mihi propositam facere volo.

*Contritio.*

**P**rotestor, Excellentissime Deus, me peccata mea omnia, maxima & minima, quibus frequentissime infinitam tuam Bonitatem & eminentissimam tuam Dignitatem offendi, ex animo detestari & odisse, deque illis contritione qua possum, & tu donas, maxima dolere, dolere autem non ob ulla damna, nec ob ulla supplicia, quæ sum promeritus, sed ob id solum, quia Dignitatem & Bonitatem tuam offendi, quam amare

amare æstimareque debui, prout nunc amo & ætimo,  
in æternumque amare & æstimare propono.

*Propositum.*

**P**rotestor dignissime Deus, me velle vitam meam  
emendare, tibi serventer servire, voluntatem Tuam  
semper exequi, omnia peccata fugere, omnibus tenta-  
tionibus cum tua mihi semper parata gratia resistere, &  
in bono ad mortem usque perseverare.

*Intentio.*

**P**rotestor rectissime Deus, me omnia dicta, facta,  
cogitata, omnes motus animæ & corporis, in unam,  
solam, majorem gloriam tuam dirigere, meam deinde  
salutem & perfectionem, tum denique proximorum  
meorum bonum, in omnibus quærere, neque quid-  
quam amplius in cunctis consiliis meis atque operibus,  
quam augmentum tuæ gloriæ, salutis vero meæ & pro-  
ximorum incrementum intendere.

*Fiducia in Deum.*

**P**rotestor omnipotentissime Deus, te esse omnium  
rerum auxiliatorem fortem, à cujus gratia & ope  
ego totus quantus quantus sum, plus dependeo, quam  
lux à Sole, quam vita ab anima, quam umbra à corpore.  
Protestor quoque tuam mihi gratiam semper esse neces-  
sariam, ut aliquid boni faciam, possim, sciam, velim,  
cogitem. Utque aliquam tentationem vitæ, aut vin-  
cam, ut denique ad aliquod etiam breve tempus, in pec-  
catum non corruam.

*Dominium Dei.*

**P**rotestor justissime Deus, te esse omnium rerum &  
meum inprimis Dominum absolutum. Tibique  
me omnia debere, te autem mihi debere nihil. Itaque  
teneor tibi tanquam jumentum, tanquam mancipium,  
tanquam figmentum subdi, servire, subiacere, sine ullo



abs te mihi proposito aut promisso præmio. Tu autem, etsi omnia quæ debeo, fecero, dicere mihi potes: Non places, inutilis servus es, abi, &c. Meq; à te rejicere, & in æternum damnare, quoniam nihil mihi ex Justitia debes.

### *Diffidentia sui.*

**P**rotestor, Maxime Domine Deus, me nihil esse nisi Nihil, solum nihil & peccatum posse. Nihil mihi me esse sine te, nisi ducem in præceptis, nisi cæcum in via erroris, nisi terram sine aqua. Cum autem tu respicis me, omnia possum in te, confortatus abs te.

### *Vocatio religiosa.*

**P**rotestor, Misericordissime DEUS, me hunc sacre Religionis (vel Apostolicum) statum, in quo me singularis tua Providentia collocavit, & hætenus servavit, amare & probare: Votaque Paupertatis, Castitatis & Obedientiæ, & nunc etiam movere, & ad ultimum usq; spiritum exacè velle retinere, sicque in hoc sacro sancto statu vivere cupere, quemadmodum excellentissimi ejus instituti, altissima perfectio, Regularumque præscriptio, expostulat.

### *Imitatio.*

**P**rotestor, Inviçissime DEUS, me nullam aliam viam magis (quamvis obliuctante & reformidante sensualitate) appetere, quam viam crucis, humiliationis, tribulationis, mendicitatis, infamiæ, ingrati tudinis, desolationum internarum, morborum corporalium &c. modo id citra impedimentum majoris in me boni spiritualis fiat, ut sic Redemptori meo conformis, verusque Dei focus evadam.

### *Confessio Miseriæ.*

**P**rotestor, Beatissime DEUS, me hasce & similes protestationes, non ita facere, quasi eas mea industria & dili-

diligentia perfecturum me præsumam, (novi enim infirmitatem & malitiam meam) sed quia tuæ Excellentissimæ Majestati, hoc quali quali affectus mei obsequio placere volo, debitorque mei, quod tibi omai momento vitæ meæ impendere teneor, me ipsum prout possum, commonescere intendo, nec non frigidos spiritus mei igniculos, per quasi has afflationes inflammare aliquantum satago, & denique hac protestationum repetitione, miseræ infirmitati, inconstantia, malitiæque meæ remedium afferre, in bonoque perseverandi necessitatem, mihi metipsi imponere qualiter possum & tu donas, allaboro.

*Resignatio.*

**P**ROtestor, Pulcherrime DEUS, me velle omnino à me ipso desciscere, & in te totum transire. Nihil mihi de me usurpare, totum me tibi tractandum & regendum tradere, omnia de Paternis tuis manibus æqualiter expectare, ut sic totus in te habitem, in te vivam, in te glorier, sive consolari, sive affligi, sive erigi, sive abjici, sive vivificari, sive mortificari me velis.

*Præmium.*

**P**ROtestor, Liberalissime DEUS, me à te nihil aliud repossidere quam te, non quod me dignum putem qui habeam te, sed quia te dignissimum esse scio, ut habearis à me, quodque omnibus præmiis præmium majus sit diligere te, placuisse tibi, habere te.

*Constantia.*

**P**ROtestor, Gloriosissime DEUS, quod ab his, quæ in antedictis omnibus protestatus sum, resilire nullatenus unquam velim, quodque omnipotentissimæ Gratiæ tuæ fidam, eam mihi semper affaturam, meque efficaciter adjuturam, quatenus omnia quæ tibi placita sunt, semper, constanter, perseveranter, perficere valeam.

*Perseverantia.*

**P**rotestor admirabilissime Deus, me omnem præteritam, præsentem, futuram voluntatis meæ perversitatem abominari, detestari, execrari, & sicut præteritam nollem fuisse, præsentem nollem esse, sic omnem futurum nolle evenire, hocque præsentem, firma, deliberta, libente protestatione confirmo, me omne id quidquid tandem à me futurum est mali, nolle, respuere, detestari, retractare, hancque qualem qualem protestationem meam tibi Deus meus in testem & obsidem trado conjungens illam omnibus Jesu Christi Redemptoris mei, Beatissimæ Virginis Mariæ, meæ ab Infancia Parentis ac Dominæ, omnium quoque Sanctorum meritis, gratiis, virtutibus, protestationibus, ad majorem maximi tui nominis gloriam.

*Obedientia.*

**P**rotestor suavissime animarum nostrarum Amator Deus, me cum tua sanctissima gratia, omnibus tuis quantumvis gravibus & arduis, quantumvis levibus & parvis motionibus, inspirationibus, invitationibus, quocunque modo mihi factis, ut primum eas plene cognovero, deque prudentium consilio tuas & implendas esse didicero, quantum in me situm erit obtemperaturum, neque illis ullatenus reluctaturum. Quod & si magnum, majusque omnibus viribus meis onus esse intelligo, attamen, tua in misericordia confido, quod qui me movere & invitare dignaris, etiam me in motionibus & invitationibus tuis, à non tuis dignoscendis, illuminare, & dirigere dignaberis, quodque tu, qui das id in præsentem postulare & animose protestari, dabis & fideliter persequere, & omnino cumulatè, promptè, perseveranter exequi.

*Diligentia.*

**P**rotestor diligentissime Deus, me velle omni occasione, quæcunque se ad majus & perfectius, magisque cum

cum gloria tua conjunctum beneplacitum tuum perficiendum, meque ad magis Spiritu & tua gratia promovendum, mihi aliquando ex tuo munere obtulerit, intendere; eaque accurate uti, atque etiam protua mensura gratiæ mihi abs te communicatæ, devotioni & perfectioni tam proximorum quam meæ, nec non majori gloriæ tuæ quærendæ & curandæ semper insistere, efficacitatem modo auxilium tuum hanc ad rem implendam digneris concedere.

*Gratiarum actio.*

**P**rotestor magnificentissime Deus, me tibi pro omnibus & singulis in tota vita mea, quocunq; modo abs te mihi præstitis beneficiis, eas quas possum maximas gratias agere, & usque in æternum agere velle, hancque protestationem ita nunc facere, ut per illam (sanguini ac meritis Domini nostri Jesu Christi conjunctam) omnes præteritas, & forte (quod nollem) futuras ingratitudines, aut gratias agendi intermissiones, suppleam & sufficiam; eo plane modo, ac si tibi perpetuas, & nullo modo interruptas, ad extremum usque vitæ spiritum gratias agerem, tam diu, donec cum omnibus Sanctis tuis, misericordias tuas, me tibi in æternum cantare facias.

*Invocatio boni.*

**P**rotestor immutabilissime Deus, me omnia, quæcunq; unquam tibi cogitavi, proposui, dixi, feci, in futurumve cogitabo, proponam, dicam, faciam, aut etiam potero cogitare, proponere, dicere, facere bona, etiam nunc: pro cogitatis, propositis, dictis, factisque; in quantum possum, & tu vis habere, huncq; ipsum protestandi præsentem actum, in omnium illorum prædictorum bonorum vicem velle esse, cupereq; eum semper durare & renovari, in omnia aspiratione & respiratione anhelitus mei, in omnemq; æternitatem continuari, exoptare, affectu quidem toto & pleno, non tamen meo, quia nullus



est, sed omnium Sanctorum & Angelorum, sed sanctissimæ Virginis Mariæ, sed dulcissimi Domini mei IESU CHRIS TI, sed denique tuo Divino & te digno, tibi que pari, ut sic tibi perfectior laus, benedictio, servitium, reverentia, directio à me vilissima creaturæ tuæ portione, sine fine & ultra impendatur.

*Omnis gloria in Deum transfusio.*

**P**ROTECTOR, solidissime DEUS, me in omni opere, verbo, cogitatione, motu meo nihil prorsus vanæ gloriæ, propriæque reputationis, tam in præsentem quam in futuro intendere velle. Proinde Deus meus, qui vanitatem in te non habes, & in nobis illam odisti, detestor in conspectu tuo omnem gloriolam vanam, omne aut quod feci, dixi, cogitavi, scripsi, aut aliquando faciam, dicam, cogitabo, scribam, proponam, intendam &c. totum tibi attribuo & adscribo, mihi solum nihil & imperfectionem reservo. Hanc verò protestationem præsentem, ita nunc facio, ut eam continuatam, toto vitæ meæ tempore, ad ultimum usque instans velim, ita ut hanc protestationem te Scrutatore cordium teste: cupiam & proponam in articulo mortis haberi, imò eam in præsentem tibi pro illo etiam puncto, in omni sinceritate offero. Accipe, Deus, hanc voluntatem meam, & qui intueris cor, radicesque desideriorum exaudis, exaudi me miserum & affectum meum ab omni vanæ gloriæ titillatione pro toto vitæ meæ tempore, ad ultimum usque spiritum libera, mihi que plenum ejus contemptum tribue, ut tibi soli laus, honor, gloria, sit à me, in sæcula, Amen.

**CAPUT VII.**

**Modus colendi Div. voluntatem.**

**I**N supra per dies aliquot devotiusculæ ad voluntatem Divinam sunt positæ: nunc sit

## S. I.

*Modus desponsandi se Voluntati DEI,**R. P. Druzicki usitatum.*

**O** Suavissima atque semper adoranda Dei voluntas, cui servire dignitas, cui placere vita, cui adhærere beatitudo est. Ego N. quamvis undequaque confortio tuo plane indignissimus, & nullo modo tibi exaudendus, solo tamen & puro tibi placendi, adhærendi, serviendique desiderio, tuoque etiam sacrosancto nutui, ad id me misericorditer impellenti, obsequi ex animo concupiscens, te mihi in charissimam perpetuamque Sponsam eligo & accipio, vicissimque me tibi in sponsum perpetuum trado ac devoveo. Omnem substantiam meam, libertatem, potentiam, fidelitatem meam, dilectionem quoque & cohabitationem, & mutuum obsequium, atque etiam laborum, studiorum, cogitationum, fructuum communitatem, tibi in omnem vitam meam, imò in omnem æternitatem despondeo, ita ut mihi tu sanctissima Sponsa, & ego tibi sponfus beneplacens, inviolabili jure desponsatus, in æternum esse & vocari velim. Tu jam ô Sponsa omnipotens, effice me secundum cor tuum, meque frui per omnia, & utere me ad beneplacitum tuum, juxta omnipotentem efficaciam tuam. Volo, ô Domina & Sponsa mea, ut quidquid tibi sive de me meisque actionibus & vitæ rationibus, sive de aliis quibuscunque ad me quomodolibet pertinentibus, vel non pertinentibus prosperum vel adversum, placet, mihi quoque ut placeat. Volo, ut quidquid ego per omnes potentias meas, in omni momento vitæ meæ agam, tibi perfectè commensuratum, subditum, placitum & gustabile fiat. A qua voluntate, proposito, & desponsatio-

ne præfenti, nullatenus me resilire velle, coram te ipsa Domina Sponsaque mea profiteor & protestor. Sic me tu ô unicus cordis mei amor atq; deliciæ adjuvare & confirmare, efficaci, continuoq; auxilio tuo digneris, Amen.

## §. II.

*Protestatio & plena conformatio sui ad  
voluntatem Dei.*

**O** Deus meus, Amor meus, absit ut quod tu vis, ego nolim, aut quod tu non vis, ego velim, tua voluntas mea voluntas, imo amplius mea non est. quia tua esse cœpit, imo tua mihi jam sequenda est, quia mea esse cœpit. Idem ego velle debeo quod tu, & verò etiam ô Domine volo, vis me ægrotare, volo, tabescere? volo, doloribus affligi? volo. Solatiis destitui? volo. Vis linguis detractorum, calumniatorum, iridentium exagitari? volo, Vis adversis plurimis exerceri? volo, mori etiâ? & hoc volo. Vis me cœlo adscribere? volo. Inferno addicere? Ah bone Jesu! ut tu hoc velles, volebam ego, & merebar. Ut ego hoc nollem & volebas tu, & merebaris, atque si fieri posset (ut sancte non potest) horum alterutrum, aut sanctissimam voluntatem tuam irritam esse, ut ego beatus sim, aut me damnatum esse, ut sanctissima voluntas tua rata sit, proclamo, melius est damnari me, & servari quod tu vis ô Deus. Sed ô Bonitas, mortem meam scio, non vis, qui Filii tui mortem ideo volebas, ut posses non velle meam, per illam ergo Filii mortem te rogo, ô Pater, à morte æterna me eripe. En vulnera, en sanguinem, quo tibi pro me litatum est, Filio nolebas parcere ut posses servare. Quia ergo & potes & vis misereri, ô immensa & tremenda Majestas, miserere mei, parce mihi, peccavi, regere non possum, sed potes tu condonare quidquid peccavi. Serva me Deus, quem creasti, opus tuum sum, quod

quod te meum Opificem videre & æternum laudare cupio. Potes quidem instar figuli me luteum vasculum, & sub tui authoris manu parum obsequens frangere, & quod pridem commerui, in flammam abjicere, sed quia major est tua Bonitas, quàm malignitas mea, parce Domine, parce, parce, vivam amando te, qui brevi moriar, hoc per ultimum halitum rogando te. Miserere,

§. III.

*Oratio pro implenda Dei voluntate.*

SANCTE Deus, SANCTE Fortis, SANCTE Immortalis. Ego Syllissima creaturæ tuæ portio, in mea, & in omnium creaturarum tuarum persona, id unum, & super omnia, & pro omni tempore ac æternitate, proque omni tibi placita circumstantia, obsecro fiat semper, fiat plenè, fiat juxta cor tuum, fiat juxta cordis tui adæquationem adoranda, observanda, admiranda, amanda, benedicenda, tremenda, optanda, sanctissima, potentissima, sapientissima, optima, suavissima, profundissima, efficacissima, purissima, dignissima, constantissima, pulcherrima, simplicissima, rectissima, perseverantissima Voluntas tua sponsa mea in me, de me, per me, in omnibus creaturis tuis, sicut in cælo & in terra.

§. IV.

*Fœdus perpetuum humane voluntatis cum Divina.*

ORIUM est hoc fœdus in Polonia Anno 1663. sub tempore sacri fœderis militaris, includens in se speciales actus Virtutum, unde ejus dignitas & utilitas, imò & necessitas facile colligitur. Potest usui venire loco devotionis matutina seu vespertina. Qui ejus voluerit fieri particeps, duo agat. Primo pactum fœderis subsequens in dies devotè oret. Secundo, quoscunque poterit ad Societatem fœderis, sedulo pertrahat & invitet.



*Patrum Fœderis.*

**V**oluntas tua, Deus meus, per quam & propter quam creata sunt omnia, est primum principium, à quo totum hoc, quod sum & possum, habeo; est finis ultimus ad quem tendere debeo: est unicum beatitudinis centrum, in quo securè & feliciter conquirere valeo. Hujus ductum si sequor, omne malum supero, omnes affectus edomo, omne bonum consequor. Hujus mandatum si exequor, omne peccatum aufero, omnes virtutes adipiscor, omnem legem tuam adimpleo. Hanc proinde nunc & semper cernuus honoro, adoro & revereor. Hanc credo Rectricem universi. Hanc aestimo super omnia. Hanc laudo, benedico & glorifico. Pro ejus Regimine in omnibus tam prosperis quam adversis tibi, Deus meus, infinitas ago gratias. In hac omnem spem & felicitatem meam repono. Ipsa est tota fiducia mea in omni occasione. Huic me totum nunc pro semper in perpetuum mancipium offero, dono, dedico & consecro. Hujus decretis & dispositioni me cum tota universitate regendum plenariè trado & reconfigno. Gaudeo animitis & tibi, ô Deus! congaudeo, quòd in cœlo à beatis Spiritibus, & in terra à iustis voluntas tua integre perficiatur. Condoleo autem & compatior, quòd voluntas dæmonum, dæmnatorum & peccatorum etiamnum voluntati tuæ repugnet. Quia tamen eidem nullatenus resistere potest: nec ulla adversa creatura finalem ipsius ordinationem effugere valet, plurimùm lætor tibi que congratulor. Meam porro perversam voluntatem optimæ voluntati tuæ, ô summum Bonum! frequentissimè contrariam fuisse, ex corde tristor & doleo. Sed jam<sup>ic</sup> bhinc voluntatis tuæ præcepta in omni actione & p<sup>ar</sup>ne mea efficacissimè exequi, tuâ nixus ope, firmis-  
simè

simè propono, statuo, & enixissimè appromitto: Odi, fugio, detestor, abominor omne peccatum, & quidquid sanctissimæ voluntati tuæ displicere cognosco vel cognovero. Propter hanc memetipsum abnego; & propriæ voluntati abrenuntio; optoque cordiculus, ut abhinc in me non mea sed tua voluntas sit, in cujus omni beneplacito etiam cujusvis adversitatis mihi complacito & conquiesco. Quin adeo sum resignatus, ut etiam æternum damnari paratus sim, ô amor mi, si ita velis, dummodo acceptissimæ voluntati tuæ per omnem æternitatem nihil agam contrarium; cui soli placere intendo & concupisco propter solum gustum tuum, licet nullum commodum meum. Te enim, ô inestimabile Bonum, propter temetipsum super omnia toto esse & posse meo animitus diligo, & voluntatem tuam, quæ idem tecum est, unice amo, complector & exosculor, eique intimè uniri, & totaliter conformari ardentissimè desidero. Quàm vellem si possem, mi Creator & Salvator, inducere omnem creaturam rationalem ad obediendum voluntati tuæ, prout eidem omnis creatura irrationalis obtemperat. Huic me cum omnibus voluntatis tuæ cultoribus sigillatim in hoc fœdere comprehensis plenariè commendo, & unitivè reconfigno; ut, sicut tu, ô trina Unitas! unum in te es, ita & nos tecum simus consummati in unum. Per hanc obtestor te, ô mi DEUS, doce nos facere voluntatem tuam. Da nobis perseverantem in tua voluntate famulatum, fac nos semper voluntatis tuæ memores, & fideles ac constantes in ejus obsequio ex motivo amoris tui, ut simus secundum cor tuum. Denique oro, fiat de nobis, in nobis, & per nos quàm perfectissimè in omnibus & super omnia DEUS meus, & omnia nunc & perpetim sanctissima voluntas tua, fiat inquam ad unicum laudis, honoris & glo-

& gloriæ tuæ augmentum, fiat in holocaustum & tributum amoris Majestati tuæ ab omni creatura debitum, quod per cor Domini JESU, beatissimæ Virginis & Matris Mariæ, atque omnium Sanctorum, ex affectu totius universitatis, in unione omnium actuum meritoriorum tuæ Dignitati gratorum digneris clementer acceptare, Amen,

§. V.

*Fœdus Amatorum crucifixi JESU.*

**C**œpit Duaci in Flandria Anno 1630. hoc fœdus & duo requirit, 1. Quotidie dimidio quadrante hora aliquid è Passione Dominica meditari, & in fine vel sequens pactum vel unum Pater noster pro Confederatis omnibus absolvere; ut in manibus suis conscriptos agnoscere; & in vulneribus suis recondere æternumque beare dignetur JESUS crucifixus. 2. Quotcumque quisvis poterit ad Societatem fœderis asciscere. Quo facto quisque hujus fœderis fiet particeps, in quâ jam milliones hominum per Europam censentur.

*Pactum Fœderis.*

**M**anus tuæ, Domine, fecerunt nos, manus inquam illæ, quæ cruci affixæ fuerunt pro nobis. Opera manuum tuarum ne despicias. Vulnera manuum tuarum precor ut inspicias. Ecce in manibus tuis descripsisti nos. Lege ipsam scripturam & salva nos. O bone JESU! exaudi nos, intra vulnera tua absconde nos, nec permittas nos separari à te. In hora mortis voca nos, & jube nos venire ad te; ut cum Sanctis & Electis tuis laudemus te nunc & in æternum, Amen,

CAPIT

## CAPUT VIII.

Modus colendi Sapientiam  
æternam.

## §. I.

*Modus desponsandi se Æternæ Sapientiæ,  
à R. P. Druzicki usurpatus.*

**O** Pretiosissima, ô pulcherrima, ô dignissima, æterna Sapientia, quæ me licet universæ vilitatis vilitatem atque purgamentum, tamen gratuita solâ & pura misericordia gratiaque tua eligis, servas, ditas, salvas, beas, te ego coram adoranda individuaque Trinitate, coram omni aula cœlesti, pretiosissimaque tua Parente, nullis licet suffragantibus meritis, sed solis tuis invitantibus auxiliis, eligo, accepto, accipio mihi in sponsam sempiternam, meque vicissim tibi trado, dono, despondeo, in sponsum perpetuum, voloque totus tuus esse, in omnibus tibi servire, omnia ad gustum tuum facere, in omnibus majus tuum beneplacitum, majoremque gloriam tuam quærere, & spectare, tibi que in æternum adhærere, nullum pro hac re à te præmium expetere, nisi ut sis sponsa mea suavissima, & ego sponsus tuus gratissimus, tibi semper, utque utaris me toto juxta omne placitum tuum, & ad gustum adorandæ voluntatis tuæ, & ad exaltationem eminentissimæ Dignitatis tuæ. Tibi cum Patre & S. Spiritu sit æternitas gloriosa, & gloria æterna.

## §. II.

*Postulatio Sapientiæ à Deo.*

**D**EUS patrum meorum, & Domine misericordiæ, qui fecisti omnia Verbo tuo, & Sapientia tua con-

fi-



stituisſti hominem, ut dominaretur creaturæ quæ à te facta eſt, ut diſponat tempus ſuum in æquitate, & juſtitia, & in directione cordis iudicium iudicet. Da mihi ſedium tuarum aſſitricem ſapientiam, & noli me reprobare à pueris tuis, quoniam ſervus tuus ſum ego, & filius ancillæ tuæ, homo infirmus & exigui temporis, & minor ad intellectum iudicii & legum. Nam ſi quis erit conſummatus inter filios hominum, ſi ab illo abſuerit ſapientia tua, in nihilum computabitur. Tu elegiſti me ſervum tibi, & tecum ſapientia tua, quæ novit opera tua, quæ & aſſuit tunc, cum orbem terrarum faceres, & ſciebat quid eſſet placitum oculis tuis, & quid directum in præceptis tuis, mitte illam de cælis ſanctis tuis, & à ſede Magnitudinis tuæ, ut mecum ſit & mecum labore, & ſciam quid acceptum ſit apud te, ſcit enim illa omnia, & intelligit, & deducet me in operibus meis ſobrie, & cuſtodit me in ſua potentia. Quis enim hominum poterit ſcire conſilium Dei, aut quis poterit cogitare, quid velit Deus? Senſum autem tuum Domine quis ſciat, niſi tu dederis ſapientiam, & miſeris Spiritum Sanctum tuum de altiffimis, & ſic correctæ ſint ſemite eorum, qui ſunt in terris, & quæ tibi placent, didicerint homines? Nam per ſapientiam ſancti ſunt, quæcunque placuerint tibi Domine à principio.

## §. III.

*Affectus ad æternam Sapientiam.*

**F**ides. Æterna Sapientia, credo de te hæc omnia, quæ de te per te revelata ſunt in Scriptura ſacra, atque in tua S. Romana Eccleſia. Credo te Deum, & id omne eſſe quod revera es. Credo te Dei Filium, non creatum, non factum, ſed genitum, unum cum Patre Spiritus Sancti Principium, æternum, cœqua-

lem,

lem, consubstantialem, incarnatum pro nobis de Spiritu Sancto, ex purissimis pretiosissimæ Parentis sanguinibus, cibum animarum nostrarum, inter nos & nobiscum manentem, immolatum sanctissimo Sacrificio, serva, adauge, perfice in me hanc fidem, & fac me dignum pro illa etiam mori.

*Spei.* Æterna Sapientia, tu es Deus, summum Bonum meum, & omnium nostrum, cui nullum bonum præponere, nullum componere possum, quod super omnia bona spero, à quo omnia bona spero. Te totis viribus desiderii mei cupio, amo, appeto, tibi inhio, ad te anhele, sine te non vivo, tibi immorior, propter te pereor, tibi soli uni semper vivit & vivet, te dante anima mea, totus ego. Et heu me! cur non adsum tibi, cur adhuc peregrinor abs te? Et quo usque hoc?

Quando? O quando incipiam pleno tuo meo jure frui te? possidere te? Quando, ô quando incipiam tuus esse? O mane mecum, suavissima Sapientia mea, veni & da mihi te ut satier, ut inebrier, ut replear, ut super-replear te, tu enim es prima, ultima, unica, summa ratio spei meæ, salutis meæ, boni mei, te desidero, spero, concupisco, quantum possum, quantum das. Angustum est cor, quod accepi à te, da mihi amplius, quod vehementius cupiat te, da par tibi, da tuum, da ipsum te, ut cupiam & possideam te, per ipsum te, quoniam satiari & quiescere non nisi totaliter habeam te.

*Amoris.* Æterna Sapientia, tu es DEUS, tu summum Bonum, summè perfectum, summe pretiosum, nullis æstimationibus condignè æstimandum, te ego amo, te super omnia æstimo, tibi super omnia bona volo. Tu mihi vita mea, omnibus bonis, omni re & spe mea, toto mundo creaturis etiam possibilibus, charior, pretiosior, dignior, pulchrior, amabilius, suavior es, & eris in æternum & ultra. Amo te, ô

te, ô suavissima, æterna Sapientia, amore meo toto, amore omnium hominum, Angelorum, creaturarumque, amore pretiosissimæ Parentis, amore pretiosissimæ sacratissimæque Humanitatis. Cupio te amare amore tuo, quo tu diligis te, amore Patris, quo ille amat te amore tuo, quo tu Patrem amas, amore, quo amo Spiritum S. amatis, ab ipsoque reamini, vicissim æterna Sapientia, unica semper delectatio mea, da mihi amorem tui, non quantum creaturæ omnes & singulæ habent, non quantum hæc universi machina capere potest, sed quantum tu, omni tua potentia condere potes, eum totum in æternum ad te solum convertito & confero, propter supremam Bonitatem tuam, propter eminentissimam dignitatem tuam, propter adorandam suavissimamque voluntatem tuam, propter purum & solum gustum tuum, propter augendum erga te affectum meum, propter nullum aliud pramium meum.

*Donationis.* Æterna Sapientia, tu es Deus, Rex & Dominus meus, ego autem servus, infans, cliens tuus, governa me, tracta me, posside me, abjectum & fidem in solum Te, totum me in Te resigno, abjicio, demergo, ut tu mei curam quam voles, geras, deque me totaliter, prout voles, disponas.

*Postulationis.* Æterna Sapientia, tu es Deus, ego autem homo sum, hoc est: Tu es Deus & liberalis, ego autem pauper & mendicus, non me pudet neque piget mendicare à te, imo gaudeo te tam perfectum, me tam miserum esse, ut debeam à te omnia maxima minimaque bona emendicare. Mendico igitur, & emendicat mecum totum nihilum meum: id omne, quidquid tu Deus Sapientia, mihi totique creaturæ necessarium, melius tuæ voluntati congruentius esse notii.

*Laudis.* *Æterna Sapientia*, te laudabit quoad  
vivet in omnem æternitatem anima mea, tu es laus mea,  
tu canticum semper antiquum, semper novum. O  
quando incipiam sic laudare te, ut nunquam opus sit  
me cessare à laude tua, infelix corpus & corporalis vita  
misera, quæ gravas animam, ut non semper laudet  
Deum suum. *Æterna*, suavissima, pulcherrima, dignis-  
sima Sapientia &c. Ego, mancipium tuum, laudo omni  
laude debita tibi, & opto ex animi mei plenitudine, ut  
cum primum oculos meos manè patefacio, simul etiam  
sefe cor meum capacissimè dilatet, omnibusque portis  
ejus flagrantissimæ & amantissimæ laudis tuæ flamma  
prorumpat, sursumque feratur, cum ignitissimo cordis  
amore tui, tuæque sacratissimæ Humanitatis, tuæ pre-  
tiosissimæ Parentis, tui supremi quem in laudem &  
charitatem tuam condidisti Seraphici Spiritus, tuo-  
rumque specialium Sociorum, te in beata æternitate  
incessabiliter amantium, atque etiam cum illa inexhau-  
sta, & incomprehensibili charitate, qua Pater tuus  
cœlestis te unicum Filium suum complectitur, per a-  
morem suavissimum Spiritus Sancti, ex Patre & ex te  
Filio procedentis, cum quo vobis suprema sit laus in  
æternum, Amen.

## CAPUT IX.

Modus colendi & impetrandi gra-  
tiam Divinam.

**Q**uis unquam quid boni agere, loqui, aut etiam  
cogitare, vel etiam minimum malum evadere  
potuit, sine gratia Divina. Licet omnibus, maxime  
tamen Sacerdotibus summè necessaria. Sit itaque



## §. I.

*Modus projiciendi se in sinum gratia Dei.*

**D**Eus cui creatura omnis debet omnia, & sine quo res omnes nihil sunt, cujus gratiam omnia requirunt ac mendicant. Ego figmentum manuum tuarum, coram Divino tuo conspectu me, sicut revera sum, penitus vilifico, & annihilo, totumque à tua gratia esse ac dependere, sine illa autem nihil omnino esse ac posse agnosco. Proinde, ô Fons bonorum omnium Domine, gratiam tuam sanctam, qua plus infinite egeo, quam cogitare valeo, mihi in Matrem ac Nutricem perpetuam eligo atque accipio, ejusque me infantulum ac nutritum esse, in omnibus ejus auxilio egere profiteor & gaudeo, totum me in ejus sinum, omni resignationis ac indigentia pondere abjicio, ab ejus solius providentia ac sustentatione, omnia & singula expecto, ac denique in hoc solo, quod infans, lactens, nutritusque gratia tua sum, gloriari concupisco. Tu igitur Domine, me tua gratia totum creandum, formandum, gubernandum, ornandum, defendendum, promovendum, penetrandum, vegetandum, nutriendum, solvendum committo. Dume gratia tua subesse, doce me illam nosse, illam quaerere, cum illa versari, illam servare, illam desiderare, illam defendere, illam promovere, illam exaltare, non tantum cum Patientia meae exercitio, aut cum famae, honoris, opinionis, auctoritatisque damno, sed etiam cum mortis periculo, cum vitae discrimine, cum mei annihilacione, ad majorem nominis tui Sanctissimi gloriam, adorandae voluntatis, piissimaeque gratiae exaltationem.

## §. II.

*Confessio paupertatis & Emendicatio Gratia.*

**D**Eus in quo sunt Fontes gratiarum, & infinitus Liber faurus beneficiorum, sine quo nihil, per quem omnia sum & possum, coram abyssi Sapientia tua, cui

Dei.

ne quo  
requi-  
uarum,  
um, pe-  
esse ac  
ac posse  
Domine,  
o, quam  
petuam  
nutritum  
gaudeo,  
indigen-  
a ac su-  
e in hoc  
uæ sim,  
e gratia  
ornan-  
um, ve-  
Doce  
quare-  
e, illam  
tantum  
onoris,  
mortis  
atione,  
doran-

ratie.  
us The-  
quem  
tua, cui  
nihil

nihil cordis humani versutia mentiri potest, agnosco, & confiteor, me ex me purum & merum nihil posse, nihil scire, nihil velle, nihil cogitare, nihil esse. Agnosco & confiteor, mihi ex notitiæ naturæque meæ principiis solum nihil, solum defectum, solum contemptum, solum abjectionem, derelictionem, egestatemque deberi. Agnosco & confiteor, me quæcunque bona, sive naturalia sive supernaturalia, minima juxta ac maxima in me habeo, omnia ex gratia, & misericordia, donationeque tua gratuita, & nullatenus debita habere. Agnosco & confiteor, me ita gratia tua egere, ita semper omnia ab illa accipere, ita per omnia ab illa dependere, quomodo infantulus à nutrice, radii lucis à Sole, umbra à corpore, vita ab anima dependet. Agnosco denique & confiteor, me aliud esse nihil, nec alio nomine dignius vocari posse, debere velle, quam emendicatorem continuum gratiæ tuæ.

Gratia tua, Domine Deus meus, sum id quod sum, & id quod non sum. Gratia tua possum id quod possum, quod cogito, quod volo, quod velle volo, quod velle possum. Sine gratia vero tua, sum pura mendicitas, pura indigentia, pura miseria, purum nihil, adeo ut sine gratia tua neque hoc ipsum de me scirem aut profiterer, non per tuam gratiam in hac veritate erudirer. Quare Domine Deus meus, hanc omnimodam paupertatem, nuditatem, nihilumque meum medullitus recognoscens, tibi; omnium cognitori confitens, ex nunc usque in perpetuum, ad tuam me gratiam emendicandam, totumq; quantus quantus sum, converto, eaq; me indigere non tantum recognosco, sed etiam gaudeo; eam mihi ad omnia & singula cujuslibet meæ potentiae opera, tam naturalia quam supernaturalia necessarium esse sentio, illamq; a te tota egestatis meæ latitudine atq; capacitate expeto, meq; totum in tuam gratiam tanquam infantulus lactens in ulpas Matris & Nutricis depono.

Deus meus gratiarum arbiter ac Domine, totus à te sum, totus à te dependeo, sine te totus egestas, totus defectus, totus nihilum sum. Tu igitur ô abyssus gratiarum, gratiam tuam qua perpetuo indigeo, perpetuo mihi subministra. Da illam mihi digne poscere, digne receptare, digne servare, digne augere, digne honorare. Da ut efficaciter sciam per illam me habere, & posse omnia. Da ut in illa referam, ipsique adscribam omnia, illi gratias agam post omnia, illam æstimē super omnia, illam propagare allaborem, inter omnia denique illam dum vivam, totis viribus meis exaltem super omnia, me autem deprimem, vilificem, annihilēque infra omnia, idque ideo, quia hæc est dignitas Gratiæ tuæ, & quia hæc est adoranda Voluntas tua cui gloria in secula, Amen.

## §. III.

*Oratio pro conservatione in Gratia.*

Suavissime rerum omnium gubernator DEUS, qui Sportas cuncta Verbo virtutis tuæ, & in cujus conspectu difficile non est dicere pauperem, quiq; ventis pondus facis, hoc est creaturis tuis ex se ad malum & ad casum pronis, constantiam in bono firmitatemque tribuis. En ego vilissimus terræ pulvis, & omnium infirmitatum infirmissimus homuncio, etsi ubique, & semper, & omnino do, gratia tua indigeo, potissimum tamen Gratiæ tuæ sanctificantis assidua in me inhabitatio, ne, conservatione, augmento, confirmatione, ac perseverantia opus habeo, utpote, per quam solam amicus & Filius tuus efficiar, & sine qua cætera dona tua nihil ad aliud quam ad cumulum damnationis meæ, iræque tuæ mihi posint, & qua sola si potiar, abunde dives sum. Eapropter, indignissimus tuus servus & omnium infirmitatum infirmissimus homuncio, tota submissionis

meæ profunditate, supplico Majestati tuæ piissimæ, ut me tuum per omnia mancipium, in sancta Gratia Tua habere, conservare, confirmare, stabilire digneris, neque unquam in æternum ab illa excidere patiaris. Hoc te Deus meus non propter ullam meam dignitatem, aut merita (quæ nulla esse aut si quæ sunt, tua dona esse scio aut confiteor) sed propter solum ac purum tibi constanter immobiliterque digne serviendi desiderium, per omnem cordis tui bonitatem, per universam viscerum tuorum misericordiam per Jesu Christi Redemptoris mei, Filii tui passionem, mortem, vulnera, & merita, per pretiosissimæ Parentis, Virginis Mariæ omniumq; Angelorum ac Sanctorum intercessionem rogo & obsecro. In qua tamen petitione mea exaudienda vel rejicienda, totum me cum omni quæ Creatori à creatura debetur submissione ac subjectione, sanctissimæ ac semper adorandæ voluntati permitto. Ad majorem eminentissimæ dignitatis ac Gratiæ tuæ in me, de me, per me exaltationem, tibi sit honor in sæcula, Amen.

§. I V.

*Canticum creaturæ Gratiæ exaltantis.*

**V**ilificat anima mea me ipsum in conspectu tuo dignissime Deus.

Et desperavit Spiritus meus in nihilo contemptibilis meo.

Quia nihil sum propter mendicitatem naturæ meæ, ecce enim ex hoc jure contemnent me omnes generationes.

Quia nihil prorsus ex me possum, & nulla est sufficientia mea.

Sed misericordia Dei sum quidquid sum, & quod non sum, & ex me nihil boni possum.

Fecit Deus bonitatem misericordiæ suæ, supplevit defectus egestatis meæ.



Extraxit me de lacu nihili mei, & donavit me totum mihi.

Exaltantes gratiam suam ditat Dominus, spernentes autem dimittit inanes.

Curat me ut nutrix infantem suum, novit enim omne imperfectum meum.

Sicut ab ipso sum totus quod sum, sic & ab illo solo spero cuncta bona mea.

Gloria Patri, & Filio, & Spiritui Sancto.

Sicut erat in principio, & nunc & semper, & in sæcula sæculorum, Amen.

## CAPUT X.

### Modus dicendi Coronam beatissimæ Virginis.

**D**Um vis dicere Coronam beatissimæ Virginis Mariæ, ut sit magis grata Sanctissimæ Trinitati, illam sic offeres; O sancti Patroni mei hujus diei, dignemini offerre hanc Coronulam beatissimæ Virgini, ut illa offerat dilectissimo Filio suo. Ille amantissimo Patri faciat ut mihi & N. N. concedat remissionem peccatorum quoad culpam & pœnam, & N. N. (quod intendis impetrare) Domine Deus meus, hoc propositum dicendi coronam, primò conceptum in purissimo corde tuo, & mihi inspiratum, ut fidelis inveniar in hoc proposito, volo illam absolvere, & offero tibi eandem in honorem beatissimæ Virginis Mariæ, per sanguinem in sanguine, cum sanguine dilectissimi Filii tui, Domini mei Jesu Christi, per os sancti Archangeli Gabrielis, affectu Sanctissimæ Trinitatis, quo salutavit beatissimam Virginem, millies, millies, majore proportionem fervoris & amoris, millies millies majore fervore intentionis, acuminè, sacrificativè, Christiformiter, Seraphicè, omnimodionaliter, ad purum putum gustum tuum, ut mihi & N. N. concedas N. N.

Rogatur

*Recitato Hymno.* Veni S. Spiritus. Et Antyphona beatissimæ Virginis pro tempore dicta. In prioribus tribus globulis absolve. 3. Pater & Ave, in honorem Sanctissimæ Trinitatis, & Gratiarum actionis pro beneficio Creationis, Redemptionis & Sanctificationis. In majori globulo. Pater noster. Post illud dic Oratiunculam hanc: O Dulcissime Jesu, rogo per effusionem sanguinis tui in circumcissione, libera me à peccato luxuriæ, & da mihi virtutem castitatis. Qui vivis & regnas.

*Oblatio prima Decadis.* O dulcissima Virgo, hanc decadem tibi offero per manus sanctarum Virginum, per modum melodix, quam canunt sanctæ Virgines sequeutes Agnum quocunque ierit, quarum tu primiceria es, ut me, & N. N. exihilares præsentia tua in ultimo agone vitæ meæ.

*Post primam Decadem.* O dulcissima Mater Dei & Virgo, Domina, Patrona, Advocata, Mater mea pretiosissima, rogo te per gaudium cordis tui, quod habuisti in Annuntiatione Incarnationis Filii tui, Domini nostri. Impetra mihi & N. N. ab eodem Filio tuo, remissionem peccatorum meorum quoad culpam & pœnam, seriam vitæ emendationem, Gratiam sanctificantem & finalem, (N. N. virtutem dici quam eodem die per Patronos impetrare intendis) animabus fidelium Defunctorum requiem æternam, & nobis vitam æternam, Amen.

*Post secundum Pater noster.* O Dulcissime Domine Jesu Christe, rogo te per effusionem sanguinis tui, quem pro me effundere dignatus es in sanguineo sudore, libera me à peccato acedix, & da mihi virtutem devotionis, qui vivis & regnas.

*Oblatio secunda Decadis.* O dulcissima Virgo & Mater, hanc decadem tibi offero per modum lapidum pretiosorum, per manus sanctorum Martyrum, ut me & N. N. facias lapideos contra peccata & tentationes.

*Post secundam Decadem.* O dulcissima Mater Dei & Virgo, &c. ut supra. rogo te, per gaudium cordis tui. quod habuisti in visitatione S. Elifabeth, impetra mihi & N.N. &c. &c.

*Post tertium Pater noster.* O dulcissime Domine Jesu Christe, rogo te per effusionem sanguinis tui, quem pro me effundere dignatus es in flagellatione, libera me à peccato gulæ, & da mihi virtutem Temperantiæ. qui vivis & regnas.

*Oblatio tertia Decadis.* O dulcissima Virgo & Mater amantissima, offero tibi per manus sanctorum Angelorum, custodum nostrorum, per modum violarum humilium, ut nos miseros peccatores facias vere humiles in conspectu tuo, & Filii, & Sanctissimæ Trinitatis.

*Post tertiam Decadem.* O dulcissima Mater Dei & Virgo, &c. rogo te per gaudium cordis tui, quod habuisti in partu Virgineo, impetra mihi & N.N. &c.

*Post quartum Pater noster.* O dulcissime Domine Jesu Christe, rogo te per effusionem sanguinis tui, quem pro me effundere dignatus in spinea coronatione, libera me à peccato superbiæ, & da mihi virtutem Humilitatis. Qui vivis & regnas &c.

*Oblatio quarta Decadis.* O amabilissima Mater & Virgo, hanc Decadem tibi offero per modum Embamatis, per manus sanctorum Patronorum nostrorum, ut nos facias dulcissimum Embamma tibi, Filio tuo & Sanctissimæ Trinitati.

*Post quartam Decadem.* O dulcissima Mater Dei & Virgo &c. rogo te per gaudium cordis tui, quod habuisti in adoratione trium Regum, impetra mihi & N.N. &c. &c.

*Post quintum Pater noster.* O dulcissime Domine Jesu Christe, rogo te per effusionem sanguinis tui, quem pro me effundere dignatus es in vestium spoliatione, libera me

me à peccato avaritiæ, & da mihi virtutem Liberalitatis, qui vivis & regnas &c.

*Oblatio quinta Decadis.* Offero tibi, pretiosissima Virgo & Mater, hanc Decadem, per modum sagittarum amorosarum ex corde nostro miserrimo in cor tuum Virgineum, ut reciprocè dirigas jacula amoris tui ex corde tuo Virgineo in cor nostrum miserrimum, ut possimus te amare sicut filii Matrem dulcissimam, & offero tibi per manus sanctorum consanguineorum tuorum & amantium te.

*Post quintam Decadem.* O dulcissima Mater Dei & Virgo, &c. rogo te per gaudium cordis tui, quod habuisti in præsentatione dilectissimi Filii tui in templo, impetra mihi & N. N. &c. &c.

*Post sextum Pater noster.* O dulcissime Domine Jesu Christe, rogo te per effusionem pretiosissimi sanguinis tui, quem pro me effundere dignatus es in crucifixione, libera me à peccato iræ, & da mihi virtutem Patientiæ, qui vivis & regnas &c.

*Oblatio sexta decadis.* Offero tibi, sanctissima Virgo & Mater, hanc decadem, per modum stellarum fulgidarum, per manus omnium Sanctorum & Sanctarum Dei, ut nos miseros peccatores facias fulgidos in oculis tuis, Filii tui & Sanctissimæ Trinitatis.

*Post sextam Decadem.* O dulcissima Mater Dei & Virgo &c. rogo te per gaudium cordis tui, quod habuisti in Inventionem dilectissimi Filii tui in templo, per tri-duum amissum, impetra mihi & N. N. &c. &c.

*Post septimum Pater noster.* O dulcissime Domine Jesu Christe, rogo te per effusionem pretiosissimi sanguinis tui in sanctissimi lateris transfixione, libera me à peccato invidiæ, & da mihi virtutem charitatis, qui vivis & regnas &c.

Nota, Quodlibet Myſterium tam gaudiosum pretio-



lissimæ Matris, quam septem effusionem sanguinis Christi Domini in recitatione rumina.

Sequuntur tres globuli minores, ad quemlibet dic unum Ave Maria. Ante primum dic: Gaudeo dulcissima Mater & Virgo, gratulorque tibi, quod dulcissimus Filius tuus tantum te sublimavit, ut sis proxima Sanctissimæ Trinitati, fac ut simus tecum in gloria, & videamus gloriam tuam, benedicamusq; te in æternum. Ante secundum dic: Gratulor tibi & gaudeo, dulcissima Virgo & Mater, quod te dilectissimus Filius tuus in tantum elevaverit, ut per te omnes Sancti habeant claritatem suam, utinam simus ex illis! O pretiosissima Mater! miserere nobis. Ante tertium: O dulcissima Virgo & Mater, gratulor tibi & gaudeo, quod Sanctissimæ Trinitatis voluntas sit tua voluntas. Et tua sanctissima voluntas sit Sacratissimæ Trinitatis voluntas. O utinam tua, ô amantissima Mater, sit sacrosancta efficax voluntas, ut simus in cœlo, miserere nobis, ô dilectissima Mater & Virgo, fiat, fiat. Tandem claude per symbolum Apostolorum, & hymnos de beatissima Virgine. Addendo psalmum; Laudate Dominum omnes Gentes.

## CAPUT XI.

### Modus dicendi devotè Litanias

B. V. Lauretanæ.

**E**O usque devenit humana fragilitas, ut licet sapere intendat dicere vel canere quid devoti, mox distractio aut vana cogitatio se intrudat, nisi quasi vigiles aut custodes, pii ponantur affectus. Itaque ad magis attentè dicendas aut cantandas Litanias Lauretanæ. Infra apppositi affectus aut petitiones corde elici possunt. Non enim intendo corrigere Magnificat, aut novæ

ponere Litánias, sed ut à S. Ecclesia Romana Catholica confirmatæ devotius recitentur aut canantur, hi affectus cogitari possunt, ut evadantur distractiones.

*Kyrie eleison,  
Christe eleison,  
Kyrie eleison,  
Christe audi nos,  
Christe exaudi nos.*

*Pater de cœlis, Deus, qui nos ad imaginem tuam creasti, miserere nobis.*

*Fili Redemptor mundi, Deus, qui nos pretioso sanguine tuo redemisti; Miserere nobis.*

*Spiritus Sancte, Deus, qui nos ad Baptismum & veram fidem Catholicam vocasti; Miserere nobis.*

*Sancta Trinitas, unus Deus, qui nos hæredes Regni tui elegisti; Miserere nobis.*

*Sancta Maria, ne simus amari tibi Filii.*

*Sancta Dei Genetrix, ut simus veri & digni Filii tui.*

*Sancta Virgo virginum, ut anima nostra sit electa sponsa dilectissimi Filii tui.*

*Mater Christi, ut simus veri & digni fratres Filii tui.*

*Mater Divina gratia, ut simus semper in gratia Dei.*

*Mater purissima, ut simus puri à sordibus peccatorum.*

*Mater castissima, ut anima nostra sit decora in oculis Dei.*

*Mater inviolata, ut anima nostra in Judicio Filii Dei inveniatur inviolata.*

*Mater intemerata, ne tangat nos peccatum, aut mundus immundus.*

*Ora pro nobis.*

*Mater*

*Mater amabilis*, ut amemus te ceu Matrem nostram dilectissimam.

*Mater admirabilis*, ut simus participes mirabilium virtutum tuarum.

*Mater Creatoris*, ut laudemus continuò Creatorem nostrum.

*Mater Salvatoris*, ut æstimemus pretium Redemptionis nostræ.

*Virgo prudentissima*, ut simus prudentes prudentiâ cœlesti, plus amando cœlestia quàm terrena.

*Virgo veneranda*, ut veneremur te sicut Matrem.

*Virgo prædicanda*, ut ubique laudes tuas prædicemus.

*Virgo potens*, ut agnoscamus potentiam tuam in hora mortis nostræ.

*Virgo clemens*, ut nunquam excidamus è gratia tua.

*Virgo fidelis*, ut simus fideles servi tui.

*Speculum iustitiæ*, ut crescat apud nos iustitia cœlestis.

*Sedes sapientiæ*, ut maneat in nobis Sapientia æterna.

*Causa nostra lætitiæ*, ut simus participes lætitiæ, quam peperisti.

*Vas spirituale*, ut maneat in nobis Spiritus Sanctus.

*Vas honorabile*, ut te laudet & honoret mundus universus.

*Vas insignæ devotionis*, ut simus veri devoti tibi.

*Rosa mystica*, ut demus odorem variarum virtutum Deo nostro.

*Turris Davidica*, ut simus fortissima turris contra inimicos animarum nostrarum.

*Turris eburnea*, ut simus armatæ turres contra impuritatem.

*Domus aurea*, ut simus habitacula aureæ & arden-  
tis charitatis.

*Fœderis arca*, ne unquam peccata nostra violent  
fœdus Filii tui.

*Janua cœli*, ut inveniamus cœlum nobis aper-  
tum.

*Stella matutina*, ut nesciat anima nostra occasum.

*Salus infirmorum*, ut sanentur animæ nostræ à  
peccatis infirmæ.

*Refugium peccatorum*, ne nos peccatores indi-  
gnos sub tuum præsidium confugientes repel-  
las.

*Consolatrix afflictorum*, ut sis solatium nostrum  
in ultima tribulatione agonis nostri.

*Auxilium Christianorum*, aspice Christianitatem  
ac regnum nostrum, & ora pro nobis.

*Regina Angelorum*, ut habeamus amorem & vir-  
tutes Angelicas.

*Regina Patriarcharum*, ut habeamus fidem Pa-  
triarcharum.

*Regina Prophetarum*, ut habeamus spem Prophe-  
tarum.

*Regina Apostolorum*, ut habeamus zelum Apo-  
stolicum, & ne pereant animæ nostræ.

*Regina Martyrum*, ut simus patientes in afflictio-  
nibus nostris.

*Regina Confessorum*, ut sine timore ubique confi-  
teamur Jesum, Filium Dei & tuum, & te Ma-  
trem veri Filii Dei.

*Regina Virginum*, ut simus casti corpore & ani-  
mo.

*Regina Sanctorum omnium*, ut simus servi & imi-  
tatores Sanctorum & Electorum Dei.

Ora pro nobis.

Ora pro nobis.



*Agnus Dei, qui tollis peccata mundi, & Juventutis nostræ. Parce nobis Domine.*

*Agnus Dei, qui tollis peccata mundi, & cogitationum ac sermonum nostrorum. Exaudi nos Domine.*

*Agnus Dei, qui tollis peccata mundi, & negligentiarum nostrarum. Miserere nobis.*

*Christe audi nos, Christe exaudi nos, Kyrie eleison, Christe eleison, Kyrie eleison. Ave Maria.*

*Ad sub tuum presidium & Orationem de beatissima Virgine. Commendentur eidem omnes peccatores, & petatur per intercessionem ejus efficacia, in illis convertendis.*

## CAPUT XII.

### Modus devotè recitandi Litanias de omnibus Sanctis.

**F**Ac intentionem laudandi dignissimum Deum, & mandique eum super omnia in Sanctis ejus, sic: e.g. Laudo te, Deus meus, & amo super omnia in Sanctis tuis, & per Sanctos tuos, hocque affectu has Litanias dicere volo.

2. *Præsentia Dei*, vivax memoria concipiatur cum actuali reverentia & timore quodam, submissioneque interna.

3. *Ad Kyrie eleison*, invocationemque Sanctissimæ Trinitatis, illis verbis; Miserere nobis. Actus contritionis eliciatur.

4. *Ad invocationem beatissima Virginis*, illis verbis; Ora pro nobis. Expetatur per ejus intercessionem scilicet mors.

5. *Ad invocationem SS. Angelorum*, illis itidem verbis; Ora pro nobis. Expetatur victoria omnium temptationum.

6. *Ad invocationem SS. Patriarcharum*, expetatur viva fides.

7. *Ad*

7. *Ad invocationem SS. Apostolorum*, illis verbis;  
Ora pro nobis. Expetatur zelus gloriæ Divinæ quam  
ardentissimus.

8. *Ad invocationem SS. Martyrum*, expetatur mors  
pro Christo.

9. *Ad invocationem SS. Pontificum & Doctorum*,  
expetatur scientia, aliaque talenta lucrandi Deo animas.

10. *Ad invocationem SS. Sacerdotum & Eremitarum*,  
expetatur perseverantia finalis (si Religiosus) in Reli-  
gione, gratiaque dignè tractandi sanctissimum Sacra-  
mentum.

11. *Ad invocationem SS. Virginum & Viduarum*,  
expetatur puritas mentis & corporis.

12. *Ad propitius esto*, elicietur item actus contritionis.

13. *Ad Agnus Dei*, eleventur oculi & cor ad Chri-  
stum Dominum crucifixum, & petatur ab eo, ut sit  
propitius in die Judicii.

14. *Psalmus Deus in adjutorium* &c. & reliqua us-  
que ad collectas, recitetur ex motivo spei in adjutorio  
Dei quoad omnia.

15. *Dum recitantur collectæ seu orationes*, petamus  
ea quæ in eis continentur, & post singulas, actus amo-  
ris Divini eliciatur.

## CAPUT XIII.

Praxis petendi à Domino Deo  
lucrum animarum.

1. **G**enuflexus, apprehensus per vivam fidem præsen-  
tia Ss. Trinitatis, te & omnia penetrantis ac intro-  
spicientis, fac profundam adorationem Uni-trinæ Maje-  
stati, & dic: Adoro te tota animi & corporis mei pro-  
stratione Uni-trina Majestas, Pater, Fili & Spiritus S.  
atque cum omni creatura præsertim intellectuali re-  
cognosco & profiteor, te esse Principium & Finem,  
atque

atque ita nobis essenziale est servos tuos esse, sicut tibi essenziale est esse supremum Dominum.

2. Excita in te zelum gloriæ, honoris & amoris Dei, sic: Et cur ergo non omnes creaturæ intellectuales ita tibi serviunt, ô Uni-Trina Majestas, sicut servire patet est? cur non omnes omni honore & amore Dignissimum laudant & amant te? nunquid non potes id efficere, ô ardentissime honoris tui zelator Deus, an quia accommodas te libertati nostræ? Sed ô summa libertas, servire tibi, obedire tibi, laudare & amare te. O si igitur omnis creatura intellectualis puro & perfecto corde serviat tibi.

3. Erumpe in affectum amoris Dei, sic: Ego interrim atomus creaturarum tuarum amo te pro omnibus, & cum omnibus creaturis. O Uni-Trina Majestas, Deus meus, quia summe bonus, quia sumum Bonum es. Volo me quantum est ex me in amando te omnem creaturam esse, & sic omnium corda unus haberem, omnibus te cordibus Deus meus amarem. Quod quia mihi deest, saltem id mihi da, ut aliquam animam ad servitium & amorem tuum Deus meus deducam.

4. Erigere in Spem obtinendi id à Deo quod petis, & dic: Spem mihi facit Bonitas tua infinita, Deus meus, quia nihil odisti eorum quæ fecisti, & quia neminem vis perire. Spem mihi facit sanguis tuus, mi Jesu. pro animabus effusus, anchoram spei meæ jacit misericors cor tuum, pretiosissima Dei Mater, audeo igitur postulare, quod me spero obtenturum.

5. Accede ad primam Sanctissimæ Trinitatis personam, profundeque inclinatus supplica illi, sic: Pater æterne, Pater misericordiarum & Deus consolationis, qui sic dilexisti mundum, ut Filium tuum unigenitum ei dares, qui nosti electos tuos, quos elegisti ante constitutionem mundi, qui misereris cujus vis misereri, & quem vis, in-

duras.

5. Quod si prolapsus sis miser, fac mox resurgas, & cum Deo per actum Divini Amoris detestationem peccati, idoneamque expiationem redeas in gratiam.

6. Imo vero venialem culpam sciens volensque aut saltem ex proposito ac certo animi decreto ne admitte, ne quidem hominis amicissimi gratia. Amicitiae humanae omnes prius pessum eant, quam ut Dei amor tantillum periclitetur.

7. Apprecaberis omnibus, & à DEO obtinere contendens ipsius cognitionem, amorem, cultum, conabrisque quoad in te erit efficere, ut eum omnes agnoscant, ament, colant.

8. Quotidie celebrato, tum ut praesenti arctius conjungi, tum ut cum eodem suavius familiariusque conversari, imo deliciari possis.

9. In rebus quibuscunque creatis Deum qui etiam in minimis maximus est, intuebere, in illis ipsum, & in ipso illas amabis. Solem vides? Deus est, exclamabis, qui pulcherrimam, jucundissimamque illam lucem diffundit. Rosae tenerum odorem miraris? Deus dices, amabilior est. Apponuntur cibi. DEUS inquires, ista mihi apparat, idemque age in cæteris.

§. VII.

*Actus charitatis in Proximum.*

1. Nullo signo ostendere se alios non magni aestimare, aut non amare, vel murmurando vel obloquendo, vel absenti detrahendo, vel de aliquo apud alios dicendo: ille hoc vel illud dixit de te, praesertim si res sit, quæ possit alterum contristare.

2. Non pungere verbis, nec contendere, nec contradicere, nec reprehendere alios, nisi id ex peculiari obligatione teneatur.

3. In omnibus sinceræ dilectionis obsequia exhibere, declinando omnem singularis amicitiae suspensionem,

N n

omnes



omnes promiscuè benignè appellando, decenter reverendo, amanter pro suo statu re ipsa juvando, vel si id nequeat, suavitate, & dulcedine verborum, defectum operis supplendo.

4. Reprimere omnem externam animi aversionem, amaritudinem, quacunque ex causa exurgentem, actus charitatis oppositos exercendo.

5. Neminem temerè judicare, sed excusare alienos defectus, libenter aliorum onera portare, omnia in meliorem partem interpretari, omnes intiendo tanquam SS. Trinitatis imagines, filios adoptivos æterni Patris, fratres & cohæredes Christi, sponsas & templa Spiritus S.

6. Omnibus majora Dei dona naturæ, gratiæ, & gloriæ favere, & optare ex intimo cordis affectu, tanquam sibi ipsi.

7. Si quos florentes & beatos videris, in iis Deum omnis Boni fontem, contra si quos laceros protrititosq; aspexeris, in iis Christum crucifixum intuebere, ea cogitatione in utriusque sortis homines amoris igniculos concipies, & foras ejaculabere. Amicos, inimicos, hic nihil distingue, charitas æque illos æque hos amplectitur. Illos quidem tenerius, hos vero generosius.

8. Contendens votis, precibus, omni opera & studio, ut omnibus ea naturæ, fortunarum, gratiæ præsertim Divinæ præsidia suppetant, quibus vere beati esse possint. His bonis si quos affluere benigniore rerum successu uti prospexeris, gestientis intus animi signa, frontis, oris, totiusque corporis hilaritudine exprimes, si quos iis carere, si impendente aut præsentē etiam malo periclitari, ægritudinem animo, vultumque contrahes, calamitatem si qua possis, amolieris.

9. Aliena sensa, facta, dicta, in meliorem partem interpretabere, aspernabere neminem, nihil de fama cujusquam detrahes, nullo convitio probrove laceres quem-

quem  
obtre  
quo

10.

vebis,  
fertim  
exemp

11. N

datoq;  
& obse

12. I

ge, si fi  
qui dis  
infecta

1. S

stratib  
olis O  
public

2. A

infide  
multu

3. L

exhor  
alios,  
prom

4.

omn  
ac si i

5.

leva C

quempiam, honorem cuique deferres suum, si quis alteri obrectet, oblatret, obmordeat, ibis contra si fas est, & quo poteris clypeo, laborantem tuebere.

10. Quos poteris, in Divino cultu & timore promovebis, & ad bona opera instigabis. Sacramentorum præsertim frequentem usum, verbis quidem idages, sed exemplis malim, illa movent, hæc trahunt.

11. Nulli opem imploratam denega, mutuo commo- datoque des si rogaris, imo ne rogatus quidem officia & obsequia sponte defer.

12. Inter amicos amicitia modum serva, imo adstringe, si solutus est, redintegrato. Fac in gratiam redeant qui dissident, lites, rixas, charitatis fædissimam pestem infectare, imò jugula, perime.

§. VIII.

*Actus zeli salutis animarum.*

1. Statas preces pro Ecclesia, nominatim pro Magistratibus, tum sacris tum politicis, itemque pro religiosis Ordinibus, tibi indicito, plurimum interest boni publici, personis quæ ad multos spectant, consuluisse.

2. Angelos hominum improborum, hæreticorum, infidelium obtestare, suos ut juvent, hi enim in istos multum possunt.

3. Libris editis, erectis seminariis, item Catechismis, exhortationibus, concionibus &c. seu per te, seu per alios, quibus artibus & opibus vales, bonum animarum promove.

4. Si quis mortale crimen admittit, vel jam admisit, omnem lapidem move, ut impedias, aut tollas, ita cura ac si ipsemet vulnus accepisses.

5. Animas Purgatoriis ignibus cruciatas solare, subleva Oratione, Jejunio & elemosyna.

6. Domesticorum curam singularem habe, hi ad te propius pertinent, si in statu es matrimoniali qui legis, liberos à teneris erudi, nutricem probam, bonos Magistros advoca. Hic res magna agitur, sed filiarum præfertim pudicitiam perdis & pernox excubitor, observa & serva, nihil eo thesauro expositum magis.

7. Familiam pie & religiose sic institues, manè à singulis privatim, vel etiam communi oratur. Hi quibus vacant rei sacræ interfunt, vesperi conscientiam excutiant, singulis minimum mensibus peccata rite expiantur, sacræ mensæ accumbunt.

8. Hæc familiæ lex esto. Quisquis has ædes habitat, sobrietatem, castitatem, iustitiam, religionem, probitatem denique omnem colito. Ne mentito, ne pejerato, ne blasphemato, ne aliis detrahito, ne poculis ac lufibus intendito. Ne verbis factisve cujusquam oculos, aures, animum lædito. Qui secus faxint, abscedunt.

## §. IX.

*Actus Humilitatis.*

1. **H**omo vere humilis, nullo modo vult humilis, sed vilis videri, secundum S. Bern. serm. 16. in Cant. Multi se humiles putant, sed hoc ipso quod de se talia credant, humiles non sunt. Virtutes suas scire & numerare, humilitatem non sapit.

2. Humilitas non majori tantum, sed æquali, sed & inferiori novit cedere, omnibus se subijcit, præferre se vel uni piaculum grande credit.

3. Humilitatis est, omnem ignominiam, contemptum, injuriam, suavi ac jucunda perpeffione posse digerere: imo vero, hunc talem cibum etiam ultro appetere, tanquam sibi convenientissimum. Facile cuivis est dicere: Peccator sum, sed quam id verè sentias, ignominia probabit.

4. Humi-

4. Humilitatis est, omnem impatientiam & iracundiam crebris victoriis expugnare. Quis unquam vidit hominem vere humilem, qui ignes & flammās vomeret. Nemini talis, nisi sibi ipsi irascitur.

5. Homo humilis, discipulum se semper gerit, & jugiter cupit addiscere, etiam Balaam asinam habeat magistrum, superbus contra docere omnes, à nemine discere vult. Humilitas docilis est, nulli monitori aspera, nec ullum spernit præceptorem, nisi eum qui docet vitia.

6. Humilitas illud Domini præceptum: Vade & recumbe in novissimo loco tenacissime retinet, & fidelissime observat. Ita quantum in se est, infimum querit locum, infimos sodales, infimum officium, infimi pretii vestem & mensam. Humilis sibi sæpius insusurrat: Nec sale quidem quo tua tibi ossa conditur, dignuses.

7. Assiduum Humilitatis canticum est: Non nobis Domine, non nobis, sed nomini tuo da gloriam.

8. Humilis laudes non tantum non ambit, sed ultro delatas fugit.

9. Humilitatis maximus hostis est inanis aura seu vanagloria. Humilis gloriam contemnit exhibitam, nec appetit exhibendam. Nullam contumeliam timet, quia nullam gloriam amat. Vix unquam audies dicentem humilem. Ego hoc feci, ego istud elaboravi, me auctore, me suasore hoc negotium: confectum est. Humilis quidquid præclare ac laudabiliter facit, totum DEO adscribit. Ipse suas virtutes nescit.

10. Humilis judicat neminem, neminem spernit, neminem condemnat, nisi se ipsum quem omnibus inferiore judicat.

11. Vera humilitas eas actiones obviis ulnis amplectitur, quæ multum laboris, & minimum habent honoris.



12. Humilis perpetuus sui ipsius accusator est, & grandem semper catalogum imperfectionum suarum in oculis habet.

Ex his sequentes possunt practici actus elici.

1. Nihil loqui quod redundet in propriam laudem, nec quidquam facere ob respectus humanos, aut ob vanam gloriam.

2. Se ipsum interius vilem reputare, ac proinde omnes vanæ complacentiæ motus statim reprimere, memoriâ suæ vilitatis.

3. Libenter ferre ab aliis se vilem haberi, viliter tractari, rideri, vexari, despici, contemni, argui, moneri, absque ulla sui excusatione, aliis etiam postponi.

4. Agnoscere omnes se superiores, se omnium abjectissimum, vilissimum, pessimum reputare, spectatis iis quæ ex se habet.

5. Occasiones omnes humilitatis exercendæ, contemptusque sui tolerandi quærere, oblatasque complaciti, idque primum patienter cum æquanimirate, postmodum libenter cum facilitate, demum alacriter cum gaudio.

6. Si quando laudaris, aut ab aliis æstimaris, in Deum omnis Boni fontem unde in te si quidpiam est, profluxit, totum refunde.

7. Si vel semel duntaxat per omnem vitam lethale peccatum animo designasti, aut re ipsa perpetrasti, inferorum poenas es promeritus. Cum igitur quidpiam aut acerbitatis, aut injuriæ, aut probri, live à fortuna maligniore, live ab inimicis patiare, tecum istud repudiato. Pridem æternos ignium inferorum cruciatus promerui, & quid exiguum hoc quod patior ad illas poenas?

8. Vestium ac mensarum luxus, familiæ & suppellectilis splendorem, ac pompam fuge.

9. Si quando Spiritus superbix oblucentur tibi, Sacrum

crum istud acroama repone putredini, dixi; Pater meus es &c. Quid turges sacculus stercorum, terra, cinis.

10. Te tuaque bona opera latere, & nesciri ama.

11. Officia vilia & abjecta aucupare, & in iis te occupa.

12. Pronis auribus monentem & corrigentem audi, neque facile excusationem obtrude.

13. Mortem, Judicium, inferos sæpe sæpius cogita, hæ depictæ in animo tabulæ, te tibi repræsentent.

14. Ea quæ ad tui commendationem faciunt, omnia filc. Cave ne quid de te, rebusque tuis vendites, jactites, ostentes naturæ dotes, virtutem, eruditionem, avorum ceras; & fumosas imagines. Quid habes quod non accepisti? Si autem acceperis quid quasi de tuo gloriaris homo vanissime, obline te tuo luto. Terra es & in terram ibis, peccatum solum opus est tuum, hic habes unde pudore afficiaris, non unde efferaris.

15. Oculos submissos tene, terram cum es solus, interdum osculare, indignus es qui calces.

16. Neminem torvè contuere, aut morde verbulo, aut gestu quovis offende. Est mansuetudo humilitatis, aut partus aut foror.

17. Aliorum opinioni facile credito, locum cæteris honoratiorem commodioremque sponte deserto, cum tenuioribus pauperibus lubens versator, carceres, xenodochia, nosocomia, frequens adito.

18. Porro non tantum te ipsum omnium ultimum ac miserimum reputato, sed exterius pro tali te haberi stude, & quando eo loco es, gaude.

19. Deniq; si quando insolentius animum inflari sentias, tumorem hac cogitatione deponito. Quid fui Domine, quid sum, quid ero? Fui nihil, nihil sum adhuc, & forte ero pejus nihilo. Fui conceptus in concepto Originali, sum plenus peccato actuali, & quis scit, num ero

condemnandus pœna gehennali, sic fui ut damnari non possim, sic sum ut salvari ægre possim, sic ero ut æternum vel culpa mea damner, vel gratia tua salver. Quid fuerim, scio nimirum pessimus. Quid sim, nescio. Quid ero æque ignoro. Tu quod fui, Domine ignosce. Quod sum, corrige, quod ero, dirige, daque ut semper hæc sapiam & de me humilimè sentiam.

## §. X.

*Actus Patientiæ.*

1. Primaria patientiæ actio est Tolerantia injuriarum, cum non solum reus, sed & innocens, cum Job de se affirmat c. 17. Non peccavi, & in amaritudinibus moratur oculus meus.

2. Veræ patientiæ est non murmurare, non conqueri, non excusare se, non homines, non alias res creatas culpæ, ærumnas suas non ut sua mendici vulnera proponere, sed eas silentio velare, ultionem nullam cogitare, sed omnia tam præterita quam præsentia & futura Deo, ejusque sanctissimæ voluntati plenissimè trahscribere. Faciat Deus, quod bonum est in oculis suis.

3. Vere patiens injurias non solum non vindicat in inimico, sed inimicum etiam amat, pro inimico orat, imo etiam beneficia in inimicum collocat. Atque ut hoc ritè faciat, occasiones id faciendi sedulo captat.

4. Verè patiens (quod probissimè observandum) in omnibus qui angunt, turbant, urunt, in quibuscunque demum adversis, se quamprimum ad Christum crucifixum, velut præsentem sibi convertit, eumque his talibus verbis uno die alloquitur: Domine Jesu, da mihi veram patientiam. subinde solis duabus vocalis: Domine Jesu, affectum suum applicat. Hæc alloquia roborant, hi affectus calefaciunt, hæc ad Christum conversiones solantur & erigunt.

5. Verè patiens proponit sibi diversa eorum exempla, qui singulariter excelluerunt hac virtute, his inspectis ita secum ratiocinatur. Tu non poteris quod isti & istæ.

6. Verè patiens quotidie primo manè, Deo se quam integerrimè offert ad omnia toleranda, undecunque demum ea proveniant, simul ingens in animo patiendi desiderium excitat, & una firmissimè apud se statuit, ad versa omnia, velut è manu Dei suscipere. Hic idem vespèri Deo gratias agit, non tantum ob beneficia, & ob res secundas, verum etiam ob adversas & tristes, quas itidem beneficii loco numerat.

7. Verè patientiæ est, non tantum manus à verberibus, sed etiam linguam à verbis impatientiam olentibus, imò & oculos à torvo aspectu, imò & cor atque hoc maxime à furiosis cogitationibus continere.

8. Verè patiens non fugit consortium eorum, quos sibi sentit adversarios, imò quærit, ut semper præstò sint, à quibus exerceatur ad patientiam.

*Ex his sequentes prælici eliciantur actus.*

1. Non dare ullum externum impatientiæ signum verbo, nutu, motuque corporis.

2. Reprimere internā indignationem, tristitiā & cupiditatem vindictæ, actu opposito patientiæ & charitatis.

3. Accipere omnes occasiones patientiæ à quocunque offerantur, tanquam de manu Dei, omnia ferendo patienter, promptè, alacriter, eo quod hæc sit sancta ejus voluntas.

4. Temporum injurias, frigus, æstus, pluvias, naturæ incommoda, sitim, famem, perfer non gravatè, si vel unum duntaxat peccatum veniale admiseris, millies istis graviora mala es promeritus, id si cogitas, feres priora levius.

5. Morbos etiam quantumvis acerbos ac diuturnos, tanquam dona de Numinis manu accipe, exosculator, beneficium enim quod maleficium arbitraris.



6. Si quid præterea calumniarum aut injuriarum in te ab aliis congestum conjectumque fuerit, obdura, & non solum forti animo perfer, verum & constanti.

7. In istis omnibus, quæcunque causa extiterint maiorum, file, vel queri minimum, impatientis est animi. Cave ne naturam, cælum, elementa, homines ipsos accuses. Nemo erit tibi nocentior, quàm si tu te non feras.

8. Si nihil interim consolationum ne spiritualium quidem tibi affundi sentis. Si purum putum fel propinatur ex orbe. Ita loquere: neque fas est, neque bonum accipere panem filiorum & dare canibus, micas quidem cadentes catuli edunt, at ego non ita vixi, ut vel micam merear. Hic vide, ne in istis molestiis ex rebus creatis consolatiunculam putidius emendices.

9. Continget non raro, ut cum maximè pius ac probus esse velis, plurimæ & plurimi oblucentur, etiam obganniant & allatrent, ne tu propterea vel latum unguem ab officio, instituto ve deflecte.

10. Injurias ne cõmemora aliis, imo ipse obliviscere.

11. Si amici, si parentes ipsi destituant, dic: Nudus natus sum Jesum sequar, dicamque posthac confidentius cum S. Francisco. Pater qui es in cœlis. Et cum Davide; Pater & Mater dereliquerunt me &c.

12. In fidei ac religionis causa, si te aliquid pati tempora & res cogant, salta tu, & tripudia, & carceres, & mortem ipsam provoca, gaude inquã, ride, non dico, ne time.

Si longo & gravi morbo afflictus motu impatientiæ agiteris, animum titubantem ita sustenta, sustine anime mi, qui te flagellat, Pater est amantissimus, qui urit & secat, Medicus est sapientissimus, jam melius & melius quam postea, qui hic urit, parcit, ignis hic vitia excoquit & splendorem auget. Ad hæc cogita crucem, in cruce Jesum, sub cruce tot Martyres, ad crucem Mariam.

Si compateris, conregnabis,

PARS

# PARS III.

**U**Ti primam partem *Deo Patri*, secundam *Verbo aeterno*, sic hanc tertiam *Spiritui Sancto* adscribimus. Continet in se Cœnam, examen conscientia, modum cundi cubitum, modum se & alios disponendi ad beatam mortem.

## CAPUT I.

*Modus visitandi Venerabile vesperi.*

**S**icut primam & secundam partem incepimus à Visitatione venerabilis Sacramenti, sic & ultimam hanc partem ab eadem incipiamus, deprecando Divinam Majestatem, si quid ab ultima visitatione deliquimus, eidemque gratias agendo pro beneficiis totius vitæ, vel maximè hujus diei, nec non se commendando protectioni Divinæ pro futura nocte.

### §. I.

*Oblatio Gressuum.*

**M**odus offerendi gressus ad Venerabile idem est, qui in prima & secunda parte, si solum mutes unionem gressuum; quæ sit in unionem gressuum beatissimæ Virginis & Matris dolorosæ, ad locum passionis dilectissimi Filii sui.

### §. II.

*Ipsium iter.*

**C**ogita quantæ afflictionis & doloris fuerunt gressus hi Sanctissimæ Virginis, Matris dolorosissimæ, compatiendo eidem hoc iter absolve, & ad consolationem ejus in Spiritu collige cundo guttas sanguinis patientis & vulnerati dilectissimi Filii.

### §. III.

## S. III.

*Ipsa visitatio in loco.*

**C**Um templum ingredieris, cum primis D. Tutelarem tuum & Sanctos, quorum penes te habes reliquias, supplex obsecrabis, ut Dominum suum tuumque, omni ea nobiliori ratione, quâ ipsi norunt, & tu miser ignoras, tuo saluent nomine, quod etiam ipsum ab Angelis Custodibus cæterorum, tum in templo præsentium impetrare contendes, imò ab Angelis omnium rerum & hominum in toto quidem universo, sed potissimum in eo, in quo degis loco tutelaribus, ut idem, vel in eodem, vel in vicinioribus sibi facere dignentur templis, mendicabis. Quod si te contingat per forum, vel alia loca hominibus referta ad templum ire, Angelos obviatorum, tanquam Patronos & Mediatores tuos ad communem Dominum venerandum invitabis. Deum ipse ultimus mancipiorum illius, humilem & amorosam cordis reverentiam exhibebis, cordialiter desiderans eum magis vel hoc actu honorare, quam universi Dæmones in suis peccatoribus inhonorare desiderent: eo etiam si possibile esset honore, quo dignus est, & dic: Ave Clementissime Jesu, Dominus meus & Deus meus, benedic quæso inopi & calamitoso exili tuo, recipe me in amoris suavissimos amplexus, adoro te, credo & spero in te, & sicut ab æterno tu dilexisti me, sic cupio vicissim amare & glorificare te Deus meus, spes mea, amor meus & omnia. Magnificate Dominum mecum omnes SS. Patroni mei, & Electi Dei, ut exaltemus nomen ejus in idipsum. Te Deum laudamus &c.

Dignus est Agnus qui occisus est, accipere virtutem, & Divinitatem, & Sapientiam, & fortitudinem, & honorem, & gloriam, & benedictionem, Apoc. 5.

*Laudetur sanctissimum Sacramentum.*

**T**Ot laudibus quot in cœlo stellæ, in igne scintillæ, in aëre atomi, in mari guttæ, in terra pulveres, quot Vere flores, æstate grana, autumnno folia, hyeme nives & grandines, quot corporeæ in universo creaturæ.

Quia dignus es Domine universorum. 2. Mach. 14. Qui sub corporeis vinique speciebus latens verè tu es Deus absconditus. Isa. 45.

*Laudetur sanctissimum Sacramentum.*

**T**Ot laudibus quot ullo opere exhiberi, quot ore proferri, quot corde omnium hominum excogitari unquam potuerit vel possunt. Quia dignus es tu Domine Pater noster. Isa. 43. Qui nos cibis & potas quotidie, quo semel redempti sumus corpore & pretioso sanguine. Quasi Agni immaculati. 1. Pet.

*Laudetur sanctissimum Sacramentum.*

**T**Ot laudibus, quot omnes Angeli, quot Sanctissima Trinitas sua potentia depromere, sapientia concipere, bonitate optare potest, omni modo, omni loco, omni tempore, in æternum & ultra. Quia dignus es, Domine Deus meus. Is. 25. Qui mihi donas non tantum Humanitatem, verum etiam Divinitatem tuam, Dominus meus & Deus meus, Joan. 20. Laudabilis & gloriosus, & superexaltatus in sæcula, Dan. 3.

*Adjice coronulas parvas 9. Methodo manè tradita.*

1. Deo gratias.

2. Omnia Deo.

3. Dignare Domine nocte ista sine peccato nos custodire.

4. Divinum auxilium maneat semper nobiscum.

5. Deus propitius esto mihi peccatori.

6. Converte nos Deus Salutaris noster, & averte iram tuam à nobis.

7. Amo te Deum meum super omnia.

8. Lau-



8. Laudetur sanctissimum Sacramentum,

9. In manus tuas, Domine, commendo spiritum meum.

Has coronulas absolve, præmissa tamen oblatione sicut manè, præter primam quidem coronulam dicam pro beneficiis futuris ex virtute gratitudinis. Benedic item Dei Filium per mysteria Rosarii gloriosa. Et Sanctissimam Trinitatem ad 4. partes mundi, sicut manè in honorem Spiritus S.

§. IV.

*Recessus à Venerabili.*

**I**N manus tuas, amabilissime Jesu, simili affectu quo se tibi B. Mater tua, & tu æterno Patri te moriens commendasti, omnesq; mihi commendatos, nunc & in hora mortis commendo, fac ut semper, & in omnibus, in tempore & æternitate tuam sanctissimam voluntatē approbem, amplectar & exequar, secundum te vivam imitatione vitæ, in te moriar participatione gratiæ, per te coronor, communicatione gloriæ, ad maximam tuam æternamque gloriam, per lacrymas, sudorem & sanguinem.

*Vel:* O Jesu, Deus meus, spes mea, amor meus & omnia, monstra te nunc & in hora mortis esse meum protectione Advocatum, dignatione fratrem, commiseratione Patrem, dilectione sponsum, salutatione Jesum, fac ut vivens & moriens semper, & in omnibus tuum sanctissimum beneplacitum (uti tu in vita & morte, Patris) brachiis dilectionis & resignationis arctissime in æternum constringam, & omnes mecum per lacrymas, sudorem & sanguinem tuum, per merita tua, B. Virginis & omnium Sanctorum. O Jesu, dulcis amor meus, sum totus tuus & tu meus, nunc & in hora mortis, æternum, & omne gaudium meum sit tuum beneplacitum.

Dignare Domine Jesu, &c. sanctissima Virgo Maria, vosque omnes Sancti &c. &c. omnia ut manè. Accepta benedictione perge domum, & gressus ut manè offer, verum in unione gressuum, quos dulcissima Virgo absolvit, redeundo domum à sepulchro dilectiss. Fili tui.

CAPUT

PARS III.  
CAPUT II.

543

*Cœna.*

1. Quando ad Cœnam accedis, intentio renovetur brevissimè, e.g. sic: Propter te Deus, vel ex amore tui. Ad maiorem Dei gloriam.

2. Benedictio mensæ cum omni modestia & devotione fiat, quod fiet, si reverentia præsentis Dei, ad quem fit allocutio, & intimus erga Deum affectus habeatur.

3. In ipso confessu ad mensam elevetur mens per aliquot actus ejaculatorios, e.g. repetendo hunc actum; Amo te, Deus, super omnia, quia summum Bonum es.

4. Ante primum ferculum elicias desiderium cibi illius, quo Christus Dominus sustentabatur, nempe desiderium implendi voluntatem Dei, sic cogitando; Dignissime Deus, fiat voluntas tua in me, & de me, & in omni creatura.

5. Ante secundum ferculum elicias desiderium cibi supersubstantialis Angelici, nempe sanctissimi Sacramenti, iteresque mente sola istum actum: cupio sumere te, sed non sum dignus, cupio millicies, cupio infinities, & absumi à te.

6. Ante tertium ferculum excitetur desiderium videndi Deum hoc vel simili interim actu. O quando tandem manducabo panem in Regno Dei, quando satiabor in gloria tua mi Deus. Si plura fuerint fercula, aut alii actus similes eliciantur, aut idem desideriorum ordo iteretur.

CAPUT III.

*Examen Conscientiæ.*

**N**ON es velut Onager in sylvis. Homo es, sub potestate constitutus, habes Dominum cujus legib. vivendū tibi, & omnia quæ agis agenda, omnia quæ habes dispensanda, ut lucrū ex negotiatione tua de pecunia sua veniat Domino. Jā igitur redde rationē villicationis tuæ.  
jam

jam igitur siste te Domino reus 10000. talentorum. Furacibus servis, ne ex bonis Domini ad sua compendia intervertant, remedium est quotidiana vel crebrior desingulis commissis exacta ratio. Num & non tu hoc ingenio servili es? inhians semper bonis Domini, & raptò vivere gaudens. Fit à Deo, à Religionibus, fac & tu à te ipso remedium furacitati tuæ. Redde rationem conscientia tuæ; quia servus es, rationem redde, quia furti reus, rapta restitue, quia injustus negotiator: deduc expensæ & perceptæ lucrique rationes. Quia tuus non es, ei omnia consigna, cujus tu cum omnibus tuis es. Quia omnia ab alio habes, ei omnia redde. à quo omnia tantquam mutuo data, vel ad servandum deposita habes. Sic à te rationem exige, sic te judica de omnibus, sic censura ut noveris ac memineris, & ea quæ judicaveris, & ipsum judicium tuum, censuramque tuam præsentem, adhuc judicium aliud subituram. Qui autem judicabit te ac judicium tuum Dominus est.

## §. I.

*Modus absolvendi s. puncta vespertini**Examinis.*

**I**N primo puncto imagineris te esse illum iniquitatis villicū, à quo Dominus suus, qui ad sublevandam pauperiem ejus, per dirissima tormenta, in gemmas (quot enim sanctissimi guttæ in passione sanguinis decurrere, tot pretiosissimi in foro æternitatis uniones fuere) colligari voluit, rationē villicationis exigit. Contuens igitur ipsum cruci ignominiosæ suffixum, totum vulnus unicum, totum cribrum salvificum, rorem depluentem, præsertim verò terebratas manus ejus, cum pudore aspectans. Revoca quæ talenta, quas ad negotiandum mnas ab hisce manibus acceperis, incipiensq; à Creatione, Redemptione, & Sanctificatione, dotibus naturalib. donis & gratis supernaturalib. omnia cum prout cordis gratiarū actione recole. Si Religiosus, præsertim verò domi

duras. O Pater sancte ex Amore quo te super omnia amo & amari ab omni intellectuali creatura volo, supplico tibi & peto, per viscera bonitatis tuæ, da mihi aliquam animam, ut eam vel aberrantem, vel ductore carentem, ad te tuumque servitium, honorem, & amorem deducam. Ne quæso in hoc negotio sint ei impedimento peccata mea ô Deus meus. In recognitionem autem obtenti, quod nunc obtinendum spero beneficii, propono me dicturum N. N. facturum N. N. hic proponendæ sunt orationes & mortificationes aliquæ.

6. Accede ad secundam Sanctissimæ Trinitatis personam, & ab ea idem donum expete, sic: Verbum incarnatum Fili Dei, qui è sinu Patris in terras descendisti, amoreque animarum nostrarum nasci, pati, mori dignatus es, cujus cibus unicus fuit, estque salus animarum nostrarum, qui pro animabus nostris animam tuam posuisti, qui excruciatu & ex sanguis cum protestatione sitis animarum salutisq; earum expirasti, per sanguinem tuum pretiosum, & per omnem Redemptionis Æconomiam, da mihi aliquam animam &c. ut sup.

7. Accede ad tertiam Sanctissimæ Trinitatis personam, & ab ea idem donum expete, sic: Spiritus S. Amor Patris & Filii, qui oras pro nobis: id est, orare facis gemitibus inenarrabilibus, quæ ad salutem animarum nostrarum Incarnationem Verbi specialiter operatus es, sine quo nec nomen Jesu dignè & salutariter proferre quisquam potest, in cujus manu sunt corda hominum, qui spiras ubi vis. Per illum ignitum amorem. quo corda Apostolorum implevisti & inflammasti, ut per illas totum orbem incenderes, peto à te Deo meo, non propter me, sed propter honorem & amorem tui da mihi aliquam animam, ut sup.

8. Accede ad beatissimam Virginem; & pro eodem dono tibi impetrando efficacem ejus intercessionem

M m

pete,



pete, sic: Beatiss. Dei Mater, cujus nomen ipsum dulcoris & amoris mare, scio te esse Thesaurariam Sanctissimæ Trinitatis, & simul misericordiæ ac miserorum Matrem esse, perq; tuas non nisi manus, omnia nobis Dei dona conferri. Per hunc igitur affectum, quo sub cruce stans omnes animas nostras in Joanne sub protectionem tuam accepisti, peto à te, impetra mihi aliquam animam &c. ut sup.

9. Accede ad S. Angelum Custodem, tum ejus animam pro qua, vel earum animarum pro quibus petis, quam ad tuum, itemque ad illum Sanctum, cujus illa anima, pro qua petis, nomen gerit, quam ad tuum Sanctum, cujus nomen geris. Accede quoque ad S. Ignatium, Xavierium, Philippum Nerium, Antonium de Padua, &c. & alios Sanctos, animarum zelatores, peteque ab eis, ut tibi impetrent aliquam animam cura tua & labore qualicunque salvandam.

10. Finem impone illa resolutione. Veruntamen non sicut ego volo sed sicut tu vis, & quantum vis, & quando vis. Tibi honor & gloria ab omni creatura, mihi autem confusio faciei.

## §. I.

*Oratio S. Francisci Xavierii pro animabus  
convertendis qua habetur apud Lucenam  
lib. 5. cap. 5.*

**M**emento Clementissime rerum omnium Conditor Deus animas infidelium, hæreticorum & peccatorum à te solo creatas quas ad imaginem & similitudinem tuam fecisti? Ecce Domine in opprobrium tuum his ipsis quotidie implentur inferni. Memento pretiosi sanguinis & amaræ mortis quam pro iis ultro suscepit Jesus Christus Unigenitus tuus. Recordare lachrymarum, suspiriorum & vulnere ejus. Ne permittas ultra Domine eundem dilectum Filium tuum à paganis &

peccatoribus denuo crucifigi, & ostentui haberi, sed precibus Electorum tuorum placatus, fac ut fideles, hæretici & peccatores omnes te agnoscant, diligant, æternumq; glorificent, & quem misisti Jesum Christum Dominum nostrum pro quorum omnium salute ego me totum meaque omnia Divinæ Majestati tuæ offero & devoveo, confiteantur tibi populi Deus, confiteantur tibi populi omnes. Omnis terra adoret te, & psallat tibi.

Si Deus tibi hanc concessit gratiam, & putas te lucratum animam, mox eandem trade beatiss. Virgini educandam, pete, ut illam servet, educet, tractet & retractet.

S. I I.

*Actus Missionariorum euntium ad obsequium animarum, vel novi Parochi suscipientis beneficium.*

**F**AC me Missionarium tuum Pater, Fili, Spiritus S. Sanctissima Trinitas, unus Deus. Benedicite mihi pedes, manus, cor Jesu, ut in obsequio hoc gratia Dei in me vacua non sit, tuus sum ego Virgo Mater ex utero matris meæ, benedicant mihi beata viscera tua, & beata ubera quæ lactaverunt Christum Dominum, ut Filio tuo animas hominum, quibus servio, lucrificiam. Præcede me S. Angele Custos.

Sancte, cujus nomen fero, ut proficius sit hic nostræ humilitatis ingressus.

Sancti, qui vos huic modo animas lucrandi aliquando impendistis, juvate me, instruite me.

Sancti Patroni, quos mihi elegi in obsequio animarum (possunt autem esse S. Franciscus Xaverius, S. Ignatius Lojola, S. Philippus Neri, S. Carolus Borromæus &c.) harum, nec me vestris destituat auxiliis.

Sancti Angeli Custodes & Patroni horum, quibus in rebus animæ servio, cooperemini mihi, impetrate mihi, ut ego cooperer vobis.

In hoc meo ad obsequium animarum ingressu, benedic Domine Jesu, crucifixæ manu tuæ mihi, benedic animabus quibus servio.

Da Domine in ordine ad me sanctè, in ordine ad illos proficuè, obsequium hoc meum obire, & ut tibi digne & laudabiliter serviam.

## CAPUT XIV.

## Modus itinerandi R. P. Caspari

Druzbicki.

§. I.

*Ante susceptum iter.*

1. Facienda intentio ex motivis vel obedientiæ, vel charitatis, vel conformando te Divinæ Providentiæ, quæ hoc iter ordinavit.
2. Offerendi erunt singuli passus Deo, tanquam primo motori corporis: imo & passus equorum, gratiasque agas Deo pro concursu quo Deus concurret ad cursum equorum in eo itinere.
3. Offerendæ erunt singulæ attractiones aëris recentis, singulæ superficierum mutationes, in hunc vel similem modum. Offero tibi mi Deus, tot actus fidei, spei, charitatis, quor in hoc itinere intercedent, superficierum corporis mei permutationes, & sicut sum in continua loci mutatione, ita vellem in continua reverentia & veneratione itinerantis Dei in carne manere, eumque in me exprimere.
4. Commendabis te sanctis Angelis custodibus eorum, cum quibus te iter facere contigerit.
5. Pro duce itineris præcipuè eliges tibi Divinam Providentiam, cui te commendabis, ut tui curam velit assumere, ratificando ea omnia, quæ illa de te in hoc itinere disposuit, complacendo tibi in illis omnibus, approbando, & gratias agendo anticipatè pro omnibus, quæ illa ordinavit.
6. Recommendabis in habitu tuo sic: Deus infinite ac iūvense qui nec loca mutas, nec tempora, nec

conli-

consilia nec voluntatem, te hic relinquo, atq; committo. Te quoq; dulciss. Mater, cum omnib; Sanctis Angelisq; hujus loci Patronis, rogo humiliter, custodite, amate, protegite hunc locum, ut in eo sit benedictio Patris, & Filii, & Spiritus S. assidua, utque vos cum gaudio & consolatione hic personas istas commemorantes protegatis, ad gloriam Sanctissimæ Trinitatis, quam ego vobiscum benedico, & magnifico in æternum.

S. II.

*In ipso itinere.*

1. **I**tinerarium quodpiam recitetur. 2. Litaniæ Sancto-  
rum. 3. Sis in continua reverentia Domini Jesu itin-  
nerantis per triennium suæ sanctissimæ prædicationis,  
hancque materiam meditationis assumes. 4. Cum cœli  
ab Angelis juxta probabiliorem opinionem moveantur,  
illorumque opera singulæ in esse suo species conserven-  
tur, nec ulla res tibi in itinere occurrat, ex qua mentem  
ad Deum non possis attollere, exaltabis Dei dignatio-  
nem, qui dignatus est etiam singulis animalium specie-  
bus conservandis, assignare, tutelares Angelos, sic sub-  
lato in cœlum obtutu, adorabis adoratione dulci illos  
cœlestes Spiritus, illasque intelligentias cœlorum mo-  
trices, commendans illis necessitates colonorum, per  
quorum agrotransibis, ne grandines, tonitrua, inun-  
dationes tempestatis illis noceant, ut maleficia dissipent,  
Cacodæmonis obsistant conatibus, eamque inducant  
aëris primarumque qualitatum temperiem, ut fertiles  
evadant agri, omni sterilitate depulsa. 5. Dejecto in ter-  
ram vultu, & circumacto viso quocunque animali, com-  
menda te Angelo Custodi illius speciei, petens indivi-  
dua illius speciei conservari, ad eum finem, ad quem à  
Creatore sunt condita. 6. Pagorum, Civitatum, Tem-  
plorum, quæ videris, sanctis Angelis Custodibus facias  
reverentiam, & illorum opem ad proficquendum iter



implorabis. 7. Dum transibis oppida & pagos, gratias agas Deo pro beneficiis quæ præstitit incolis illius loci. Similiter gratias agas nomine eorum, qui facultates in iis locis per quæ transis, possident, ut si Dei largitoris beneficentiam & largitatem agnoscere negligunt, aut certe in illo momento nullum exercent gratitudinis actum, aut alium id tu in persona eorum exsolvas, ne aut beneficia male locata maneant, aut nullum sit tempus, quo non referant gratiarum actionem, quantum fieri potest. 8. Dum transibis templum aliquod, peculiarem reverentiam facias Christo in Sacramento Eucharistiæ existentem, ibique cor tuum relinquant ad hoc tempus, quo ad usque aliud templum prætergrediaris, sicq; cor tuum relictum in illo priori apud Christum repetas, repositurus in hoc quod transis & sic deinceps. Tum ut hæc novæ cordis locationes augeant fervorẽ dilectionis in Christum, tum ne Deus in Sacramentis existens sit otiosus quodammodo (nam hæc templa plerumque deserta sunt) habeatq; aliquem cui benefaciant, & cum quo versetur, manebisque in continuo adorationis actu Sacramentalis, Christi præsentia sub conditione, si ibi est. Tutelares sanctos illius templi invocabis, quorum ibi vel imagines vel Reliquiæ sunt, aut qui ex illo loco adscripti sunt celo crescente etiam affectu adorabis Christum in omnibus templis totius mundi, & sub omnibus particulis specierum Sacramentalium, in quibus potest Christi præsentia retineri.

## §. III.

*In fine suscepti Itineris.*

1. Viso eo loco ad quem tetendisti, in primis Christum adorabis in omnibus templis vel templo illius loci, sub omnibus Hostiis consecratis, ad numerum illarum, actus virtutum variarum multiplicando. Innova bis illarum hostiarum adorationem, ad quas subeundas & præ-

& præfentiendas ut sic loquar, fuit illo die Christus verbis consecrationis è cœlo evocatus, extollendo illarum dignationum numerum. 2. Dolebis de omnibus offensis Divinæ Majestatis in illa civitate vel pago perpetratis, in particulari de sacrilegiis in administratione vel susceptione Sacramentorum illo anno, vel hebdomada, vel die admissis, in quarum compensationem aliquam, & satisfactionem, elicies actus Contritionis de tuis peccatis & offeres actualiter omnes actus pœnitentiæ Christi, ob aliena peccata. 3. Gaudebis & exultabis de omnibus complacentiis, quam unquam Deus habuit ex quacunque occasione & causa in illo loco, desiderans ex toto corde, ut in illo quam plurima Divinæ complacentiæ objecta reperiantur. Sicut displicentiæ & disgustus reperti sunt. 4. Veneraberis Angelum Custodem illius Civitatis vel loci, quem ingredieris. Similiter omnes Angelos Custodes omnium habitantium in illo loco, quos salutabis in illis & revereberis. 5. Commendabis te sanctis Tutelariibus illius loci, maximè iis, quorum Reliquiæ ibi sunt, quorum exædificata templa, quorum preces invocata, quorum nomina incolis illis imposita. 6. Postquam veneris ad locum destinatum, quam primum visitabis Sanctissimum Sacramentum, in ejus præsentia gratias ages pro felici successu itineris & negotiorum, quorum causa susceptum fuit. Deinde pro beneficiis omnibus acceptis, exaltabis Dei providentiam, ad quod invocabis beatissimam Virginem, & sanctos Tutelares illius Templi & Sacelli; Angelum Custodem &c. Dolebis de defectibus commissis in illo itinere, quorum defectuum percurres catalogum, si tempus patiat.

*Actus Itineris R.P. Thomæ Młodzianowski,*

**C**Orde eorum a quibus movi, per quorum commo-  
rationis locum transivi, ad quos perveni, te Deum  
meum credo, & omnes perfectiones tuas, cordaque illo-  
rum, ad te tanquam ad finem nostrum converto, cor-  
dibusque illorum te amo. Idem factum vellem cor-  
da eorum, quæ ad partes orbis suo polo utroque, qua-  
quæversus manent, per quos iter egi, imo nomine  
totius mundi.

Gratias tibi Domine ago pro thesauris beneficio-  
rum naturæ & gratiæ, quos hic quandoque effudisti,  
effundes.

Quis locus habitatus ita felix, ut nunquam in illo  
peccatum commissum sit? detestor illa hic quando-  
cunque & à quocunque facta.

Quis ita infelix & tamen habitatus locus, in quo non  
sit invocatum nomen tuum Domine? Offero ergo tibi  
Domine omnia opera bona hic aliquando facta invo-  
coque illa tibi.

Supplere desidero Domine omnes despectus hic ali-  
quando tibi factos & in supplementum offero tibi, v.g.  
desiderium meum, tot lachrymarum guttas eliquandi  
quot hic ab initio mundi roris cecidere guttæ &c.

Adoro te in Ecclesiis hujus tractus. Gaudeo te hic  
esse, sit hic laus tua usque ad tempora AntiChristi.

Exaudi hic preces servorum tuorum. Nemo ad Ec-  
clesiam spectans frustretur viatico. Nemo te hic indi-  
gnè summat. Accendo tibi tanquam lampadem hic cor  
meum, (qui actus etiam fieri potest in ingressu & egres-  
su Ecclesiarum,

Si Domine provides insignem aliquem Sanctum in  
hoc tractu itineris mei nasciturum, accelera Nativita-  
tem ejus.

Da Domine Sanctis hujus loci adhuc in vita degen-  
tibus amorem tuum, peccatorum contritionem, affli-  
ctis consolationem, tentatis victoriam, agris sanitatem,  
agonizantibus agoniam in gratia, sua etiam bestiis &  
agris bona.

Auge Domine gloriam accidentalem Angelis Custo-  
dibus, qui olim fuerunt & nunc sunt hic incolentium  
Sanctis, item ex hoc loco salvatis, vel quorum reliquæ  
hic sunt.

Subjungantur corollæ ex illis verbis; Requiem æ-  
ternam; pro Defunctis hujus loci.

## CAPUT XV.

### Actus externi variarum virtutum.

CUM Sacerdotum sit lucere mundo, procul dubio  
lucere non poterint, nisi fulgore virtutum splen-  
deant, etiam externe exercitarum. Quare ne harum  
praxis desit, breviter aliquarum pono actus virtutum.

#### §. I.

#### *Actus exercitii Præsentis Dei.*

1. Memoriâ præsentis Dei excitulare se ad omne  
peccatum voluntarium, quantumvis minimum caven-  
dum, aut certè ad contritionem excitandam, statim  
post lapsum,

2. Eadem præsentis Dei memoria, se excitare ali-  
quoties, e. g. quinquies, ad munia sua alacrius & san-  
ctius peragenda,

3. Certum numerum finium ad Deum præsentem  
aspirationum: vel compunctionis, vel amoris, vel gra-  
titudinis, vel zeli ipsi placendi, frequentare.



## §. I I.

*Actus puræ intentionis frequentande.*

1. Nihilagere ob humanos respectus, nec intuitu vanæ gloriæ & propriæ commoditatis.

2. Actuali intentione omnes actiones referre in Deum idque manè, initio cujusque operis, identidem inter operandum, in fine operis.

3. Assuescere in omnibus actionibus purè respicere ad Deum ejusque gloriam, amorem & beneplacitum; idque suaviter & facile, ex habitu acquisito, ita, ut inter operandum actualiter ames Deum, ejusque beneplacitum intendas, magisque amans quam operans appareas.

## §. III.

*Actus conformitatis voluntatis nostræ cum Divina.*

1. Accipe res omnes qualescunque & undecunque proveniant, parvas & magnas, dulces & amaras, prosperas & adversas de manu Dei, tanquam amantissimi Patris, omnia in bonum nostrum ordinantis, idque 1. cum patientia, 2. cum promptitudine, 3. cum gustu & alacritate.

2. Assuescere in omnibus etiam arduis ac permolestis, ita se Divino beneplacito conformare, cum gaudio & jucunditate spirituali, quasi audires Christum sic te alloquentem: Volo Fili, ut tu hoc vel illud, hac hora amore mei facias aut patiaris.

3. Nihil negligere eorum quæ cognoscis cedere ad majorem Dei gloriam & beneplacitum, ut dicere possis cum Christo: Ego quæ placita sunt ei, facio semper, Joan. 18. Atque hæc omnia facere & tolerare. 1. Patienter timore poenæ. 2. Libenter spe mercedis. 3. Gaudenter puro amore Dei.

## §. IV.

S. IV.

*Actus Fidei.*

1. In adversis sic excita actum Fidei : Credo Deum melius scire me ipso quid patiar, & velle, ut hoc ipsum quod me premit, patiar. Credo etiam, Deum & posse & velle juvare me. Hunc igitur adiutorem unicè quæram, ille me certo non deferet. Tunc juvabit, & eo modo, quo ipsi melius visum fuerit, meum non est auxilii modum aut tempus Deo præscribere.

2. Cum ad flagitium aliquod turpe, præsertim vel designandum animo vel opere clam patrandum instigaris. Hunc fidei actum exerce. Credo firmissime hic ac ubique Deum præsentem esse, non actionum modo, sed etiam quarumvis cogitationum inspectorem, scrutatorem & severissimum Judicem. Non video te quidem, Deus meus, sed tu tamen vides me. Impudens ego in conspectu tantum scelus admittam ? ah millies moriar.

3. Specialem pietatis sensum habe & exhibe erga Christum in Eucharistia, expresso fidei actu, circa venerationem hujus Sacramenti, ut ita saltem ex parte honor refarciatur, quem hæretici partim negant, partim convellunt. Quare subinde locum, ubi Eucharistia aservatur, adibis, religiosæ venerationis causa, saltem ter in die, manè, meridie & vespèri.

4. Sacris benedictionibus & supplicationibus publicis intereris, cum solenni ritu sacra Hostia deferetur, vel adoranda proponetur, ob eandem causam Missam reverenter audies, cum licuerit, & frequenter ritè paratus, mensæ Eucharisticæ accumbes.

5. Ex viva fide & ob eundem finem, nimirum ut hæreticis repugnes, speciali devotione Sanctos colito, festos dies ipsis celebrato, eorum imagines etiam pri-

privatim in Oratorio religiosè honorato, Reliquias & Agnum Dei è collo gestato.

6. Ex simili fidei motivo indulgentiis lucrandis studiosè operam petes, & tum hac tum aliis modis Defunctorum animas in Purgatorio detentas adjuvabis.

7. Aquam lustralem aservabis domi, quâ manè, vesperis, subinde ad ingressum egressumque te pie aspergas.

8. Sæpe orabis, aliaque bona opera repetes, ad impetrandam à Deo conversionem, tum Hæreticorum tum Ethnicorum, sive per te, si quid in hoc genere possis, sive per eos, cui fidei propagandæ studio operam etiam in extero orbe navant.

### §. V.

### *Actus Spei.*

1. Prima Spei actio ejusque propria est: Expectare non latum nuntium, non pecuniæ acervum, sed cœlestē, sed æternum gaudium.

2. Spes nunquam sine patientiæ sorore sua est, spes vera non est, quæ impatiens est. Per patientiam, inquit Paulus, expectamus, Rom. 8. cap.

3. Spes vera non est temeraria, neque enim solam Dei misericordiam, sed & justitiam considerat, illudque sibi assidue occinit. Universæ viæ Domini misericordia & veritas seu judicium. Itaque spes utrumque Christi pedem sicut Magdalena & amplectitur & osculatur, pedem misericordiæ & pedem justitiæ. Terret te justitia? sperare misericordiam. Erigit te misericordia? metue justitiam.

4. Hoc cautissimè spes agit, ut quantumvis rectè agat suis tamen meritis nihil penitus adscribat. Spes vera, sola Dei largitate nititur.

5. Spes vera, cum Orationem Dominicam recitat, ingenti spiritu dicit: *Adveniat regnum tuum*. Neque enim tantum orat ut adveniat, sed etiam adventurum sperat.

6. Spes vera tam viriliter agit, ut ferrea videatur aut adamantina; neque enim ulli unquam succumbit operi. Et quamvis fatiscat nonnunquam & labatur, generosior tamen resurgit, & vires sumit è lapsu, nec viam quam cepit insistere, unquam deserit. His itaque præmissis;

1. Manè à somno inter reliquas quotidianas preces ita orabis: Deus infinitè potens, & summe misericors, ego imbecillis & miser, qui ex me nihil habeo, nihil valeo, nihil sum, accedo ad te omnis Boni fontem, ac infinitæ tuæ bonitati, meritisque Filii tui Redemptoris mei infixus, spero firmiter me à te obtenturum gratias, virtutes, auxilia, æternaque omnia bona tum corporis tum animi, quæ mihi necessaria sunt, ut ad cœlestem beatitudinem pertingam. Ah quando id erit? Quando veniam? & apparebo ante faciem tuam. Da, sic curram ad bravium, ut comprehendam. Hic Orationem Dominicam magno animi ardore pervolvās.

2. Cum die sudo, serenave nocte cœlum ridet, arri-det humus, aut aliud quodvis placet, venustum, opulentum, magnificum. Exclamo cum S. Augustino: Si tanta Deus meus facis nobis in carcere, quid ages in palatio. Si tam innumera & varia, nunc amicis pariter tribuis & inimicis, quam magna & dulcia solis es largiturus amicis. Si tanta solatia in hac die lachrymarum, quanta conferes in die nuptiarum.

3. Cum te affici sentis ad res infimas, reprehende te ipsum, & hoc tibi probum objice. Quid animule mi, quid reculas istas miramur, & tanto licitamur, & tanto salutis periculo? Quæris opes? Deus est omnia, mun-



dus nihil. Amas voluptates? Deus cœlo reposuit æternas. Ambis honores? veros sectare. Quid umbras, fumos, fungos sequimur. Denique quid sola voluptate mentem pascis, id est siliquis porcorum, regali dignus mensa? suspira & suspice cœlum, cui nati sumus, illic bona, & magna, & æterna sunt, cætera tanquam te minora pedibus & animo preme, imo calca.

4. Cum acerba & dura pateris, corpore, morbis, aliisque miseriis afflicto, cutem manus unius manu altera, quasi morsicatum non nihil stringe, atque asinum tuum malis fatiscentem hoc stimulo adige. Non ut jam ita erit semper, imo nec erit diu, breve est, quidquid finem habet. Atqui scio, quod Redemptor meus vivit, & in novissimo die de terra surrecturus sum, & rursus circumdabor pelle mea.

5. Cum res acerbæ Dei & salutis causa, animo intus reluctante, tamen exorbendæ sunt, poculum hoc factu charo & melle oblinies. Non sunt, anime mi, condignæ passiones hujus temporis &c. Leve & momentaneum hoc supra modum in sublimitate æternum gloriæ pondus operatur in nobis, non contemplantibus nobis, quæ videntur, sed quæ non videntur, quæ enim videntur, temporalia sunt, quæ non videntur, æterna sunt. Hoc sudario egregius pugil Paulus omnem gravissimorum dolorum sudorem abstergebat. Hoc proposito bravo cæteri fortissimi Athletæ cum bestiis, cum ignibus, crucibus, mortibusque ipsis fortiter pugnarunt, vicerunt.

6. Si tentationum vi in desperationis abyssum, in mortis præsertim agone præcipitari te sentias, spei anchoram projice, dic; Quid naufragaris anima, spera in Deo, quoniam adhuc confitebor illi Salutare vultus mei & Deus meus, projice te in eum, non subtrahet se ut cadas. Infinite bonus est, proniorque ut beneficia conferat, quam tu petere aut sperare posses. Pater noster

est.

est. Ip  
mend  
non fe  
tum, q  
Rendi  
bus es  
guis tu  
Sancti  
mino,  
mebit

1. A  
homin  
dem m  
Deo c  
agglut  
2. V  
affligit  
que in  
amat l  
3. A  
nefici  
ticula  
amico  
lerat, i  
4.  
amat T  
munici  
mor  
diligite

est. Ipse enim fecit, & tanti fecit, ut pro te servo redimendo Filium suum tradiderit. Hic autem 33. annis quid non fecit, quid non passus? Jesum ipsum habes advocatum, qui Patri ostendit vulnera. Mariam, quæ Filio ostendit ubera, Angelum cui commissus, tot Sanctos, quibus es commendatus. Eja adesto, optime Jesu, ne sanguis tuus in me pereat. Ades clienti Maria. Adeste Sancti omnes, vestris prædiis munitus sperabo in Domino, & licet consurgant adversum me castra, non timebit cor meum.

§. VI.

*Actus Charitatis in Deum.*

1. Amor Dei verus, in omnes curas & cogitationes hominis dominatur, quas suaviter ad Deum trahit. Eodem modo totam sibi voluntatem vendicat, quam cum Deo conglutinat. Voluntas verò sic Divinæ voluntati agglutinata, cæteras post se animæ vires trahit.

2. Verus amor, ipsas etiam poenas amat, omne quod affligit, requiem putat, amarum omne dulce æstimat, idque in gratiam amati. Qui amat aut laborat, aut ipsum amat laborem.

3. Amor Dei inter opprobria securus, inter odia beneficus, inter iras placidus, inter invidias tutus, inter pericula generosus, inter tentationes magnanimus, inter amicos lætus, inter inimicos intrepidus, in adversis tolerat, in prosperis temperat, in omnibus invictus est.

4. Verus Dei amor non est mercenarius. Qui amat Deum, ut sibi bonus sit, & beatitudinem communicet, hic nondum perfecte amat. Et quamvis amor præmium non ambit, non tamen sine præmio diligit.

5. Divi-

5. Divinus amor sedulò cavere solet minimos etiam conscientiae naves, qui amorem si non extinguunt, certe minuunt, & viam sternunt ad graviora.

6. Divinus amor omnes actiones suas exactissime ac perfectissime conatur peragere, cum sincero proposito soli Deo placendi, nec ulli alteri, nisi propter Deum, tantumque studii impendit, ac si illud ultimum sit, & omnis ab eo salus pendeat, quæ omnia sic ad praxin reduces.

1. Gaudebis, cum senties ipse, & aliunde intelliges, tibi quidquam fieri aut evenire ex speciali ordinatione Divinæ providentiæ, etiamsi res adversæ & acerbæ accident, illudque Job viri sanctissimi carmen occinet. Sicut Domino placuit ita factum est. Sit nomen Domini benedictum.

2. Mœrorem animo contrahes, si quid acciderit, quod Divinæ voluntati dissentiat aut repugnet, ut si quis Divinam Majestatem aliquo flagitio offendant, id ægerrimè inquam sustinebis, noxamque omnem aut impadies, aut tolles, si qua possis.

3. Si Dæmon gravi quavis tentatione te divexet, sic precare. Tentas me Domine an amem te, neque tamen ultra id quod possum. Scio quod sine gratia tua spernerem te, ô omne Bonum, ut teterrimo hosti placerem, æternum luiturus momentaneum gaudium. At juravi & statui custodire judicia justitiæ tuæ. Adjutor meus esto, ne derelinquas me, neque despicias me.

4. Quando peccati gravioris periculum aliud quodpiam occasione inciderit: Discerpar in mille partes, rumparque, potius inquires, quam ut amor Divino rem quamvis præponam, Christianumque illud sæpius Dæmoni tentanti obtrudes: Malo mori quam fœdari.

3. Quod

S. vocationis cum tenero & cordiali affectu reminiscere, dignationem misericordissimæ bonitatis Divinæ admirans, quòd te nullis tuis meritis, imo tot cum demeritis, quot cum peccatis, posthabitis tot aliis, quò in sæculo infernoque degunt, elegerit, & velut oleastrum putrescentem, in hunc paradisum transplantarit. Gratias quas maximas poteris, tam bonæ bonitati ages, & omnia quæ huc usque liberaliter à dante omnibus & nemini impropere Deo tuo accepisti, iterum in vulnera sacratissimarum recondes manuum, orans & obsecrans, ut eæ tibi hæ munificentissimæ manus servent, custodiant, ungeant in vitam æternam, teque illis abuti in perditionem non patiantur.

In secundo Puncto conversus ad oculos Christi liquentes & sanguine complutos, cordis tamen tui abdita penetrantes, petes supplex, ut oculis cæcæ mentis tuæ communicent scrutantes Hierusalem in lucernis radios, quo omnia in corde tuo, velut in registro villicationis & negotiationis tuæ advertere possis, quæ tantum oculis Domini tuis dolorem, & aliquam aliquando displicentiam, impiè causavêre.

In tertio Puncto; 1. Vide utrum à præterito examine ad præsens tempus fuerint cogitationes tuæ, vanæ, superbæ, impuræ, ultionis appetentes, invidiæ, iracundiæ, temerè judicantes, blasphemæ, avariæ, hominum non Dei favorem, terram non cælum quærentes; 2. An verba fuerint superba, charitatis læsiva, mendacia, maledica, detractoria, otiosa, hypocritica, adulatoria, discordias seminantia &c. 3. Opera fuerint recta intentione, an obliqua? An nulla facta? Et num in aliquo Divinæ voluntati repugnantia, an non? Bona opera fuerint debitis cum circumstantiis, suo modo, tempore, loco, diligenter, devotè, cum affectu & fructu facta? An ex consuetudine, casu, cum tædio,



aberratione &c. 4. An non omiseris aliquid non omittendum ex negligentia, & crassa ignorantia nullis de causis, propter respectus & timores humanos. 5. An culpæ alienæ non sis particeps factus? 6. Quas occasiones meritorum neglexisti, quos tandem, quomodo & quam studiosè negotiationis tuæ fructus auxisti, &c.

In quarto Puncto, visis delictis & negligentis tuis, cum illo servo debitore & Maria Magdalena peccatrice, adolvere pedibus Dominicis, eos desuavia, & interna compunctione; Temetipsum, & tua facta execrans, veniam pete, actum contritionis de his & omnibus peccatis elicere stude.

In quinto Puncto; Ad lateris Domini vulnus conversus. Ora humillimè, ut hoc cordiale amoris tui vulnus, sit tibi turris fortissima, & loco refrigerii in tentationibus universis, in conscientie angoribus, in omnibus Diabolicis, carnalibus, mundanis impressionibus. Sit abyssus & Apotheca universorum peccatorum tuorum, sit contra venenum Nequissimi præservativa. Sit gratiæ amplioris augmentum. Quod ut consequaris, fideliter & reverenter cum S. Angelo Custode tuo, & Domina clementissima Maria, offer diviniſſimæ Trinitati guttam sanguinis pretiosi è latere Jesu Domini tui amorosè stillantem, orans, ut hanc oblationem in odorem suavitatis admittere dignetur, & propter eam tua peccata ignoscere, gratiam præservantem abundanter elargiri.

## §. II.

*Alius modus Examinis vespertini.*

1. PRæmittatur intentio, intuendo faciem Christi Domini, dicendo: Ex amore tui mi Deus, quo te summuſ amonum amo super omnia, volo nunc me ipsum

ipsum judicare, nec cum veneris judicare, debeas me condemnare.

2. Fiat gratiarum actio, intuendo vulnus Christi pedis dextri, dicendo: O inexhaustum mare bonorum omnium, Domine Deus meus, quid retribuam tibi pro omnibus quæ retribuisti mihi. Ago tibi gratias tota affectus mei, omniumque creaturarum plenitudine, pro omnibus & singulis beneficiis tuis. Quia ab æterno ut confido misericordiæ tuæ in libro scripisti me, sis benedictus in æternum. Quia in tempore creasti me, tot aliis possibilibus creaturis tuis, in suo nihilo relictis. Sis benedictus in æternum.

Ago tibi gratias mi Deus, pro conservatione, qua huc usque misericordissimè conservas me, servasti me hæcenus paternâ & plus quam paternâ curâ, per totum vitæ meæ cursum sustinuisti, fovisti, custodisti, licet tua ipsa ubera mordentem lactasti, plus quam Mater. A multis malis, periculis, mortibus eripuisti, protervum, contumacem, sponte ruentem non deseruisti, nec ad infernum, ut sæpè merui, detulisti. Sis benedictus &c.

Si Religiosus es. Ago tibi gratias & agam in æternum, quia ad charam tibi Religionem, ad medullam Ecclesiæ tuæ, ad prædestinatorum domicilium, ô mi Jesu, vocasti, me ô quot beneficia contulisti mihi? Tu scis & ego, pro illis obligo me tibi in æternum, præsertim quia Sacerdotem ordinasti me, & jam tot animas sanguine tuo lavisti, & refecisti per indignissimum me. Sis benedictus &c.

Ago tibi gratias, quia affectum ad dulcissimam Matrem tuam tribuisti mihi. Sis benedictus.

Ago tibi gratias, quod mihi hodie dederis gratiam celebrandi sanctissimum Sacrificium tuum, quod

548 *DIURNALE SACERDOTUM.*

quod me paveris corpore & sanguine tuo, ô dulcissime Jesu, sis millies in æternum benedictus.

Agro tibi gratias pro omnibus beneficiis tuis hujus diei, quæ ut & supra dicta omnia, aliaque mihi ignota, quæ tu solus scis, depono in vulnus pedis tui dextri Domine Jesu, & peto a te, ut tu pro illis.

Æterno Patri, tibi Verbo, & Spiritui Sancto, gratias agas digne sanctissimæ Trinitati. O Jesu sis gazophylacium meum.

3. Fiat petitio luminis, intuendo vulnus pedis sinistri Christi Domini, sic dicendo: Largitor luminum, & vera lux Domine Jesu; Illumina tenebras meas, & applica mihi de vulnere pedis sinistri, guttam pretiosissimi sanguinis tui, ut illuminet conscientiam meam. O Jesu sis lux mea.

4. Fiat examen etiam minimorum. Peracto examine, si quæ ex gratia Dei bona egisti, age Domino Jesu gratias. Et in vulnere ejus manus sinistræ deponens, dic: Sanguine tuo Jesu mi, conforta & confirma me. Pro defectibus autem

5. Fiat dolor, intuendo vulnus manus ejus dextræ, eliciendus sic: Summum & essentiale Bonum, omni amore dignissimum. Amo te super omnia toto me, & omnipossibiliter. Et quia te amo, detestor peccata mea omnesque defectus & imperfectiones meas, tibi summo bono oppositas ac displicentes, doleo pro illis, quia te amo, Domine Jesu, pro peccatis meis crucifixe, ablue peccata mea & da dolori meo guttulam Sacratissimi tui sanguinis ex hoc manus tuæ dextræ vulnere, ut habeat efficaciam per te apud te Redemptorem meum. O mi Jesu! sis mihi Jesus, & cum veneris judicare, noli me condemnare.

6. Fiat propositum, intuendo vulnus lateris & cordis Christi eliciendum. Divinissimum cor Domini mei Jesu,

Jesu, pro me vulneratum, amore tui do tibi me totum, illudque miserrimum cor meum. Et propono abhinc te non offendere, etiamsi mori deberem. Domine Jesu si vides aliquando me peccaturum pro illo momento, pro quo offendere te deberem, priva me usu rationis. Vel quomodocunque pone me extra viam demeriti, ne te offendam. O sanguis cordis Jesu, confirma hoc totum, & sis firmamentum meum.

In fine fac propositum vitandi singulare aliquod vitium. Post examen pro peccatis sequatur satisfactio, aut mortificatio. Sit igitur ex occasione

## CAPUT IV.

### *De Mortificatione.*

**T**Ria debentur asino, Virga, Onus, Paleæ. Tria & corpori tuo debes, sustentationem per cibum, paleis vilitate non absimilem. Onus, per laborem ne putrescat tabescatque per otium. Virgam seu afflictionem tum ne delinquat ad delictumve trahat animam, tum quia deliquit & ad delictum pertraxit, vel adjuvit. In afflicto corpore opus est discretione, sed ferè magis indiscretione, sed tamen sit discreta indiscretio. Præstat servos habere durius, quàm mitius; Inolescit enim servile ingenium blanditiis, maximè cum corpus nostrum non tantum sit servus, sed & asinus, quia si virgam baculumve non sentit assiduo, inolescit, lascivit, & recalcitrat cito. Quantum te quotidiana mortificatione humiliare debeas, ex quotidianorum defectuum tuorum, vitæ negligentis, copia & reatibus pœnæ collige, quantum te pœnæ Purgatorii reatum contraxisse hodie putas, tantum pœnarum hodie à te exige, ut sine culpæ & pœnæ obligatione somno te dedas.



Aliter parentes castigant filios, aliter Domini servos aliter agasones asinos, tu tibi non es filius sed servus, sed asinus, sed hostis, & quidem capitalis. Castiga ergo te, ut decet talem te tibi castigari à te.

## CAPUT V.

### *Somnus.*

**C**UM Humiliationis exercitatio, Veritatisque (in quantum humilitas, tum ipsa debet fundari humiliatio) cordialis & sincera confessio tanti sit momenti, ut ex ejus vivacitate ac sinceritate, nostrarum pendeat salus animarum, omniaque divinarum gratiarum molimina, imprimis doni perseverantiæ (alioque meriti non cadentis) à Deo evocatio atque abblanditio. Utile erit tum semper actionibus Humilitatis occupatum vero confessioni propriæ vilitatis, ultimam cujusque operis, diæve clausulam atque custodiam committere, ut Deo constet, nos huic de nobis deque nostronihilo veritati confitenda, & invivere, & indormire, & invigilare, & in mori cupere, in ejusque confessione ab ultimo illo vitæ nostræ momento deprehendi velle, in quem usum recte adhibebitur ante somnum, hæc vel similis ruminatio.

Dormire est morti præludere, & somnus à morte feretantum brevitate differt. Horres mortem, cur & non somnum? Quare monstrum dormiens homo? Nec mortuus nec vivus, nec homo nec bellua, neque sepultus nec extra sepulturam. Somnus ut alia non habeat incommoda, est vitæ profusio & perditio, quantum enim temporis absumimus dormiendo? Ab infantia usque huc, prope plus dormivimus quam vigilavimus. Certe magna est hæc homini humiliatio, tantæ vitæ per somnium deperditio. Si quis à nobis horam vitæ præceperet, hostem putaremus vitæ nostræ: Somnus annos nobis

biser  
ter h  
sui p  
mun  
menta  
ritual  
bora.  
quæ h  
nidulo  
ejus p  
hoc ef  
apud t  
Domini  
prima  
militen  
eleem  
bus ac  
xili ad

PER  
bu  
tiarum  
do ter  
ginitat  
nis Ma  
de retr  
crimin  
rogan  
proru  
protest  
divina  
infra p  
miserio

bis eripuit, dies & horas semper plures aufert, tamen inter hostes non est. In somno totus homo suus esse, & sui potens, sibi que præsens esse definit, resolvitur in somnum, & veluti vinculis in omnes sensus, omniaque momenta injectis, captivus tenetur. Idem tibi ut eveniat spiritali quodam somno, ante somnum corporalem allabora. Exue te teipso, totum te, totum jus in te, tua omnia quæ habes à Deo, restitue Deo, in solius tui lectulo ac nidulo, te componere requiesce. Cætera Deo tanquam ejus propria eidem restitue, præsertim cum bonis tuis, hoc est, donis divinis, sit malè apud te, nec possint securè apud te servari, præstat ergo ea Deo tanquam legitimo Domino consignari, & custodienda servandaq; tradi, in prima deinde evigilatione post somnum, ab eadem humiliter emendicanda, & veluti stipis, aut subsidii, aut eleemosynæ, aut mutui loco de divinæ bonitatis manibus accipiendo, de divinæ gratiæ uberibus cum lacte auxilii ad bonum usum efficacis, sugenda.

## CAPUT VI.

### *Modus disponendi se ad somnum.*

**P**eracto examine. Expansis in modum crucis manibus, hymnum; Te Deum laudamus: Recitato in gratiarum actionem, pro eo die acceptis beneficiis. Addendo ter salutationem angelicam in honorem triplicis Virginitatis, & immaculatæ conceptionis beatissimæ Virginis Mariæ, cum Antiphona de beatissima eadem. Deinde retro post tergum positis manibus, quasi victus tot criminum reus, dic Psalmum; Miserere, deprecando & rogando majestatem Divinam, ut misceatur tui. Mox prorue in terram coram Divinissima Trinitate, cum hac protestatione. Mi Deus, indignus sum comparere coram divina Majestate tua, quia peccator sum, locus meus infra pedes Luciferi, infra infernum. Cum tamen sis misericors Deus, provolve me ad pedes misericordiæ

552 *DIURNALE SACERDOTUM.*

tua, & misericordiam rogo, terram ter osculare, cum additamento. Da peccatis veniam, præsta æternam vitam, dona pacem & gloriam ô beata Trinitas. Libera nos, salva nos, vivifica nos ô beata Trinitas. Dic unum Pater & Ave pro obstinatis hæreticis & peccatoribus; Secundum pro Agonizantibus.

Commenda te Deo, beatissimæ Virgini, Angelo custodi, & SS. Patronis tuis sic: In benedictas manus tuas Domine Deus meus, & in sinum suavissimæ providentiæ tuæ, me, omnesque maxime mihi commissos N. N. quoad corpus & animam protegendos, gubernandos, & conservandos, nunc & in hora mortis commendo: Dignare nos sub alas paternæ protectionis tuæ suscipere, ab omni malo custodire, immaculatos conservare, tuæque sanctissimæ voluntati semper & in omnibus conformare, ut in te vivere, in te mori, in te æternum quiescere mereamur, qui in Trinitate perfecta Deus vivis & regnas in sæcula sæculorum Amen.

Ô gloriosissima Dei Genitrix & Virgo Maria, placeat quod proposui, tu es crisque æternum Mater mea gratiosissima, unice colenda, amanda, glorificanda Sim ego quoque servus tuus, & Filius peculiarissimus. Monstra te esse Matrem, nunc, semper, æternum.

O clemens, ô pia, ô dulcis, Virgo Maria.

O amantissime Angele Dei, qui huc usque tam fidelis custos es mei, obsecro te, cui ego indignus peccator ad providendum commissus sum, indefinenter protegas, defendas, munias, ab omni incurfu Diaboli. Repelle à me per virtutem sanctæ crucis, omnem tentationem Satanæ. Et quod mea non exigant merita, tuis precibus obtine apud altissimum Iudicem, ut nihil in me loci habeat. Dignare insuper hac nocte, cor & corpus meum immaculatum conservare, ut tecum merear

rear sanctissimam Trinitatem æternum contemplari,  
Amen.

O vos sancti Patroni mei, & omnes Electi Dei, sup-  
plete vices fragilitatis meæ, in benedicendo, laudando,  
& superexaltando Domino Deo nostro, misericordias  
ejus in æternum cantantes, gratiamque mihi in æter-  
num impetrate, in gratia ejus vivendi, quiescendi,  
moriendi, & gloria ejusdem vobiscum perfruendi,  
Amen.

Illumina quæsumus Domine Deus meus, tenebras  
meas, & totius hujus nostri somni, ac noctis insidias, tua  
virtute à nobis repelle propitius per Christum Domi-  
num nostrum.

Gratias ago tibi Domine, sancte Pater, omni po-  
tens æterne Deus, qui me indignum famulum tuum,  
nullis meis meritis, sed tua Sanctissima gratia custo-  
dire dignatus es in hac die: Deo recor clementiam  
tuam misericordissime Deus, ut concedas mihi ventu-  
ram noctem, mundo corde & corpore sic pertransire,  
quatenus manè surgens, gratum tibi valeam obscu-  
rum servitutis exhibere. Per Christum Dominum  
nostrum.

O Jesu mi dulcissime, ô Jesu mi amantissime, tu me-  
cum quæso maneat, hac nocte mecum dormias, ut  
corpus somnum capiat, & nunquam cor obdormiat,  
sed semper tecum vigilet. Et te semper desideret, præ-  
sentem absens videat, quo malum omne caveat, me  
Angelus custodiat, & signo Crucis muniat, hinc Sa-  
tan procul fugiat, & Jesus solus maneat. Quos amo,  
tecum colligas, in lecto cordis foveas, nec me, nec  
ipso deferat, sed benedicens protegas, & in ævum cu-  
stodias, Amen.

Suscipe me tuendum Jesu Christe præsidium no-  
strum, fac ut sopito corpore, animus in te meus vi-  
gilet,



gilet, & felicem, lætissimamque cœlestem vitam lætus atque alacer contempletur, in qua tu es Princeps cum Patre & Spiritu S. S. Angeli vero, & puri & S. animi, sunt cives ad æternitatem Beatissimi. In manus tuas sacratissimas ô Deus meus, commendo spiritum meum, jam commenda sanus & valens, ut illum commendatum habeat, quando amplius commendare non potero, etsi suis vinculis nondum solutum. Timeo enim tempus illud terribile, quo inter vivos ero, nec esse me sciam. Videmus enim in plerisque moribundis fieri, vivunt & vivere se nesciunt, quis palpitantem tunc Spiritum, & migrare trepidantem, tandem tamen ex hoc amico carcere migrantem suscipiat, si te excludas, ô bone Jesu.

Christe Jesu patientissime, recordare te in extremis illis angustiis lachrymatum, & deseri questum esse, Spiritum Patri commendasse, exclamasse, expirasse. Ad te jam clamo, ut suscipias Spiritum meum, quocunque morbo, tempore, aut loco, è corpore abeuntem. Recordare bone Jesu, in cruce te brachia expandisse, pectus aperuisse, caput inclinasse. O Domine, ecce anima mea à rebus omnibus creatis deserta, palpitans & tremens, in vulneribus tuis refugium querit, in illa brachia tua se immittet, in tuum illud pectus sese ingerit, admitte obsecro miseram, & ne inde extrudas, donec ira tua transeat, hic secura ab inferorum satellitibus tuta lateat. Jam ergo in manus tua sacratissimas commendo spiritum meum quem tuum fecisti Creatione, Redemptione, & sanctissimis Sacramentis.

In nomine Domini nostri Jesu Christi crucifixi cubitum eo, ille me benedicat † regat † custodiat † & ad vitam perducatur æternam, Amen.

Angele Dei, qui cultos es mei, me tibi commissum pietate superna, hac nocte illumina, custodi, rege, & gubernas, Amen.

Benedicat nos omnipotens & misericors Dominus,  
Pater, & Filius, & Spiritus S. Amen. §. UNI-

## §. UNICUS.

*Alius modus.*

**P**rosterne te in genua ante imaginem Crucifixi, dicens: Adoro te, mi Jesu, sub vigilia noctis natum, sub noctis silentium in Ægyptum fugientem. Adoro te sæpius in orationibus pernoctantem. Adoro te in custodia Caiphæ nocturnis exagitatum probris, illusum contumeliis, saturatum opprobriis & doloribus. Adoro omnes & singulas actiones tuas Theandricas, quas-cunque tandem in diebus carnis tuæ nocturno exercuisti tempore: Quia autem in nostro Horizonte laus tua quiete hominum interrumpitur, ad compensandum silentium magnæ gloriæ tuæ, offero tibi laudes cælorum astrorumque in Horizonte nostro ortorum & oriturorum. Offero omnes pios motus hominum, quos nunc Sol illustrat. Offero Religiosorum media nocte surgentium vigiliis, & quid alii tui devoti servi vigilantes, intuitu tui operantur. Offero omnium tibi corda specialiter dilectorum. Offero omnia Missæ sacrificia, quæ toto dormitionis meæ decursu, à Sacerdotibus novi orbis peragentur. In his omnibus hostiis consecrandis, te adoro anticipatè, sicut jam consecratum, in quibuscunque per totum orbem hostiis. Adoro, adoro, adoro, adoro, (nota ad 4. partes Orbis.)

2. Vestem religiosam, sive clericalem deosculaberis, ex amore vocationis, (nec non propter obtinendam indulgentiam, si Religiosus es) & dices: Jesu mi, per illam dignationem tuam, qua denudari ad columnam, & nudus in cruce mori pro me dignatus es, rogo: Indue me veste gloriæ tuæ, vel (si Religiosus es) ut in veste religiosa moriar.

3. Flexis genibus elicies actus Fidei, Spei, Charitatis, &c. &c. 1. Credo mi Deus, quidquid revelasti,

& cur tandem pro hoc fide , cervicem meam præcidi non jubes. 2. Spero vitam æternam , quia eam mihi misericorditer promisisti , & potens es adimplere promissum tuum. In meritis Christi mei , intercessionem pretiosissimæ Parentis , & orationibus SS. Patronorum meorum confido. 3. Amo te summum Bonum super omnia , quia summum Bonum es. 4. Ex hoc amore super omnia , doleo super omnia , pro omnibus peccatis meis , detestor illa super omnia , & emendationem propono. 5. Benedictus sis Deus meus pro omnibus beneficiis , quæ contulisti mihi. 6. Offero tibi somnum meum , & omnes respirationes meas , ad majorem gloriam tuam , ex amore tui. 7. Sanctissima Virgo Dei Mater , ego NN. eligo te hodie coram Angelo meo Custode , & Curia cœlesti , in meam Dominam , ac Parentem , ac firmiter propono tibi in perpetuum famulari , & curare ut ab aliis tibi quoque serviat , & præcipue voveo me tuam immaculatam Conceptionem & Virginitatem tuam propugnaturum usque ad mortem meam. A te ergo Mater mea clementissima , per Sacratissimum Jesu Christi Filii tui sanguinem peto suppliciter , ut me famulis tuis perpetuis annumerare digneris , gratiamque mihi à Filio tuo impetres , ut in cunctis meis cogitationibus , verbis , operibus ita me geram , ut nihil in me unquam , neque Filio tuo , neque tuis oculis displiceat , utque sis minor mei in hora mortis meæ , Amen. O Domina mea , sancta Maria , me in tuam benedictam fidem , ac singularem custodiam , & in sinum misericordiæ tuæ , hodie & quotidie , & in hora exitus mei , & animam meam & corpus meum tibi commendo , omnem spem meam & consolationem meam , omnes angustias & misérias meas , vitam & finem vitæ meæ , tibi committo. Ut per tuam sanctissimam intercessionem , & per tua merita , omnia mea

mea dirigantur opera , secundum tuam , tuique Filii voluntatem. Amo te dulcissime Jesu, amore Mariæ. Amo te dulcissima Virgo & Mater, amore Jesu. 8. Angele Dei qui custos es mei &c. Obsecro te angelice Spiritus , tutor ac custos meus fidelis, obsecro ut te favente præsidium mihi ex thesauris Misericordiæ & Omnipotentia Dei contra omne malum concedatur, & ut secundum voluntatem Dei, vitia fugiam , virtutes Christianas exerceam , quoad cum aliis in celesti patria Deo assistam. 9. Sanctissimæ Genitricis tuæ Sponsi quæsumus Domine, meritis adjuvemur, ut quod possibilitas nostra non obtinet , ejus nobis intercessione doætur. Qui vivis & regnas &c. 10. Sancta Patrona mea, Virgo & Martyr Barbara, sis custos mortis meæ, & ora pro me, ne sine viatico SS. Corporis Jesu Christi moriar. 11. Sancti Apostoli (si Religiosus, S. Patriarcha aut S. Pater) agnoscite me pro filio vestro, nunc & in hora mortis meæ. 12. Credo, spero, amo, doleo , ex amore tui , summum essentialiale Bonum meum, Deus meus , quod te quoadcunque , & quomodocunque offenderim. Detestor omnia peccata mea super omnia mala. Detestor autem ideo , quia offendi te Deum meum, prout in te ipso bonus, summe perfectus , summe amabilis es, detestor & ideo , quia peccando tibi Deo meo & Domino non obedivi, detestor etiam ex eo quia peccando eum tibi cultum non exhibui, quem tibi debeo, prout es excellentissimum creationis & gubernationis omnium creaturarum Principium. Denique detestor illa propter te ipsum solum, quatenus jus tuum supremum quod habes , ut ab omnibus creaturis non offendaris, peccando violavi. Et ex amore tui propono cum tuæ gratiæ auxilio amplius non peccare. Concedo omnibus inimicis meis omnia. Fiat voluntas Dei.



558 *DIURNALE SACERDOTUM.*

Dei. Desidero te videre SS. Trinitas. 13. Agonizante in cruce Christi, instantique mortis ejus, & pretiosissimæ Parentis, omniumque Electorum ejus, instans mortis meæ commendo & unio. 14. In manus Sanctissimæ Trinitatis, Jesu Christi, pretiosissimæ Parentis, & omnium Electorum, spiritum meum trado.

4. Accipe imaginem Christi Domini crucifixi, & vulnera ejus ad satietatem osculare. Tandem cor tuum, in latere Christi relinque.

5. Commenda te sanctissimis membris beatissimæ Virginis, Matris tuæ dulcissimæ, sic: Provolvo me ad pedes tuos, ô dulcissima Mater & Virgo, & hac provolutione mea te colo cultu hyperdulæ. Et deprecor te, si ô amantissima Mater, te hodie offendi. O dulcissimi pedes beatissimæ Virginis, Matris meæ dulcissimæ, Dominæ meæ clementissimæ, sub vestrum præsidium confugio, supportate me. O dulcissime sinus beatissimæ Virginis, Matris meæ dulcissimæ & Dominæ meæ clementissimæ, sub tuum præsidium confugio; Fove me puerum tuum. O amorosissimum cor beatissimæ Virginis Mariæ, Matris meæ dulcissimæ, Dominæ meæ clementissimæ, sub tuum præsidium confugio; Ama me, ô sacratissimæ manus beatissimæ V. Mariæ &c. sub vestrum præsidium confugio; Benedicite mihi, defendite me, protegite me. Omellissuum os beatissimæ Virginis Mariæ &c. sub tuum præsidium confugio; Loquere pro me, & ora pro me. O sacratissimæ aures beatissimæ Virginis Mariæ &c. sub vestrum præsidium confugio, audite preces meas. O pudicissimi oculi beatissimæ V. Mariæ &c. sub vestrum præsidium confugio, aspice me, & miseremini mei. O venerabile caput beatissimæ Virginis Mariæ, sub tuum præsidium confugio, cogita de me, dispone de me, ad ma-

ximam

xinam Dei mei gloriam & tuum honorem dulcissima Mater, & salutem animæ meæ, sicut scis, & vis, & potes.

6. Claude hanc dispositionem cum actu Humilitatis. O Mater dulcissima indignus sum osculari pedes servorum tuorum, saltem illorum osculabor vestigia. Osculare terram in cubiculo, aut residentia tua, hac cum intentione prædicta, quod indignus sis osculari illorum pedes, qui in hoc loco steterunt, aut ambularunt, saltem illorum vestigia velis osculari.

7. Tandem te ad quiescendum componens, vel lectulo paulisper insidens, pios aliquos affectus tibi familiares exerce, cujusmodi sunt illi, quos Joannes Berchmans frequentare solebat: En vitæ incertus, & æternæ salutis, intro sepulchrum. Utinam te nunquam offendissem, doleo ex animo Redemptor mi, & propono sinceram emendationem. O Pater æterne, offero tibi Filium tuum cum omnibus doloribus & vulneribus ejus pro omnibus peccatis & negligentis meis. O B. Virgo adjuva me. O vos omnes SS. Patroni mei suscipite me. S. Angele Custos, custodi me ab omni peccato & insidiis diaboli, in nomine Patris & Filii & Spiritus Sancti, Amen. Vel Patris Antonii Sucquetz in testamento Christiani hominis concionati affectus. O Deus infinite amabilis & laudabilis, quam meritò à me & omni creatura incessanter es laudandus, amandus, & glorificandus, idque purè propter te infinite, super omnia, nunc semper, æternum, & ultra. Si possem omnes arenas, guttas, atomos, in choros & coelos te laudantium convertere; Facerem lubens, si omnium Sanctorum possibili affectu, te brachiis amoris, & dilectionis constringere, æternumq; benedicere, laudare, & superexaltare valerem, & id unice optarem continuare, in omnem æternitatem, atq; hos, omnesq; quos unquā habui

bui affectus, toties, (quantum in me est) renovare desidero, quoties respiro. O vos omnes SS. Patroni mei, pro me obdormituro, solenne canticum vestrum, Seraphico affectu, æternum frequentate: Benedictio & claritas, & sapientia. Utinam te humillimè & arctissimè sed & fiducialissimè & amantissimè amplectar. O Jesu, ô Jesu, ô Jesu in æternum. Ita credo, ita spero, ita amo. In manus tuas commendo spiritum meum, & amo te propter te, & amplector te in æternum.

Jesus, Maria, Joseph misere mini mei, hæc sint ultima suspiria vigiliæ meæ, noctis, hujus vitæ meæ, agonis mei, mortis meæ, clausula vitæ meæ, sigillum vitæ meæ. Jesus, Maria, Joseph.

## CAPUT VII.

### *Dispositio Moribundorum.*

#### §. I.

#### *Dispositio remotior.*

1. **C**onfessio generalis ex tota vita, si fieri potest, persuasenda. Sin minus, quærendum, utrum non habeat remorsum aliquem conscientia ex præteritis, & utrum judicet coram Deo se fecisse confessiones debite, præsertim in juventute, vel eas non debite factas, correxisse.

2. Post confessionem quærendum, utrum vellet omnia etiam occultissima peccata aperire, si ipsi in mentem venirent, etiam ea, quæ ipsi in agone potest Dæmon objicere. Et de hac præparatione voluntatis, faciat protestationem coram Deo.

3. Post

are de-  
oni mei,  
rum, Se-  
dictio &  
arctissi-  
ctar. O-  
edo, ita  
spiritum  
in æter-

at ultima  
onis mei,  
neæ. Je-

test, per-  
um non  
æteritis,  
ones de-  
è factas,

n velle  
si ipsi in  
e potest  
luntatis,

3. Post

3. Post Confessionem, injungendum infirmo, ut in viam satisfactionis & ex vi Sacramenti Pœnitentiæ offerat, patiatque mortem, & omnes dolores usque ad agonem. (Nota. Hunc actum statim eliciat Sacerdos cum infirmo, maximè si sit simplex, aliàs non offeret, quia nescit quomodo.

4. De Testamento, si ita expedit, aliquid est innuendum, præsertim, ut memor sit animæ suæ, & statim aliquid faciat certi, nec fidat committatque totum hæredibus & executoribus.

5. Quærendum, utrum non habeat debita aliqua, detentam mercedem &c. idèd ut huic rei occurrat, si potest, si non potest, protestetur se velle occurrere, si supervixerit.

6. Quærendum, utrum habeat iram aut odium aliquid contra aliquem, vel dissidium cum aliquo, persuadendumque illi, ut mittat deprecatores &c. Salvo tamen jure, si damnificatus est, & si ita vult.

7. Si habet præsentem prolem, suadendum, ut singulis benedicat, si id commodè fieri potest.

8. Iaculandum & sæpe suaviter inculcandum, an sit paratus mori, si Deus velit.

9. Si periculum mortis imminet, commonendus audacter & suaviter de morte, ut se ad eam paret.

10. Devotio, fiduciaque ad Christum in cruce morientem, pretiosissimamque ejus Parentem dolorosam, commendanda & inculcanda.

11. Pactum cum eo faciendum de absolutione illi danda in supremo agone.

12. Si fieri potest, id præstandum, ex quo colligat ægrotus, non solum salutem animæ, sed etiam sanitatem corporis illius confessario cordi esse.

13. Quidquid concernit commodum tantum temporale, quod titulo eleemosynæ tribui à moribundis potest,



est, de hoc non loquendum, nisi dante anam ipso ægroto, idque totum voluntati ipsius plenè committendum, ne dicaris avarus. Hanc enim avaritiæ notam, quasi quarto modo propriam appinxerunt homines seculares Sacerdotibus.

14. Si ægrotus proximè sit agonizans, Crucifixi effigies ante ipsum collocanda.

15. Viaticum ut suscipiat suadendum, in cuius susceptione actus eliciendi Fidei, Spei, Charitatis, Gratiarum actionis, pro omnibus annis, mensibus, hebdomadis, diebus, horis, momentis vitæ &c. &c. &c. Religionis, desiderii videndi Deum.

16. Candela benedicta in promptu habenda, & aqua benedicta.

17. Extrema unctio tempestivè persuadenda si sit periculum, aut saltem stimulandus, ut si fuerit periculum, habeat desiderium eam suscipiendi.

## §. II.

### *Propior dispositio Infirmi graviter jam periculosi.*

1. **A** Movendæ omnes distractionum Infirmi occasionibus quæ provenire possunt ex importunitatibus aliorum visitationibus, confabulationibus, domesticorumque fletibus ac turbationibus, præsertim feminarum ab infirmo arcendæ, excepta uxore.

2. Dandus illi identidem Christus crucifixus, quem ex affectu deosculetur.

3. Identidem aquâ lustrali aspergendus.

4. Actus varii breves identidem, sine molestiâ ejus, illi suggerendi, ut saltem audiat illos, ex corde eliciat, si loqui ei grave sit; Possunt esse hi vel similes actus:

1. Deus

*PARS III.*

563

1. Deus meus, summum Bonum meum, amo te super omnia, quia infinitè bonus & dignus es.

2. Doleo ex corde, ex mero amore tui, & propter amorem tuum, quod te offenderim.

3. Gratias tibi ago, Creatori meo, quod me creaveris, quod me per totam vitam conservaveris, sis benedictus in sæcula.

4. Suscipe mi Deus, hanc infirmitatem meam pro peccatis meis, suscipio illam de manibus tuis, & volo illam pati amore tui, in Unione vitæ, passionis & mortis Christi Jesu.

5. Omnibus viribus meis, anima, & corpore, & spiritu, millies benedico mi Deus.

6. Credo omnia quæcunque credenda præponit S. Romana Ecclesia, in hac fide mori volo.

7. Desidero venerabile Sacramentum, & in hoc desiderio mori volo.

8. O quis mihi det ô Jesu, ut sic moriar sicut tu, sicut benedicta Mater tua, sicut Sancti tui! volo mori, ut imiter te Jesum meum, Mariam dulcissimam, Sanctosque omnes morientes.

9. Habeo spem & fiduciam in promissione tua, in misericordia, omnipotentia, meritis tuis, quia dimittes mihi peccata mea, & videbo te in gloria tua.

10. O cælum! ô charum cælum! quando te ingrediar?

11. Cupio te videre, mi Deus, in gloria tua.

12. Pater noster &c. Fiat voluntas tua. Et hæc petitio suaviter iteranda.

*Ad osculum Crucifixi.*

13. **N**E spernas Domine animam meam, quam redemisti sanguine tuo.

14. Jesu mi crucifixe, salva me, per vulnera tua, mi Jesu, compute, flagellate, coronate, non sint mihi frustranea vulnera tua,

15. Aperi mihi Domine latus tuum , & cor Divinum lancea apertum , ut principes tenebrarum non occurrant mihi , nec me conturbent potestates aeris hujus, sed hoc sanctum vulnus protegat me, & potentia tua defendat me. Vide plures actus ad sacratissima vulnera Jesu in media nocte à me edita , possunt quoque dici affectus ex oratione illa; Anima Christi sanctifica me &c.

16. Offero tibi Domine Deus hoc ultimum vitæ meæ, & volo mori amore tui.

17. Sanctissima Virgo Mater Dei, Mater misericordiarum miserere mei. Adhuc mihi modo, & in hora mortis.

18. Sancte Angele Custos, custodi animam meam in finem.

19. O Deus meus, offero tibi hos dolores meos, pro animabus in Purgatorio.

20. Non intres in iudicium cum servo tuo Domine.

21. Jesu mi felle potate, suscipe à me has amaritudines meas.

22. Dimitte Domine omnia omnibus , quicumque in aliquo me læserunt.

23. Terribilia Judicia tua Domine, timeo, sed solatur me infinita bonitas & charitas tua.

24. O cor amorosissimum Jesu mei , tibi trado cor meum.

25. O cor amabile Matris Dei , impetra mihi salutem æternam.

26. O Domine hic ure, hic seca, dummodo in æternum parcas.

27. Oculi Dei mei, si quid in me vides , quod tibi displicet, nauséo & doleo, & libenter confiterei, si scirem illud.

28. Non morior Martyr, tamen Domine hos dolores meos pro fide , & ex amore tui, & propter virtutem

tutes omnes supernaturales suscipio , & morior.

29. Non sum dignus cœlo, tu autem, mi Deus, dignus es, ut te in æternum amem , laudem , & glorificem.

30. In vulnera tua me projicio, ô dulcissime Jesu, ibi me absconde & defende , nunc & semper, donec largiaris gratiam, videndi te, & amandi in æternum.

§. III.

*Proxima dispositio ad mortem Infirmi jam agonizantis.*

I. Impendenda absolutio Sacramentalis ex pacto.

2. Actus varii suggerendi, quales sunt, e.g. qui sequuntur.

3. Jesus, Jesus unica defensio mea, & salus mea.

4. O Jesu sis mihi Jesus, in manibus descripsi me, lege scripturam hanc, & salva me.

5. Dulcissima Mater, ad sis mihi nunc in defensionem.

6. Doleo, quod unquam te Deum, te summum Bonum meum offenderim.

7. Discedite partes adversæ, Jesus meus apud me.

8. Credo, spero, amo te Deum super omnia.

9. Cupio te videre, mi Deus, ostende mihi faciem tuam & salvus ero.

10. Morior ex mero amore tui, suscipio decretum tuum.

11. Morior ex obedientia, quia tua voluntas sancta.

12. Morior ex iustitia, & pro poenitentia, quia merui peccatis meis.

13. Ne spernas animam meam Redemptor mi.

14. Jesu agonizans, unio hunc agonem meum cum agone tuo.



13. In manus tuas spiritum meum trado.

14. Maria Mater Jesu, esto mihi vera Mater, in hac suprema necessitate.

15. Mater misericordiæ nunquam frustra inclamata, inclamo te tota fiducia animæ meæ.

16. Mi Jesu, credo in te toto corde, quia prima veritas es.

17. Mi Jesu, spero in te toto corde, quia summa misericordia es.

18. Mi Jesu, amo te toto corde, quia infinita Bonitas es.

19. O Jesu, Fili Mariæ, ô Maria, Mater Jesu, suscipe propitiâ manu spiritum meum.

20. Salve hora ultima optata, utique tu me reddes Sponso meo, Jesu meo. Ah! utinam quàm citissime fiat, ut Jesum meum videam, & centrum meum allequar.

21. O Æternitas! ad te nunc pergo, ô felix Æternitas, apprehendam te, apprehende me.

22. O Chori Angelorum admittite me ad vestram societatem, jam tempus est. Ah! vere tempus est, ut perpetuo inhæream, & adhæream Deo meo.

23. Dulcissime Jesu Salvator & Custos animæ meæ, tu noluisti habere duodecim legiones Angelorum à Patre tuo, mitte mihi illas nunc, mitte quia peccator sum ut defendant me ab hostibus animæ meæ.

24. Cupio mori, ut immoler Deo meo, cui me tot modis debeo.

25. Volo mori, ut nunquam Deum deinceps offendam.

26. Volo mori, ut semper tecum, in te & per te vivam Deum meum in æternum, & ultra.

CAPUT VIII.

*Præparatio pro se ipso ad bonam mortem.*

**H**Uc spectat illud Christi Domini : *Quid prodest homini, si universum mundum lucretur, anima verò sua detrimentum patiatur ?* Quid prodest tot decadibus annorum vixisse, & in ultimo non tam anno quam puncto perire. Quid prodest opulente in dignitate vixisse Sacerdotali, tandem tradi cruciatui infernali. Bene licet Ethnicus admonuit : Tota vita discendum est mori. Et alter : Vita nostra est via ad mortem, si via ? Sit & præparatio. Nimis enim tardè tunc ad mortem se præparare cogitat, qui dum undique dolores, undique angustiae, verbo, plus jam mortis esca, quam vitæ umbra apparet, tunc velle se præparare, certè insipientis. Quis enim miles in conflictu gladium, aut sclopetum quærit venale ? antequam emeret, profecto occisus jaceret, & palmam perderet, multo majus damnum pateretur prostratus improvisè in conflictu ultimi agonis, ubi de anima & æterna agitur palma. Agamus itaque & videamus, quomodo fieri possit, ne dum aliis profumus, ipsimet pereamus.

§. I.

*Præparatio tempore Sanitatis.*

**P**Lurimæ inveniuntur in libris & libellis devotivæ pro felici morte, tam per revelationes acceptæ, quàm etiam à devotis hominibus electæ, & fere quotidie practicantur, quæ quoniam ad manus unicuique sunt, & sparsim inveniuntur, hic illas brevitatæ causâ non pono, nisi illas, quæ rarò, aut prorsus nullibi inveniuntur.

Non pridem exiit in prælum pium foedus aliquot Sacerdotum, ad impetrandum sibi mutuis conatibus Jesu morientis amorem, & felicem obitum. Quæ illius sunt obligationes, certè sat faciles quilibet intelliget, si ejus erectionem legat, quæ hæc formalis est. Cum duæ sint principes Sacerdotum functiones, altera efficiendi ex conceptis verbis ac sumendi corporis & sanguinis Jesu Christi, altera Pœnitentes ritè absolvendi, videntur inde Sacerdotes ad duo præsertim urgeri. Est ut præcipuo quodam præ cæteris amore ferantur erga Jesum, eumque in oculis gerant, quem stupentem beneficii magnitudinem cælo toties excipiunt manibus, lætæque depereant, atque intimo sinu foveant, suavissimum illum non tantum sui pectoris hospitem, sed velut fructum labiorum suorum, & partum oris sui, Deum verbo enitentis, ad æmulationem propè Patris æterni, & immaculatæ beatissimæ Virginis Mariæ, quæ & ipsa verbo Verbum Dei concepit. Neque id tamen ex primo Sacerdotii munere sequitur, sed quod proximum & affine est, nec ab amore Christi discretum, ut nimirum tenerissimo pietatis sensu duci studerent erga sanctissimam ejus Passionem ac mortem, quam & divinæ Charitatis apicem norunt, & ipsi toties ex officio velut in scenam dant, exhibitione viva, absit ut emortua fide, vel stupida ad tantæ dilectionis memoriam voluntate. Obvium verò satis est, alterum illud ad quod Sacerdotes ipso sui muneris exercitio admoniti perurgentur, videlicet, ut sibi à sordibus caveant, qui mundandis aliis sint præfecti; Atque ut juvandis ad piè obtinendam mortem destinati, potiorem in hac re sibi curam impendant, sanctumque obitum omni sibi ratione procurent. Id scilicet fuit causa, eorum Sacerdotes aliquot, in sanctam Societatem convenerint, ut mutuas sibi præstarent operas, ad obtinendum geminæ hujus gratiæ beneficiû: Quam in rem pasci-

liquot Sa-  
tribus Jesu  
illius sunt  
get, si ejus  
a duæ sint  
ficiendi ex  
guinis Jesu  
videntur  
st ut præ-  
er erga Jer-  
em bene-  
nibus, san-  
, suavissi-  
n, sed vel-  
sui, Deum  
s æterni, &  
& ipsa ver-  
primo Sa-  
m & affine  
um tener-  
Etissimam  
Charitatis  
in scenam  
vel stupida  
ovium ve-  
so sui mu-  
et, ut sibi  
præfecti;  
n destina-  
ctumque  
fuit cau-  
tem con-  
obtinere  
re pacti  
sunt,

sunt, ut singuli singulis mensibus, semel, votivum de Pas-  
sione sacrum die Veneris offerent Deo, pro se, iisque  
omnibus, qui in consocietatem adoptati idem Sacrum  
fecerint, aut etiam fieri ab alio curarint, vel cura-  
turi sint, impediente morbo, quo minus id ipsi facere  
valeant. Quod si votivum ejusmodi Sacrum non li-  
ceat eo mense ex Rubricarum directione facere, (ut non  
licet) quando officium non est de Feria, nec quando  
resumenda est Missa Dominicæ præcedentis, quæ fue-  
rit impedita, nec in Feriis Adventus, Quadragesimæ,  
Quatuor Temporum, Rogationum & Vigiliarum po-  
terit aliud Sacrum substitui. Porro Sacerdotibus omni-  
bus orthodoxis, sit potestas in hoc Sacrum confor-  
tium concedendi, neque ad id alio ritu opus est, quàm  
ut fœderatis etiam absentibus velint jungi, idemque  
Sacrum iisdem conditionibus facere, neque sint majores  
ut vocant Excommunicationis censura percussi,  
cum pro ejusmodi Ecclesiæ extorribus Sacrum offerri  
sit nefas. Omnes autem monitos oporteat, nullam  
in hac Societate obligationem imponi, sed tantum eas,  
qui constitutum Sacrum non fecerint, aliquo mense,  
non fore participes Sacrorum ab aliis eodem mense sa-  
ctorum, instar eorum qui pacto steterint. Quia vero,  
tum Jesu Christo gloriosus, tum singulis fœderatis  
compendiosius futurum est fœdus, quo sociorum ma-  
gis excreverit numerus, invitantur socii omnes, ut  
quam poterunt plurimos, ad ineundam hanc societa-  
tem hortentur, ac præterea, ut ipsi non tantum in Sa-  
cro ex pactione statuto, sed & in omnibus aliis Sacrificiis  
Deo studiosè commendent eos omnes, qui in societa-  
tem istam convenerint, eoque mense prædictum Sa-  
crum obtulerint, aut sint oblaturi, modo superius decla-  
rato. In hæc autem verba si lubeat, concipi potest Sa-  
cri oblatio. Domine Jesu, Fili Dei & Deus verè, quia te



Deo Patri in pretiosam charitatis victimam, & in amoris hostiam, nimis amabilem obtulisti, suscipe quaeso, vicissim, quod suavissimæ dilectioni tuæ rependo, non tantum impar cordis mei devotissimi holocaustum, sed & par oblationi tuæ Sacrificium corporis & sanguinis tui sacro sancti, quod apparo tibi que tota memoris animi devotione offero, tum in gratiarum actionem pro summo illo amore, quo acerbissimam mortem nostræ causæ subiisti, tum pro me, iisque omnibus, qui mecum sedare sociati, sacrum ex pactione constitutum fecerunt, vel facturi sunt hoc mense, aut morbo impediti fieri per alium curabunt, ut qui mortem ex amore nostræ amantissimus obiisti, sanctum nobis omnibus tui morientis amorem, & felicem in tuæ charitatis amplexibus obitum, concedas, Amen.

## §. II.

*Testamentum Animæ.*

CONSULTISSIMUM & UTILISSIMUM Testamentum seu ultimam voluntatem condere sano corpore & animo, ob fortuitos casus, in quibus condere non licet, vel propter phrænesin, vel subitanæ mortem unde maxima damna etiam animæ emergere solent. Non enim frustra à Deo data dona fortunæ, de quibus certè ratio stricta reddenda. Qui sapit, tempestivè, & quam diu licet, de illis ad maiorem Dei Gloriam, ad salutem animæ suæ, & in emolumentum Ecclesiarum ac pauperum disponet. Si utilissimum de rebus temporalibus tempestivè & sano disponere corpore. Quidni de anima quam optime disponere, & illi quam optimè providere? Hoc tota vita sua debet cogitare homo, quia hoc negotium negotiorum est, finem felicem sortiri, & Deo dispositum reddere pretiosum, animam suam unicam dedit Deus, unicam repetit, candidam dedit in Baptismo, candidam repetit in morte. Tunc pactum & Testamen-

mentum quoddam cum Christo initiatum est, illud in vita servandum, in morte consummandum est. Ergo semper memorare frater charissime Testamenti tui, quia & Deus vult memorari Testamenti sui. Hinc sequere Homines Deum & animam suam ad vitam æternam amantes, & tempestivè conde Testamentum animæ, seu ultimam voluntatem providendi animam, quæ licet sacro adhuc fiat corpore, dummodo non retractetur, summum in ultimo agone habet valorem. Forma autem Testamenti hujus est talis;

In nomine sanctissimæ Trinitatis, Patris, Filii, Spiritus Sancti, Jesus, Maria, Joseph. Ego N.N. protestor, me propter testificantem veritatem primam, firmiter firmissimeque, nunc pro tota duratione mea, & in mortis articulo, credere, atque confiteri sanctissimam Trinitatem. Jesum Christum Dominum esse consubstantialem æterno Patri Filium, verum Deum & Hominem, Redemptorem meum pientissimum, dulcissimam Dominam Mariam, Matrem Dei, Virginem esse. Esse in Eucharistia vere, realiter, substantialiter corpus & sanguinem Dei Hominis Christi. Protestor me credere ea omnia ac singula, quæcunque tanquam divinitus revelata, credenda proponit S. Romana Ecclesia; His contraria damno, execror, anathematizo, paratus omnes, & unamquamque veritatem, & S. Romanæ Ecclesiæ definitionem sanguine meo, anima, & vita mea consignare, & potius frustari, guttatiimque perire, ac infinites mori, quam vel ad momentum aliter sentire, ac profiteri. Hæc est fides mea, in qua vivere & mori constanter volo, confirmo, & æternaliter ratifico. Si aliquando oppositum quodpiam mihi dæmon suggererit, illud pro ignorato, indeliberato, nollito, jam ante repudiato, revocato, infectoque habeo, præsta mi Domine, ut permanendo in eo quod credo, merear aliquando videre quod credo.

De

De iustitia,meritis,dignitate mea despero , totaliter & omnem spem meam colloco in immensa bonitate & infinita misericordia Dei,clementissimi Domini mei, in bonitate , meritis , & pretiosissimo sanguine Jesu Christi Salvatoris nostri, in bonitate,& benignitate serenissimæ cœlorum Regina, Dominæ meæ Mariæ, in suffragiis & intercessione Sanctorum , Sanctarumque omnium, & meorum præcipue Patronorum, in protectione omnium sanctorum Angelorum, meiq; præsertim tutelariorum. O dulcis Jesu dum spirabo, sperabo creatura tua, spero & sub umbra alarum tuarum sperabo, in Bonitate qua redemisti me, in sanguine quem effudisti & obtulisti pro me. Faciet utique Bonitas tua, ne pereat in malitia mea , quod reparavit misericordia tua, ne pereat in miseria mea, quod redemit summa Clementia tua.

O Pater amantissime, Deus dilectissime, offero tibi hic & nunc , vel maxime in agone ultimo vitæ meæ, sanguinem Filii tui , & pro peccatis meis , totiusque mundi. O Jesu dulcissime , hic & nunc, vel maxime in agone vitæ meæ, offero tibi cor purissimum, dilectissimum, virgineum, beatissimæ Virginis Matris tuæ, pro omnibus peccatis & sceleribus meis. Tibi ô S. Spiritus! offero cor meum , ut illud accendas igne amoris tui, hic & nunc, vel maxime in ultimo agone meo. Amote, & æstimo te Deum meum super omnia quæ Deus non sunt, imo cupio milles, millesies in mille dividi partes, & tot millenis cordibus te SS. Trinitatem & Jesum meum, nec non Matrem ejus dulcissimam, Dominam meam clementissimam Mariam, ac S. Josephum amare, & hoc gratis, sine ulla mercede, quia dignus es tu Deus meus omni amore. Amo itaque te, Deus meus, Deum Patrem per amorem Filii. Te Deum Filium amo per amorem Patris & Spiritus Sancti. Te S. Spiritum amo

amo-

amore quo te amat Deus Pater & Deus Filius. Te Matrem dulcissimam & S. Josephum amo, amore quo vos Sanctissima Trinitas, omnes Sancti & Sancti Dei amant, cupio ex amore Dei mei mori, imo ut holocaustum immolari. Opto omnes guttas sanguinis mei mutari in corda, & illa immolari Deo meo igne amoris Divini. Sed quid essent illa, nisi corda peccatoris maximi? Itaque me tibi dulcissime Jesu, millies, & milles, & iterum, & centies millies millesies offero, & me tecum, per te, dulcissimo Patri, Spirituique S. supra animam amorosissimi cordis tui dulcissimi, igne amoris tui offero & dedico Deo meo, sine ullo desiderio mercedis, ad meliorem, optimum, purum, putum gustum Dei mei. Omne momentum vitæ meæ valere volo, & opto, & intendo, ut sit continuus amor tuus, quo te Deum meum amem, laudem, honorem, benedicam super omnia, omni possibili amore, quo te omnes creaturæ amant, benedicunt, ac laudant, amarunt, laudant, benedixerunt, amare, laudare, ac benedicere debent in æternum.

Jesu mi agonizans & moriens in cruce pro me, amo te quam possum, ignitissime & ætuosissime, quomodo etiam te amare volo, statuoque in mortis meæ agone, in quo ut cor meum amoris tui ignibus Seraphicis, Marianisque, ac insuper tuis æstuet, palpitet, concutiat, eorumque actu & æstu conficiatur ac emoriatur, tu mi Jesu, propter agonis, mortisque tuæ instans, misericordissime facito.

Jesu dulcissime, Sponse animæ meæ, agonizans & moriens in carne pro me, cupio, propono, & abs te peto, ut instans ultimum vitæ, mortisque meæ consummativum sit ardentissimus tui amor, quo cor meum & accensum ignescat, & vulneratum iminoriatur, & consumptum incineretur, & concrematum favillescat. Jesu  
mi



mi agonizans & moriens in cruce pro me , stillantem tepentemque amore mei sanguinem tuum colligo , & lambo devotus , optans simul ac petens à te , ut in hora mortis meæ , adesse mihi præfens cum gloriosa Matre tua , Sanctisque tuis digneris , annumeresque saltem ultimis Redemptis & Electis tuis , & in illo decretorio agonis mei momento , secundum magnam misericordiam , copiosamque redemptionem tuam miserere mei. Totum me sanctissimæ voluntati Divinæ offero , & dum placitum fuerit Domino Deo meo , me hinc tollere ex hoc mundo , libenter ex virtute obedientiæ mirivolo , me conformando sanctissimæ ejus voluntati. Offero etiam mortem meam ex virtute pœnitentiæ , pro peccatis meis.

Omnia opera totius vitæ meæ mala retracto , & omni possibili fervore contritionis doleo , & corrigo , ad meliorem gustum Dei mei. Omnia vero bona rata habeo , gloriam do Deo meo , vanitatem do Diabolo , mihi purum merumque nihil conservo.

Spiritum meum non alibi , quam in suavissima Dei voluntate , Jesu Christi Domini mei latere , dulcissimæ Virginis manibus , S. Josephi patrocinio , Ecclesiæ S. Romanæ Catholicæ fidei gremio , emittere atque deponere exeuntem ex corpore , volo & cupio.

Deum beatificæ videre non merui , nec merebor in æternum , cupio tamen videre , quia ille me ad hunc finem condidit , redemit , perducere vult , gratiam dat , & merendi per Christi sanguinem facultatem.

Omnia Domino Deo meo adscribo , omnia momenta offero , me totum quantus quantus sum , religno.

Dulcissima Virgo , Mater Dei , amo te post Deum super omnia , quia Deus super omnem creaturam amavit & amat te , quia si non amavero te , Deus non salvabit me. Amo te , & si mille corda haberem , mille

cor-

cordibus amarem. O amatrix mortalium, ô raptrix cordi-  
um, ô dulcissima esca & mellitissime laquei pecca-  
torum. Amo, amo te, & in amore tui volo mori. O Ma-  
ter centies millies, millesies, infinities, & ultra amanda.

O utinam tot millena habere in corda, quot annis,  
mensibus, hebdomadibus, diebus, horis, momentis, vi-  
xi, ut possim recompenfare amorem neglectum Dei  
mei, & unumquodque offerre in holocaustum. Saltem  
ex nunc in amantissime Deus, desidero, cupio, anhele &  
hoc scripto confirmo, me velle quolibet anno, mense,  
hebdomade, die, hora, momento, imò per omnem æ-  
ternitatem cor meum, millesies, Christiformiter,  
Marianè, omnistudionaliter offerre, in holocaustum,  
super Aram amorosissimi cordis dulcissimi Jesu.

Potest hic apponi contra vanam gloriam in prote-  
stationibus ultima. Omnis gloriæ in Deum transfusio;  
ut *supr.*

§. III.

*Usus hujus Testamenti.*

Sicut tota vita nostra deberet esse continua dispo-  
silio ad bonam mortem, sic in continuo usu debe-  
ret esse hoc Testamentum animæ, quod est optimum  
dispositionum omnium. Cum tamen quotidie non va-  
cet formalibus illud semper proferre & recitare. Suf-  
ficit ratihabitio seu virtualis prolatio, quæ tali modo  
fieri potest; Scribe tibi hoc Testamentum in chartula  
aliqua vel continua vel divisa per actus, & illud sicut  
amuletum aliquod in capsula vel reliquiario ad collum  
appende, & quotidie in visitatione Venerabilis coram  
Venerabili, manu ad pectus & cor tuum hoc scriptum  
applica, cum hac protestatione & ratihabitione; Cupio  
dul-

dulcissime Jesu, omnes hos actus à me iterum iterum-  
que fieri, in æternum repeti & durare, cum omni effi-  
cacia & conatu, non solum quæ facti sunt, sed quo fie-  
ri possunt, ut tibi Domino meo æternaliter placere, &  
amore tuo ardere, imo & in amorem tuum converti,  
omnesque convertere possim.

Interim tamen, etiam vel semel in mense, vel semel  
in hebdomada illud formalibus verbis attentè, ferven-  
ter recitandum. Sicut etiam diebus SS. Patronorum, & in  
Ostava eorundem, ut sic magis excitetur & accenda-  
tur spiritus, vel etiam Testamentum animæ recitetur in  
diebus Patronorum, & protestationes superius positæ in  
Ostavis illorum.

## §. IV.

*Testamentum Religiosorum.*

**M**ultum prodest homini etiam quoad animam le-  
gitimum condere Testamentum, & sibi de tem-  
poralibus pro infinita æternitate providere. Videntur  
hac felicitate carere Religiosi, cum illis sit Jure Cano-  
nico prohibitum testari, Testamentaque eorum irrita  
esse. Cum Religiosus nec proprium habet, nec pro-  
priè est capax. Quid in hoc Societas Jesu singularis ha-  
beat, vide Suarez Tom. 4. de Relig. 4. c. 6.

Insunt tamen bona quædam Religiosis, quæ in  
nuncupatione votorum à se non alienarunt, de his justè  
& meritorie testari possunt. Cape praxin ex R. P.  
Daniele Pawlowski in locutione Dei ad cor Re-  
ligiosi.

Ego N. N. volo facere Testamentum ultimæ volun-  
tatis meæ, in omnem vitam, & mortem meam, & in  
æternitatem valiturum, ad majorem Dei mei gloriam,  
& re-

& recreandum gustum, cor, beneplacitumque divinum, ut consulam animæ meæ securitati, quam ex libera & beneplacente voluntate facere desidero, quantum mihi ô Sanctissima Trinitas, Deus meus, per gratiam tuam, & Domini mei Jesu Christi, pretiosissimæque ejus Parentis, & Sanctorum intercessione, licitum est.

Atque hic inprimis prævios actus huic Testamento accommodatos expedi, nempe actum Fidei, Spei, Charitatis, contritionis, gratiarum actionis pro beneficiis totius vitæ, Resignationis in omnem DEI voluntatem, desiderii videndi Sanctissimam Trinitatem, affectus erga B. V. &c.

*Deinde ipsum Testamentum sic aggredere.*

**E**Go mi Deus amore tui, per gratiam tuam, spoliavi me omnibus bonis terrenis, omni substantia temporali, etiam sperata & concupitâ, spoliavi me omni honore mundano & capacitate ipsius, omnibus voluptatibus etiam per jus naturæ licitis, omni demum libertate propria ad faciendum quod liberet meæ voluntati. Hic igitur jam pridem in sancto sinu tuo depositis, quæ mihi residua sunt, ex dono tuo, de his juxta beneplacitum tuum dispono.

1. Esse Physicum corporis & animæ meæ, trado omnium Creatrici omnipotentæ tuæ, & protestor te esse primum Principium rerum omnium. Parce, si in primo usu rationis, ad te non sum conversus.

2. Jus extremæ necessitatis defendendi vitam meam, trado suavissimæ Providentiæ tuæ, & protestor te esse Dominum vitæ & necis, subdoque me tibi ad omne genus mortis.

3. In annihilabilitatem per potentiam ordinariam, tam materiæ quam animæ meæ, trado Divinæ immortalitati tuæ, & protestor me nolle esse, nisi propter te, ut amem te.



4. Potentiam obedientialem meam, trado effectum miraculorum potentia tua, & protestor te Authorem omnium supernaturalium esse.

5. Alias tam corporis quam animae potentias, trado virtuti & potentiae humanitatis Christi, cui Unionem Hypostaticam gratulor.

6. Virtutes & habitus naturales in anima residentes, trado Aeternae Sapientiae tuae, eique me in aeternum discipulum devoveo.

7. Passiones omnes & propassiones meas, trado inclinatissimae in genus humanum propensioni tuae, cui in aeternum adhareo.

8. Libertatem illam absolutam, quam hoc momento maximus peccatorum esse, ipsumque Luciferum adquire possim, subdo eminentissimae libertati tuae, me in aeternum demancio.

9. Famam & honores omnes, si qui mihi aliquo jure debentur, trado in primis supremae Dignitati tuae, deinde linguis & vilipensionibus, obrectationibusque hominum, ita, ut nec post mortem ab hac obligatione exim velim.

10. Merita omnia si quae habeo in Religione, ratione laborum meorum, trado Religioni meae, nec ab eis quidquam volo, nisi ut me tractet tanquam mancipium, & me inutile pondus post mortem in sterquilina sepeliat.

11. Gratias omnes à te mihi collatas, & habitus omnes supernaturales in anima residentes, trado & depono in manibus beatissimae Dei Matris, protestorque, me per manus ejus omnia accepisse, & haec est aeterna protestatio mea.

12. Virtutes omnes supernaturales & acquisitas, si quae sunt, trado infinitae Bonitati tuae, & pero, ut tandem consumat omnem malitiam meam.

13. Fructum adoratorium & gratiarum actorum, omnium actionum mearum, trado eminentissimæ Majestati tuæ, ad subdendos tibi omnes infideles & hæreticos.

14. Fructum impetratorium omnium actionum & passionum mearum, trado misericordiæ tuæ, pro existentibus in peccato mortali, & pro agonizantibus.

14. Fructum omnem satisfactorium tam mearum omnium actionum & passionum quam alienarum, in vita & post mortem ad me spectantem, trado animabus Purgatorii, plenè & totaliter.

Sic me nudum, exspoliatumque in mero nihilo meo, coram te statuo. Et sic te solo contentus, mori volo, agonem meum agoni Christi unio.

Sic me ex hac vita transfer, & misericordissimè fac me omne id quod vis, Amen.

§. V.

*Testamentum de Substantia acquisita.*

**O**ptimè dixit S. Ambr. de Domino Deo nostro: *Bonum Dominum habemus.* Certe bonum, quia ut misericordissimus Paternobis filiis suis providet, ut habeamus sufficientem victum & amictum, & præterea etiam ultra necessitatem ad exhilarationem. Insuper adhuc, ut nobis felicem, abundantem, & superabundantem æternitatem, ex temporali substantia facere possimus, hocque per ultimam voluntatem, seu ut communiter termino dicitur, ultimo Testamento. Tamen non unâ sed plurimâ experientiâ constat, non tantum nostris his miseris temporibus, sed multo ante nos, plurima Testamenta, licet optimè & providè formata, claudicasse, & penitus cecidisse. Unde securius est, & pro

unicuique provide placebit monitum illud S. Jacobo-  
 ni: Fac bonum omnibus, quamdiu poteris. Optimum  
 Testamentum, quando ipsemet condens Testamentum  
 executorem agit. Si enim tu ipse tibi fueris nequam, quis  
 tibi bonus erit? Si tu ipsemet nunc per largitionem bo-  
 norum tuorum, (in quantum fas est) tibi non provide-  
 ris? putasne alterum tibi fideliores futurum? Si nunc ut  
 putas difficultates occurrunt, ne possis bonam inimplere  
 voluntatem tuam, multo plures post mortem invenien-  
 tur tuam. Ubi adhuc requiritur Approbatio Testamen-  
 ti, Sumptus ad illam, Testes, &c. quæ tu certe (corpore ut  
 truncus in mundo jacens, & animâ à terrenis jam abstra-  
 ctus) non promovebis. Mibi semper placuit industria  
 cujusdam Coalumni mei Brunsbergens. qui promotus  
 ad Beneficium sat bonum in Episcopatu Varmieni,  
 hausto quoque Spiritu bono in Alumnatu. Mox ab ini-  
 tio cogitare cepit annos æternos. Intentioni ac Consti-  
 tutioni Ecclesiæ S. Romanæ, (ut filius obedientiæ) sa-  
 tisfacere conabatur. Ne itaque ejus proventus in dire-  
 ptionem post fata ejus irent, aut occasio contentionum  
 rapinarumque essent, consequenter ne fraudaretur tam  
 ejus intentio, quàm pauperum egestas, hac industria  
 usus; Invitavit ad se religiosos Patres Bernardinos,  
 post ambages quæsiivit, num indigerent aliquo subsidio  
 pecuniario? Et si egerent, utrum sub iusta conditione  
 vellent certam summam sumere? Condicio autem talis;  
 Ego sum, qui cogito vobis certam summam proventu-  
 rum meorum per modum ultimæ voluntatis manibus  
 meis propriis numerare, tali modo; Si fortuna verte-  
 retur in non fortunam, & aliquo modo necesse haberem  
 aliquando subsidio, tunc subvenietis mihi, vel totâ sum-  
 mâ, vel proportionatâ ad necessitatem meam. Hac  
 stante fortuna, recognitionem unâ cum pecuniis dare  
 sum paratus, quod modo sponte, libere, benevolè, fa-

nus mente & corpore, vobis hanc summam donem. Stipulatio facta, libelli traditi. Certè industria, ut puto non mala, sic sibi providere, etiam ante mortem habere suffragatores, ne post mortem cogatur mendicare suffragia. Præterea nunc de suo dat, post mortem quasi jam non de suo datur. Non enim habet post mortem, cum dominium substantiæ suæ cessaverit, cum non possit jam post mortem disponere. Cui placet, sequi potest, mihi verè placet hæc industria, tanquam segura & certa.

§. VI.

*Alia praxes pro felici morte.*

**R**UDUS P. Daniel Pawlowski Soc. Jesu, in libello suo intitulo; Locutio Dei ad cor Religiosi. Religiosis modum tempestivæ Præparationis ad mortem, (qui etiam cæteris paribus Clero sæculari congruit) tallem præscribit. Formalia ejus pono;

I. Habeat Religiosus singularem affectum erga pretiosissimam Dei Matrem, quotidieque eam peculiari cultu veneretur, ad impetrandam per eam felicem mortem, potissimum vero, quotiescunque eam salutat, cum reflexione & affectu proferat illa verba: Sancta Maria Mater Dei, ora pro nobis peccatoribus, nunc, & in hora mortis nostræ. Cultum hunc Matris Dei, esse solatio in morte, probavit P. Joannes à Campis Montensis Deiparæ devotissimus, ejus enim rosarium perpetuòolvebat manibus, ejusdem officium quotidie, cum psalmis qui literis sanctissimi ejus nominis respondent, recitabat. Singulis Sabbathis, ad Novitios cum quibus diu habitavit, se conferebat, eisq; historiam aliquam de Deipara narrabat; Annuæ Prov. Belg. Coll. Torn. 1601. Ille ergo sub mortem, insueta lætitia perfusus, Pa-



582 *DIURNALE SACERDOTUM.*

tri cuidam dixit; Omi Pater, si noſſes , quantum in morte adferat ſolatum , Deiparam ſingulari ſtudio coluiſſe. Nec morti ſolum noſtræ favet Parens vitæ , ſed etiam poſt mortem curam noſtri gerit: Apparens enim Patri Hieronymo Cavalio dixit, ſe magnam gerere curam pro hominibus ſocietatis vita functis , ut è Purgatorio liberentur P. Niremb. de Amore B. V. c. 12.

2. Deligat Religioſus aliquod tempus ſingulis hebdomadis, e. g. die Dominico , vel alio Feſto , quo non interveniunt complures occupationes , & eo tempore ſegregatus ab omni converſatione , in templo , vel alio loco, ita ſecum diſquirat. Si mihi nunc moriendum eſſet, quo animo, qua præparatione morerer, eſtne aliquid quod tunc conſcientiam gravaret, aut terreret, & ſi quid ejusmodi repererit, doleat, emendationem proponat, & pro confeſſione non differenda annotet.

3. Singulas ſacras Communiones, per modum viatici ſumat , & cum eis actibus, quos ſumendo viaticum exerceret, quis enim nos melius ad adventum Judicis noſtri in morte præparare poteſt, quam ipſe Judex, qui nunc eſt cibus noſter, & quem qui manducat, vivet in æternum.

4. Quales virtutum actus exerceri ſolent cum moribundis, & quales in extremo agone dicere vellet, eorum in vita habitum contrahat, tales ſunt, Actus Fidei, Spei, Charitatis, contritionis, fiduciæ erga B. V. Reſignationes in Divinam voluntatem , deſiderii videndi Deum &c. In his igitur actibus frequentandis , habitum in vita contrahat, fietque, ut ei morienti, actus iidem in mentem recurrant , ſicut enim umbra reſpondet rebus, quarum eſt umbra, ita actus mortis cor-  
reſpondent actibus vitæ, & ſicut percutitur hac animad-  
ver-

verſ  
vive  
miat  
vens  
Dei.

5.  
etiam  
lat, ius  
ſit S.  
prius  
inſcr  
omn  
ciet.  
annu  
rem,  
bat, o  
dem  
torii.  
ſperi  
ſociet  
eiſcum  
N. N.  
nis to  
torii)

6.  
ligioſ  
merio  
Pare  
tiunc  
me ,  
ma ,  
offer  
mi!

versione peccator , ut moriens obliviscatur sui, qui vivens oblitus est Dei , ita hac misericordia præmiatur justus , ut moriens recordetur Dei , qui vivens oblitus est sui, ut esset per frequentes actus memor Dei.

5. Præter pretiosissimam Dei Matrem , eliget alios etiam Patronos mortis suæ, quos eo fine quotidie colat, iisque mortem suam commendet. Ex his Patronis sit S. Michael Archangelus, & S. Angelus Custos proprius, in cujus honorem destinet, aeternoque jure illis inscribat , (salva inscriptione animabus Purgatorii) omnes actus amoris Dei, quoscunque tota vita eliciat. Præterea, quotidie eos invocet. Iisdem Patronis annumeret specialiter S. Barbaram Virginem & Martyrem, in cujus honorem, destinet & pleno jure ei inscribat, omnes sacras Communiones totius vitæ, salvâ iisdem inscriptione fructus satisfactorii, animabus Purgatorii. Præterea, quotidie invocet illam, manè & vespere. Adlegat insuper sibi in Patronos mortis Filii societatis , Sanctos Soc. nempe S. Ignatium , S. Franciscum, utrumque B. Stanislaum , B. Aloysium , alios N.N. in quorum honorem, omnes actus mortificationis totius vitæ destinet, (salvo jure animarum Purgatorii) & quotidie singulariter eos invocet.

6. Ad Dominum Jesum agonizantem in cruce Religiosus peculiariter sit devotus, quotidieque tempore meridiano, ad pulsus, qui solet dari pro salutanda Dei Parente , salutationibus angelicis adjiciat hanc orationunculam : Jesu mi , Jesu mi agonizans in cruce pro me , momento agonizæ & mortis tuæ pretiosissimæ, momentum agonizæ & mortis meæ dedico, offero , unio , sit mors tua vita mea ô JESU mi!

7. Quotidie conferens se ad fomnum, instituat Religiosus praxin mortis usitatam olim P. Gaspari Druzbecki, vitam cœlestem planè in terris ducenti Praxi est ejusmodi; 1. Decumbe in lecto, veluti amplius ex eo non surrecturus. 2. Toti mundo rebusque ejus valedic. 3. Testamentum spirituale ratifica. 4. Sanctissimum Eucharistiæ Sacramentum, atque extremam Unctionem spiritualiter sume. 5. Elicias breviter actus, quos in morte velles elicere. Credo, spero, amo super omnia, doleo ex amore tui. Condone omnibus inimicis meis omnia; Fiat voluntas tua, desidero videre te. 6. Agonizanti in cruce Christo, instantique mortis ejus, & pretiosissimæ Parentis ejus, omniumque Electorum, instans mortis tuæ commenda & uni. 7. In manus Sanctissimæ Trinitatis, Jesu Christi, B. Virginis, omniumque Electorum spiritum tuum trade. 8. Ultimo veluti anhelitu nomina *Jesus & Maria* ingemina, sicque obdormi.

8. Peculiariter Religiosus sit addictus disponendi moribundos, non patietur enim Deus malè mori cum, qui aliis ad bene moriendum præsuit, interdumque Deus hoc studio post mortem punit, defectum zeli circa animas in vita commissum, quod tali historia comprobatur P. Jacobus Hausinus lib. de Commun. generali par. & sect. 8. Sacerdos quidam Societatis nostræ, præbuit se videndum post obitum suum alteri ejusdem Soc. Sacerdoti, viro gravissimo, religiosissimoque, & narravit inter alia, ex quo esset è Purgatorii supplicii emissus, varias urbes & provincias sibi esse lustrandas, quod vivens zelum exercuisset remissius; atque ita tutelarium Angelorum ritum, jussu se moribundis assistere. Retulit hoc P. Florentius Montmorencius, qui cum eo tempore ageret

Provincialem, de tota re edoctus est, per literas ab eo Patre, cui mortuus apparuerat.

9. Agonizantium memor sit Religiosus quotidie, & pro iis oret, quotiescunque dicit; Fidelium animæ per misericordiam Dei requiescant in pace, conjungatque semper orationem pro animabus in Purgatorio, orationi pro agonizantibus, ex quorum momento pendet eorundem æternitas, & qui sunt auxilio suffragiorum egentissimi, qui autem intelligit super egenum & pauperem, in die mala, in die malæ mortis, liberabit eum Dominus. Hæc R. P. Pawlowski.

### §. VII.

#### *Adhuc aliæ Praxes pro felici morte.*

**C**Ape etiam aliam praxin ex bona nocte à me edita, distributam per tria tempora, nimirum Sanitatis, Infirmitatis & Agonis. Cum pauca exemplaria in lucem exierint, etiam hic pono.

*Tempore itaque Sanitatis* 1. Quolibet die memor esto dici mortis, nescis enim quo die aut hora ventura sit mors. Opportunum autem tempus revocandi sibi tempus mortis, dum cubitum vadis, somnus enim imago mortis; Ad lectum ad lethum. Itaque jacendo in lecto, compositis manibus, pone te ut ponendus supra feretrum, imaginare tibi illud tempus, recogitando: Si modo obiissem, & nunc sic supra feretrum jacerem, in quo statu nunc anima mea esset, num in cælo, an in inferno. Si es in malo statu,



dole de illo, & gratias agas Deo tuo, quod te nondum projecerit à facie sua in æternam damnationem, agnosce misericordiam ejus, & quantocyus conare per contritionem & confessionem, ut cum Deo tuo sis in gratia. Ne differas de die in diem (inquit Sapiens) subito enim veniet ira illius.

2. Concordi voce dicunt Theologi, judicii particularis sedem illic esse, ubi quisque moritur. Ita idem & mortis & judicii locus est. Quoniam vero mors ut plurimum in cubiculo, seu conclavi, & in lecto nos invadit, traditque Judici, utilissimum prorsus, etiam interdiu, si domi suæ in suo quis cubiculo Tribunal sibi cogitatione fabricet, se ipsum sic exhortando; En hic meus in me Judex sedebit, hic tutelaris Angelus, hic accusator Diabolus stabit, hic ego jacens & prostratus sententiam irrevocabilem excipiam, hic judicabor, hic ego intelligam inter quos æternitate tota victurus sum. Quocirca, quotidie (sic statuo) Tribunal hoc mihi, meæque causæ constructum, studiosissime contemplantur, ne unquam judicii hujus immemor, in vitia desectam, atque judicem imparatus veniam & iniqua causa laborem.

3. Quodcumque vis agere, confer cum puncto mortis, num tum placeret hoc præsens egisse, si placeret fac nunc, sin minus, relinque. Optabis enim in puncto mortis, ut nunquam aliquid mali commisisses, sed ut quam plurima bona egisses. Declinataque in vita malum, & fac bonum, & non habebis in morte quod doleas.

4. Quotiescunq; mortuo pulsabitur, revocat tibi tempus illud, quo tibi pulsabitur. Et si datur occasio, flexis genibus dic 5. Pater noster; & Ave ad S. vulnera Christi

sti Domini , ut per eadem tibi concedat felicem agone-  
nem.

5. Dum meridie Ave Maria (ut vocant) pulsant, re-  
voca tibi agonizantem Jesum in cruce, condoleas ipsi,  
& roga eum, ut tibi agonizanti adsit in solatium, si es  
tanti, da aliquam elemosynam eo tempore in hunc  
finem, vel si pauper deest, illam depone, postea pau-  
peri reddendam.

6. Fac nunc proposita pro agone , & illa in charta  
annota. Vide supra de Testamento animæ, & Ufu  
ejusdem.

7. In Festo corporis Christi, quolibet anno fac ge-  
neralem Confessionem totius anni, & communica ad  
hanc intentionem, ne Deus te permittat mori sine  
viatico. Sic enim canit S. Ecclesia. Sic nos, nos tu  
visita, sicut te colimus. Cole Deum tuum in venera-  
bili Sacramento, & ille te quoque visitabit in Venera-  
bili, tempore necessitatis.

8. Ut tibi revoces quotidie horam mortis, imagi-  
nare tibi extremam Unctionem, & per modum illius, ut  
misericordiam Dei consequaris & impetres, vesperi  
eundo cubitum, forma crucem pollice supra fron-  
tem, dicendo: Per istam † S. Crucem & suam piissi-  
mam misericordiam, indulgeat mihi Dominus. Quæ-  
cunque deliqui per liberum arbitrium, per memo-  
riam, intellectum & voluntatem, Amen. Dein-  
de signando oculos, dic; Per istam † S. Crucem, &  
suam &c. Quæcunque per visum deliqui, Amen. Si-  
gnando aures. Per istam † S. Crucem & suam &c.  
Quæcunque per auditum deliqui, Amen. Ad nares. Per  
istam † S. Crucem & suam &c. Quæcunque per odora-  
tum deliqui, Amen. Ad labia, per istam † S. Crucem &c.  
Quæcunque per gustum & locutionem deliqui, Amen.

Ad

Ad manus. Per istam † S. Crucem &c. quæcunque deliqui per tactum, Amen. Ad lumbos. Per istam † S. Crucem &c. quæcunque per lumborum delectationem deliqui, Amen. Ad pedes, per istam † S. Crucem &c. quæcunque per gressum deliqui, Amen. Sic solebat facere P. Wolfgangus Grauenegus Socius JESU.

*Tempore Infirmittatis.* 1. Cum te Deus infirmittate visitaverit, cave inprimis, ne ulli alteri infirmittatem tuam adscribas, vel beneficio, vel inimico tuo, sed propriis peccatis tuis illam adscribe, & Deo tuo gratia-ge, quod te hic puniat. Unde

2. Sis patiens ut bonus filius, qui virgam, quâ a parente percussus osculatur. Sic peramanter suscipe mortuum de manu dulcissimi tui Patris, cum te misericorditer & verè paternè puniat, non in tantum, quantum meruisti. Unde dic cum S. Aug. Hic cure, hic seca, dummodo in æternum parcas.

3. Totum te committe voluntati Divinæ, nec conqueraris de doloribus aut de diuturnitate. Scit enim Dilectus tuus, qui, & quam diuturni dolores tibi profint. Sape in die unias dolores tuos cum doloribus Sponsæ animæ tuæ, dum penderet in cruce pro te. Vedic: Nonne tu mihi sufficis Deus meus, ut ne de minima quidem re conquerar? aliud nolo, tu solus Deus meus es unicum solatium meum. Vel, Domine Jesu, quidquid vis, quantum vis, quamdiu vis, quomodo vis ego volo, fiat voluntas tua.

4. Dum medicinâ uteris, noli conqueri de ejus amaritudine, sed ex virtute obedientiæ, quia medicus jubet, illam hilariter sume, & revoca tibi in mentem illud

illud acetum cum felle mixtum, quod Jesus tuus pro salute tua bibit.

5. Quamprimum confitearis sincerè & integrè, ut per infirmitatem tuam sis in gratia Dei, & sic per dolores & patientiam tuam quam plurimum pro cœlo lucreris: poteris etiam rogare Confessarium, ut tibi dolores infirmitatis tuæ assignet pro pœnitentia. Quia sic ad Sacramentum elevati, maximi valoris erunt apud Deum.

6. Affectum ab illo, quod tibi causa vel ansa ad peccatum fuit, tempestivè eradica, in quantum possibile, & mentem & oculos averte, ne postea in agone peareas.

7. Toto tempore infirmitatis ad agonem te dispone, cogitando, quomodo, quam optimè miseram hanc vitam finias, quid tibi agendum aut fugiendum, ad quod plurimum valebit lectio sacra, si ipsemet legere non vales, cura ab alio tibi quid spirituale prælegi.

8. Dum dolores crescunt & quasi intolerabiles videntur, dic: Domine, tu me percutere. Ego autem interea pro more Flagellatorum. Miserere mei Deus, dicam. Vel, Domine, da mihi modò patientiam, postea indulgentiam.

9. Tempestivè sacrâ Unctione te munias.

10. Pro extremis nunc jam sic dispone: In extremis meis angustiis, in supræma & ultima vitæ meæ horula, cum animæ meæ jamjam erit è veteri suo tabernaculo migrandum, hoc ipsum pro me clamare volo singulas respiraciones meas: imo jam superstes & sanus deliberatissimè & ardentissimè volo, & jubeo, ut in ipso mortis meæ momento, aut proximo ante illud tempore, singultiens spiritus meus, tam Angelis quam homi-



hominibus, vel singultiendo, significet se ad te o Deus clamare, neque vero aliud, quam miserere mei Deus secundum magnam misericordiam tuam.

Tempore agonis. Hic te militem Christianum, fratre membrum Christi, & filium S. Romanæ Ecclesiæ Catholicæ ostende. Itaque

1. Dum jam sentis tela mortis in te dirigi, & tibi configendum, pugnandumque cum hoste animæ tuæ, de æterna felicitate, quam optime te munias, & quidem quidquid minimum conscientiam tuam affligere potest in agone, tempestivè evome, & sanctis Clavibus Ecclesiæ per Confessarium tuum committe.

2. Fac propositum te sæpissimè (etiam destitutus sensibus exterioribus) velle elicere actum Contritionis de peccatis. Unde nunc pro tunc, si adhuc potes, dic: Mi Deus, ex toto corde meo doleo, ex toto corde meo pare propter te, quod aliquando te Deum meum offenderim. Hunc actum, quotiescunque halitus emiseris usque ad ultimum punctum vitæ meæ, integerrimè valere volo. Roga itaque Confessarium, ut vi actus istius, sæpissimè super te formam absolutionis proferat. Cum enim sis fragilis homo, potest contingere, ut in conflictu saltem aliquo delinquas, & sic per absolutionem sacram evades poenam æternam.

3. Procura, ut te agonizantem sæpe aqua benedicta aspergat.

4. Testamentum animæ, seu proposita quæ ad collum portasti, dent tibi in manus, & renova protestationem quotidianam, si non potes ore, saltem corde. Cupio mi Deus, hos actus à me &c. &c. ut sup. de Usu Testamenti. Adde: Et cum his nunc mori volo. Roga adstantes, ut hoc Testamentum tuum scriptum tibi post mortem dent in manus, & tecum sepeliant.

5. Sug-

5. Suggestionibus Diaboli nunquam attende , sed mentem tuam occupa piis affectibus & aëtibz contritionis, ut infra.

6. Si te Diabolus tentaverit vanâ gloria, confunde-  
re coram Deo , quod cum Deus tibi tot occasiones  
merendi dederit, tu illis tam tepidè usus fueris , conse-  
quenter redditurus rationem. Si è contra te despera-  
tione tentaverit; Considera Jesum tuum te copiosissi-  
mè redemisse , & ideo illum passum & mortuum , ne  
peccatores perirent. Paratæ sunt manus Jesu pœni-  
tentes peccatores suscipere, recurrere ad illas, non reji-  
cient te.

7. Totum cor tuum effunde coram Jesu tuo. Mi  
Jesu, quando venies, me lætum quando facies , me de  
te quando saties. Ah ! millicies moriar mi Jesu, dum mo-  
do amplexu tuo fruar. Cupio, ah ! mi Jesu cupio, cupio  
dissolvi & esse tecum. Veni Jesu mi dilectissime, spon-  
se animæ meæ, veni, & noli tardare. O felix hora, quæ  
me reddet Jesu meo æternum felicem.

8. Accipe effigiem Christi crucifixi, & S. Jesu Christi  
Redemptoris tui vulnera osculare, incipiendo à pedi-  
bus sacris, ad quorum osculum talem elice actum. Ah  
mi Jesu ! Ego crudelis bestia, jaceo ad pedes tuos sa-  
cratissimos , norunt illi calcare serpentes & basiliscos,  
ut lethale ejciant venenum , conterant malitiam  
meam, scio peccatricem illam felicem Magdalenam ad  
hos pedes remissionem peccatorum suorum invenisse.  
Non quæro jam hos divinissimos pedes inter epu-  
las uti illa , sed inter clavos, in cruce pro me miserrimo  
peccatore affixos (osculare pedes Jesu) ô quis  
mihi det lachrymas compunctionis ad abluen-  
dum eos ; O quam durus sum ad lachrymas ,  
Cu

Cupio interea sanguine dulcissimorum horum pedum ablui. (Denuo osculare pedes Jesu, cum summa contritione. Ah! utinam amœnam illam vocem audiam à te, JESU meo: Remittuntur tibi peccata tua. Non dimittam pedes hos dulcissimos, nisi benedixeris mihi dulcissime JESU. *Osculando vulnus sanctissima manus sinistra*, dic; Agnosco mi JESU, & hoc vulnus te pro me passum. Ah! utinam mihi non sit in damnationem, ut illi latroni infelicissimo. Respice sanguinem defluentem de hac manu tua benedicta, sit hic lytrum animæ meæ, utique descripsi me in manibus tuis. Ah! non delear, ne peream, unicam guttulam pretiosissimi sanguinis tui de hoc vulnere rogo super animam meam peccatricem, & delebit mille iniquitates meas, salvaque erit anima mea. Huic sacratissimo vulneri pro ultimo vale ex amore tui commendo omnes inimicos & persecutores meos, qui me unquam in aliquo læserunt, contristaverunt, aut vituperaverunt, vel aliquod damnum & gravamen inculerunt, parco illis, ut & mihi indignissimo peccatori parco. *Ad osculum dextræ manus*. Salve dulcissimum vulnus, ad quod latro invenit paradysum. Promisi tui latroni tecum patienti paradysum. En ego latro. Ego Deicida, eheu! quoties te peccatis meis denuo crucifixi? Ah! nunc doleo ex toto corde. Utinam nunquam te offendifsem, ô misericordissime Jesu, audiam nunc benedictam vocem tuam: Hodie mecum eris in paradiso. Tu utique es Pastor ille bonus, qui venisti quære errantes oviculas. En ego erravi sicut ovis, recipe me errantem oviculam revertentem ad te. En ego ovicula illa, quam usque ad sanguinem quæsiisti. Ah! recipe me, peccavi Pater mi dulcissime, peccavi super numerum arenæ maris. Major est tamen misericordia tua, quam iniquitas mea, testantur hoc vulnera tua.

Licet

Licet ego perdiderim quæ filii sunt, tu tamen non perdidisti, ideo quæ Patris sunt. Respice amantissime Pater me egenum & miserrimum indignissimumque ac prodigum Filium tuum. Parce Jesu mihi delinquenti. Redemisti me utique crucem passus, tantus labor non sit cassus. Fac mecum nunc donum remissionis ante diem rationis. Ah! ingemisco tanquam reus, supplicanti parce, ô parce mi Deus. Quantus quantus sum mi Jesu, utique tuus sum, ne peream, parce.

*Ad osculum lateris sancti.* Aperi mi DOMINE, aperi mihi latus tuum & cor Divinum lancea apertum, ut Principes tenebrarum non occurrant mihi, nec me conturbent potestates aëris hujus, sed hoc sanctum vulnus tuum protegat me, & potentia tua defendat me. O dulce latibulum peccatorum. O JESU mi, suscipe animulam meam in cor tuum, lateat donec pertranseat furor tuus. O mi Jesu, si tu me rejeceris ab hoc vulnere, quo fugiam? hoc utique est vulnus amoris, & abundantis misericordiæ. En ego nunc miserrimus, ostende mihi misericordiam tuam, & salvus ero. Miserere mei Domine Jesu, dum tempus est miserendi, ne damnes me in tempore judicandi. O Jesu mi! dimitte me intrare in numerum Electorum tuorum. O Jesu Dulcissime! remissio omnium peccatorum. O Jesu! solatium ad te confugientium & morientium, Tu solus unicum solatium animæ meæ, respicias in me miserum & indignum humiliter veniam petentem, & hoc nomen sanctum Jesu invocantem, & ad cor tuum dulce, amore vulneratum appellentem. Etto mihi Jesus & salva me, nec permittas me damnari, quem de nihilo creasti, & tam carò redemisti. Non pereat sanguis tuus pro me tam copiose effusus, secundum magnam

R r

miseri-

Licet



misericordiam tuam miserere mei. Ah JESU mi! voca me ut videam te, & in æternum potiar te. O bone JESU exaudi me, intra vulnera tua absconde me, ne permittas me separari à te. Ab hoste maligno defende me, nunc in hora mortis meæ voca me, & jube me venire ad te, ut cum Sanctis tuis & Electis tuis laudem te in sæcula sæculorum, Amen, Amen, Amen.


Ad majorem DEI Gloriam, beatissimæque Virginis Mariæ immaculatæ conceptæ Honorem.



mi! vo-  
O bo-  
nde me,  
igno de-  
& jube  
Etis tuis  
Amen,

atissi-  
na-

—o—o—o—



## Elenchus Capitulorum & Paragraphorum hujus Opusculi.

P Ræambulum	pag. 1.
Præparatio remota ad Sacerdotium	ibid.
Præparatio proxima ad Sacerdotium	2

### PARS I.

#### CAPUT I.

<i>Modus surgendi ex virtute Humilitatis</i>	5
Aliusmodus p. m. R. P. Gasparis Druzicki Soc. Je- su ex MS.	6
Aliusmodus	16

#### CAPUT II.

<i>Modus visitandi venerabile Sacramentum manè</i>	19
§. 1. Oblatio gressuum ad visitandum	ibid.
2. Ipsum iter	20
3. Ipsa visitatio	20. & seq.
4. Modus dicendi coronas parvas	30
5. Coronulæ parvæ manè	31
6. Recessus à Venerabili	ibid.
R r 2	Ca-

Elen-

# I N D E X.

## CAPUT III.

### *Meditatio*

	pag. 35
§. 1. Praxis meditationis	43
2. Meditatio de beneficiis Divinis	36
3. Meditatio de Sanctis	37
4. Meditatio de virtute aut vitio	ibid.
5. Meditatio de actione aliqua ordinaria	ibid.
6. Obstacles devotionis in meditatione, & quomodo amovenda	38
7. Distractio in meditationibus, unde	39
8. Remedia distractionum	41
9. Cause ariditatum	44
10. Remedia ariditatum	45
11. Finis meditationum	47
12. Regule meditationis cum fructu instituendæ	ibid.

## CAPUT IV.

### *Officium Divinum*

	50
§. 1. Modus primus officium Divinum devotè recitandi	ibid.
2. In ipso officio recitando observanda	56
3. Post officium Divinum	57
4. Consuetudines horarum Canonicarum R. P. Gasparis Druzbicki p. m. ex Manuscriptis	58
5. Alius modus devotè recitandi officium Divinum	78
6. Modus dicendi Psalmos pœnitentiales	87
7. Modus dicendi officium Defunctorum	88

## CAPUT V.

### *Confessio faciendæ*

	89
§. 1. Dis-	

# I N D E X.

§. I. Dispositio ad Confessionem	pag. 89
2. Ipsa Confessio	91

## CAPUT VI.

<i>Exceptio Confessionum</i>	92
§. I. Invocatio auxilii	93
2. Ipsa auditio	96
3. Propositum in pœnitente	97
4. Contritio in pœnitente	98
5. Reprehensio	ibid.
6. Pœnitentiæ	99
7. Vitia extirpanda	ibid.
8. Profectus in virtutibus	100
9. Finis Confessionis	ibid.
10. Post auditas Confessiones	101
11. Alii actus post auditas Confessiones ex R. P.	
Młodzianowski Soc. Jesu	102
12. Sigillum Confessionis	103

## CAPUT VII.

<i>Auditio Confessionis sagarum</i>	105
§. I. Casus sagarum	107
2. Num sagis deneganda Communio	108

## CAPUT VIII.

<i>Sacrificium Missæ</i>	110
§. I. Dispositio pro Sacro R. P. Gasparis Druzbecki	
Soc. Jesu	ibid.
2. In Sacro	115
3. Idem modus abbreviatus & parum mutatus	134
4. Post Sacrum	142
5. Brevior modus gratias agendi post Missam	147
6. Coronulæ post Missam	149
7. Recessus à Sacro	ibid.



## I N D E X.

- §. 8. Modus distribuendi fructus sacrificii Missæ &  
actionum in eo intervenientium pag. 149  
9. Quæ intentiones in quolibet Missæ sacrificio ha-  
beri à Sacerdote debeant 153  
10. Formula faciendi; Memento ante Sacrum 170

### CAPUT IX.

*Præx quadruplicis intentionis secundum quadrupli-  
cem Sacrificii finem p. m. R. P. Gasparis Dru-  
bicki, ex MS.* 176

- §. 1. Sacrum annuum vel menstruum pro Societate  
Jesu ibid.  
2. Sacrum annuum vel menstruum pro Fundato-  
re domus, Religionis vel Benefactoribus 179  
3. Sacrum menstruum pro Regionibus Septen-  
trionalibus, & hæreticorum reductione 181  
4. Sacrum menstruum pro Indiis & Gentium  
conversione 185  
5. Sacrum Hebdomadarium ad intentionem P.  
Generalis 188  
6. Sacrum Hebdomadarium pro mortuis de Re-  
ligione extra Provinciam 190  
7. Sacrum pro Defunctis intra Provinciam vel  
aliis quibuscunque 192  
8. Pro viventibus. Sacrum pro meipso 194 & seq.  
9. Sacrum pro vivente, cui totam latitudinem Sa-  
crificii applicat 199

### CAPUT X.

*Exercitium latreuticum & Eucharisticum divisum in  
solenniora Festa p. m. R. P. Gasparis Dru-  
bicki ex MS.* 200

- §. 1. Pro die beatissimæ Virginis conceptæ ac natæ  
ibid.  
2. Pro diebus Adventus Incarnationisque Divi-  
ni 211  
3. Pro

# I N D E X.

3. Pro diebus Jesu Christi incarnati, ut nos indivi- nemur	pag. 218
4. Die sacra Jesu Christo in mundum nascenti	227
5. Diebus sacris Jesu Christo patienti & morienti	245
6. Die sacra Jesu Christo resurgenti à mortuis	264
7. Die sacra Jesu Christo ad cœlos ascendenti	275
8. Die sacra Pentecostes	287
9. Die SS. Trinitatis	296
10. Die sacratissimi corporis Christi	309
11. Diebus Sabbathi	335

## CAPUT XI.

*Pii affectus in Festis Deiparæ inter sacrificandum u-  
surpandi*

§. 1. De Conceptione & Nativitate beatissimæ Vir- ginis	346 ibid.
2. Die Præsentationis B. Virginis	347
3. Die Annuntiationis B. Virginis MARIÆ	349
4. Die Visitationis B. Virginis MARIÆ	350
5. Die Purificationis integerrimæ Virginis MARIÆ	352
6. Die gloriosæ Assumptionis B. Virginis MARIÆ	353

## CAPUT XII.

*Alia Liturgica*

§. 1. Præparatio Missæ & Accessus	355 ibid.
2. Applicatio Sacri & Invitatio Christi	357
3. Accessus ad Sacrarium & Altare	361
4. Inchoatio Missæ usque ad Evangelium inclusivè	363
5. Credo, & alia ad Canonem inclusivè	368
6. Canon usque ad Pater noster	372
7. A Pater noster usque ad finem	378

## INDEX.

### CAPUT XIII.

*De quotidiana celebratione Missæ* pag. 387

- §. 1. Motiva ad celebrandum quotidie 388  
2. Objectiones contra quotidianam celebrationem  
Missæ 391

### CAPUT XIV.

*Unde sit, quod quidam quotidie celebrantes in spiritu  
nihil proficiant, ex Theologis rationes petita* 396

### CAPUT XV.

*Doctrina Theologorum circa ipsam Missæ celebrationem  
aut Communionem* 399

### CAPUT XVI.

- De Communione extra Sacrum* 406  
§. 1. Præparatio ad Communionem ibid.  
2. Gratiarum actio post Communionem 414  
3. Præparatio ad Communionem, maxime pro illis,  
qui non quotidie communicant aut celebrant 423

### CAPUT XVII.

*Modus distribuendi sacram Communionem* 424

### CAPUT XVIII.

*Auditio Missæ* 425

Ca-

# I N D E X.

## CAPUT XIX.

*Concio* pag. 430

## CAPUT XX.

*Modus baptizandi* 433

## CAPUT XXI.

*Prandium* 434

§.1. Dispositio ad prandium *ibid.*

2. Ipsum prandium seu refectio 435

§. Unicus. De Benefactoribus 442

## CAPUT XXII.

*Recreatio* 443

§. Unicus. Recreatio Religiosorum 446

# P A R S II.

## CAPUT I.

*Modus visitandi venerabile post prandium* 451

§.1. Oblatio gressuum *ibid.*

2. Ipsum iter *ibid.*

3. Ipsa in loco visitatio 452

4. Recessus à Venerabili 454

## CAPUT II.

*Lectio. libri spiritualis* 454

R r 5 CA-



CAPUT III.

*De Cultu S. Patronorum*

pag. 457

§. I. Patroni diurni

458

2. Ad Spiritum Sanctum pro donis ejus nunc per

7. dies hebdomadæ intimatis obtinendis

463

CAPUT IV.

*Devotiones singulorum dierum hebdomadis ex fundamento Humilitatis*

450

CAPUT V.

*Præxes sublimandarum actionum Passionumque nostrarum, ad modos à p. m. R. P. Gaspare Druzbicki postros, in negotiatione spirituali & Provisionibus senectutis factas, & in dies septimana dispositas*

460

§. I. Die Dominico & sequentibus Feriis

ibid.

2. Die Dominico & sequentibus Feriis secundo

466

3. Decem Actus singulis diebus exercendi

475

4. Postulationes quotidianæ

476

CAPUT VI.

*Protestationes semel aut sæpius in mense faciendæ*

479

CAPUT VII.

*Modus colendi voluntatem Divinam*

486

§. I. Modus desponsandi se voluntati Divinæ

487

2. Protestatio & plena conformatio sui ad voluntatem Dei

488

3. Oratio pro implenda Dei voluntate

489

4. Fœdus perpetuum humanæ voluntatis cum Divina

ibid.

5. Fœdus Amatorum crucifixi Jesu

492

# I N D E X.

## CAPUT VIII.

<i>Modus colendi Sapientiam Aeternam</i>	pag. 493
§. 1. Modus desponsandi se æternæ Sapientiæ	ibid.
2. Postulatio Sapientiæ à Deo	ibid.
3. Affectus ad æternam Sapientiam	494

## CAPUT IX.

<i>Modus colendi &amp; impetrandi gratiam Divinam</i>	497
§. 1. Modus projiciendi se in sinum gratiæ Dei	498
2. Confessio paupertatis & emendicatio gratiæ	ibid.
3. Oratio pro conservatione in Gratia	500
4. Canticum creaturæ Gratiæ exaltantis	501

## CAPUT X.

<i>Modus dicendi coronam beatissima Virginis</i>	502
--	-----

## CAPUT XI.

<i>Modus dicendi devotè Litanias B.V. Lauretanas</i>	506
--	-----

## CAPUT XII.

<i>Modus devotè recitandi Litanias de omnibus Sanctis</i>	510
---	-----

## CAPUT XIII.

<i>Praxis petendi à Domino DEO lucrum animarum</i>	
§. 1. Oratio S. Xaverii pro animabus convertendis	511
2. Actus Missionariorum euntium ad obsequium animarum, vel novi Parochi suscipientis beneficium	514
	515
	Ca.

# INDEX.

## CAPUT XIV.

*Modus itinerandi p. m. R. P. Gasparis Druzicki*

- |   |          |
|---|----------|
|   | pag. 516 |
| §.1. Ante susceptum iter                    | ibid.    |
| 2. In ipso itinere                          | 517      |
| 3. In fine suscepti itineris                | 518      |
| 4. Actus itineris R. P. Thomæ Młodzianowski | 520      |

## CAPUT XV.

*Actus externi variarum virtutum*

- |   |       |
|---|-------|
| §.1. Actus exercitii præsentia Dei                  | ibid. |
| 2. Actus puræ intentionis frequentandæ              | 522   |
| 3. Actus conformitatis voluntatis nostræ cum Divina | ibid. |
| 4. Actus Fidei                                      | 523   |
| 5. Actus Spei                                       | 524   |
| 6. Actus Charitatis in Deum                         | 527   |
| 7. Actus Charitatis in proximum                     | 529   |
| 8. Actus zeli animarum                              | 531   |
| 9. Actus Humilitatis                                | 532   |
| 10. Actus Patientia                                 | 536   |

# PARS III.

## CAPUT I.

*Modus visitandi Venerabile vesperi*

- |                           |       |
|---------------------------|-------|
| §.1. Oblatio gressuum     | ibid. |
| 2. Ipsum iter             | ibid. |
| 3. Ipsa visitatio in loco | 540   |
| 4. Recessus à Venerabili  | 542   |
|                           | CA-   |

# I N D E X.

## CAPUT II.

*Cæna*

pag. 543

## CAPUT III.

*Examen Conscientiæ*

543

§. 1. Modus absolvendi §. puncta vespertini Exami-  
nis

545

2. Alius modus Examinis vespertini

546

## CAPUT IV.

*De Adortificatione*

549

## CAPUT V.

*Somnus*

550

## CAPUT VI.

*Modus disponendi se ad somnum*

551

§. Unicus. Alius modus

555

## CAPUT VII.

*Dispositio Moribundorum*

560

§. 1. Dispositio remotior

ibid.

2. Propior dispositio Infirmi graviter jam periculosi

562

3. Proxima dispositio ad mortem Infirmi jam ago-  
nizantis

565

## CAPUT VIII.

*Præparatio pro se ipso ad bonam mortem.*

567

§. 1. Præ-



## I N D E X.

§. 1. Præparatio tempore Sanitatis	pag. 567
2. Testamentum animæ	570
3. Usus hujus Testamenti	575
4. Testamentum Religiosorum	576
5. Testamentum de substantia acquisita	579
6. Aliæ praxes pro felici morte	581
7. Adhuc aliæ praxes pro felici morte	585

FINIS.



pag. 567

570


575

576

579

581

585



Biblioteka Jagiellońska



stdr0029849





Handwritten text, likely a title or header, possibly containing the word "MUSEUM".

Main body of handwritten text, appearing to be a list or inventory of items, possibly related to a museum collection.



Heiser Mauritius Joannes

Diurnale sacerdotium  
seu modus quo  
dies naturalis à sacerdote digne  
ac meritorie absolvi possit

Landisci


Venduntur apud Simonem Beckenstien  
1681.

16°. 5k.n. — 594st. — 6k.n  
A-A<sub>5</sub> — R<sub>2</sub>-R<sub>5</sub>

Chr. pers.

Ursq:





Keiser Mauritius Joannes

Diurnale sacerdotum  
seu modus quo  
dies naturalis à sacerdote digne  
ac meritorie absolvi possit

Lantisci

Venduntur apud Simonem Beckenstein  
1681.

16°. 6k.n. — 594sk. — 6k.n.  
A-A<sub>5</sub> — R<sub>2</sub>-R<sub>5</sub>-

Opr. ferg.

Anaga: 1 crastina ad sk. 513 do 528 nie ofna-  
zione sy ma woin mieisen.

